



BIBLIOTHECA
VNI. MAG. GRACIENSIS

586893

Mag. St. On


1



586893

I

Mag. St. Dr.



E. 9

JURIS
ECCLESIASTICI
ANALYSIS.

PARS POSTERIOR.
JUS ECCLESIASTICUM PRIVATUM.

VRATISLAVIAE,
TYPIS UNIVERSITATIS 1796.

JURIS

ECCESTASII

A. M. D. C. L. I. I.

PARS PRIMA

IN ECCLESIA

LIBER PRIMUS

ORDO MATERIARUM.

CAPUT I.

JUS PRIVATUM CIRCA PERSONAS ET BENEFICIA ECCLESIASTICA.

Pag.

§. I. Requisita et impedimenta status et
ordinis clericalis I

§. II. Obligationes, honestas, et cœli-
batus Clericorum 28

(2

pag.

	Pag.
§. III. Privilegia Clericorum communia	39
§. IV. Sustentatio Clericorum, et beneficia in genere	43
§. V. Modi perveniendi ad beneficia ma- jora	53
§. VI. Modi perveniendi ad beneficia mi- nora	78
§. VII. Jura Pontificis circa beneficia vi Concordatorum Germaniæ	100
§. VIII. Provisio beneficiorum per primas preces	112
§. IX. Obligationes et jura cum obtento beneficio connexa	119
§. X. Renunciatio vel resignatio beneficio- rum	141
§. XI. Innovatio Beneficiorum	148

CAPUT II.

JUS PRIVATUM CIRCA RES SACRAS,
ET ECCLESIASTICAS.

	Pag.
§. I. De Sacramentis in genere	157
§. II. De Sacramentis in specie præter ma- trimonium	161
§. III. De matrimonio, ejusque impedi- mentis in genere	190
§. IV. De impedimentis matrimonii in spe- cie	201
§. V. Sponsalia, aliaque matrimonio præ- via	218
§. VI. Contractus matrimonialis adjuncta, effectus, judex, solutio, nuptiæ se- cundæ	227
§. VII. Sacramentalia, Liturgia	236
§. VIII. Dies festi, jejuni, ac vigiliarum	243

	Pag.
§. IX. Sanctorum, reliquiarum, imaginum cultus	254
§. X. Loca sacra et religiosa	259
§. XI. Bona Ecclesiastica, oblationes, primi- tiæ, decimæ	276
§. XII. Bonorum ecclesiasticorum adquisi- tio, administratio, alienatio	284

C A P U T III.

JUS PRIVATUM CIRCA JUDICIA EC- CLESIASTICA.

	Pag.
§. I. Judiciorum ecclesiasticorum genera- lia	290
§. II. Ea, quæ ante litis contestationem fi- unt	301

§. III.

§. III. Ea, quæ post litis contestationem fiunt	311
§. IV. Ea, quæ post litis decisionem fiunt	329

C A P U T IV.

JUS ECCLESIASTICUM CRIMINALE.

§. I. Judicium criminale	341
§. II Pœnæ Ecclesiasticæ . . .	352
§. III. Delicta ecclesiastica . . .	372



JURIS ECCLESIASTICI

P A R S II.

JUS ECCLESIASTICUM PRIVATUM.

CAPUT I.

JUS PRIVATUM CIRCA PERSONAS ET BENEFICIA ECCLESIASTICA.

§. I.

REQUISITA ET IMPEDIMENTA STATUS ET ORDINIS CLERICALIS.

I. Status Clericalis complexus est
jurium & obligationum Clericis propriorum,
qui ad sacrum ministerium & munia ecclesiasti-
ca depurati, Laicorum in vita spiritali Duces,
Magistri, & exemplar constituti sunt. y) Ex
hac notione deduces:

Pars II.

A

a) in.

- a) insignem certe virtutis, scientiæ ac prudentiæ gradum illis, qui tanto muneri obundo se consecrant, esse necessarium; 2.)
- b) necessarias quoque esse regulas quaspiam, ad quas tum ad Clericatum Adspirantes, tum in eo Viventes dotes moresque suos exigant; a)
- c) sapienter proin Ecclesiam egisse, quod omni ætate ejusmodi regulas constituerit; b)
- d) atque *irregulares*, seu a *regulis* canonicis *alienos* a Clericorum ordine, aut functionibus exclusit. c)

g) Pauca de Personarum Ecclesiam constituentium classibus præmittenda sunt. Nempe omnia Ecclesiæ Membra in duas potissimum classes abeunt, in membra *vulgaria*, & *non vulgaria*; illa simplices complectitur *laicos*, ista *Clericos*. Hoc Juris ecclesiastici capite de Clericis maxime sermo est: qui denuo dividuntur 1) ratione *modi*, quo ad functiones ecclesiasticas destinantur in *tonsuratos* & *ordinatos*; 2) ratione *functionum*, ad quas obeundas ordinantur in *minorum* & *majorum ordinum* Clericos; ad illos pertinent *Ostiarii*, *Lectores*, *Exorcistæ*, *Acolythi*: ad hos vero primo Clerici in *Sacerdotio*, uti *Presbyteri* & *Episcopi*, postea in *Ministerio* constituti, quales sunt *Diaconi* & *Subdiaconi*; 3) ratione *qualitatum* Clericatu superadditarum in *Regulares* & *Seculares*. Quid singulis hisce Clericorum speciebus proprium sit vid: apud Daniel: *Nettelbladt in observat: Juris eccles.* Halæ Salicæ 1783. editis, *observat I.* Quod Clericorum minorum ordinum originem & primæva officia adtinet, leg: *Fleury Inst. J. E. P. I. cap. 6. 8.* De Clericis majoribus conf. *præcognit: cap I. §. II.*

II n. V. VI. De omnibus vero valet id, quod Paulus ad Tit, II 7. scripserat: *In omnibus te ipsum præbe exemplum bonorum operum, in doctrina, in integritate, in gravitate.* — Non solum enim Episcopi Presbyteri, & Diaconi debent magnopere providere, ut cunctum populum, cui præsentant, conversatione, sermone, & scientia præcedant; verum etiam & inferior gradus Exorcistæ, Lectoris, Aeditui, Acolyti, & omnes omnino, qui domui Dei serviunt: quia vehementer Ecclesiam Christi destruit, meliores Laicos esse quam Clericos. S. Hieronymus apud Gratian: *Caus. VIII. c. 21. q. 1.*

2) Qua ratione enim nomen Ducis, Magistri cum dignitate, ac veritate gerent, siquidem virtute, scientia, ac prudentia Laicis inferiores fuerint? Imo *Clericorum Status*, ut rectissime admonet Concil. Massens: an. 1626. *Tit. de Cler. moribus & vita: quemadmodum laicorum ordini dignitate præponitur, sic morum honestate, & vitæ spectabilitate, ut sîlera in terreno Ecclesiæ calo debeat præfulgere.* Conf. Concil. Trident. *Sess. XIV. cap. 1. de reform. Sess. XXII. cap. 1. de reform:*

a) Pone enim ejusmodi regulas abesse: tum ignorabunt facile Clerici aut ad Clericatum adspirantes, quibus dotibus exornare se debeant; aut noscentes quam optime officium suum, desides invenientur in eo adimplendo, quia deerit motivum, quo voluntas eorum ad comparandas sibi necessarias virtutes impellatur.

b) Longum foret enarrare omnes leges hunc in finem ab Ecclesiæ Rectoribus sive in Conciliis, sive extra eadem latas. Id vero præceptum prætereundum non est, quod Paulus adspirantibus ad Clericatum *Hebr. V. 4.* dederat: *Nec quisquam sumit sibi honorem, sed qui vocatur a Deo tamquam Aaron.* Vi hujus in id præprimis cui-

vis ad Statum clericalem aspiranti incumbendum est, ut, an ad eundem a Deo vocetur, cognoscat. Indicia igitur vocationis divinæ, rogato etiam Virorum doctrina, peritia ac prudentia probatorum consilio probe examinanda sunt. Quæ vero ista? plura recenset Zech. *cit. loc.* §. 30. duo mihi videntur ceteris præferenda: 1) dotes ad implenda Status clericalis officia necessaria a Deo collatæ; 2) animi ad hunc statum propensio confians ac pura, quam nec spes nec metus, sed religionis ac salutis aliorum promovendæ amor peperit & alit.

- c) Ita est sane: irregularis enim, seu cujus dotes cum donibus per regulas ecclesiasticas præscriptis non conveniunt ineptus est ad munia Status clericalis in Ecclesiæ bonum implenda: at sapientis est inepta ad finem consequendum media repudiare & eligere idonea; ergo sapienter Ecclesia irregulares ab ordine clericali, aut si jam in eo constituti sunt, a functionibus ordinis excludit. Inde vero sequentia jam profluunt corollaria: 1) quisquis ad ordinem clericalem aspirat, videat, num ab irregularitate immunis sit; 2) ut id eo facilius cognoscat, prius sibi genuinam irregularitatis, specierum, effectuum &c. ejusdem notionem efformet, necesse est.

II. Irregularitas igitur impedimentum est canonicum, quo quis directe ad *suscipiendos* ordines, vel *susceptorum exercitiis* ineptus redditur. d) In genere de ea notandum est

- a) quod pro diversitate *causæ, effectus, durationis* varia sit; e)
b) ac ob *casus* tantum in jure *expressos* incurratur. f)

d) Recte

d) Recte hac ratione irregularitatem definiri, ita ostenditur: Irregularitas, si vim nominis spectes disconvenientiam qualitatum personæ cum dotibus illis denotat, quas regulæ ecclesiasticæ a Clericis exposcant (*not. præced.*) atqui disconvenientia hæc impedit directè a susceptione ordinum, aut susceptorum exercitio; reddit enim hominem ineptum ad munia status clericalis (*præced. n. I. obvianda (præced. not.)* ac efficit, ut Ecclesia eundem ob ordine vel functionibus ejus excludat (*præced. n. I. lit. d. not. c.*) ergo reapse impedimentum canonicum dici meretur, quo quis directè ad suscipiendos ordines, vel susceptorum exercitium ineptus redditur.

e) Nempe irregularitatem producant vel delicta quæ Ecclesia specialiter a Clericis longe abesse voluit, vel defectus qualitatum, quas in iisdem necessario adesse debere decrevit; est ergo ratione causæ irregularitas alia ex delicto seu peccato in jure expresso, gravi & externo opere completo, habetque rationem pœnæ negativæ: alia ex defectu, quæ merum impedimentum est, quod etiam citra peccatum contrahitur. Porro spectato effectu jam omnium — jam quorundam ordinum susceptionem vel usum impedit: illa dicitur *totalis*, hæc *partialis*. Denique una de se perpetua, altera ad tempus solum ab ordinibus suscipiendis arceat; si igitur *durationem* spectes, est irregularitas aut *perpetua*, aut *temporalis*.

f) Vid. cap. 19. de sentent. excommunicat. in 6. Non obstat cap. 12. de homicid. ubi dicitur in dubio presumi debere contractam esse irregularitatem. Enim vero non hic sermo est de dubio circa irregularitatem in hoc illove casu statutam, sed de dubio circa factum, num id ad illum casum pertineat; atque cum delicti reus tutiorem sententiam eligere & pro irregulari se gerere jubetur. Adde c. 5. de cleric. excom. ministr.

Omnis igitur irregularitas *juris* est, & *nulla fac-
ti*; haudquaquam tamen per hoc iis, qui regi-
mine praediti sunt, adempta est potestas, irregu-
laritatem in plura posthac expresse jure statu-
endi.

III. Irregularitatem ex delicto pri-
mis Ecclesiae seculis gravioribus omnibus
post baptismum admittis criminibus, et-
iam occultis, adnexam, nunc ad certa so-
lum, & manifesta crimina restrictam g)
hodie contrahunt

1) propter abusum Baptismi,

- a) qui *scienter* & *absolute* alium rebaptizant;
- b) qui se ita rebaptizari patiuntur;
- c) aut in tali baptismo *ministrant*; h)
- d) qui ab haereticis *sine necessitate* baptismum
recipiunt; i)
- e) vel illum ad infirmitatis periculum diffe-
runt, quos *Clinicos* vocant. k)

g) At cur hodie ad *casus* tantum jure *expressos* re-
stricta est irregularitas? Ideo, ni fallor, quod,
cum collapsa Ecclesiae disciplina jura scriberen-
tur ecclesiastica, Legislatores antiquum rigorem
restaurare haud potuerint, nisi aut carere Cleri-
cis, aut frequentissimis dispensationibus aucto-
ritatem legum ecclesiasticarum labefactare volu-
issent; maluerunt igitur in odiosis benigniora
sequi, atque irregularitates ad certos solummo-
do casus restringere. Conf. C. 9. *Dist. L. c. 9. Con-
cil. Nicen.* item *Pe hem cit. loc. P. II. §. 35. seq.*

h) C. 65 *Dist. I. C. 117. Dist. IV. de Consecrat. C. 2. de
apost. & reiterat. Baptism.* Conf. *Can. Aposto-
lic. 46.*

g) C. 18. Caus. I. q. 1. Can. Apostolic. 45.

k) C. un. Dist. LVII.

a) propter abusum ordinationis,

a) *furtive ordinati*; l)

b) qui *per saltum*, seu omisso inferiore ad altiore ordinem promoventur;

c) qui duos ordines *maiores* una die recipiunt; m)

d) qui ab Episcopo *deposito*, *schismatico*, *cenfuris affecto*, vel ab eo, qui dignitati suae *renuntiavit*, ordinari se sinunt;

e) qui *excommunicatione majore* irretiti ordinantur; n)

l) C. 1. de eq. qui furtive.

m) Tit. de Cleric. per salt. promot. c. 13. de temp. ordinar.

n) C. 4. Caus. IX. q. 2.

3) propter abusum Ordinis.

a) qui in ordine sacro, quem nondum *recipere*, *solemniter* ministrant; o)

b) *excommunicati*, *suspensi*, aut *interdicti* ante *absolutionem* ministrantes, aut celebrantes;

c) celebrantes *in loco interdicto*. p)

o) C. 1. & 2. de Cleric. non ordinar. ministr.

p) C. 7. Caus. XI. q. 3. c. 1. de sent. & re judic. in 6.

4) propter hæresim,

- a) *hæretici, apostatæ a fide, schismatici, eorumque fautores, aut defensores; q)*
- b) *hæreticorum nepotes ex parte patris, ex matris solum filii, nisi eorum parentes ad sinum Ecclesiæ redierint. r)*

q) C. 21. *Caus. I. q. 7. c. 32. Dist. L. c. 2. de hæret. in 6.*

r) C. 15. *de hæret. in 6. Conf. decret. Congreg. Concil. 21. Maji 1713.* Istud tamen intuitu Protestantium in Germania non obtinet, cum hæreticorum nomine in Imperio haud veniant; quamvis Curia Romana tales absque dispensatione ad ordines admittere non soleat.

5) propter homicidium vel mutilationem,

- a) *voluntarie, & injuste aliquem occidentes, mutilantes, ad id concurrentes, vel occisionem non impediētes, cum tamen tenerentur ex justitia; s)*
- b) *etiam præter intentionem occidentes, dando operam rei illicitæ simul & periculosæ, vel periculosæ solum, si debitam ad præcavendum homicidium diligentiam non impendant; t)*
- c) *procurantes abortum factus animati; u)*
- d) *seipso membro, aut membri parte voluntarie privantes; v)*
- e) *dubitantes etiam num mors suo, aut alieno facto evenerit. x)*

1) C. 6. & seq. de homicid.

2) C. 10. 19. seq. ibidem. Aliud est, si mors alterius prorsus ex fortuito casu, aut ex moderata & necessaria defensione sequatur, C. 13. de homicid. Clement. unic. ibid.

3) C. 20. de homicid. Quanam vero die factus animetur, Medicorum est definire.

4) C. 6. Dist. I.V. c. 1. de corp. vitiat. Unde Eunu-
chi, qui sponte se excindi permis-
erunt, excluduntur: qui nolentes, aut sine culpa in morbo id
passi sunt, admittuntur; sicut enim isti culpa
ita & poena immunes sunt. C. 4. 5. 7. seq. Dist.
I.V. c. 3. 4. 5. de corp. vitiat.

5) C. 18. de homicid. Hic reprobandus est quorum-
dam scrupulus, qui vulnerato vel agito sub-
venire recusant levando, ne si fortassis inter eo-
rum manus exspiret, ipsi accelerasse mortem, &
propterea irregulares censeantur: Si enim irre-
gularitas oritur ex defectu lenitatis, sane ex ejus
contrario, scilicet ex ipsi lenitate, actu misero-
cordiae. & charitatis christiana oriri non potest, nec
est verosimile, quod Pontifices voluerint per intro-
ductam irregularitatem tollere charitatem. P. En-
gel J. C. P. V. tit. 12. n. 48. Interim, ut idem
inquit, excusandi non sunt ab irregularitate,
qui licet imperiti (nisi in casu necessitatis & de-
fectu peritiorum) chirurgiam aut medicinam
praestent spe lucri, & per modum professionis
exercent; imperitia enim culpa adnumeratur
in his, qui artem aliquam profitentur.

IV. Irregularitatem ex defectu la-
tius hodie, quam olim, extensam contrahunt

1) ob defectum animi & sanitatis,

a) infantes, amentes, epileptici &c. y).

A 5

b) sci

b) *scientia* ad eum ordinem requisita *destitu-*
ti; 2)

c) *neophiti* necdum in fide sat probati a)

y) Huc *lunatici, furiosi, demoniaci* referendi sunt,
Concil. *Toleran XI can. 13 Dist. XXXIII. can.*
3 & 4. Dist. XXVI. can. 1. Conf. Lakies
lib. II. §. 199.

2) Conf *annot. ad can. 1. & 2. Dist. XXVI.* e qua
liquido colligitur, non sufficere Clericis bonam
conversationem, & morum honestatem, nisi ad-
datur *scientia doctrinae.*

a) 1 *Timoth. III. 6. Can. 4. seq. Dist. LXI. Con-*
cil. Laodic. can. 3. Sardic. can. 13 sed conf Can.
apost. 79. Bingham orig. eccles. vol. I. p. 154. seq.

2) ob defectum natalium & famæ,

a) *spurii, & illegitimi*, nisi per subsequens
matrimonium legitimentur; b)

b) *filii hæreticorum*, de quibus jam supra n.
III. 4. lit. b dictum; c)

c) *infamia juris* vel *facti* laborantes, donec re-
paretur. d)

b) Defectus natalium, a criminis suspicione alienus,
primis X. seculis impedimentum non erat. *Dist.*
LVI. can. 3. seq. Cum autem sec. X. XI. in-
continentiæ vitium Angliæ potissimum & Ger-
maniz Clerum infecisset, Urbanus II. filios
Presbyterorum, & aliorum in SS. ordinibus con-
stitutorum illegitimos a fuscipiendis ordinibus
sub ea limitatione removit, *nisi in canobiis, aut*
canoniis religiose probati fuerint conversati. Can.
1. Dist. LVI. Tandem ad conservandum sacer-
dotii decus, aliasque ob causas morales (vid.
Dist. LVI. can. 20) impedimentum hoc genera-

tim ad eos omnes porrectum est, qui ex illegiti-
ma conjunctione prodissent, aut legitima qui-
dem, ast eo tempore, quo conjuges solenne
continentiæ votum professi mutuis legitimi ma-
trimonii juribus renuntiassent, (*Cap. 1. de fil.
presbyt. cap. 4. 18. eod. cap. 7. 20. 25. de elect. cap.
10. de renunt.:*) nihilque refert, natalium macula
vulgo nota sit, an lateat. *Can. 14. Dist. LVI.*
Et quoniam in filiis presbyterorum illegitimis
specialis adhibenda est cautio, ne memoria pa-
ternæ incontinentiæ in Ecclesiis refricetur, lege
peculiari habetur provisum, ut ejusmodi filii il-
legitimi etiam obtenta dispensatione super na-
taliū defectu, non possint in illa Ecclesia, in
qua pater beneficium habuit, ullum ministere-
um, officium, aut beneficium obtinere, & si quod
actu obtinuissent, eodem priventur. *Cap. 2. 3.
4. 15. 16. de fil. presbyter. Concil. Trident. Sess.
XXV. cap. 15. de reform.* Imo ex eo, quod ca-
nones ab omni specie successione hereditariæ in
beneficiis abhorreant, speciatim cautum est, ne
filii presbyterorum etiam legitimi ad ipsius pa-
tris beneficium immediate admittantur. *Cap. 17.
de fil. presbyt. Trident. Sess. XXV. cap. 7. de reform.*
Expósitos in censu illegitimorum habendos non
esse, humanitati magis est consentaneum. Sed
Conf. Zech cit. loc. §. 26.

c) *Conf. not. r) ibidem,*

d) *Can. 1. 2. Causs. V. q. VI. Cap. 87. de R. I. in 6.*
Reparatio autem non eodem modo fit; nimirum
infamia facti tollitur vel sententia judicis decla-
rante innoxium eum, qui de crimine suspectus
erat, vel canonica purgatione suspecti; quæ
vero juris est, aut restitutione in integrum, aut
canonica dispensatione. Causas maculæ hujus,
quas varii canones suppeditant, compendio re-
censet *Lakies cit. loc. §. 186. Schol.*

3) ob-

2) ob defectum corporis, e)

- a) membro ad ordinis usum *necessario* carentes, f)
- b) *notabili*, quæ horrorem vel risum moveret, *deformitate* laborantes. g)
- c) membris etiam integris adeo *debilitati*, ut functiones ordinis obire vix valeant.. h)

e) Corporis vitii, si modo sacrorum officiorum administrationem non impedit, rationem non habuit primitivæ Ecclesiæ disciplina. Vid. *Can. apost. 76. & 77.* Ast a seculo V. inter latinos invaluit, ut non modo illi corporales defectus irregularitatem inducerent, qui ordinis functiones omnino impediunt, sed & qui efficiunt, ut sine scandalo, atque irreverentiæ periculo illæ exerceri non possint. *Cap. 1. de corp. vitiat. cap. 2. de Cler. ex. rec.* Hinc est, quod occulta corporis vitia, si modo sacrarum functionum exercitium non tollant, irregularem faciant neminem. *Cap. 3. de corp. vitiat. can. 4. 5. seq. Dist. LV.*

f) E. g. *manu altera; cap. 6. de corp. vitiat: digno ad frangendam hostiam necessario; cap. 1. & 7. ibid: (non item quibus deficit unguis pollicis, vel indicis, si modo hostiam frangere queant; cap. ult. ibid: cæci & oculo præsertim, quem canonicum vocant, seu sinistro carentes. Can. apost. 77. can. 13. Dist. LV. cap. 2. de corp. vitiat.*

g) Huc pertinent 1) naribus, aut auriculis orbat; 2) Pigri; 3) notabilem in modum gibbosi; 4) Corpus adeo incurvatum habentes, ut erecti procedere nequeant;

h) Quales sunt 1) surdi; 2) muti, non etiam balbutientes; 3) habentes manum inutilem, & auidam, aut adeo tremulam, ut sit periculum subversionis calicis; *cap. 6. de corp. vitiat. 4) ita*

ita claudi, ut sine baculo nequeant ire, & consistere ad altare; *can. 57. de consecr. Dist. I.*
 5) qui prorsus a vino abstemius est.

4) ob defectum ætatis; i)

- a) nondum adepti annum ætatis saltem inchoatum XXII. pro *Subdiaconatu*,
- b) XXIII. pro *Diaconatu*,
- c) XXV. pro *Presbyteratu*,
- d) XXXI. pro *Episcopatu*. k)

i) Variam hujus rei disciplinam Thomassinus diligenter illustravit cit loc. *de ver. & nov. Eccles. discipl. P. I. lib. II. cap. 67. — 71.*

k) Concil. Trident. Sess. XXII. cap. 12. *de reform. Cap. 7. de elect.* Quoad *Tonsuram & minores ordines* moribus jam receptum est, septennium completum sufficere, nec haberi rationem canonis 2. *Dist. LXXVIII.* quo constitutum fuit, neminem XVIII. annis minorem inter Lectores adnumerandum esse; dummodo qualitates adsint a Concilio Tridentino Sess. XXIII cap. II. *de reform.* requisitæ.

5) ob defectum Sacramenti, seu significationis unionis Christi cum Ecclesia, seu sponsi unius cum sponsa unica; l)

- a) *bigami*, sive *bigamia* sit vera, cum quis cum duobus successive consummat matrimonium; m)
- b) sive ea sit *interpretativa*, cum quis viduam, vel corruptam duxerit; n)
- c) sive *similitudinaria*, quando obstrictus voto solenni religionis vel in S. ordine constitutu-

stitutus matrimonium adtentat & consummat. o)

d) Hac ex ratione mystica prohibent Latini, auctore potissimum S. Augustino *lib. de bon. conjug. cap. 18.* bigamos a sacris ordinibus, quod nimirum iteratæ nuptiæ spirituales Christi cum Ecclesia, unius cum una, conjunctionem nequeant perfecte significare; *Cap. 3. 4. de bigam. non ordinand.* ubi e contra Græci eosdem ob suspensionem incontinentiæ ab ordinibus arcent. Ex qua sententiarum diversitate nata est dispar decisio quæstionis, *an bigamus & irregularis sit, qui ante baptismum duas uxores, aut saltem unam ante, alteram post baptismum duxit.* Negant Græci, cum macula incontinentiæ per baptismum aboleatur; adfirmant Latini, excepto S. Hieronymo, cum & hic defectus sacramentalis significationis subvertetur. Vid. Schrod: *ad tit. de bigam. non ordinand.* § 590.

m) Hujus bigamiæ fundamentum quærunt passim in D. Pauli I. ad Timoth. III 2. & 12. Tit. I. 5. præceptis. Conf: *cap. 2. & 3. de bigam. non ordinand.*

n) Concil. Toletan. I. can. 3. item Can. Apost: 18 Huc pertinent ex sententia Concilii Neo-caesariensis can. 8., qui cum adulteris commiscetur. Conf: *Cap. 4. & 7. de bigam. non ordinand.*

o) Quique virginem Deo dicatam ducit. Conf. Laticus *lib. II. §. 204. & 205.* Hactenus Sacramentum in sensu grammaticali tantum est; si vero in sensu theologico sumitur, ob defectum ejus irregulares erunt, qui carent *Consecratione* Concil. Trident. Sess. XVIII. cap. 4. & alius de *reform.* Non baptizatos incapaces rectius ad ordines suscipiendos, quam irregulares dixeris

Vid.

Vid. *Can.* 25, 29. *Dist.* XXIII. item *Cap.* 1. *de Presbyteris non baptizatis.*

6) ob defectum lenitatis, p)

- a) omnes caussarum *criminalium administri*, morte, vel mutilatione sequuta q)
- b) *occidentes vel mutilantes* aliquem in bello *ad offensionem gesto*, etiam *justo*; r)
- c) *pugnantes omnes* in bello *injusto*, si vel *unus* ex parte adversa occidatur, vel mutiletur. s)

p) Credidit Ecclesia semper, creditque adhuc, ait Cl. Zech *cit. loc.* § 23. pag. 17. non decere, ut Agnum mansuetissimum, qui sanguinem suum pro nobis fudit, in Altari offerret ille, qui sanguinem fudisset humanum, exemplum præbente Deo, qui a Davide ob sanguinem in bellis etiam justis fustum templum sibi edificari noluit. Quapropter latissime hanc irregularitatis speciem olim extendebat: nempe hoc ex capite irregulares censentur non iudices tantum, notarii & alii quomodolibet officio suo in causa criminali iuste fungentes sive Clerici, *Can.* 29. *Caus.* XXIII. Q. VIII. *Cap.* 9. *ne Cler. vel Monach. sive Laici* *Can.* 8. *Dist.* L. *can.* 1. 2. 4. *Dist.* LI; verum etiam accusatores, denuntiatores, *Can.* 36. *Dist.* L. *Can.* 19. 29. *Caus.* XXIII. Q. VIII. *Cap.* 5. 9. *ne Cler. vel Monach. actestes* *Cap.* 19. *de homicid.* item milites in justo bello depugnantes, si modo fusi sanguinis conscientia tenerentur *Can.* 8. *Dist.* L. Nec irregularitatem effugiebat Clericus, qui ad exercenda de capite iudicia a summo Principe delegatus fuit *Cap.* 5. *de rapt.* Quid! quod ne interesse quidem spectandi causa Clericos permittatur in loco, in quo iudicium sanguinis exercetur. *Cap.* 9. *ne cler. vel monach.*

nach. Verum ab his antiquæ Ecclesiæ moribus hodierni non nihil recedunt.

- 4) *Can. 29. 30. Caus. XXIII. Q. VIII. — cap. 5. 9. ne Cler. vel Monach. cap. 10. de excess. Prælat. cap. 21. de homicid. cap. 2. eod. in 6.*
- 5) *Can. 1. Dist. I. I. Cap. 24. de homicid. cap. 3. de Cler. percuss.*
- 6) E contrario vero irregulares haud habentur 1) qui ad iudicium sanguinis concurrerunt, si ipsa sanguinis effusio quocunque modo impediatur. Van Espen P. II. tit. X. cap. IV. n. 26. 2) Episcopi aliive Prælati jurisdictionem criminalem habentes, eamque suis iudicibus exercendam committentes. *Cap. fin. ne Cler. vel Monach.* 3) Clerici quicunque, dum illatas sibi iniurias persequentes, capitalium etiam criminum reos ad iudicem deferunt, etiam si iudex, exigente ita iustitia, mortis sententiam in eos dixerit, modo protestentur expresse, quod eos poena sanguinis adfici non intendant. *Cap. 2. de homicid. in 6.* 4) Episcopi, qui Clericos pro enormi crimine degradatos brachio seculari tradunt, tamen si morte plectendos certo sciunt, modo dilerte intercedant, de moderanda citra mortis periculum sententia. *Cap. 27. de verb. signif. cap. 2. de homicid. in 6.* 5) Homicidæ necessarii. *Cap. 13. de homicid. Clement. 1. eod.* 6) Milites in bello iusto, qui prælio quidem intexerant, sed puras ab hostili sanguine manus retulerunt. *Cap. 3. & 4. de Cler. percuss. juncto Cap. 5. de penit.* 7) Testes iudicis auctoritate ad perhibendum testimonium compulsi, *Cap. 19. vers. ad ultim. de homicid.* 8) Alii plures, quibus sanguinis humani effusio nec culpæ, nec cordis duritiæ adscribi potest. Cont. Lakies loc. cit. §. 206 207.

7) ob defectum libertatis,

- a) *uxorati* uxore invita, vel in cælibatu vivere nolente; t)
- b) *servi* stricte dicti seu *mancipia*, u)
- c) *ad rationes* ab gestum officium reddendas obligati. v)

z) *Cap. ult. de temp. & qualit: ordin. in 6.*

u) De servis proprie dictis, quibus alii adjungunt *adscriptitios*, homines item *proprios*, (vid *Zech. cit. loc. §. 26* item *Can. 12. 21. Dist. LIV.*) sine consensu Domini, anni unius lapsu firmato aut litteris expresso, non ordinandis; partim ne sacrum ministerium talis contorii vilitate polluat, partim ne jus tertii violetur, plures canones sanciant, & si quem invito Domino ordinari contingeret, eum, nisi Diaconus esset, aut Presbyter, in servitutem revocari posse, disponent, quæ tamen disciplina non ubique eadem fuit. Vld *Can. Apost. 82. Concil Toletan I. can. 10. Dist. LIV. can. 2. 5. 10. 12. 21. Tit. totus de serv. non ordinand.* Conf. Berrardus in *comment. ad jus eccles. univ. Tom. IV. pag. 234. 235.*

v) Nihil interest, an officium gestum sit *publicum*, uti Thelaurii, Quæstoris, Telonarii; an *privatum*, veluti Tutoris, Curatoris, Aëtoris &c: *Can. 3 Dist. LIV. can. un. Dist. LIII. Cap. 1. de obligat. ad ratiocin:*

8) ob defectum Tituli, x)

- a) qui nec sufficiente *patrimonio*,
- b) nec *beneficio* pacifice possessore,
- c) nec *religiosa professione*,

Pari II. d) nec

d) nec alia quadam certa promissione seu *titulo mensæ*, litteris patentibus plerumque a Principe, Nobili, vel communitate quadam datis, comprobato de congrua vite sustentatione securi sunt. y)

æ) *Tituli* nomine Veteribus veniebant Ecclesiæ, quarum serviciis ordinati adscribebantur, quarumve ex redditibus sustentabantur, quasve sine Episcopi ordinatoris venia deferere nefas erat. Ab ordinationibus sine ejusmodi titulo factis a deo abhorrebat olim Ecclesia, ut eas in Concilio *Chalcedonensi can. 6. irritas*, effectu scilicet vacuas declararet. *Absolute* igitur ordinationis exempla, quorum aliqua ex vetustate refert, *Bingham orig. eccles. lib. IV. cap. 6. §. 3.* rara admodum erant, nec nisi extraordinariis occasionibus prodita. Seculo circiter duodecimo cepit collatio beneficiorum ab ordinatione separari; cum exinde plura orirentur incommoda, cautum est in Concilio *Lateranensi III. Cap. 4. de præb.* ut Episcopus sine titulo in Presbyterum vel Diaconum ordinato *inopi* tam diu vitæ necessaria subministraret, donec in aliqua Ecclesia convenientia ipsi stipendia assignet, id quod deinde ad Subdiaconos extensum est. *Cap. 16. de præbend.* Inde collegerunt, fas esse Episcopis pro arbitrato suo, vel ad Ecclesiæ vel patrimonii titulum clericos ordinare. *Cap. 23. de præbenda.* Novissimum Concilium *Trident. statuit Sess. XXI. cap. 2. de reform.* ne quis deinceps Clericus secularis, quamvis alias idoneis moribus, scientia, & ætate ad sacros ordines promoveatur, nisi prius legitime constet, eum *beneficium ecclesiasticum*, quod sibi ad victum honeste sufficiat, pacifice possidere: *Patrimonium* vero, vel *pensionem*, seu ut jam loquimur, *titulum mensæ* obtinentes ordinari posthac non possint, nisi illi, quos Episcopus judicaverit adju-

mendos

mendos pro necessitate vel utilitate suarum Ecclesiarum. Ab hoc jam Concilii *Trident*: tempore nomine *tituli* intelligitur cautio sufficiens de perpetua, & congrua Ordinandi sustentatione, aliusque est 1) pro *secularibus Clericis* titulus *beneficii*; *patrimonii*; *mensæ*; 2) pro *Regularibus* *professionis* seu *paupertatis*. Vid. *Pius V. constit.*: Romanus. De singulis notandum est in specie 1) titulum *beneficii* constituit possessio *pacifica* *beneficii veri & perpetui* ad *congruam* Clerici sustentationem *sufficientis*, quod proin resignari nequit, nisi aliunde habeatur cautio de congrua sustentatione Concil. *Trident cit. loc.* 2) Titulus *patrimonii* a *Tridentino* non nisi ob Ecclesie *necessitatem* vel *utilitatem* admittitur, ita quidem, ut patrimonium sit certum, *pacifice possessum*, *vere sufficiens*, nec absque Episcopi facultate, nec cum hac alienandum, donec *beneficium* sint adepti, vel aliunde habeant, unde vivere possint. Concil. *Trident, ibidem* 3) Titulus *mensæ* litteræ sunt parentes, quibus plerumque bona *immobilia* possidentes obligationem in se suscipiunt alendi *congrue ordinatum*, siquidem forte ante obtentum *beneficium* impotens redderetur ad se honeste sustentandum. Titulo *professionis* ordinantur, qui sunt in ordine *proventibus* ad suos alendos sat instructo: *pauperiaris* vero qui ordinem *Mendicantium* profitentur.

- 3) Concilium *Trident*: *cit loc.* renovat in ordinationes absque titulo factas antiquorum canonum penas. Sed quas, an Concilii *Chalcedonensis*, an *Lateranensis III*? (vid: *not. preced.*) Distinguit *Schrodt lib I. tit. XI § 497.* atque, si ordinatio sine titulo facta sit a *sciēte*, aut *negligente* Episcopo, pœnam *Lateranensis*: si vero *dolo vel culpa* solius ordinati. pœnam *Chalcedonensis* Concilii a *Tridentino* repetitam non absque fundamento adfirmat.

V. Irregularitates hactenus recensitæ tolluntur,

- a) si ex defectu *temporalis* provenerint, eo defectu sublato;
- b) ortæ ex defectu *natalium* per *professionem religiosam* quoad S. ordines tantum, non ad obtinendas dignitates; - z)
- c) reliquæ vero per *dispensationem*, a)
- d) cujus impertiendæ potestas penes Pontificem est; b)
- e) Episcopi tamen eandem exercere in omnibus ex *delicto occulto* provenientius possunt, exceptis homicidio voluntario, ceterisque ad *forum contentiosum* jam deductis. c)

z) *Cap. 1. & cap. fin. de fil: presbyter.* Habent tamen plerique Ordines religiosi privilegia, vi quorum cum suis subditis dispensent etiam in aliis irregularitatibus. Vid. *Tamburin. de iur. Abbat tom. II. Disp. 17.*

e) Siquidem per *Jus humanum* introducta sit, nec prorsus ordinum executioni advertetur. Conf. Berrardus in *comment. ad jus eccles. univers. tom. IV. pag. 253. seq.* 20

b) Vid. *P. I. cap. I. §. I. n. IV. lit. d. not. q)*

c) *Trident. Sess. XXIV. cap. 6 de rebus.* Quale delictum vero dicendum sit *occultum*, ut super irregularitate ex eo proveniente Episcopus dispensare queat, non est eadem doctorum sententia. Alii id occultum dicendum putant, quod ob defectum testium probari non potest. Vid. *Fagnanus ad cap. 7 de cohab. cler. & mulier;* alii vero, uti *Ducasse in praxi jurisdictionali tom. I. cap. X. §. 2* quod commissum etiam in præsentia duorum vel trium testium probari quidem

quidem posset, attamen *nondum publicum & notorium est*. Aliis casus, in quibus Episcopi dispensare possunt, vid. apud *Zech cit. loc. §. 18*. Num vero, Baptismo relaxari posse irregularitatem, recte aliqui tradant? vid. apud *Eundem ibid. §. 20*.

VI. Circa Ordinationem, seu ritum illum, quo sacer ordo confertur, sequentia restant animadvertenda:

1) Minister ordinationis,

- a) ut *valide* recipiatur ordo, est *quilibet* Episcopus rite consecratus;
- b) ad *statum* vero S. ordinis susceptionem Episcopus *proprius*, d) in Ecclesiæ Romanæ communione constitutus, & ab irregularitate, alioque impedimento immunis e) vel facultas *privilegio* quodam *apostolico*, aut litteris *dimissoris* a proprio Episcopo obtemperata requiritur, f) g)

- d) Episcopus hodie reputatur *proprius*, 1) ratione *originis* seu loci, in quo parentes ordinandi, dum is nascereitur, *fixum* domicilium habuere;
- 2) ratione *domicilii* Episcopus loci, ubi quis animo perpetuo remanendi suam sedem fixit;
- 3) ratione *beneficii* Episcopus Diocesis & loci, ubi ordinandus beneficium congruæ sustentationi sufficiens possidet;
- 4) ratione *familiaritatis* Episcopus ille, quocum quis trium annorum intervallo quasi commensalis fuit commoratus, & a quo statim beneficium adepturus est. *Trident. Sess. XXIII. cap. 8. & 9. de reformat.* Atque hæc quidem ad Clericos & Laicos ex æquo spectant. *Regularium* in causâ quidem ordinationis Episcopus *proprius* est, in cujus Diocesi situm est

Monasterium, in quo Superiorum suorum jussu tanquam de familia habitant. Concil. *Carthagin.* V. can. 23. Sed Conf. Concil. *Trident.* Sess. VII. cap. 11. & Sess. XXIII. cap. 3. de reform.

e) Si etenim *irregularis* sit Episcopus proprius, eo ipso est ad obeundas functiones ordinis sui ineptus. (num. *præced.* II) aut conferre ordines pertinet ad Episcopalis ordinis functiones (P. I. cap. 1. §. V. n. II.) ergo ut has obeat, ab irregularitate immunis sit oportet.

f) Litteræ *dimissoriae* vel indulgent, ut quis ordinari queat ab Episcopo alio catholico quocunque, vel ut a certo solum; illæ *generales*, hæ *speciales* vocantur. Dimissorias concedendi facultatem habent 1) Episcopus proprius jurisdictione præditus, licet nondum consecratus; 2) Vicarius Generalis Episcopo id expresse ipsi concedente, aut in remotis agente. Cap. 3. de temp. ord. in 6. 3) Capitula Ecclesiæ cathedralis sede vacante, verumtamen intra annum a die vocationis numerandum non aliis, quam ætatis ratione beneficii ecclesiastici. Concil. *Trident.* Sess. VII. cap. 10. de reform. 4) Superiores regularium pro subditis suis regularibus, casu, quo Dilectus abfuerit, vel non habiturus esset ordinationes, sub cautionibus tamen Concilii *Trident.* Sess. VII. cap. 11. & Sess. XXIII. cap. 3. de reform. iudicio definitis. Adversus hæc si Episcopus quid commiserit, suspenditur per annum a conferendis ordinibus: minus recte Ordinatus ab exercitio ordinis non secundum canones suscepti, quamdiu Episcopo suo visum fuerit: si Capitulum sua abutatur potestate, interdicto subicitur Concil. *Trident.* Sess. XIV. cap. 2. Sess. XXIII. cap. 3. Sess. VII. cap. 10. de reform.

g) Præter Episcopum, quem sacre ordinationis ministrum *ordinarium* diximus, dantur alii, qui jure

jure extraordinario, concessione scilicet Ecclesie & Pontificis romani delegatione ordines conferre possunt. Nempe utuntur hoc jure Cardinales Presbyteri, quoad Ecclesias suorum titulorum, & Abbates Sacerdotes, & benedicti, quoad subditos suos regulares in conferendis prima tonsura, & minoribus ordinibus. Cap. 11 de erat. & qualiter: præfixit item Concil. Trident. Sess. XXIII. cap. 10 de reform: Conf. quoad omnia de ministro ordinis hætenus dicta Zech cit. loc. Tit. VI. §. 67. usque 80.

2) Tempus, quo ordinatio fieri debet, h)

- a) quoad ordines minores est tempus maturitatis cuiuslibet diei dominici & festivi; i)
- b) quoad ordines majores vero sunt sex Sabata, nimirum quatuor temporum, ante Dominicam Passionis, & Sabbatum sanctum; k)
- c) nisi forte ordinans vel ordinatus per Privilegium, quod Episcopis Germaniæ cum reliquis facultatibus omni quinquennio dari solet, ad hæc tempora adstrictus non sit l)
- b) Tribus primis Ecclesie seculis nullis certis diebus adstrictæ fuisse videntur Clericorum etiam majorum ordinationes, injuriis temporum exactum hæc in re ordinem haud permittentibus; postea cit. loc. cembri plerumque fiebant. Bingham in De lib. IV. cap. VI. §. 6. & seq.
- i) Etiam extra Missarum solemnia. Pontifical. Rom. tit. de Ordinib. conferend. Cap. 1. & 3 de temp. ordin: & quidem si Episcopo visum fuerit, eodem die uni plures, aut etiam omnes Minores simul cum prima Tonsura dari possunt. Concil. Trident. Sess. XXIII. cap. 11. de reform. Po-

sterior seorsim quolibet anni die ac hora conferri potest. *Pontifical. Rom. cit. loc.*

- 2) Concil. Trident. Sess. XXIII. cap. 8. de reform. Dist. LXXV. can. 4. 7 Cap. 2. 3 de temp. ordin. Consecratio Episcoporum sit quovis anni tempore die dominico, vel natalitio Apostolorum, vel ex speciali indulto Pontificis alia die festiva. *Pontifical. Rom. tit. de consecrat. electi in Episc:* si vero in Episcopum electus pluribus sacris ordinibus est initiandus, necessitas Ecclesiæ exigere videtur, ut in iis conferendis non expectentur consveta tempora. *Zech cit. loc. §. 82.*
- 1) Secus extra tempora ordinans canonica disciplina erit corrigendus, & ordinatus suspendendus ab exercitio ordinis Cap. 2 & 3. de temp. ordin. imo ipso jure sit suspensus. Pius II. in bulla: *Cum ex Sacrorum.* Quoquo vero tempore sacri conferantur Ordines, conferri debent intra Missarum solemnia, quæ ex Pii V. Pontificis constitutione vespertino tempore nunquam, nec in Sabbato sancto, quod olim fiebat, celebrentur.
- 3) Tempus quod inter ipsos S. ordines interponi debet, seu *interstitia.*
- a) Inter minores ordines, qui una die conferri possunt (not. præced. i) & Subdiaconatum, & sic porro inter unum alterumque sacrum ordinem suscipiendum annus ecclesiasticus intercedat, oportet; m)
- b) relicta tamen Episcopis ob majorem Ecclesiæ utilitatem ita dispensandi facultate,
- c) ut, nisi urgente causâ Privilegio locus detur, aliquot saltem dierum spatium interponatur; n)
- d) max

d) maxime vero, ne quis ad altiorem ordinem, omisso inferiore, seu *per saltum* promoveatur. o)

m) Concilium Trident. Sess. XXIII. cap. 11. 13. & 14 de reform. Intervalla hæc temporis post seculum IV. in Occidente satis longa fuisse, pluribus Siricii, & aliorum Pontificum testimonio ostendit Martene de S. eccles. rit. lib. I. cap. VIII art. III. §. 6. Conf. etiam Zech cit. loc. §. 84.

n) Non audet igitur regulariter Episcopus plures ordines majores (de minoribus aliud not preced. i) diximus) uni una die, dieve Sabbati hunc, alterum die dominica, continuato quamvis jejuniis conferre Cap. 13. 15. de temp. ordin: cap. 2. de eo, qui furtive.

o) Cap. un. de cler. per salt. promot. Cap. 10. de excess. Prælat. Per saltum ordinatus alios (præter Episcopatum omisso Presbyteratu Cap. 10. in fin. de excess. Prælat) ordines valide quidem, illicitè tamen recipit; unde suspenditur ab usu ordinis temere suscepti, irregularitatemque contrahit, si in ordine omisso aut per saltum suscepto fungatur ministerio, priusquam aut defectus suppleretur, aut absolveretur a suspensione. Concil. Trident. Sess. XXIII. cap. 14. de reform.

4) Locus ordinationis

a) proprius esse debet, seu in Dicecesi ordinantis positus, eidemque subiectus; p)

b) sacer saltem pro majoribus ordinibus conferendis, q)

c) et publicus, nimirum cathedralis, aut dignior quædam Ecclesia, r)

- p) Jus enim ordinarium constanter obtinuit: nulli Episcopo licere, cujusvis privilegii prae-textu pontificalia, quae inter & collationem minorum ordinum & tonsuram referre oportet, in alterius diocesi exercere, nisi de Ordinarii loci expressa licentia: secus si quid factum esset, Episcopus ab exercitio pontificalium, & ordinatus ab exercitio ordinis jure ipso suspenduntur. Concil. Trident. Sess. XXIII. cap. 8. de reform. Non obstat huic asserto antiquorum exempla, aut recentiorum opiniones, sufficienter ostendit Zech cit loc. §. 87 ss. apud quem etiam §. 89. 90. 91. legere poteris, quidnam de locis exentis; de consecratione Papae & Episcoporum tenendum sit.
- q) Vid. Zech cit loc §. 92.
- r) Nam de divina auctoritate descendere putat S. Cyprianus epist. 68. ut Sacerdos plebe praesente, sub omnium oculis deligatur, & dignus atque idoneus publico iudicio & testimonio comprobetur. Conf. Concil. Trident. Sess. XXIII. cap. 8. de reform. Hae tamen solummodo intelliguntur de ordinibus majoribus & sacris. Vid. Pontifical. Rom: rit. de ordin:
- 5) Examen, seu scrutinium triplex.
- a) Idum uno mense ante ordinationem a Parocho, vel alio ab Episcopo delegato faciendum, quod tamen hodie per testimonia a Professoribus, aut Directoribus Seminariorum, utique fideliter, exhibenda subpletur.
 - i)
 - b) Idum a viris peritis ab Episcopo, vel ejus Vicario generali deputatis proximis ante ordinationem diebus instituendum. t)

- c) *III^{ium} in ipso ordinationis actu confertur, cum Episcopo interroganti Archidiaconus vel adstans minister de ordinandorum dignitate testimonium præbet. u)*
- d) *Universum non eadem est hujus scrutinii in singulis Diocæsis forma. Qualis vero ex præscripto canonum esse deberet: vid. in Concil. Trident. Sess. XXIII. cap. 5 de reform. In Diocæsi nostra absolvitur quoad eos, qui inter Clericos seculares adsumi cupiunt, examine, quod consursium vocant.*
- e) *Diem, ac puncta examinis istius definivit Concilium Trident. Sess. XXIII. cap. 7 de reform. cui conformes pro suscipiendis ordinibus institutiones edidit Vratislaviæ 1777 Joan Lindner, Presbyter ecclesiasticus. Omnes tam seculares, tum regulares huic scrutinio se se subicere obligantur, nisi de quorum dignitate conscius est Episcopus, exceptisque illis, qui præsentantur, eliguntur, aut nominantur ab Universitatibus, seu Collegiis generalium studiorum, quatenus huic exemptioni non adversantur posteriores constitutiones. Concil. Trident. Sess. VII. cap. 13. Sess. XXIV. cap. 18. de reform. Conf. vero Can. 4. 5. Dist. LXXVI. item Cap. 20. de elect. Can. 55. Dist. L.*
- u) *Asserens: ipsos quantum humana fragilitas nosse sine, dignos esse ad hujus omnis officii. Pontifical Rom; rit. de ordinat: Diac & rit. de ordinat. Presbyt. Quod testimonium reddere potest, modo non sciat esse indignos; ita sancitum est Cap. un. de scrut. in ord. faciend. Pœnas ecclesiasticas contra eos, qui sine prævio examine & approbatione, aut licentia Episcopi accedunt, seu furtive ordinantur lege statutas vide Can. fin. Dist. XXIV. item tot. rit. de eo, qui furtiv. ord. suscip. Conf. etiam Benedicti: XIV. de Synod. diocæsan. lib. VIII. cap. 11. 6) Ef*

6) Effectus ordinum præcipuus v). est *Character perpetuus*; unde

- a) nisi de neglectis in ordinatione *substantialibus* certitudo, vel rationabile dubium habeatur, iterari non potest;
- b) *accidentalia* vero fors omissa caute suppleantur. x)

v) Varie ordinum tum minorum tum majorum effectus enumerat ex Pontificalis Romani formulis potissimum *Fleury Inst. Jur. eccles.* P. I. cap. 5. 6. 7. 8. 9. e quibus jam memoratu digniores sunt *generatim*, quod ordinatus 1) munia ordinum, quos recipit, exercendi jus obtineat; obligationibus iis ordinibus adnexis obstringatur. *Speciatim* vero *tonsura* effectus sunt, quod 1) Cleri quis membrum, 2) ulterioris ordinis & beneficii capax, 3) privilegiorum clericalium particeps reddatur. *Subdiaconus* præterea obligatur 1) ad permanendum in ordine clericali, 2) ad castitatem perpetuo servandam, 3) ad horas canonicas indies recitandas. Conf. *Zech cit. loc. cit. IX. usque ad XIV. Rigger cit. loc. P. II. §. 177 seq.*

x) Conf. *Schenk cit. loc. §. 435. Schol.*

§ II.

OBLIGATIONES, HONESTAS, & COELIBATUS CLERICORUM.

I. Excelsa ministerii sacri dignitas Clericos, ut eximia quadam præ reliquis christianis morum integritate, ac vitæ honestate resplendant, impellit, ac obligat. y) Igitur

1) ho

1) honestate animi præcipua polleant, ac

- a) conscientie, affectuum, & intentionis puritati
- b) virtutibusque ad Dei gloriam, Ecclesiæ, ac propriam salutem promovendam exercendis studium omnè adhibeant. 2)

1) Recol. dicta §. præced. I. n. I. lit. a. not. y. z.)

- 2) Ut, quod sunt professione, actione magis demonstrent, quam nomine, ne sit honor sublimis, & vita deformis S. Ambrosius lib. de dignit. Sacerd. cap. III. Adde Math. V. 14. item ad Tit. II. 7. & 8 quæ omnia non ad solos Episcopos pertinere ex S. Hieronymi supra §. I. n. I. not. y) citatis verbis eruitur.

2) Habitu corporis ita sint compositi, ut

- a) vestium forma, colorque status clericalis gravitati ac modestie conveniat; a)
- b) arma, nisi fors ob itinerum pericula, aut defendendam in necessitate patriam, non gerant; b)
- c) comam profane non alant, sed tonsuram & coronam deferant clericalem. c)

a) Concil. Trident. Sess. XIV. cap. 6. de reform. Quæ occasione vestis talaris a seculo VI. Clericis facta sit propria: vid. apud Thomassin. cit. loc. P. I. lib. II. cap. 46. seq. Conf. Paul a Rigger P. III. §. II. seq. item Floury cit. loc. P. I. cap. V.

b) Arma, nec ad sui, nec aliorum, aut patriæ defensionem necessaria, gerere adeo a mansuetudine, proinde & ab honestate clericorum alienum putabatur, ut olim armati clerici, qui nimirum assimili sicut laici, & milites armati habebantur, excom-
communicati.

communicati fuerint. *Cap. 2. de vit. & honest. Cleric.*

- c) De origine tonsuræ & coronæ legatur Thomas sin. cit. loc. cap. 37. Fleury cit. mox loco Si Gregorio Turonensi de glor. Martyr. lib. 1. cap. XXVII. fides haberi possit, tonsuræ clericalis origo ex Apostolico instituto repetenda esset. Quidquid sit: tanti momenti tonsura clericalis & habitus a sacris canonibus præscriptus videbatur semper, ut post Clementem V. clem. 1. de vit & honest. cler. Synodus Trident. sanciverit: Clericos, qui passim vestibus utuntur laicilibus, atque clericales abjecisse, ac parvi pendisse argui possunt, si in sacris sint constituti, post primam monitionem Episcopi pœna suspensionis, in casu ulterioris contumaciæ pœna privationis officiorum & beneficiorum plectendos (Sess. XIV. cap. 6. de reform.) minoritas vero, carentes ecclesiastico beneficio, fori privilegio ipso facto privandos esse. Sess. XIV. cap. 6. de reform. i. minoritas vero, carentes ecclesiastico beneficio fori privilegio ipso facto privandos esse Sess. XXIII. cap. 6. de reform. Num vero etiam privilegio Canonis excidant? disputant auctores; negativa præplacet Riggero P. III. §. 16. contra P. Engel tit. de vit & honest. n. 7. Plura circa habitum corooris per canones præscripta v. d. Caus. XXI q. 4. per tot. cap. 2. 4. 7. 15. de vit & honest. cler. Clem. 2. eod.

- 3) Actiones statui suo, vel officio præjudicio futuras fugiant; atque ideo
- a) a venatione saltem frequente, quæ contemptum aut negligentiam sacri muneris induceret, d)
 - b) ab officiis militaribus, & curialibus, e)
 - c) ab illis, quæ mores corrumpunt, spectaculis, alearum, similibusque ludis; f)

d) a

- d) a *tabernis*, ac immoderatis *conviviis*, ebrietatis utique *illiciis*, g)
 e) a *negotiatione*, *mercatura*, omnique *turpis* *lucris* studio, h)
 f) & ab omni cum *fœminis* conversatione, quæ *incontinentiæ* vel *suspicionem* *ciere* posset, *severis* *canonum* *legibus* *prohibentur*. i)

d) Plurima Clericos indecentia venationem comitantur (Fleury *diff.* III. in *hist. eccles.* §. 8.) quapropter severe cap. 1. & 2. de cler. venat. Concil. Lateran. IV. can. 15. Trident. Sess. XXIV. cap. 22. de reform. prohibetur. At quæ clamorosa? an quæta? utraque certe, dum per eam animarum cura detrimentum patitur; nec enim hujus distinctionis rationem habuit Concilium Aquilensen an. 1596. Tom. XV. apud Labæum col. 1501. dicens: indignum est, ut qui paulo ante breviarium manibus tractabant, publice accipitrenz deferant; qui cum Angelis in Ecclesia gratiarum actiones & laudes Deo persolvebant, inter canum lorratus & multitudinem versentur, & incontinis obstrepant vocibus. Sine discrimine etiam loquitur S. Hieronymus Psal. 90. v. 3. Piscatores invenimus sanctos in scripturis sanctis, sed penitus non invenimus sanctum aliquem venatorem.

e) Nemo militans Deo implicet se negotiis secularibus II. ad Tim. II. 4. Adde cap. 1. 2. 3. 4. 5. 8. 9 ne cler. vel monach. Conf. Paul. a Rigger cit. loc. §. 24.

f) Cap. 15. de vit. & honestat. & recte quidem: quod enim spectacula, ludos theatrales adinet, magis Clericis convenit lugere, quam ad scurrilitates, & turpiloquia in cachinnos ora dissolvere. Concil. Parisi. VI. can. 30. Lusu vero alearum, quo nomine non solum veniunt ludi fortunæ, sed etiam

etiam mixti generis fortunæ nimirum & artis (S. Antoninus P. II. tit. I c. 27) dilapidantur prodige superflua clericorum bona pauperibus debita. Quod cum de lusu *chartarum* quoque dici possit, sequitur: crassam sane illorum esse philosophiam, qui istum nullibi clericis interdictum reperiunt. Vid. Van Espen P. I. tit. II. cap. 5.

g) Cap. 14. & 15. de vit. & honest. Cler. Dist. XXXIV. can. 19.

b) Distingue vero inter *mereaturam æconomicam*, & *negotiatoriam*; illa Clerico licet, quatenus unicuique est medium necessariam sustentationem sibi comparandi I. 8 cod. Theodos. de Episc & Cler. hæc autem sub pœna depositionis ab ordine & gradu clericali (can. 4 Dist. XCI) excommunicationis (cap. 6. ne cler. vel monach.) & amissionis privilegii clericalis quoad bona interdicatur, Concil. Trident. Sess. XXII. cap. 1. de reform.

i) Concil. Trident. Sess. XXV. cap. 14 de reform. Conf. cap. 1. & 9. de cohabit. cleric. & mulier. Gratian. Dist. LXXXI can. 25. quo ex mente S. Augustini evadetur etiam cohabitationem cum sorore vitandam esse. quia, ut ait, *femina, quæ cum sorore mea sunt, sorores meæ non sunt.*

4) Officia vero status sui sedulo exequantur, ac proin

a) celebrationi divini officii, horis canonicis rite persolvendis, sacrisque ministeriis jugiter sint intenti;

b) orationi, meditationi, ac fidelium instructioni operam navent;

c) caritatis, ac misericordiæ operibus se ferventer impendant;

d) de-

- d) decorem domus Dei promoveant:
 e) ac sint laboris, studiorum sacratorum, ac solitudinis amatores. *k)*

k) Concil. Trident. Sess. XXII. cap. 1. de reform.

II. Ecclesia insuper latina clericos omnes in majoribus ordinibus constitutos ad summam, a Christo & Paulo Apostolo commendatam, pietate primum ac consuetudine observatam castitatem, si non prius, seculo saltem IV. adstrinxit lege coelibatus *l)* Hujus legis

i) justitia ex eo liquet,

- a) quod nec lege *divina naturali*. nec *positiva*, omnes ad matrimonium contrahendum obligentur; *m)*
 b) nec quisquam ad statum clericalem, quem lex ista adficit, *cogatur*, sed *plena* maneat cunctis, qui se continere aut non posse putant, aut non volunt, ab ordinibus abstinendi *libertas*. *n)*
 c) nec *tentationes carnis* supervenientes quemquam ab adsumpta ultro continentiae lege solvere possint, prout nec *conjugatos*, magis certe illis subiectos, a *fide conjugali* in quocunque casu solvunt. *o)*

l) Pro clericorum coelibatu magna argumentorum vi contendit Franc. Ant. Zaccaria Polessische Historie des heiligen Celibats 1c. Brevius originem, justitiam, utilitatem, ac extensionem legis hujus illustravit Paul a Rigger *cit. loc. P. III. §. 28. seqq.* Ex quo jam quaedam

depromimus: 1) Errant, qui cœlibatum sacris ordinibus ipso *Dei præcepto* adnexum statuunt. Vid. Natal. Alexander *hist. eccles. Sec. IV. diss. 19.* 2) certissimum vero est, divinum Ecclesiæ Fundatorem perfectam castitatem non modo possibilem esse docuisse, verum etiam sequacibus suis eandem consuluisse. Math. XIX. 4. 5. 6. 11. & 12 idem exemplo Magistri sui fecerat Paulus I. ad Cor. VII. 1. seqq. 3) consilio huic adamussim paruerunt Apostoli & primorum seculorum clerici, qui teste S. Hieronymo lib. I. *adv. Jovin & epist. 50 adsumti in Apostolorum reliquunt officium conjugale*, & in Clerum adscripti vel virgines, vel post nuptias continentes fuerunt. Contentit in hoc Boehmerus *jur. eccles. protest. tit. de cler. conjug. §. V.* alias legis cœlibatus adversarius. Nec contrarium probant verba Apostoli 1. Cor. IX. *Nunquid non habemus potestatem sororem mulierem circumducendi?* ut sufficienter ostendit Rigger *cit. loc. §. 32 & Schol.* 4) viguit hæc disciplina in utraque Ecclesia tum græca tum latina non interruptim saltem consuetudine, quæ tamen pro diversitate temporum & locorum variabat; nempe 5) continentiam primis tribus seculis SS. ordinibus Episcopatus videlicet Presbyteratus, & Diaconatus adnexam fuisse testantur Origenes *homil. XXIII. in lib. Numer.* Eusebius *lib. I. demonstrat. evangel. cap. IX.* Cyrillus Hierosol. *catech. XII. S.* Epiphanius. *hæres. LIX.* Num vero hæc adnexio cœlibatus ex *præcepto* Apostolico? num ex sola *imitatione* exempli Apostolici & consuetudine facta fuerit? disputant. Vid. Natal. Alexander *in hist. eccles. seculi IV. diss. XIX prop. 2 & 3* 6) idem in Oriente obtinuit; ut ex *Can. Apost. XXV. Concil. Ancy. can. 10. Neocæsarens. can. 1. Gangren. can. 4. Chalcedon can. 14* constat, solo hoc discrimine: quod usus conjugii dissimulatus fuerit illis, qui jacti mariti in Sacerdotium adsumebantur. Dissimul-

inulationis hujus causas recenset Zech *cit. loc.* §. 46. 47. 7) a seculo IV existant in Ecclesia latina scriptae leges perpetuam continentiam Episcopis, Presbyteris, Diaconis inculcantes. Rigger §. 35. circa clericos autem *minores* imo & *Subdiaconos* nihil adhuc primis V. seculis firmite constitutum deprehenditur Zech. *cit. loc.* §. 44. 45. 8) interim dissimulatione priorum temporum apud Græcos in favorem conjugalis consuetudinis magis erumpente (Zech §. 48.) in Occidente Gregorius M. sic. VI. Leo M. pluraque Concilia continentiam ad *Subdiaconos* etiam extendere conantur haud felici satis effectu, donec tandem seculo XI. fluctuans circa Subdiaconorum cœlibatum disciplina terminaretur. Thomas *sin. loc. cit. cap. 65. §. 3. P. I. lib. II* 9) ab illo jam tempore, præprimis a Gregorii VII. Pontificatu inconcussa stat in Ecclesia præprimis latina ad cœlibatum Subdiaconorum quoque obligatio, quam non ex præcepto solum Ecclesiæ, verum etiam ex voto descendere defendit Cominck de *Sacrament. Disput. XX n. 150* ita ut omnis jam circa cœlibatum quæstio in eo versetur: an *juste?* an *utiliter* Ecclesia clericos perpetuæ castitatis lege & voto constrinxerit? vid. Rigger §. 29.

- m) Consonat hæc propositio cum illa, quam Carolus Saragyna Tom. III. *Theologiæ dogmat. polem. Art. IV. §. 526.* plurimis argumentis defendit: nempe *lex continentia nec juri divino naturali, nec positivo repugnat*; quæcumque igitur pro hac militent rationes, illi quoque demonstrandæ servient. Adde: 1) obligationem in eundem matrimonii esse præceptum *affirmativum*, tale e. g. quale id est: *sole agrum, quia agricultura ad conservandum genus humanum est necessaria*: sed præcepta affirmativa non obligant, si non adest occasio illa adimplendi, vel si ex eorum nonobservantia majus oritur bonum 2) si

omnes jure divino naturali aut positivo ad matrimonium obligarentur: quæso, quomodo excusares ab injustitia Principes, qui ab Reipublica bonum plurimos militum, ad eum statum etiam coactorum, nuptiis prohibent? 3) *affirmantur esse probare*: at quæcunque hucusque protulere cælibatus adversarii argumenta, splendida sane magis, quam solida non Theologis modo, verum etiam Politicis visa sunt. Conf. cit. Sardagna cit. loc. p. 589. seq.

n) Libere vero in id, quod salva divina, ac humana lege fieri potest, consentientibus injuriam haud inferri, notissimum est.

o) Quid! quod tentationes ejusmodi carnis rarius experiantur Clerici vocationis suæ memores, implendisque officiis status sui, quæ præcedente n. I. 4. indicavimus, indies occupati. Conf. I. ad Cor. VII. v. 28. 32.

2) utilitas inde elucet.

a) quod *ministerium divinum* indivisum cordis erga Deum amorem, ac summam animi, corporisque integritatem deponat; p)

b) quod *cura animarum* in quibusvis, vitæ etiam propriæ, periculis intrepida vix cum anxia uxoris proliumque cura componi queat;

c) quod Clerici conjugati *æstimatio*, ac laicorum erga ipsum in sacro tribunali, aliisque animæ negotiis *fiducia* deficiat;

d) quod *bona ecclesiastica* aut familiæ alendæ haud sufficerent, aut ad usus non sacros, non levi rei spiritualis detrimento, distraherentur; q)

e) quod

e) quod proin *Reipublicæ* etiam, & *Principum* quam maxime intersit, ut lex ista conseruetur, ne de congrua non clerici solum, sed & uxoris liberorumque sustentatione providere bonis temporalibus amplioribus debeant. r)

p) Qui autem cum uxore est, sollicitus est, quæ sunt mundi, quomodo placeat uxori, & divisus est. I. ad Cor. VII. Huic D. Pauli ratio inhiæns Ecclesia Clericorum nuptias prohibuit, ne ipsi a divinis officiis & ecclesiasticis ministeriis retrahantur. Expressit hanc Ecclesiæ mentem claris verbis Alexander III. cap. 12. de cler. conjug. in prima compilat. Decretal apud Ant. August. item Gratian; Dist XXXI can. 1. 2. 4 s. 6 sequ. Quare injuri in Ecclesiam sunt ii, qui cælibatus præcepti rationes unice ex motivis politiciis, dominationem pontificiam apprimè stabilituris, desumptas esse contendunt. Conf. Rigger §. 30. Schol.

q) Agnovit id optime Justinianus Imperator L. 42 cod. de Episc. & Cler. scribens: Etenim vix fieri potest, ut vacans hujus quotidianæ vitæ curis, quas liberi creant parentibus maximas, omne studium omnemque cogitationem circa divinam liturgiam, & res ecclesiasticas consumat. Nam cum quidam summa in Deum spe, & ut animæ eorum salvæ fiant, ad sanctissimas accurrant Ecclesias, & eis omnes suas facultates adferant, & relinquunt, ut in pauperes & egenos, & alios pios usus consumantur, indecens est Episcopos (aliosve animarum curatores) in suum illas asferre lucrum, aut in propriam sobolem & cognatos impendere. Oportet enim Episcopum, minime impediri affectionibus carnalium liberorum, omnium fidelium spiritualem esse Patrem. Has igitur ob causas

*prohibentur habentem natos, aut nepotes ordinari
Episcopum.*

- c) Conf. lib. Salisburgi an. 1784. editus Ueber den
Eolibat der Geistlichen, und die Bevölkerung
in katholischen Staaten.

3) Extensio.

- a) Clerici in *minoribus* constituti contracto, a
quo equidem non prohibentur, matrimo-
nio ad beneficia *inhabiles* fiunt, haecenus
possessâ amittunt, fructusque prius per-
ceptos restituere tenentur; s)
- b) qui vero jam *majori* ordine initiati sunt,
si matrimonium, *invalide* licet, contrahere
adtentent, *excommunicationem latæ sententiæ*
incurrunt, a beneficio *suspenduntur*, ad pœ-
nitentiam adiguntur, fiuntque *irregulares*
salva tamen Episcopis dispensandi faculta-
te. t)
- s) Cap. 3. §. 5. de cler. conjug: Conf. Rigger de
loc. §. 39. seq.
- ø) Conf. idem de Rigger § 43. seq. Circa eos,
qui conjugali vinculo adstricti ad statum cleri-
calem adspirant vid. Dist. XXXII. can. 2. Cap. 5.
§. de convers. conjug: De hodierna Græcorum circa
cœlibatum disciplina sequentia notasse sufficiat:
permittit nimirum Ecclena Clericis suis jam an-
te ordinationem ductis uxoribus utendi potesta-
tem (Cap 6 de cler conjug) præcipit autem simul
1) ut sacerdos antequam Missam celebret vel per
hebdomadam vel per triduum ab uxore abstineat.
(Benedict. XIV bullar. rom. I. bulla LVII. §.
VII. n. 28) 2) Episcopus post consecrationem su-
am non utetur conjugio prius contracto; 3) nec
ullus

ullus Clericus in majoribus ordinibus, qui ad ordines cœlebs pervenerat, post susceptos eodem matrimonium inecat.

§. III.

PRIVILEGIA CLERICORUM COMMUNIA.

I. Clericis ob sublimem officii sacri ac dignitatis gradum varia tributa sunt jura, ac privilegia, quæ

- a) vel *personas ipsas*,
- b) vel *res seu bona clericorum* concernunt.

u)

u) Cum de immunitate *reali*, & *personali* in genere jam in P. I. cap. II. §. IV. actum sit, hic privilegia tantum *personarum specialia* subjungenda sunt.

II. Ut ab omni contra Clericum vel Monachum violentia absteineatur, cautum est a Concilio Lateran. II. & a *Canone* ibi lato dicitur Privilegium Canonis, v) quo

- a) ne quis actione externa graviter injuriante Clericum *injuste* adficiat;
- b) aut ad actionem similem malo animo concurrat;
- c) sub *pœna excommunicationis latæ sententiæ* Pontifici reservatæ prohibetur. x)

v) Canonem refert Gratianus *Caus. XVII. q. 4. can. 29.* occasionem, qua editus fuit, vide in epitome hist. eccles. *Period. IV. §. 18.*

- x) Cum gravitas injuriæ aut injustitiæ non in omni Clerici percussione subverfetur: non omnis etiam percussor hanc pœnam incurrit; ipsi jam Canones plures exceptiones admittunt *Cap. 1. 3. 10. 24. de sent. excommunicat.* Ceterum excommunicati Clerici percussores vitandi sunt sub pœna excommunicationis *minoris*, si de facia percussione adeo *notorie constiterit ut factum non possit aliqua tergiversatione celari neque aliqua juris suffragio excusari.* *Cap. 29. ibid. Conf. Schenkl p. 438. Schol. 1. 2.*

III. Ut porro Clerici quietius vacare suis officiis queant, exemti quoque a muneribus civilibus, servitiis, ac oneribus personalibus sunt per Privilegium servitiorum y) quo

- a) a *militia*, nisi extrema necessitas urgeat; z)
- b) a *publicis & curialibus* officiis civitatis; a)
- c) a muneribus *sordidis & servilibus*;
- d) a *censu capitis*, seu tributo personali immunes sunt. b)

y) Unde vero Privilegium istud Clericis competit?

Distinguenda sunt civilia servitia, quæ cum Clericorum officiis lege divina iisdem injunctis consistere possunt ab iis, quæ clericalibus obligationibus directe opponuntur. Exemptione a servitiis primi generis Principum liberalitati debetur P. I. cap. II. §. III. n. III ostendimus. At si servitia alterius sint generis, jure divino Clericos ab iisdem immunes esse, res ipsa loquitur. An enim vel cogitari potest, Christum Clericis obligationes quaspiam imponentem non simul iisdem jus ad ea dedisse, sine quibus impossibilis foret harum obligationum observantia? imo ne præceptorum suorum efficacia ab hominum arbitrio pendeat, ademisse censendus est Principi-

Principibus potestatem Clericos ad ea servitia adigendi, quæ cum honestate vitæ clericalis, & cum officiis eorum spiritualibus stare haud queunt. Atque de hoc servitiorum genere loquutos esse Pontifices & Concilia, ad quorum sententias provocant, qui immunitatem Clericorum juris divini esse volunt (vid. *P. I. cap. II. §. III. not. y*) verosimillimum est.

- 2) In extrema necessitate Clericis non debere alienam esse illam fortitudinem, quæ vel bello utor patriam, vel domi defendit infirmos; vel a latronibus socios, quamque plenam iustitiam appellat S. Ambrosius *lib. I. offic. C. 17.* ostenditur passim 1) exinde, quod dignitas clericalis ab officiis erga rempublicam non absolvat; 2) quod, dum respublica ab interitu defenditur, ob arctissimum religionis cum salute civitatis nexum (*P. I. Cap. II. §. I.*) servitium Ecclesie præstetur; 3) quod tute supponi possit, Principes immunitatem concedentes necessitatis casum exceptum voluisse. Confirmantur hæc verbis Gregorii *lib. VII. epist. 20. in decretal. cap. 2. de immunit. eccles.* quæ ita sonant: *Quia vero comperimus, multos se a murorum vigiliis excusare, sit fraternitas vestra sollicita, ut nullum nec per nostrum vel Ecclesie nomen, aut quolibet alio modo defendi a vigiliis patriatur, sed omnes generaliter compellantur, quatenus cunctis vigilantibus melius auxiliante Domino civitatis valeat custodia procurari.* Conf. Paul a Rigger *cit. loc. P. I. §. 448. Schol.*

- a) Quare exempti sunt a muneribus municipalibus, tutelis, curatelis, nisi quas sponte suscipiunt. *L. 2 §. 6. item 52. Cod. de Episc. & Cler.* Conf. Zech *cit. loc. §. 57.* Per §. XXIII. Sanctionis pragmaticæ episcopalis Nissæ 1699. 26. Octobr. ad suscipienda ejusmodi munera facultas Vicariatus necessaria clericis est.

C §. 6. b) Cap

- b) *Cap. 4. de censib. in 6. Clement. 3. de censib. item Auth. nulla C. de Episc. & Cler.*

IV. Clerici quoque ære alieno gravati, cui reddendo pares non sunt, gaudent Privilegio Competentiæ, quo

- a) congrua ipsis sustentatio semper relinquatur;
- b) nec carcere, aut alia, quæ statum clericalem contemtui exponeret, via ad solvendum compelluntur. c)
- c) Varios assignant Eruditi fontes, e quibus privilegium *Competentiæ* promanat; nempe 1) paritatem Clericorum cum militibus secularibus, quibus leges ob merita in Rempublicam id indulgent. *L. 6. 18 ff. de re judic l. 7. ff. de cast. pecul. Cod. cit. Pruss. P. I. tit. XI § 680. seq.* 2) Capitulum 3. Odoardus de solut. 3) æquitatem, qua non decet eos, qui divino ministerio adscripti sunt, cum ordinis dedecore mendicare, aut sordidum aliquem questum exercere. ut ait Concilium, *Trident. Sess. XXI. cap. 2. de reform.* Ceterum non eadem est ubique locorum quantitas, quæ Clerico ad congruam sustentationem relinquatur; speciales hac in re Principum leges potissimum attendendæ sunt, *Conf. cod. cit. Pruss. P. II tit. XI §. 1147.*

V. Tandem æquissimo Principum maxime, beneficio per Privilegium fori

- a) a jurisdictione judicis laici in causis civilibus,
- b) & criminalibus communiter,
- c) non

- c) non tamen in caussa *feudali*, eorum iudice feudali agenda, eximuntur; d)
- d) explicari vero hæc immunitas ad diversos regionum mores, & limites ab ipsa Ecclesia positos debet. e)
- e) Privilegio vero ipsi, in favorem totius Cleri dato, renuntiari a quoquam *nec per juramentum* potest. f)
- d) Conferantur dicta P I cap. II. §. III n. IV. not.
- a) Ex ipi. vero ab hoc privilegio 1) causas *feudales*. 2) aliquas *criminales* in casibus expresse per canones permittis docent. cap. 6. & 7. *de for. compet.* cap. 10 *de iudic.* cap. 25. 45. *de sent. exc. com.* cap. 1. *de homicid.* in 6.
- e) Mores, ac leges nostræ angustos eidem satis limites ponunt. vid. cit. Cod. P II. tit. XI. §. 53. *seqq.*
- f) Cap. 12. & 18. *de for. compet.* Potest vero Clericus non modo hoc, verum & aliis privilegiis exui tum ob delictum jure expressum, tum ob conditiones, quas Ecclesia requirit, non observatas. Videatur Zech ent. loc. cit. V. §. 64 *seq.*

§. IV.

SUSTENTATIO CLERICORUM, ET BENEFICIA IN GENERE.

I. Beneficium ecclesiasticum jus dicitur perpetuum percipiendi fructus ex bonis ecclesiasticis ob officium sacrum auctoritate ecclesiastica cum eo connexum. g) Eorum origo sequens est.

a) Pri-

- a) Primis IV. seculis ex cummuni oblationum massa Clericis ab Episcopo de congrua sustentatione fuit prospectum; h)
- b) seculo vero V. facta proventuum ecclesiasticorum in quatuor partes divisione Episcopo, fabricæ, pauperibus & Clero in commune adhuc viventi sua portio obvenit: i)
- c) seculo VI. Beneficia parochialia sensim cœpere, cum ruralibus Presbyteris fundi quidam assignarentur, qui primum quidem post eorum obitum liberæ Episcoporum dispositioni relictæ, postea vero ipsis parochiarum titulis innectebantur: k)
- d) tandem deserta vita communi, divisisque Episcopos inter & Capitula bonis, in ecclesiis cathedralibus, collegiatis, aliisque, Beneficia hodierna exorta sunt. l)
- g) *Beneficium* idem olim, quod feudum seu munus regium denotabat; (Du Fresne gloss. lat. soc. in *munus regium*.) Apud Francos adpellatione beneficii veniebat omne jus utendi, fruendi bonis pro officio concessum; (Muratorius in *antiquitat. ital. diss. XI. col. 554.*) in utroque igitur jure, civili & ecclesiastico nomen Beneficii in usu erat. Nunc vero quatuor characteres essentiam Beneficii absolvunt 1) *officium sacrum* seu spirituale: inde vulgatum illud, *Beneficium datur propter officium*. Cap. 15 *de rescript. in 6 &c.*, ut ait Concilium Trident. Sess. XXI cap. 3. *de reform.*, Beneficia ad divinum cultum, atque ecclesiastica munia constituta sunt; 2) *jus percipiendi fructus*, ipsi ministerio ecclesiastico, quod in beneficio principale est, annexum seu accessorium; 3) *perpetuitas* quæ tam

tam diuturna sit, ac vita Beneficarii; 4) *auctoritas Ecclesiae*. seu Episcopi seu Pontificis, ut eorum manibus & laura munia, & possessiones a Clericis accipi videantur. Unde jam colligitur: 1) jus percipiendi fructus laicis competens, 2) pensiones, ex redditibus ecclesiasticis cuiuspiam adtributas, 3) praestimonias, seu stipendia ex iisdem ad alendos studiosos, aut milites in bello sacro detracta, 4) canoniam simplicem, 5) beneficia, quae vocant, manualia, 6) vicarias temporales, seu administrationes beneficii curati, 7) Commendas temperales beneficiis proprie talibus accenseri non posse. Quae ratione *Præbenda* a Beneficio differat, vid. apud Rigger *P. III §. 92. Schol.*

b) Conf. *P. I. cap. II. §. IV. n. VII. not. c)*

i) Auctores divisionis istius fuere Simplicius, & Geladius Pontifices relati in *Caus. XII. quest. II. can. 23. seq.* ad eam faciendam Administratorum avaritia, cupiditate, & oblivione Pauperum permoti. Quare autem quarta soli Episcopo obveniret? hanc rationem Geladius *epist. X.* reddit: quod scilicet peregrinos & captivos nobiliores excipere deberet. Ceterum an quadripartita hæc divisio *arithmetice*, an *geometrice* accipienda fuerit, non satis liquet. Conf. *P. I. eod. loc. P. II. §. 139. Schol.*

k) Non Presbyteris solum, verum etiam aliquando laicis minuscula id genus prædia ex singulari necessitate, aut ob singularia personæ alicujus merita ab Episcopis concedebantur, ea tamen lege, ut Ecclesiam semper honorum istum dominam agnoscerent, ad quam etiam mortuo possessore cum omnibus accessionibus & statu meliore revertantur. Inde vero deducitur 1) res ecclesiasticas dispensandi potestatem, facta etiam earum divisione, manibus Episcoporum non excidisse;

disse; 2) quia ejusmodi prædia Presbyteris concessa non nisi gravissimis de causis & rarissime ante eorum mortem revocabantur, non immerito asseri, primam beneficiorum proprie talium originem ad seculum VI. referendam esse. Conf. Thomaslin cit. loc. *P. III. lib. II. cap. 14. seq.* Symachus *P. epist. V* apud Gratianum *causs. XVI. quæst. I. can. 61. 3)* mutationes circa beneficia postea non leves evenisse, antequam eam, quam nunc habent formam, obtinuerint. Ac ita est sane: jam sub seculi IX. exordium Episcoporum auctoritas non nihil labefactari cepit, quandoquidem ea non adtenta prædia in Clericos & Canonicos, Xenodochia, & templorum fabricam transferri ceperunt; quin Clerici, qui forte in demortuorum locum venerant, novis precibus Episcopos pro reditibus audirent, aliunde se fundatam intentionem ad percipiendos preventus intra fines finium parochiarum provenientes habere credentes, idque inter jura titulis parochiarum adnexa referentes, quod nuper personale credebatur. Van Espen *J. E. P. II. Sect. III. tit. 1.*

1) Vid. *P. I. cap. I. §. VIII n. II. lit. c. not. 5).*

II. Species beneficiorum:

- a) alia sunt *qualificata*, vel *duplicita*, quæ dignitatem, officium speciale, aut curam animarum adnexam habent; sin; *simplicia*; m)
- b) alia *majora*, quibus jurisdictio sacra propria, & in foro etiam externo adjuncta est; quæ illa carent, *minora*; n)
- c) alia *electiva*, quæ per plurium suffragia, & Superioris confirmationem, aut *collativa*, quæ ex Prælati arbitrio conferuntur: o)
- d) alia

- d) alia *mixta* aut *patronata*, quæ Prælati ad Patroni præsentationem, vel nominationem confert:
- e) alia *secularia*, quibus Clerici seculares, vel *regularia*, quibus regulares præficiendi sunt, p)
- f) alia demum *compatibilia*, quæ in eadem persona conjungi possunt, vel quæ nequeunt, *incompatibilia*... q)

m) Ad *simplicia* in regula referuntur *Canonicatus* ecclesiarum cathedralium, & collegiatarum, nec non *capellæ*, & *capellaniæ* perpetuæ; ad *duplicia* vero *Præpositura*, *Decanatus*, *Archidiaconatus* & alia Vid. Van Espen P. II. Sect. III. tit. 1. cap. 4. Quæ curam animarum adnexam habent, *curata*, nomine alio, compellantur.

n) Si cum Riggero P. III. §. 104 Dignitatem a Personatu discernamus, illamque jurisdictionem quandam externam beneficio adhaerentem dicamus: omnia ea beneficia, quæ præced. lit. a. not. m) ob adnexam iisdem dignitatem qualificata seu duplicia vocavimus inter majora referri debebunt, siquidem jurisdictio non vicaria solum & delegata sed *propria* uerit: illudque unicum inter beneficia ob adhaerentem iisdem dignitatem, qualificata, & majora discrimen erit, quod illa jurisdictionem *externam* sive vicariam & delegatam, sive propriam, ista vero *propriam* adjunctam habeant.

o) In Germania itaque Episcopatus, Abbatia beneficia *electiva* sunt. Vid. Prolegom. cap. II. §. II. n. II. lit. a) n. III. lib. b)

p) Beneficium *regulare* aut ex natura sua regimen monasticum requirit, uti Abbatia, Prioratus; aut tale regimen ex natura sua non exigit, sed tamen

tamen fundator specialiter ordinavit, id a Regulari regendum esse; aut demum ex seculari, præscriptione quæ ad minimum 40 annorum esse debet cum possessione continua & pacifica regulare evasit. Cum voluntas Fundatoris, & præscriptio res facti sint, facta vero non supponantur, sed probari debeant; sequitur, asserenti beneficia ex natura sua regimen monasticum non exigentia esse regularia probationem incumhere, atque in dubio præsumi debere ejusmodi beneficia secularia esse.

- 9) *Incompatibilia* rursus dividuntur in ea quæ primi, & ea, quæ secundi generis vocantur: illa sunt, quorum tanta est invicem dissensio, ut ad secundum accedere non possis, quin hoc ipso vocare primum incipiat; ejusmodi sunt duo curata, duæ dignitates, duo personatus, imo curatum etiam unum cum dignitate sive in eadem sive in diversis ecclesiis; quin duo etiam uniformia, licet sint simplicia, sub una recto existentia, i. e. in una ecclesia; hæc vero, quorum societas quidem non potest subsistere, attamen secundi pacifica consequutione pure non continuo ipso jure possessor excidit. Omnem hanc incompatibilitatem ex triplici fonte derivant 1) ex obligatione *residentiæ*; 2) ex *servitio* uno eodemque tempore præstando; 3) ex *sufficientia* sustentationis, quam vel unum beneficium præbet. Pluralitas beneficiorum, incompatibilium præprimis, gravissimis rationibus interdictum. Vid. Rigger *cit. loc. P. III. §. 110* item Concil. Trident. Sess. XXIV. cap. 17. *de reform.* Sunt tamen, qui Pontifici Romano jus super eadem dispensandi vindicant, dummodo ea sit a S. Thoma *lib. IX. quæst. VII. art. 11.* explicata circumstant: nempe *Necessitas vera*, non ficta; *ecclesiæ Utilitas*; & *mens fundatoris* non contraria. Conf. Concil. Trident. *cit. loc. add. Sess. VII. cap. 2. & 4. de reform.* item Zech *de jure rerum* Sess.

*Sess. III. tit. VIII. §. 108. seqq. & cit. Cod. Pruss.
P II tit. XI. §. 115. seqq.*

III. Erectio beneficiorum fieri debet

- a) *legitima* Superioris ecclesiastici, quoad cathedralia, aut his majora Pontificis, quoad reliqua, Episcopi *auctoritate*; r)
- b) *ex fine & intentione* cultus divini, aut salutis animarum; s)
- c) *per dotem sufficientem*, t)
- d) *in loco congruenti*,
- e) & cum eorum quorum interest, *consensu*.
u)

r) Vid. P. I. cap. I. §. I. n. V lit. b) not a) item cap. 9: de vit & honest. cler. Trident. Sess. XXV. cap. 3 de regular.

s) Beneficium datur, inde & erigitur propter officium.
Conf. definit. præced: n. I

t) Cap. 8. de consecr. eccles. cap. 3. de eccles. adif.

u) Cap. 36 de præbend.

IV. Provisio, seu modus, quo quis canonice ad beneficium promovetur, perficitur

- 1) *per designationem personæ*, quæ fieri potest
 - a) vel *per electionem*, seu plurium suffragia;
 - b) vel *per nominationem* seu sententiam unius personæ;
 - c) vel *per præsentationem*, qua persona designata, illi, qui beneficium confert, instituenda proponitur;

- 2) *collatione tituli*, seu juris beneficii;
 3) *introductione* in possessionem beneficii. v)

v) Infra fusior horum explicatio occurret; conf. interim *cap. 17 de preb. in 6.*

V. Beneficium generatim conferatur

1) non nisi vacans, x) ubi

- a) id, quod de *jure tantum* vacat, seu possidetur equidem, sed sine legitimo titulo, alteri, cognita tamen prioris possessoris causa, conferri potest: y)
 b) quod de *facto tantum* vacat, seu cujus quis titulum, sed absque possessione tenet, adeo conferri alteri nequit, ut præter *nullitatem actus* id scienter acceptantem a communione Ecclesiæ pellendum, & ad idem beneficium, si deinceps etiam legitime vacaverit, sine dispensatione haud admittendum canones decreverint. z)
 c) quod vero de *jure* simul & *facto* vacat, conferri non potest solum, sed & debet. a)

x) Idque ideo: ne desiderare quis mortem proximi videatur, in cujus locum & beneficium se crediderit successurum. *Cap. 2. de concess. preb. & eccles. non vacant.* Quapropter lege Concilii Trident. Sess. XXIV. cap 19 de reform. abrogatae sunt, & nullae ac irritae declaratae Expectantiae, seu concessionibus beneficii vacatari: excipiuntur tamen 1) *Coadjutoriae* in ecclesiis cathedralibus, & regularibus; *P. I. cap. I. §. VII. n. III* quibus aliqui 2) addunt canonicos *domicellares*, sive in herbis, qui jam in canonicorum ordinem inducti præbendam proxime vacantem præstolantur. Sed

enim si verba canonum, ait Pe hem *cit. loc. P. II § 174.* eorumque mens & ratio animo præjudicis vacuo perpendatur, nullus superest dubio locus. quin id genus Canonicorum probari haud queat. At saltem valebunt *promissiones* beneficii vacaturi *indeterminati*? aut scriptura vel iuramento firmata? — Equidem tolerantur illa in *cap. 14 de concess. præbend.* Sed reprobantur iura posteriore, & prioris derogatorio, decreta nimirum Bonifacii VIII. *cap. 2 de concess. præbend. in 6* iuramento etiam firmata, quod contra bonos mores præstitum haud est obligatorium. *Cap. 58 de reg. jur. in 6* Num Summi etiam Pontificis potestas his iuribus quoad Germaniam saltem, ligetur. ex Concordatis Germaniæ deficiendum est. Vid. Zech *cit. loc. §. 124.*

1) *Cap. 28. de præbend. in 6.*

2) *Cap. 1. 2. 7 de concess. præbend. & eccles. non vacant: Cap. 4. de donat*

a) Quot modis vacantia hæc beneficii contingere possit. vid. apud Zech *cit. loc. §. 124* Debere id genus beneficium conferri ratio est: quod longior ejus vacatio cultui divino, salutis animarum, ipsique fundatorum menti præjudiciosa sit.

2) Non nisi digniori b) qui nempe

a) illis ornatur dotibus, quas *jus commune*, si-
ve statuta ecclesiarum *particularia* requi-
runt;

b) & qui consideratis omnibus Ecclesiæ uti-
lior futurus creditur. c)

b) Indigno si beneficium conferatur, nemo negave-
rit, nullam esse collationem Cont. *Cap. 22 de
elect. & cap. 7. 14. eod. in 6. cap. 1. de instit. in*

6. cap. 7. de *clav. excom.* Dignus igitur sit oportet, & inter plures dignos dignior, qui beneficium obtineat: *omnia enim jura clamant, ut meliores, & sanctiores eligantur*, ait Fagnanus ad cap. 8. de *consuetud. n. 19.* Ceterum indulgent, jura humana validam esse beneficii collationem, siquidem neglecto meliore dignus saltem beneficium obtineat, secus enim omnis collatio calumnias, lites, & controversias post se traheret, nemoque beneficium acceptare posset, quoniam se ipsum citra notam ambitionis digniorem aestimare nequit.

c) Seu ut Concilium Trident. Sess. XXIV. cap. 18 de *reform.* sapientissime monet: *qui aetate, moribus, doctrina, prudentia, & aliis rebus ad vacantem ecclesiam gubernandam opportunis ceteris magis idoneus judicatus est.* Hæc præscripta ad Patrones ecclesiarum, qui ad beneficia præsentant, quam maxime pertinere, res ipsa loquitur. At utinam non doceret experientia, mores a saluberrima hac doctrina frequentissime discedere, ipsaque beneficia hominibus, non homines beneficiis dari!

3) Canonice, seu secundum præcepta Canonum; id est:

- a) *gratuito*, absque simonia;
- b) *libere*, absque coactione;
- c) *absolute*, & determinate;
- d) *integre*, sine diminutione;
- e) *& definito tempore.* d)

d) De tempore, intra quod singula beneficiorum species conferri debent, suo loco dicetur; liberam, & absolutam debere esse beneficii collationem docet cap. 2. de *his, quæ vi &c.* & cap. 2. de *elect.*

in 6. Cont. Concordati Calixtini tenor in Prele-
gom. cap. II. §. II. n. II.

§. V.

MODI PERVENIENDI AD BENEFICIA MA- JORA.

I. Modi, quibus beneficiis *majoribus*, si vacaverint, providendum est, a jure ecclesiastico probati, sunt sequentes: nimirum

- a) Electio, seu vocatio personæ idoneæ ad prælaturam ecclesiasticam per eos, qui jus suffragii habent, canonice facta, & a Superiore ecclesiastico regulariter confirmanda:
- b) Postulatio, seu petitio a capitulo, vel alio jus nominandi habente ad Superiorem directa, ut is personam impedimento canonico, dispensari tamen solito, laborantem ad prælaturam ecclesiasticam admittere velit.
- c) Nominatio regia, qua Princeps personas prælaturis ecclesiasticis præficiendas designat, salva tamen Ecclesiæ eas confirmandi, & ordinandi facultate:
- d) Translatio, qua Prælati ecclesiastici ab una ecclesia ad alteram canonice transponuntur.
- e) Postulatio ita definita *solemnis* est; alia *minus solemnis*, seu simplex dicitur, qua consensus Superioris, in electionem canonicam sui subditi, nullo impedimento laborantis, exquiratur, quæ

proin ad regulas electionis componitur, de qua
mox.

II. Circa electionem igitur hæc præcipue notanda sunt:

1) ratio, qua electio ad capitula devenerit? f)

a) Compositis illis, quæ ob investituras per baculum & annulum orta sunt, transactione calixtina dissidiis, clerus & populus circa electiones Episcoporum reditus suo juri est; g)

b) postea ecclesiarum cathedralium Canonici, qui alias majoris momenti negotia cum suis Episcopis pertractarunt, sibi solis quoque jus electionis, tacentibus ceteris, vindicare cœperunt, Pontificum dein, ac Principum sanctionibus ipsis stabilitum: h)

c) at amaris denuo tum ob *Regum interpretationes*. tum *Pontificum reservationes* Sacerdotum inter & Imperium exortis jurgiis, jus denique istud per Concordata Germaniæ capitulis restitutum est. i)

f) De variis constituendorum Episcoporum ab origine Ecclesiæ usque ad initas transactiones inter Sedem Romanam & nationem præsertim Germanicam vicissitudinibus in Prolegom. cap. II. §. II. actum est Conf. etiam hac de re Pechem P. II. §. 179 seqq. Hic loci de illis vicissitudinibus agendum superest, quas eligendorum Episcoporum ratio a Concordati Calixtini ætate ad nostra usque tempora experta est.

g) Vid Transactio Calixtina in concordat. nation. german. integr. tom. I. p. 34. seq. Supponebat id

Id Gregorius VII. pro libertate electionum
constantissime pugnavit, ut legitimum *lib. I. epist.*
35. hujusque principis Transactio Calixtina su-
peraddita fuit,

b) Jus illud seculo XIII. ad capitula transit, populo
vel ideo prerogativam transactione Calixtina sibi
restitutam non reclamante, quod eandem regis
nominationibus antea advetus non admodum
cordi habuerit. *Conf. tit. de elect. & post pralat.*
item aurea bulla Friderici II. *de libert. ec-*
cles. de art. 113.

c) Exceptis quibusdam casibus Pontifici reservatis;
quoad reliquos vero ipsa eligendi libertate ad alia
quoque collegia ecclesiastica, & regularium con-
ventus extensa. (Vid. *Concordat tenor. in Prole-*
gom. cap. II. §. II n. III.)

2) Quinam voce activa gaudeant?

a) Jure *communi ordinario* omnes & soli Ca-
pitulares k) qui proin & omnes vocan-
di sunt: l) *cedere* tamen juri suo, aut *legi-*
time impediri *Procuratorem* constituere pos-
sunt. m)

b) Jure *extraordinario*, privilegii Pontificis,
vel ex lege *fundationis*, aut *unanimes Consen-*
su Capitularium, *præscriptione* &c: etiam
extranei, n)

k) Canonici *capitulares* dicuntur, qui votum & sessio-
nem in capitulo (P. I. cap. I. §. VIII. n. II. not.
q) habent; ab his differunt *domicellares* voto &
sessione in capitulo eousque non gaudentes,
donec post aliorum capitularium obitum in eo-
rum locum subrogentur.



- 1) *Cap. 42. § 28 de elect.* Si eorum vel unus non vocatur, de contemtu agere potest ad rescindendam electionem *Cap. 38. 36. de elect.*
- 2) *Cap. 42. § 1. de elect.* Procurator unus ex Capitulo, vel si Capitulum conferent, etiam, extraneus, Clericus tamen constituendus est, modo absens de justo impedimento iurijurandi religionis, capitulo id exigente, fidem faciat. Imo plures etiam constituere procuratores fas est, aut singulos in solidum, non quidem ut omnes suffragentur, sed ut admittatur, qui reliquos praevenit, quique a maiore parte capituli delectus fuerit, aut prior in litteris mandantis nominatus *Cap. 42. de elect. Cap. 46. ibid. in 6.* Cum autem Capitularium quis alterius quoque nomine eligit, non potest anticipi conscientia dividere suffragia in diversos, sed debet & suum. & Principalis conferre eidem personae, nisi de certa persona eligenda dederit sibi Dominus speciale mandatum. *Cap. 46. ibid. in 6.* Per litteras autem fas non est mittere suffragium: cit *cap. Cō f. Laics praelection. canon. de legit. Episcopos. instituend. & destituend. ratione § 31.*
- 3) *Cap. 40. de elect. cap. 8. de consuetud. cap. 3. de caus. possess. in fine cap. 1. de praescript. in 6. Conf. Zech de hierarch. ecclēs. §. 21.*
- 3) Quinam eligere nequeant?
- a) *Laici omnes; o)*
 - b) innodati *Excommunicatione maiori, suspensi a iure Capituli, personaliter interdicti, aut in loco interdicto temerarie celebrantes; p)*
 - c) nondum *subdiaconi, nisi contraria obster consuetudo; q)*
 - d) ab-

- d) *absentes* sine legitima caussa, *indignum* eligentes, vel postulantes, aut formam præscriptam non servantes, — pro una vice; r)
- e) *Regulares proprietarii* per biennium; s)
- f) *Religiosi mendicantes*, qui ad ordinem non mendicantium transierunt in *perpetuum*. t)

q) Cap. 51. & 56 de elect.

p) Cap. 16. & 39. ibid. Cap. 18. §. un. de sent. excomm. in 6.

q) Clement. 2. de ætat. & qualit. ord. Concil Trident. Sess XXII cap 4 de reform Conf. Neller de sac. elect. processu §. 2. n. 4.

r) Cap 1 2 de postulat. cap 41 42 de elect. cap. 42. eod. tit in 6

s) Concil Trident Sess XXV. de Regular. cap. 2.

t) Clement. 1. de Regular: Huc discretionem carentes, *menie captos furiosos* referri sponte sua intelligitur; idem de *juris infamia* notatis passim perhibent scriptores auctoritat. capit: 87 de Reg Fur. in 6. permoti At negat idem fieri oportere Nellerus in *dissert. de sacre elect. processu* §. 2. Q. ad num. 4. tum quod nuppiam hujusmodi aliquid in jure expressum sit, tum quod infamia ab honoribus quidem suscipiendis, non item ab iis conferendis arceat.

4) Dotes eligendorum.

- a) *Fidei morumque integritas*;
- b) *ætatis maturitas*;
- c) *scientia litterarum*;
- d) *ordo subdiaconatus* ab illis, qui ad Ecclesiam cathedralam adsumuntur, jam ante *sex* mensēs

mensēs susceptus; reliqui vero ita sint comparati, ut intra annum sacerdotio initiari queant;

c) *professio religiosa in eo ordine facta, in quo quis ad Prælaturam regularem promovendus est. u)*

u) *Cap. 7. de elect. Concil. Trident. Sess. XXII. cap. 1. & Sess. XXIV. cap. 12 de reform.*

5) *Quinam voce passiva destituantur?*

a) *Irregulares omnes; v)*

b) *simoniaci, pecunia etiam ipsis nescientibus, modo non in fraudem aut odium, ab aliis oblata; x)*

c) *plura beneficia incompatibilia sine dispensatione retinentes; y)*

d) *Regulares proprietarii; z)*

e) *excommunicati excommunicatione etiam minore, suspensi ab officio vel beneficio, personaliter interdicti, vel interdictum locale, aut personale violantes; a)*

f) *in electionem sui, per abusum secularis potestatis factam, aut alias, antequam eligerentur, consentientes; b)*

g) *indigni, vel minus digni; c)*

h) *indignum scienter eligentes per triennium, d)*

v) *Conf. huj cap. §. 1. num. II. seq.*

x) *Cap. 59. de elect. cap. 27. & 33. de simon. Excipitur quoque catus, ubi sciens offerri pretium constanter & expresse contradixit.*

y) *Conf. præced. §. IV. n. II. not. g)*

z) *Concil.*

- 2) Concil. Trident. Sess. XXV. cap. 2. de Regular.
 a) Cap. 7. & ult. de cler. excomm. cap. 8. de consuet.
 b) Cap. 20 de elect. cap. 26. de jur. patron. cap. 46. de elect.
 c) Conf. preced. § IV n. V. 2. not b) quæ enim ibidem de indignis beneficiatis dicta sunt. de electis quoque indignis valent. Nimirum 1) irrita est electio indigni sive indignitas ex defectu, delicto aut censura (excepta minore excommunicatione, ubi electio expresse irritanda dicitur cap. fin. de Cler. excomm.) oriatur, pro foro utroque, & ipso jure, etsi electio solum prohibeatur. nec verbis ex. reffis irritetur: lex etenim prohibens in regu a simul est irritans vid. præcognit. cap. I §. V n. I. 3. not r) 2) Inter dignos digniorem quidem adsumi jubent Canones uti Concil. Trident. Sess. XXIV. cap. 1 de reform. et non eo effectu, ne valeat digni electio, sed ut eligentium oneretur consuetudine de digniore quantum fieri potest, eligendo. 3) Indignis accensendus non est extraneus si utilior Ecclesiæ futurus videatur. Cap. 1 de elect. Ceteris tamen paribus eligendus potius aliquis est ex gremio Ecclesiæ. Can. 12. 13. 16 Dist. LXI. can. 19. Dist. LXII. cap. 41. de elect.

d) Plura hac de re vid. apud Zech cit. loc. §. 212. seq.

6) Adjuncta electionis.

- a) Preparatio electionis fit terminum electionis capitulari consensu definiendo, eundem Superioribus, ac illis, qui præsidii, vel Commissarios mittendi jure pollent, intimando, e) & omnes, qui jus eligendi ha-

habent, per litteras ad absentes singulos missas, *f*) & edictali citatione valvis Ecclesiæ adfixa invitando.

- b) *Tempus* electionis ad Ecclesiam cathedralē, vel regularem *trimestre*, ad alias inferiores *semestre* a die notæ vacationis determinatum est. *g*)
- c) *Locus* decens sit, & regulariter intra vacantis Ecclesiæ ambitum, plerumque in *conclavi capitulari* constituitur, ubi celebrata prius Missa de Spiritu sancto, & electoribus S. Synaxi relictis, cetera in canonibus præscripta exacte observanda sunt. *h*)
- e) Vi Codicis cit. Pruss. P. II. tit. XI §. 982. competit Principi jus electionem per *Commissarios* dirigendi; eidem igitur etiam terminus electionis intimandus est.
- f) Eodem Cod. cit. loc. §. 966. dicitur, sufficere ad citationem, dum litteræ, quibus absentes invitantur, ad consuetum eorum domicilium, aut curiam missæ sunt. Sed enim particularia locorum statuta hac in re adtendenda sunt.
- g) Ratio est: ne pro defectu Pastoris gregem dominicum lupus rapax invadat; aut in facultatibus suis Ecclesia viduata grave dispendium patiatur. Quodsi intra tempus istud (justo impedimento cessante) electio celebrata non fuerit, privantur electores ea vice eligendi potestate. Cap. 41. de elect. Conf. Cod. cit. loc. cit. §. 979.
- h) Cap. 14. 28. 30. de elect. De ceteris sive remotius, sive proxime ante electionem observandis legatur Lakies cit. loc. §. 38. item Zech cit. loc. §. 215. seqq.

7) Forma electionis *triplex*: nempe

a) Scrutinii, cum præsentibus omnibus electoribus tres scrutatores de collegio adsumti vota singulorum sive *viva voce*, sive *scripto* danda colligunt, votisque numeratis *in communi* publicant, tot esse suffragia, quot electores, & facta collatione ille, in quem *absolute major* pars, quæ hodie & *sanior* reputatur, consenserit, capitulo primum, mox & aliis ex loco publico ceu legitime electus denunciatur. i)

b) Compromissi, quando unanimi eorum, qui jus eligendi habent, consensu uni pluribusve eligendi potestas vel *absolute* vel *limitate* seu sub certis conditionibus relinquitur, qui *compromissarii* vocantur; tunc per horum vota *absolute majora* definitur electio, & ab uno, communi compromissariorum nomine promulgatur. k)

c) Inspirationis vel *vere talis*, si IDeus ipse signo manifesto eligendum designaret, vel *præsunto*, cum electores, nullo tractatu prævie habito, in eandem personam uno ore consentiant. l)

i) Hæc eligendi ratio usitatissima est; utque præscripto modo omnia paragantur, exposcit 1) ut eligantur *Scrutatores* electione nullis solennitatibus adstricta, ac proinde etiam publica; 2) ut isti suffragia sive *viva voce* data, sive in chartam conjecta *secrete*, *singillatim*, *diligenter* colligant, Cap. 42. de elect. *Secrete* a Scrutatoribus vota exquirenda sunt, ne palam fiat, quem quisque suffragio suo honorarit. *Diligenter*, ne ni-

mirum quispiam ex electoribus aut suam schedulam in urnam demittere negligat, aut in eandem plures schedulas demittat *Singillatim*, ut vota viva voce edita scripto excipi possint ne in oblivionem abeant. Ceterum utilitarius est, ut scripto vota dentur, ac electiones quidem Regularium, Abbatum, Generalium, & Abbatissarum per vota secreta fieri Synodus *Trident.* conceptis verbis precipit. alit rque facta electiones irritas esse statuit. *Seff. XXV cap. 6. de regular.* 3) ut ipsi scrutatores a se ipsis ut utro excipiant suffragia, & quidem si per schedulas vota eduntur, nihil interest primo an postremo loco suffragia sua in urnam demittant. Contra est, si viva voce id fiat, ut ne enim in eorum sit potestate, votis suis vim electionis elevare. primus ante omnia a reliquis scrutatoribus vota excipit, hique rursus a primo; 4) ut vota examinent, num nimirum sint certa & categorica; quod si enim *alternativa*, aut *conditionata*, aut *incerta* fuerint, pro non adjectis habenda sunt, iique, qui eo modo elegerint, pro ea voce jure eligendi priventur. *cap. 2. de lect. in 6* 5) ut suffragia numerent, utrum nempe eorum numerus electorum numero congruat. Nam alioquin comburenda sunt schedulae, atque aliud scrutinium instituendum. Cod. de Pruis. cit. loc. §. 985 6) ut scrutinium publicent, seu personas exprimant, qua suffragia meruerint, minime autem quot, qualesve personae tunc, illi faverint. Publicatio eam habet vim, ut mutandae voluntatis potestas electoribus adent. censetur *cap. 58. de elect.* 7) ut vota inter se conferant eo ex fine, ut appareat, in quem omnes, vel major, vel sanior pars capituli consenserit. *cap. 42 de elect.* Est vero *collatio*, votorum si jus species, *triplex*: numeri ad numerum, zeli ad zelum, meriti ad meritum. 8) ut demum illum, in quem major pars consenserit, seu

seu legitime electum pronuntient. Volunt quidem canones, ut legitima habeatur electio, & *sanio rem partem* consensisse. *cap. 57. de elect.* At cum, quæ fuerit sanior, difficulter judicari possit, in usu partis duntaxat majoris haberi solet ratio. Sunt autem vota vel *absolute majora*, cum scilicet habita ratione totius capituli major eligentium numerus consentit: aut *respective* quæ, ut verbis utar *cap. 48. & 50. licet majorem partem faciunt partium* comparatione minorum, non tamen ad majorem partem capituli perveniunt. Ad legitimam electionem *absolute major* pars votorum requiritur, exceptis casibus quibusdam extraordinariis, de quibus vid. *cap. 40 53. de elect. cap. 22. eod. tit.* Conf. Schenk. §. 476. Schol.

- k) Quando per scrutinium, repetitum etiam, absoluta votorum majoritas obtineri haud potest, adhiberi plerumque *Compromissum* solet, circa quod præscribunt canones 1) omnes nemine dissentiente in hunc eligendi modum consentire oportere. *Cap. 29. de reg. jur. in 6* 2) nihil referre, in unum aut plures consentiant. *Cap. 8. & 49. de elect.* dein 3) ejusdem sint collegii, an extranei compromissarii modo sint *ex numero Clericorum*. *Cap. 8. de elect.*, qui 4) leges compromissi exacte observant, siquidem electionem velint subsistere. *Cap. 32. 52 de elect. cap. 29. eod. in 6.* modo nihil contineant in fraudem formæ a canonibus præscriptæ. *Cap. 23. eod. in 6.* 5) Si plures sint compromissarii, nec limitata eorum potestas, possunt isti aliquem ex se ipsis eligere, & ab aliis electus potest suo suffragio electionem complere. *Cap. 33. de elect.* 6) Sæpiissime tamen adhibetur scrutinium *mixtum* compromisso, ut compromissarii teneantur secreto exquirere vota omnium, & eum eligere, in quem major & sanior pars capituli contulerit. *Cap. 23. 29. de elect. in 6.* Quo in casu ea, quæ in scrutinio servanda sunt, etiam in compromisso adhibenda erunt

erunt. 7) Quodsi indignum eligent compromissarii jus eligendi ad compromittent s. re. ext. tur. *Cap. 37. eod. in 6.* 8) Exspirat compromissum instar mandati vel per revocationem, re adhuc integra, id est, cum compromissarii ad ipsam electionis actum nondum processerunt, factam, *cap. 30. de elect.* vel per lapsum temporis a capitulo aut a jure præscripti. *Cap. 42. eod.* vel per electionem peractam, et si effectum non fortitur. *Cap. 37. de elect. in 6.* vel deum morte unius ex compromissariis, eo quod non in singulos, sed in omnes compromitti soleat. 9) Electio per compromissum facta promulganda est ab uno communi compromissariorum nomine. *Cap. 2. de elect. in 6.* Conf. cit. Cod. Pruss. cit. loc. §. 99. seqq. Ceterum quoniam duplex haec forma in ecclesiis viduatis observanda præcipitur (*cap. 42. de elect.*) communis interpretum doctrina invaluit, ut solennitates hactenus recensitæ ad eorum Prælatorum duntaxat electiones pertinere censentur, qui ob vinculum quasi conjugale cum Ecclesia spiritualiter contractum (*cap. 4. de translat. Episc.* *cap. 21. de elect.* sponsi Ecclesiæ dicuntur quorumve morte Ecclesiæ remaneant viduatæ, & sine pastore. Quare observanda est hæc forma in electionibus 1) Episcoporum: 2) Abbatum; & Prælatorum regularium, qui Monasteria obtineant in titulum perpetuum: 3) Prælatorum præcipuorum Ecclesiarum collegatarum, qui in spiritualibus generali præditi sunt jurisdictione in iisdem Ecclesiis; non autem 4) in electionibus superiorum regularium etiam generalium, qui perpetui non sunt, servata tamen forma a Concilio Tridentino præscripta *Seff. XXV. cap. 6. de regular.* neque 5) in aliis dignitatibus personaribus, & canonicatibus Ecclesiarum. Conf. Fagnan. us ad *cap. 42. de elect. n. 5. seq.* Singularis quoque non nulla in electionibus Abbatissarum & Summi Pontificis sancita sunt *cap. 43. de elect. in 6.* Concilii Tri-

Tridentini Sess. XXV. cap. 7. de regular. Clement. 2. § ceterum de elect. item cap. 6. de elect. Conf. Pehem cit loc. P. II. §. 201 seq.

7) *Inspirationis* divinæ exempla quædam antiquitas habuit: qualia sunt Fabian apud Eusebiu, *hist. eccles. lib VI. cap. 29.* Alexandri apud eund. *lib cit cap II* Martini apud Severum Sulpitium *in vita Martini cap 7.* De quasi inspiratione monet Espenius *P. II. tit. XXI cap. 4.* non facile esse admittendam, & probandam ne sub prætextu ejusmodi divini impulsus regulæ electionum ab Ecclesia præscriptæ negligantur, & tumultuariis, & præcipitatis electionibus via aperiatur. Ad e, quod notat Neller *dissert de S. elect. processu §. 5.* inspirationem non esse proprie electionis formam, sed duntaxat. ut ex capituli 42. *de elect.* verbis eruitur, exceptionem, quæ electores ab observandis duabus præmissis formis absolvit; exceptionibus vero, ne legis auctoritas vilesceat, non facile dandum esse locum.

8) Effectus electionis.

- a) Electione peracta mentem mutare electores nequeunt, sed electo absenti intra *octiduum* ab eo tempore, quo commode fieri potest, computandum electio *significanda*, & ab eo *intra mensem* acceptanda est; m)
- b) qui proin per consensum jus quidem *ad rem*, non tamen *in re* nanciscitur; n)
- c) in Germania tamen illi, qui in *concordia electi*, a Pontifice vero adeo remoto confirmandi sunt, tum in *spiritualibus*, tum etiam, excepta rerum alienatione, in *temporalibus* administrationem mox consequuntur. o)

m) *Cap. 6. § 16. de elect. in 6.* Si electus intra mensem consensum suum aut non negat, aut non præstat, amittit jus ex electione sibi quæsitum, nisi conditio personæ amplius spatium requirat. *cap. 6 cit.* Tenetur vero electus negare consensum, si impedimento licet occulto irretitum se noscat. *cap. 20. de elect.* Ast ad præstandum ad sensum cogi non potest, etsi nullius vitii sibi conscius sit. *Nov. 2. in append. cod. Theod. Simplicius P. epist. ad Joann. Ravenar.*

n) *Cap. 44. de elect.*

o) *Cap. eod. ibid. §. Ceterum. Sed conf. Cod. cit. Pruss. cit. loc. §. 1010.*

9) Confirmatio electionis, p)

a) intra *Trimestre*, a dato electi consensu q) a Superiore immediato, r) in Germania, quoad Episcopatus, & Abbatias consistoriales, a Pontifice peti, s) & facta causæ cognitione, eaque legitima inventa, ab eodem concedi debet; t)

b) per eandem *jus in re*, seu jurisdictio ipsa, exceptis, quæ sunt ordinis episcopalis, & consecrationem requirunt, obtinetur; u)

c) necitur *vinculum spirituale* inter Ecclesiam & Prælatum; v)

d) et per clausulam: *Supplentes &c.* ea, quæ fors contra legem humanam in electionem irrepserunt, vitia sanantur.

p) *Confirmatio* decretum superioris est, quo electionem canonicam esse, prævia electionis cognitione & probatione declarat.

- q) *Cap. 6. de elect. in 6. Cod. cit. loc. cit. § 1092. Conf. vero ejusdem Cod. § 1009 ibid.*
- r) Est enim confirmatio actus juri dictionis; igitur ad immediatum Superior m spectat.
- s) P I. Prolegom. cap. II. § II. n III. lit. b) Solus Archiepiscopus Salisburgensis in Germania gaudet jure confirmandi q atur Episcopos suos suffraganeos Seccoviensem, Gurcensem, Lavantimum, & Chiemensem. Vid. Zallwein tom. IV Q. IV. cap. I §. 8
- t) *Cap. 3. de elect.* Antequam vero Romæ confirmatio tribuatur, duplex hodie processus instituitur, alter *informarius* in partibus, alter *definitivus* in curia: formam utriusque exhibet Lakies loc. cit § 103 seq. Ad utrumque recte peragendum requiritur 1) ut ab Electro æque, ac a Capitulo exhibeantur cuncta ad instruendam justæ & canonice electionis probationem necessaria. *Cap. 44. de elect.* 2) ut Electus ad sedem apostolicam iter intra mensem a die præstiti consensus arripere, au impeditus procuratorem rite instructum mittere non moretur. *Cap. cit. 44. §. Ceterum: & cap. 16 de elect. in 6* nisi hæc obligatio Episcopis & Prælati sit remissa. Conf. Schenkl cit. loc. § 481. *Schol.* ubi, quæ circa petendam confirmationem in Germania usitata magis sunt, recenset.
- u) Sunt tamen aliqua ad jurisdictionem potius, quam ad ordinem episcopatem pertinentia, quorum jus confirmatione ipsa ante consecrationem non acquiritur: nempe 1) cognitio causæ feudalium primo ad Episcopum pertinere dicitur *ex quo fuerit consecratus* *Cap. 7 de for. compet* hujus dispositionis probabilem rationem assignat Berrardus loc. cit. tom. I. pag. 150. 2) confirmati, sed nondum consecrati non possunt clericum ab ordine deponere: delegare degradationem, aut clericum in manus curiæ secularis tradere. Vid. Lakies loc. cit. §. 108.

v) *Cap. 4. de translat. Episcop.*

III. Circa postulationem adrendenda sunt

1) impedimenta dispensari solita, quibus ligatus quis non quidem *eligi, postulari* tamen *potest, ac debet*; quæ sunt:

a) defectus *natalium*; x)

b) *ordinis*; y)

c) *ætatis*; dummodo ad Ecclesiam cathedrallem postulandus non sit minor XXVII. annis; z)

d) *professionis religiosæ*; a)

e) *libertatis*, dum quis jam spirituali conjugii vinculo certæ Ecclesiæ adstrictus est. b)

æ) *Cap. 20. de elect.*

γ) Ut si e. g. ad prælaturam quæcunque laicus patatur, vel in minoribus ordinibus constitutus ad Ecclesiam cathedralem. *Can. 10. Dist. LXI. cap. 22. de elect.*

z) Si minor annis XXVII postulatus quocunque modo suæ postulationis admissionem apud Sedem apostolicam promoverit, neque eligi deinceps, neque postulari potest, donec annum ætatis XXXV. attigerit.

a) Hoc impedimento ligatur Novitius, vel alius nunquam professus *Cap. 27 de elect. cap. 18. ibid. in 6.*

b) Uti sunt Archiepiscopi, & Episcopi non modo consecrati, sed etiam confirmati tantum. *Cap. ult. de postulat.* Præter hæc impedimenta dantur alia, in quibus non potest, aut non solet dispensari, quibusque laborantes prohibentur postulare.

ri. Tales sunt 1) omnino illiterati. *Cap. 22. de elect.* 2) Simoniaci. *Cap. 12. in fin. ibid.* 3) Falsarii. *Cap. 7. de crim fals.* 4) Alii criminosi, moribusque infames. *Cap. ult. de temp. ordin. cap. 87. de reg. jss. in 6.* 5) Bigami, & ex damnato coitu progeniti. *Cap. 10 de reimm.* 6) Corpore vitiiati. *Cap. 21. de elect. § 6 de corp. vitiat.* 7) Minores annis XXVII. ad Ecclesias cathedrales. *Vid. not. præced. 2)* 8) Religiosi ex ordine mendicantium ad Ecclesias cathedralibus inferiores, (*Extrav. un. de postulat. inter comm.*) qui postulationem de se non jure factam sollicitantes inhabiles fiunt, idque in perpetuum ad aliam quamcunque extra ordinem gerendam administrationem, *Vid. Neller in collect. method. SS. Canonum, de postulat. prælat. §. 2. ad lit. b. cris. 2.*

2) Forma postulationis, & numerus votorum necessarius.

- a) Cautius, si non necessario, forma *compromissi* vel *scrutini* adhibetur; c)
- b) tumque in regula, sicut in electione, vota *absolute* majora sufficiunt;
- c) si vero postulario cum electione *concurrat*, postulatio verosimilius non prævalebit, nisi *duæ tertiæ* totius capituli postulato favent, nec vincet electus, nisi *ultra unam tertiam* totius itidem capituli sibi habeat suffragantem. d)

- e) Qualiscunque autem teneatur forma, non tamen licet his vel similibus uti formulis: *eligo & postulo: postulo eligendum: eligo postulandum* &c. utpote incertis, & inter se pugnantibus. *Cap. un. de postulat. in 6.* In dubio tamen, utrum quis eligendus vel postulandus sit, valet hæc formula: *eligo & postulo, prout melius de jure valere potest,*

test, quo casu, qui sic postulabitur, dum consensus ejus exquiretur declarabit, utram viam præoptet, electionis an postulationis? Quodsi vero certum sit, aliquem esse postulandum, non debet sub pœna nullitatis adhiberi verbum *elige* nec vicissim. *Cap. 4. § ult. de postulat.*

- d) *Cap. 40. de elect.* quod eo minus jam dubio caret, ex quo Innocentius XI anno 1688. die 20. Sept confirmavit electionem Clementis Bavaricæ Ducis in Archiepiscopum Coloniensem electi novem suffragiis ex 24 Capitularibus contra postulationem Fürstenbergii tredecim suffragiis factam. Conf. etiam Joan. Christ. Koch diss. *de votis duplo majoribus*; item Cod. cit. Pruss. cit. loc. §. 938 & seq. Ceterum rarior est hodie, sicut postulatio, ita ejusdem cum electione collisio, cum plures sibi prius de *Brevi eligibilitatis* prospiciant, quo defectus ille, qui electioni obstaret, jam remissus censetur.

3) Admissio postulationis

- a) a postulantibus petenda, e) & ab illius, qui jus confirmandi habet gratia pendet, f) sed, siquidem eam evidens ecclesiæ utilitas svadeat, denegari licite non potest; g)
 b) quodsi tamen e. g. ob indignitatem personæ, aut aliam postulantium culpam denegetur, jus provisionis tamen ad capitulares innocentes, etsi unicus is foret, regreditur. h)
 c) Prius vero præsentanda est postulatio rite peracta postularo & ab hoc consensus conditionatus præstendus.
 f) Cum igitur jus confirmandi Episcopos Pontifici Romano competat (vid. n. præced. II. 9. lit. a. not. s) atque in Germania ad Abbatis quoque con-

consistoriales extendatur (*ibidem*) sequitur, apud Pontificem Romanum interponendam esse Episcoporum aliorumque Prælatorum immediatorum, in Germania inprimis postulationem, quaesito, ac obtento prius in provinciis nostris ex lege cit. Cod. cit. loc. §. 1009. Principis territorialis consensu; ceterorum vero Prælatorum mediatorum apud Episcopum aut Archiepiscopum veluti immediatum horum Superiorem; quo tamen casu, si Postulandus impedimento laboret Pontifici reservato, res ipsa loquitur, adeundum tum esse simul Pontificem, ut impedimenti veniam faciat. In litteris autem postulationis, ad quemcunque Superiorem dirigantur, exprimiendi sunt omnes, quibus postulatus laborat, canonici defectus, utpote quorum facienda est relaxatio. Si postulantes scienter hoc facere omittant, præterquam quod postulatio viribus careat, ipsi quoque pro ea vice eligendi, & postulandi jure excidunt. Cap. 20. de elect. cap. 1. §. 2. de fil. presb. in 6.

- 2) Violare enim officia sua nemini licet. At quisque Ecclesiæ Superior ad promovendam communem Ecclesiæ utilitatem ex officio obligatur; ergo & ad postulationem admittendam, quam evidens Ecclesiæ utilitas svasdet. Quod si igitur subordinatus Superior hoc in casu postulationem repelleret, possunt postulantes, non autem postulatus, ad Superiorem, cui ille subordinatur, provocare, ut admissionem postulationis impeteret. Aliud dicendum est, ubi de evidente utilitate ex admissa postulatione promanatura haud constat; posse tunc Papam, etsi personæ merita adessent, salvis etiam Germaniæ Concordatis postulationem rejicere, patet vel ex eo, quod dispensationes, quibus in admissione postulationis semper locus est, rarissime tantum, ac non nisi ex causâ majoris utilitatis concedendæ sint. Ubi Germaniæ Concordata contrarium asserere

videntur, de confirmatione electionis, in qua nulla dispensatio intercedit, intelligenda sunt. Conf. Barthel *differt. III. de concord. cap. 3* & Thesaur. J. E. rom. II. prg. 765.

b) Cap. 23. de elect. idem valet, ubi digna ceteroquin personarum postulacione in casu not. præd. expressio Pontifex rejicit. Ratio est: ne relinquatur occasio Superioribus jura eligentium, aut postulantium ambiendi, atque provisiones beneficiorum quocunque sub prætextu arbitrio suo denique subiiciendi.

4) Effectus postulationis:

a) ante admissionem postulatus jus nullum omnino consequitur; i)

b) admissæ vero vis eadem est, ac electionis confirmatæ. k)

i) Ut enim jus quodpiam adquiratur, acceptatio accedat, necesse est. Ast ea, quam postulatus præstitit, a conditione admissionis ex gratia Superioris sequuturæ suspenditur; ergo, antequam hæc sequatur, nulla fere est; nullum igitur etiam effectum producit. Vid. not. præced. e) Inde vero provenit, quod 1) postulatus negotiis Ecclesiæ, ad quam postulatus est, nullo modo se ingerere audeat; 2) quod postulantibus revocare postulationem, licet jam oblatam postulato sine iniuria, non tamen decenter possint. En unum inter cetera postulationis ab electione discriminat. Conf. n. præced. H. 8.

k) Admissa enim postulatione declarat Superior, nihil jam obesse, quominus postulatus ad beneficium promoveatur: atqui idem per electionis confirmationem fit, ut ex n. præced. II. 9. not. p) colligitur; quidquid ergo ibid. lit. b. c. d. de confirmationis effectibus dictum est, valet etiam de

de postulatione jam admissa. At quid 1) de postulatione a Superiore rejecta? — Si ideo rejicitur, quia postulatus tali impedimento laborat, in quo vel non solet, vel non potest dispensari, & postulatio suffragiis facta sit unanimibus, locus est juri devolutionis: *Cap. 1. de postulat. cap. 2. ibid. cap. 7. de elect.* & indignum postulantes triennii suspensionem a beneficiis incurrunt; *Extrav. un. de postulat. praelat. inter comm.* Aliiter se rem habere, dum aut dignus, aut indignus quidem sed non omnium votis postulatus rejicitur, *praced. n. 3. not. h)* diximus. Nimirum redit priore in casu jus eligendi vel postulandi ad postulantes; in posteriore vero ad innocentem solum, reliquis præterea per triennium a beneficiis suis suspensis. Quid 2) de postulatione simplici? Ad regulas electionis istam componi *praced. n. 1. not. e)* indicavimus. Adde ratione hæc 1) Cardinales non Episcopos, *Cap. 3. de postulat.* 2) Clericos beneficiatos alienæ diocesis *Can. 37. caus. VII. Q. I.* 3) Religiosos ad alienas Abbantias, *cap. 27. de elect. in 6.* postulari, exceptis religiosis mendicantibus, quos non posse postulari ad Ecclesias cathedralibus inferiores, aut monasteria extra suos ordines *praced. not. b)* dictum est.

IV. Nominatio regia 1)

- a) naturam electionis & postulationis sequitur, eosdemque producit effectus; *m)*
- b) unde & confirmationem vel admissionem a Pontifice Principes petunt, *n)*
- c) ac conditiones in Concordatis vel Indultis præscriptas observare debent.

d) *Nominatio*, vi cujus Reges ac Principes christiani in suis regnis, & provinciis Archiepiscopos, Episcopos, aliosque Prælatos designant, præsentant

tant, & constituunt, usitata erat sub Regibus in Gallia, Belgio, nunc adhuc in Hispania, Lusitania, Hungaria, & Bohemia, alibique jure Patronatus Regii, & consuetudinis. In *Silesia* ita cum electione conjungitur, ut *tres* semper ad Abbatiam vacantem eligi debeant, e quibus postea Rex *unum* nominat a Superiore confirmandum,

m) Unde 1) qui nec eligi, nec postulari possunt, iidem etiam non debent nominari. 2) qui electionis sunt capaces, simpliciter; qui de jure sunt postulandi, cum postulatione nominari debent

n) Conf. Van Espen *P. I. tit. XIV. cap. III.*

V. Translatio o)

a) non nisi exigente utilitate gravi, aut necessitate p) & per legitimum Superiorem q) qualis nunc circa Episcopatus Romanus Pontifex est, cui *causae majores* referantur, facienda, r)

b) tollit vinculum, & jus omne in amissam, & jam *vacantem* ecclesiam, salvis tamen redditibus officio jam praestito respondentibus. s)

e) *Translatio* in sensu *latiori* est Praelati cujuscunque; in *strictiori* vero Episcopi ab una ad aliam Ecclesiam legitima auctoritate facta adsumtio. Posteriores distinguunt aliqui a *translocatione* ita, ut illam *volenti* & in melius, hanc autem *invito* & plerumque in deterius contingere velint. Distinctionis hujus minimum esse usum vel inde apparet, quod an quis Episcopus transferri invitatus queat, plures disputent, Conf. Thomas fin. *P. II. lib. II. cap. 64. n. 9. Pehem P. II. §. 232.* Quidquid sit horum: *translatio*, quae *tria* involvit 1) *renuntiationem* Praelaturae seu dignita-

dignitatis ecclesiasticæ; 2) *provisionem* de alia dignitate; 3) *admissionem* tum renunciationis, tum novæ provisionis, severis satis legibus in antiqua Ecclesia *verita* fuit. Nec abs re quidem: cura enim animarum continuum laborem exposcit, atque tempore opus habet ad conciliandam fiduciam, sine qua pastorale munus cum fructu obiri nullo modo potest: huic prout etiam officio noscendi oves suas frequentiores translationes, quantum noceant, res ipsa loquitur. Accedit translationum licentia avaritiæ & ambitioni portas aperiri. Hoc malum cum jam in Ecclesia inva uisset seculo IV Concilium *Nicaenum I Can. 15.* omnes translationes irritas declaravit & *Sardicense can. 1.* pœnas gravissimas adjecit, (Vid. *Causf VII. Q. I. can. 19. seq*) confirmante hosce canones frequentissime universa Ecclesia. *Cap. II de elect.* Ubiunque igitur obtinet, pro *exceptione* a lege habenda est.

p) *Can. 34. 42. 44. Causf. VII Q. I.* Ratio est: quod exceptiones a lege non nisi hac ex causâ ceu suprema omnis Imperii, & legum ecclesiasticarum norma & mensura locum habere possint.

q) Olim translationes Episcoporum auctoritate Synodorum provincialium fiebant, sæpe tamen Patriarcharum, aut Papæ consensus requirebatur. *Conf. P. I. cap. I. §. I. n. V. not. a)*

r) Labentibus nimirum seculis tum per consuetudinem, tum ob Conciliorum provincialium infrequentiam, & languidam rem auctoritatem omnes Episcoporum translationes ceu *causæ majores* Pontifici reservatæ sunt, & ad eundem hadie private spectant, P. I. loc cit item *Thomas sin. loc cit cap. 61 n. 12 seq.* *Rigger P. II. §. 381. seq.* salva tamen Episcoporum auctoritate quoad translationes Prælatorum non exemptorum, & clericorum inferiorum. Qui *propria aucto.*

auctoritate ab una Ecclesia migrant in aliam, hodie privantur utraque (Leo M. in *epist.* ad Anastasium *Theſſal. cap. 8. Cap. 3. de transl.*) levis ac olim, ubi nunc mitior, nunc severior poena imminabat: Vid Concil. *Nican. I. can. 15. Sardicen. can. 1.*

- s) *Cap. final de postulat. Causs. X. Q. II. can. 2. Causs. XII. Q. I. can. 33 & ult. Conf. Covaruvias lib. I. var. resolut. cap. 15. n. 12.* Vacantis Ecclesie provisio Sedi apostolicæ reservatur. Extrav. Ad regimen: *inter comm: præbend. Concordat. Nation. germ: §. II.* Exinde vero deducunt non pauci, ad translationes rite peragendas *consensum eorum, quorum interest;* Regum, qui jus nominandi habent; illorum ad quos provisio alias pertinet, accedere oportere, Van Espen *P. I. tit. XV. cap. IV. §. 21, Conf. Rigger cit. loc. p. 383.*

Quæri solet: a quonam tempore ecclesia per translationem vacare incipiat? Congregatio Card. *super negotiis Episcoporum* declaravit an. 1624. 12. Decembr. vacare ecclesiam, a qua quis volens transfertur, ab eo tempore, quo Episcopus ab illius vinculo absolvitur in Confistorio Sanctitatis suæ, etiam ante expeditionem litterarum apostolicarum, vel adeptam possessionem secundæ Ecclesiæ — & habita hujus absolutionis noticia teneri eum abstinere ab exercitio ordinariæ jurisdictionis, eamque transire in capitulum tanquam sede vacante.

VI. Provisionem, nisi translatione fiat, sequitur Consecratio, t) quæ

- a) intra *tres menses* ab obtenta confirmatione,
u) die dominica, aut Apostolo sacra, in propria, aut ejusdem provincie ecclesia,
v) ab

- v) ab Episcopo *consecratore*, & duobus aliis, saltem Abbatibus usu pontificalium præditis, *adstentibus* celebranda est; x)
- b) per eam character ordinis Episcopalis, & jurisdictio propria confertur, & conjugium spirituale, prius *ratum*, consummatur; vacantibus de cetero, quæ ab Episcopo prius possessa erant, beneficiis. y)
- z) Seu impositio manuum super caput electi Episcopi sub certis verbis inunctione chrismatis aliisque caerimoniis tempore, loco, ac ritu per canones determinato a legitimo consecratore Episcopo tanquam ministro facta. Ordinationis hujus hodiernos ritus describit Pontificale Rom. *tit. de consecrat. Episc.*; ejusdem variam disciplinam eleganter exponit Lakies l. c. §. 122. 125.
- u) Olim intra totidem ab electione menses suscipi debebat. Qui eandem hodie ultra idem a confirmatione spatium differunt, restitutione fructuum puniendi, aut etiam, si contumacia per totidem porro menses perduret, jure suo privandi declarantur. Concil. *Trident. Sess. XXIII. cap. 2. de reform*
- o) Idem Concil. *Trident. eod. loc.*
- x) *Can. 4. & 5. Dist. LXIV. Conf. Lakies loc. cit. §. 120. — 121.*
- y) *Cap. 4. de translat. cap. 7. de elect.*
Abbatibus consecrationis loco *Benedictio* tribuitur, quæ licet ad similitudinem consecrationis instituta sit. ab ea tamen quam maxime differt, nec absolute necessaria est sed ad majorem tantum solemnitatem pertinere videtur. Suscipere eam secundum opinionem communem tenentur infra annum a die eorum electionis computandum, ab Episcopis, in quorum diocesis

monasteria existunt, quamvis ex privilegio & delegatione Papæ ab Abbate, vel simplici presbytero fieri queat. Vid. Benedictus XIII. *constit. de an. 1725* Ejus effectus sunt 1) gradus proximus post Episcopos: 2) facultas g. standi baculum pastorem, mitram &c. 3) conferendi regularibus suis subditis ordines minores: 4) ordinis episcopalis quædam participatio quoad usum quorundam pontificalium (*P. I cap. I. §. 10 n. IV.*) quibus etiam uti & defungi possunt, si eos Episcopus tertio humiliter requisitus benedicere renuerit. *Cap. 1. de supplenda negligent. Pralat:*

§. VI.

MODI PERVENIENDI AD BENEFICIA MINORA. 2)

I. Beneficiis *minoribus* providetur primo & regulariter per Collationem liberam, a) quæ jure independenti exercetur, et

- a) primis decem seculis penes Episcopos illæsa permansit, b)
- b) postea vero jure extraordinario Privilegii, Consuetudinis, Transactionis &c ad alios quoque pervenit. c)

a) *Collatio*, proprie dicta, est assignatio; seu concessio vacantis beneficii ab eo facta, qui potestatem habet. Alia est libera, alia necessaria; hæc adstricta est ad alterius nominationem, vel præsentationem, atque institutio quoque necessaria vocatur; prior non item. Differt collatio ab electione & præsentatione præter alia in eo quod illa ante captam possessionem jam jus in re conferat,

ferat, cum ex istis jus tantum ad rem nasca-
tur.

b) Conf. *P. I. cap. I. §. V. n. IV. lit. e. nos. c)* item
Thomasfinus *P. II. lib. I. cap. 33. seq.* Van
Espen *P. II. Sect. I. tit. IX cap. 2: & Sect III.
tit IV. cap. 1.* Quibus in locis hanc Episcoporum
in conferendis beneficiis auctoritatem plu-
rimis argumentis solide demonstratam invenies.

c) Ac 1) quidem arrogarunt sibi jus collationis be-
nificiorum Canonici cathedrales. Qua occasio-
ne? vid. apud Rigger *P. III. §. 116. seq.* 2)
Pontifices Romani, qui a seculo XII variis titu-
lis jus istud pœne omne ad se pertrahere conati
sunt, quos tamen in Germaniæ beneficiis ultra
terminos in Concordatis positos, nihil moliri
posse, notum est. Conf. *Prolegom. cap II. §. II.
n. 4. item n. III. ibid.* Imo 3) ipsis laicis ali-
quando non denegatam beneficiorum collatio-
nem, quantum temporalia respicit, adstruunt
Van Espen *loc. cit. tit. VIII. cap. IX.* & Tho-
masfinus *P. II. lib. I cap. 55.* Conf. Rigger
cit. loc P. III. §. 122. Sed enim cuicumque jus
istud præter Episcopum competat, illud tenen-
dum semper est 1) quod, qui Episcopi collatio-
nem restringere prætendit, titulum probare de-
beat, alias in dubio pro Episcopo est judican-
dum; 2) quod pro institutione autorizabili ad
Episcopum necessario recurrendam sit, quoties-
cunque ad alium jurisdictione quasi-episcopali
non præditum collatio pertinet,

II. Collationi *necessariæ* innectitur *Jus Pa-
tronatus*, seu facultas, præter varias prærogati-
vas, nominandi, sive præsentandi clericum
ad beneficium vacans, d)

a) Si

a) Si *nomen* spectemus, frustra quoddam in antiqua Ecclesia quærimus vestigium; e)
 b) at si *res ipsa* attendatur, jam seculo V. Episcopis ecclesias alibi ædificantibus, postea seculo VII. in Concilio *Toletano IV & IX*, etiam aliis facultas data est, clericos fundatis, vel exstructis a se ecclesiis præficiendos designandi, eos Episcopo loci offerendi, imo & alimenta, si forte fundatores ad egestatem redigerentur, ex hisce beneficiis percipiendi. f)

d) Variantes hujus juris definitiones vid. apud *Bæmerum tit. de patron. §. 4*. Si vero datam mox definitionem pro legitima habeas, nulla negotio, quis *Patronus* dici debeat, inferes. Jure nostro regio illi nomen hoc tribuitur, cui immediata in Ecclesiam inspectio, atque cura circa conservationem, & defensionem ejusdem incumbit. Vid. *cit. cod. cit. loc. Sect. VIII §. 568*.

e) Reperitur quidem nomen istud in juribus romanis, sed non in eo sensu, quo ad materiam nostram pertinet: ibi enim partim illum denotat, qui servum suum manumissit, prout etiam sumitur *can. 61. & cass. XII. quest. II*; partim, ut in *l. 14. §. 1. D. de judic.* pro causarum advocato accipitur. Ad dem, quod hodie per patronum, & jus patronatus intelligitur designandum veteres fundatoris & foundationis nomina adhibebant. Ne contrarium probat mentio patroni in *cap. 1. & 2. h. tit.*; quia etiam in collectione prima & in integris canonibus, qui existant in Concilio *Cabilonensi II* sub Carolo M. & *Triburensi* sub Arnulpho desideratur, ut observat *Rigger cit. loc. P. III §. 683. a Raymundo* in loc. cit. vocabulum patroni adjectum fuisse dicendum est.

f) Testantur id innumera pene documenta: ac 1) qui tem certum est ex *Can. 6. Caus. X. quæst. I.* item *cap. 24 de jur. patron.* jam primis sæculis ecclesiarum fundatoribus jura quadam honorifica ex *gratitudine* concessa fuisse Sic nomina & elogia fundatorum templis inscribi, ipsasque ecclesias eorum nominibus insigniri voluerunt sancti Patres; 2) quod *jus præsentandi* adinet, deprehenduntur ejus vestigia in Concil. *Arauscano I. an. 441. can. 10.* apud Harduin: *tom. I. col. 1735.* ubi Episcopo in aliena diœcesi ecclesiam ædificanti conceditur, *ut quos desiderat clericos in re sua videre, teneatur Episcopus ordinare, aut si ordinati jam sint, adquiescere;* quod dein in Concilio *Arelateni II. de an 451 can. 39* apud Harduin: *tom. II col. 776.* confirmatum, atque *solum ædificatori Episcopo reservatum est;* 3) extensum esse jus istud sæculo VII. in Concilio *Toletan. IV. an. 633. Toletano IX. an. 655.* initio. si velis, jam sæculo VI. in Concilio *Aurelian. IV. an. 524.* etiam ad alios fundatores imprimis oratoriorum extra parochias, ac ipsarum quoque parochialium ecclesiarum, colligitur ex ipsis horum Conciliorum canonibus: nempe *Aurelian. can. 6. — Toletan. IV. can. 32.* apud Gratian: *can. 60. Caus. XVI quæst. I.* *Toletan. IX. can. 1.* apud eund. *can. 32. Caus. XVI quæst. VII. can. 30 ibid:* 4) At hæc concilia Toletana maxime ad *Hispaniam* pertinent. Sæculo VIII. idem jus in *Germania* notum fuisse docet constitutio *S. Bonifacii* Archiepiscopi *Moguntini*, qua vetat *presbyteros sine consensu Episcopi beneficiis præponere.* E quibus testimoniis sane eruitur, *rem ipsam*, quamvis juris patronatus nomen ignotum fuerit, ab antiquissima ætate extitisse *Conf. defuit. præced. n. II. § nor. d)* Ceterum perisvalum est Eruditis nomen quoque *Patronorum* paulo post, sæculo nempe IX. invaluisse, &, oblitterata sensim fundatoris

appellatione, in constantem legem abiisse. In-
signis locus est apud Hincmarum seculi hu-
jus scriptorem in *cap. Synod. Rhemens.* an. 874
in *eius oper. tom. I. pag. 737.* Cum vero nomen
istud eo potissimum tempore in usum venerit,
quo Patroni amplissimam sibi in Ecclesias pote-
statem, & quasi proprietatem vindicarunt, con-
cludunt non pauci: fundatores ecclesiarum ex-
inde patronos appellatos fuisse, quod ecclesia-
rum veluti domini fuerint, ea fere ratione, qua
Dominus feudi patronus olim dictus fuit. Quid-
quid sit, id certe negari non potest: patronos,
de quibus hic agitur, ab *advocatis* illis *secunda-*
riis, de quibus *P. I. cap. II. §. IV. n. VIII.* dictum
est, semper distinctos fuisse.

a) Dividitur g)

a) in *ecclesiasticum*, quod competit ecclesie,
communitati ecclesiasticæ, vel clerico ra-
tione beneficii, officii, aut dignitatis eccle-
siæ; in *laicum*, si ex alio titulo debeat; *h)*
& in *mixtum*, si ecclesiastico simul &
laico, vel partim ratione beneficii, partim
titulo patrimonii competat: *i)*

b) in *reale*, quod intuitu rerum & bonorum
competit, & ad omnes eorum possessores
transit; *k)* & in *personale*, quod personæ
citra omnem ad bona respectum proprium
est: *l)* hoc vero

c) in *hæreditarium*, quod ad hæredes quoque
transit, qui dein in *stirpes* non in *capita* suc-
cedunt; & in *familiare* vel *gentilitium*, quod
illis tantum, qui de eadem familia aut gen-
te descendunt, obtingit: *m)*

d) in

- d) in *plenum*, quod omnia Patronatus jura complectitur; & *minus plenum*, cui aliquod ex juribus deest, v. g. si alii jus *nominandi*, alii vero jus *præsentandi* competat. n)
- g) Multis seculis unius duntaxat generis jus patronatus fuisse, neque differentiam ullam inter ecclesiasticum & laicale in antiquis canonibus, & Justiniani novellis occurrere adserit Pehem cit. loc. *P II § 246.*
- b) Non obstat, quod clericus eo per accidens e. g. quia haeres bonorum patrimonialium gaudeat. In dubio censei volunt potius esse laicum, quam ecclesiasticum; id quod tamen ratione non condemnanda inficiatur Berrardus loc. cit. *tom. II. pag. 57 seq.* An vero jus patronatus Academicæ competens laicale sit, an ecclesiasticum? non conveniunt Quoad prerogativas juri patronatus laico competentes, laicum censendum esse, defendit Van Espen loc. cit. *cap. II. §. 29 30.*
- g) Ex natura juris patronatus *mixti* profuit, duos ejusdem beneficii patronos esse posse, alterum ecclesiasticum, alterum laicum, qui simul jus illud exerceant Et hoc casu propter communionem non privilegiatus gaudet jure privilegiati, & ex utroque pravalet qualitas magis favens, ne ex communione jus alterius laedatur *Cap. iii. de jur. patron. in 6* idque obtinet, etsi praesentationis jus tanquam praeceptus juris patronatus effectus alternis vicibus, seu per turnum exercetur, modo utriusque patroni nomine praesentatio fiat. Quod secus se habet, si singulus turnarius in suo turno seorsim, nulla compatroni facta mentione praesentet; tunc enim jus patronatus in turno patroni laici mere laicale, in ecclesiastici mere ecclesiasticum habendum erit. Vid. Van Espen loc. cit. *§. 20. seq.*

- k) Istud distribuunt in *regium, feudale, & privatum*; illius mentionem facit Concil. *Trident. Sess. XXV. de reform. cap. 9.* feudale & privatum describit Schenkli §. 506.
- l) In dubio jus patronatus reale potius, quam personale censendum est. Vid. cit. Cod. Pruss. cit. loc. §. 579; rationem assignat Rigger cit. loc. §. 694.
- m) Addant complures tale, ex quo quis facultate presentandi, & ceteris patronatus prerogativis gaudeat, quod *activum* vocant; aut unde solum iurisdicem familiæ quasitum est, ut ex ea quis designari debeat ad beneficium vacans, quod *passivum* dicunt. Conf. Berrardus loc. cit. tom. II. pag. 89. & seq.
- n) Pertschius in *elem. jur. can. lib. II. tit. XXVI. §. 375.* plenum vocat, quod in jure presentandi, minus plenum, quod in solo consensu, & voto quodam negativo consistit.

3) Adquiritur o)

- a) *fundatione seu concessione fundi majoris pretii;*
- b) *exstructione ecclesiæ propriis sumptibus;*
- c) *dotatione ex bonis propriis cum consensu Ordinarii facta;* p)
- d) *præscriptione immemoriali, vel possessione per 50 annos quiete continuata intuitu laici.* q)
- o) Jus patronatus consideratur vel primo *quatenus adquirendum;* vel secundo, *quatenus jam acquisitum, in alios transferendum.* Modi id adquirendi sunt 1) *ordinarii,* quo fundatio, exst. uctio, dotatio; — 2) *extraordinarii,* quo præscriptio ac ut plures volunt, privilegium refertur. Vid. Rigger P. III. §. 698.

p) Solam *foundationem* ad jus patronatus adquirendum non sufficere, sed hæc tria simul, aut saltem *foundationem* cum *exstructione* vel *dotatione* requiri, docent plerique: tum quod, qui *fundamentum* taxat dono dat, *magis benefactor* quam *patronus* dicendus sit: tum quod glossa ad *can. 6. Dist. 1. de consecrat.* expresse dicat: *Patronum faciunt dos, edificatio, fundus.* Sed et im distinguendum puto cum Pehemio cit. loc. § 253. an *beneficium* fundetur, an *ecclesia*? Si prius: certum videtur, cum, qui bona donavit, ex quibus *beneficium* ecclesiastica auctoritate erigetur, jus patronatus adquirere, & si plures pro parte contulerint, omnes in solidum ad jus patronatus admitti. Si posterius: denuo videndum est: an unus jus patronatus adquirere velit exclusis aliis? an alios ejus participes in solidum admittere? Si illud: *fundatio*, *exstructio* & *dotatio* simul requiritur; si vero hoc: uno quoque ex enumeratis titulis id in solidum adquiri, canones innuunt. Vid. *cap. 25. de jur. patron.* Concil. Trident. Sess. XXV. *cap. 9 de reform.* Sess. XXIV. *cap. 12 de reform.* Quare qui solus hæc omnia præstat, patronatum solus acquirit; si vero tres concurrant, quorum singuli ad singula conferant, omnes in solidum patroni dicentur, quasi isti unius vice fungantur. Franc. de Roye in *prolegom. ad tit. de jur. patron. cap. 13.* Excipitur casus, quo ecclesia ab aliquo fundata & exstructa, non etiam dotata est, eaque ex intervallo aliunde, uti ex oblationibus fidelium dotem adquisivit; tum jus patronatus ex integro adquiri fundatori & exstructori æquius est *Arg. cap. 25. de jur. patron.* Econtra si patronus de dotanda ecclesia jam edificata interpellatus eam dotare recuset, dum tamen necessitas aut evidens ecclesiæ utilitas dotem, aut certe majus ejusdem augmentum exposcit, eaque haberi nequeant, nisi ea offerenti

jus patronatus annuatur; non adparet, eum jus patronatus huic dotanti adduci non posset, saltem ut cum fundatore & exstructore concurrat. Van Espen loc. cit. *cap. III.* Berrardus loc. cit. *tom. II. pag. 95. & seq.* Idem dicendum est de eo, qui ecclesiam suis impensis reparavit, curat, aut rerum inopem de novo dotat; dummodo 1) ecclesia ita diruta fuerit, ut nova consecratione indigeat: 2) prior ejus fundator & exstructor illam reparare dotareve aut nolit, aut non possit. Boekn *ad tit. de jur. patron. n. 3.* Cod. cit. Pruss. *cit. loc. §. 570 571.*

Sed quaerunt 1) num jus patronatus fundationi, exstructioni, & dotationi, *ipsa jure* insit? an vero expressis verbis in ipsa fundatione, constructione vel dotatione excipi, aut reservari debeat? Illud affirmat Paul a Rigger cit. loc. §. 698. modo Episcopi dioecesani consensu ecclesia aedificata fuerit, & cathedralis, vel collegiata non sit; secus enim reservatio expressa necessaria est. Ad aliam vero jus nostrum regium sententiam accedere videtur cit. cod. *cit. loc. §. 573.* quo jus patronatus non nisi concessione imperantis civilis accedente adquiri posse statuitur. 2) An laici acquirendi modo *ordinario* juris patronatus capaces existant? an vero, quod habent, ex *privilegio* duntaxat Pontificis habeant? Jure Decretalium jus patronatus res spiritualis, vel spirituali adnexa censetur (*cap. 16 de jur. patron.*) quare incapaces per se ejusdem laici declarantur. (*cap. 2. de jud.*) hoc tamen non obstante ex *privilegio* Pontificis omnes & solos fideles, non solum personas ecclesiasticas sed etiam laicas, viros & feminas ejusdem capaces esse redditos expressi canones agnoscunt. *Can. 26. 27. 29. 30. Caus. XVI. quest. VII. cap. fin. de concess. prob. cap. 7. de jur. patron.* Sed enim non de sunt Eruditi, quibus jus patronatus ex natura sua mere temporale videtur Conf. Rigger *cit. loc.*

§. 695) hi igitur, si consequenter argumentari velint, non inveniunt, cur laicos ab eo per se acquirendo arceant; quare fatentur etiam, non Protestantes modo & Reformatos, qui in Germania ex instrumento pacis osnabr. *Art. V. §. 31.* jus hoc æque, ac Catholici exercere possunt, verum etiam alios a sacris nostris alienos illud habere posse. At an simul exercere? id negat. cit. *Cod. Pruss. cit. loc. §. 582. seq.* Vid. vero *Wiestner de jur. patron. n. 42.*

- g) De modis *extraordinariis* acquirendi jus patronatus, ac 1) quidem de *præscriptione* sequentia notanda sunt: præscriptio æque inter modos *adquirendi*, ac adquisitum jam jus patronatus *transferendi* numeratur; titulo enim hoc non modo in ecclesiam aut beneficium adhuc liberum jus patronatus obtineri, verum etiam ab ecclesia in aliam, vel ab hac in laicum, vel demum ab anteriori patrono laico in laicum transferri potest. Conf. *Cod. cit. Pruss. cit. loc. §. 574. seq.* Quantitatem temporis ad præscribendum necessariam, aliaque ad probandam præscriptionem requisita determinavit Concilium *Trident. Sess. XXV. cap. 9. de reform.* Cum vero lites circa jus patronatus apud nos, vi *casarei Rescripti de an. 1673. 9. Decemb.* (ut habet *Joan. de Friedenbergh cit. loc. lib. I. cap. X. §. 37.*) & cit. *Cod. cit. loc. §. 577.* a Consistoriis episcopalibus ad ordinarium judicem laicum remitti debeant, huicque ad eas decidendas per §. 575. & 576. singulares *P. I. tit. IX. §. 629. seq. cit. Cod.* datæ sint leges; sequitur, Concilii *Trident.* determinationes venerandam equidem nobis, at non unicam finiendarum ejusmodi controversiarum normam esse;
- 2) de *privilegio*: posse Pontificem alicui, qui neque fundavit, neque extruxit, neque doravit ecclesiam jus patronatus *vi potestatis de camera*, uti loquuntur, concedere, Decretalistarum adserunt. Sed negant id alii, quod adsertio talis

firmiter, haud satis nitatur fundamento. Vid. Rigger *cit. loc.* §. 703. Quidquid sit: jus nostrum provinciale tituli huius non meminit. at vero meminit alterius. hactenus in iure communie ecclesiastico, si vocem species ignoti, nemp. *de mandationis*: qua societas ecclesiastica nulli adhuc patrono subordinata jus patronatus cuiuspiam defert. Cod. *cit.* §. 572. *cit. loc.* quæ tam n, ni fallor, a donatione, de qua paulo infra inter modos transferendi juris patronatus agetur, haud differt.

4) Transfertur

- a) *successione testamentaria vel legitima*; r)
- b) *donatione*, quæ ecclesiæ libere fieri, laico autem extraneo non nisi cum consensu Episcopi potest; s)
- c) *permutatione pro re spirituali*, pro re enim *temporali*, transferri *directe* nequit, nisi tanquam *res cohærens* cum castro, prædio &c. modo intuitu patronatus pretium non augetur: idem de *vinditione* tenendum; t)
- d) *infeudatione, locatione, conductione* ceu accessorium rei principalis; u)
- e) *præscriptione*, ubi quadragenaria requiritur, si ab ecclesia in alium transferatur, a laico vero, ut in alium transeat, ordinaria sufficit. v)
- r) Et quidem 1) ad hæredes quoscunque in *solidum*, etiamsi hæreditas inæqualiter dividatur, quia jus patronatus est indivisibile; inde vero est, quod omnes patronatus effectus singulis competant hæredibus præter præsentationem, ad quam omnes concurrere debent, aut per turnum, aut cum præsentando, quem major pars nominaverit.

rit, aut plures ad vacantem ecclesiam designando ea lege, ut unus ex iis per Episcopum eligatur, & admittatur: 2) in stirpes, non in capita: plures igitur ab uno ex patronis ecclesie relictis habentes vocem duntaxat unius habent in praesentatione. *Elementa 2. de jur. patron.*

At disputant DD. num jus patronatus in fideicommissarium transeat? In decidenda hac quaestione praecipue habenda est praecognita distinctio inter jus patronatus reale & personale (*preced. n. 2. lit. b.*) Istud possessionem rei acquiritur (*ibid.*) hoc, si hereditarium sit, fideicommissario itidem ratione satis solida vindicat Boeckh *n. 1. n. 34* De successione in patronatum gentilitium (*ibid. lit. c.*) pluribus agit Berrardus *loc. cit. rom. II. pag. 106 seq.*

- 5) Quoad donationem ecclesiae monasterio, aut alteri loco religioso factam distinguunt: utrum donationem sit jus patronatus, an vero ecclesia patronata? Priori in casu donationem sine Episcopi consensu subsistere, idemque valere, dum patronus compatrono suo five laico five clerico jus istud donet, ex *cap. 7. 8. 14. de jur. patron. cap. un. ibid. in 6.* certum est; at in posteriori necessario Episcopi consensum requiri, & absque illo donationem nullam atque irritam esse, ex *cap. 5. 11. 17. h. tit.* desumitur. Idem de donatione juris patronatus in favorem laici non compatroni facta dicendum est. Num vero Episcopus ad consensum praestandum cogi poterit? Adhuc auctoritate *cap. 7. de patron.* Ait contrariam placet Berrardo. *loc. cit. rom. II. pag. 109.*

- 6) *Cap. 5. de rer. perm. cap. 16. de jur. patr.* Quid vero, si contra legem jus patronatus separatim pro temporali pretio permutaretur vel venderetur? Hunc in casum excommunicationis & interdicti poenam statuit Concilium Trident. *Sess. XXV.*

cap. 9. de reform. Add: ad hanc materiam Van
Espon *loc. cit. cap. IV.*

n) Particularia hic quam maxime provinciarum ju-
ra attendenda sunt. Quoad Silesiam videatur
cit. Cod. P. II. tit. XI. §. 690 — 694.

m) Recol. *præced. not. g)*

5) Amittitur

a) ob delictum, si hæresin non toleratam Patro-
nus sectetur, x) si clericos ecclesiæ occi-
derit, aut mutilaverit, si proventus usurpa-
rit, aut jus ipsum modis illegitimis in alios
transulerit. y)

b) sine delicto, ecclesia penitus collapsa, dote con-
sumpta, illo, cui adnexum est, bono deperdi-
to, vel deficiente familia, si sit familiare; vel
si ecclesia patronata cum consensu patroni,
absque juris reservatione, in collegialem vel
conventualem fuerit mutata. z)

x) Jure nostro provinciali cit. Cod. §. 582. *seq. cit.*
loc. ejusmodi patronis non ipsum jus patronatus,
sed exercitium solum ejus negatur, ita ut hoc,
quamdiu bonum, cui jus patronatus adhæret,
possident, alteri cuiquam deferre possint, onera
vero ipsi e proventibus boni portare debeant.

y) Cap. 12 de pæn Trident. Sess. XXII. cap. ult. de re-
form. item Sess. XXV cap. 9. de reform. Conf.
Wiestner *h. tit. art. X.* item cit. Cod. *cit. loc.*
§. 613 seq.

z) Cap. un. *h. tit. in 6.* Barbosa *J. E. lib. III. cap.*
12. Berrardus *loc. cit. tom. II. pag. 128. seq.*

6) Jura patronatus honorifica & utilia sunt a)

a) jus *Processionis*, vi cuius saltem Principibus patronis ad ecclesiam venientibus obviamitur: b)

b) — *loci honoratioris* in ecclesia: c)

c) — *sepulturæ & luctus* ecclesiastici: d)

d) — *precum publicarum*, quæ pro Patronis quandoque institui solent: e)

e) — *alimenta* ex proventibus illius ecclesiæ, si, unde vivat, aliunde patronus non habeat, *percipiendi*. f)

a) Antiqua patronorum jura vid. *præced. n. 1. not. f)*

b) Jam Pontificem Gelasium juris hujus meminisse loco apud Gratianum *can. 26. 27. Caus. XVI. quæst. VII* item *cap. 25. de jur. patron.* plures credunt. Illud certum est, ex interpretatione verborum Gelasii (an recte? dubitant alii) jus illud dimanasse. Duobus autem modis patrono honos hic defertur: primo itur ei, *si talis ac tantus sit*, processionaliter obviam; dein ceditur ipsi honoratior in ipsa processione locus.

c) *Conf. Cod. cit. loc. cit. §. 588.*

d) *Ibidem §. 596. 594.*

e) *Ibidem §. 589.*

f) *Can. 30. Caus. XVI quæst. VII. cap. 23. de jur. patron.* Idem ex jure regio in Silesia obtinet sub clausulis cit. *Cod. §. 596. 597. expressis. Conf. Rigger cit. loc. §. 713. Schol.*

7) Jus

7) Jus ipsum præsentandi.

- a) Vacante beneficio, & instituto, ubi moribus receptus est, *concurſu*, g) Patronus *idoneum*, et, si cura animarum conjuncta sit, *digniore* quoque præſentat: h)
- b) *ſenſum* quidem præſentare Patronus nequit, i) *filii* tamen præſentandi copia datur: k)
- c) Si plures ſint *Compatroni*, jus iſtud vel per *vota majora*, vel *alternatim*, vel in patronatu reali ſuffragia *pro rata* partium, quas in re tenent, ferendo exercent: l)
- d) inter Patronum vero *ecclieſiaſticum*, & *laicum* hoc intereſt *discriminis*, quod laicus intra *quatuor*, ecclieſiaſticus intra *ſex meſes* præſentare debeat, m) & quod ſpeciali iuris favore *laicus variare*, aut *plures ſucceſſive præſentare*, electione dein dignioris penes *inſtituentem* relictæ, poſſit, imo etſi minus idoneum præſentarit, jure tamen alium præſentandi haud privetur, n) quod ſecus eſt in Patrono *ecclieſiaſtico*. o)
- g) Concilium Trident Sess XXIV, cap 18 de reform. abunde iſinuavit, ſe ſe velle ut ecclieſie *parochiales* aliaque beneficia. quibus *cura animarum* eſt adnexa, conferri non poſſint, niſi inſtituto inter plures vel nominatim, vel ſaltem per edictum publicum evocandos *concurſu*; ubi poſt examen coram tribus ſaltem ab Episcopo conſtitutis examinadoribus, præſente vel ipſo Episcopo, ſive eo impedito, ejus Vicario Generali peractum, conferenda ſunt illis, qui magis idonei reperti fuerint, ſive de libera Episcopi collatione agatur, ſive ad alterius inſtitutionem pertinente. Leſu dignis

dignissimum est hæc super re integrum *Tridentini* decretum. Videantur quoque constitutiones Pii V. in conferendis de an. 1566, & Bonediæ XIV. de an. 1742. 14ta Decembr. Verum saluberrima hæc Concilii *Tridentini* constitutio plurimas jam exceptiones patitur. Videantur apud Rigger P. III. §. 126 Plures earum improbat Van Espen P. II. Sect. III. tit. V.

- b) Secus si factum fuerit, salva manet Episcopo auctoritas præsentatum *rejiciendi* *Caus. XVI. Q. VII. cau. 38. Concil. Trident. Sess. XXIV. cap. 18. de reform.* Inde vero est, quod omnes præsentationes ad Episcopum tanquam *Ordinarium* loci immediate dirigi; præsentati vero cum iisdem se vel Episcopo vel Vicario Generali *personaliter* sistere debeant. *Sanctio. pragmat. episcop. de an. 1699 26. Oct. Nissæ § I. Ut omnes Schema præsentationis exhibet de Friedenbergl cit. loc. §. XXXVII. pag. 213. 214.*
- i) *Cap. 26. de jur. patron. ad Hebr. cap. V. a. 4. Huc quoque valet gravissimum S. Thomæ 2. 2 q. 100. art. 5. ad 3. de clericorum ad beneficia præsertim curata cursitationibus, & sollicitudinibus dictum: Si aliquis pro se regat, ut obtineat curam animarum, ex ipsa præsumptione redditur indignus.*
- k) Imo *patronus a compatrone* nominari non prohibetur.
- l) *Recol. præced. n. 4. not. v.) conf. cap. 3. de jur. patron. Clement. 2. eodem: item Schenkli cit. loc. §. 518.*
- m) Unde vero discrimen istud? Diversæ lectioni canonis 17. Concilii *Lateranensis* sub Alexandro III. adscribitur a Riggero cit. loc. §. 716. seq. qui *lite etiam pendente* tempus illud currere, eo-que.

que finito fas esse Episcopo appellatione remota in eadem ecclesia personam idoneam institueri, ita quod representeretur ab eo, qui jus evicerit patronatus, hac imprimis ex causa asserit: quod propter discordias laicorum non debeat ecclesis præjudicium generari cit. loc. § 718 Excipitur casus, quo inter ipsum Episcopum & patronum controversia esset Jure nostro provinciali sex mentium spatium tum clericis tum laicis patronis ad præsentandum conceditur. cit. Cod. cit. loc. §. 393. quo elapso, nisi prolongatio ejusdem petita sit, provisio ad Episcopum devolvitur. *ibid.* §. 398.

- n) Quæ tamen præsentatio dignioris, si semestris a jure ad præsentandum concessum jam effluxerit, ultra sex hebdomades porro differri non debet. *ibid.* §. 399
- o) Innocent. III. *lib. III. Registr. epist.* 226. Fagnanus ad cap. 4. b. tit. Contentit jus nostrum provinciale cit. Cod. §. 392. *ibid.*

3) Patroni obligationes.

- a) Ecclesiam, cujus Patronus est, ejusque jura defendere tenetur, quin tamen ex in jurisdictionem sive in beneficium, sive in possessionem consequatur: p)
- b) ad reparationem quoque ecclesiæ saltem pro rata fructuum, quos inde percipit, concurrere debet. q)
- p) Can. 31. 32. 18. 25. *Causs. XVI. quæst. VII. cap. 23. 24. de jur. patron. cap. 12. de pen. Tridentinum Sess. XXIV. cap. 3. Sess. XXI. cap. 4. de reform. Conf. cit. Cod. cit. loc. tit. XI. §. 650. seq.*
- q) Cod. cit. §. 584 & §. 720. Fufius hac de re egit Concilium Trident. Sess. XXI. cap. 7. de reform.

III. Præsentationem legitime factam, qua quis jus *ad rem* obtinet, necessario sequitur collatio Tituli, seu juris *in re*, quæ institutio dicitur... r)

1) Dividitur

- a) in *verbalem*, quæ verbis concessionem beneficii exprimentibus absolvitur;
- b) *auctorisabilem*, qua cura simul animarum *ordinaria* pro certa plebe tribuitur; s)
- c) in *realem*, quam & *investituram*, *installationem* &c. vocant, quæ actuali introductione in ipsum beneficium, variis modis peragi solita, perficitur; t)

r) *Institutio* hæc alter est ad beneficia minora *perveniendi* modus. Vid. *preced. n. I. not. 2)*

s) *Autorisabilem* institutionem alii *approbationem* ad animarum curam dicunt.

t) De origine *investituræ* legatur Rigger P. III. §. 163 seq.

2) Jus instituendi competit,

a) si de institutione *verbali* sermo sit *proprie* Episcopo, u) sede vacante *capitulo*, v) ex privilegio vero, vel consuetudine etiam *inferioribus*. x)

b) si de *auctorisabili* quæras, *soli* Episcopo *privative*, utpote animarum summo per Diocesin pastori, adeo, ut nec Abbatibus *inrui* non *regularium*, nisi jurisdictionem *quasi episcopalem* in ipsos habeant, conveniat: y)

c) *realem*

c) *realem* verò institutionem *Episcopus*, aut ejus *delegatus* peragit, 2) nec repugnat, quo minus quis etiam a *Laico* quoad temporalia in possessionem beneficii immittatur. a)

u) Per decretum Concilii *Trident. Sess. XIV. cap. 12. de reform. Conf. P. I. cap. I § V. n. IV in. e. not. c)* Consonat cap. 3. de *instit. cap. 4. de offic. archid.* An vero etiam *Vicario Generali* competit? Respondent: quemadmodum in aliis ita & hac in re ejus potestatem ex concessione *Episcopi* dimetiendam esse (*Vid. P. I. cap. I §. III. n. IV 3*) quæ si non sit restricta sine mandato speciali eidem competit. Cap. 3. de *instit. Conf. Sanctio pragmat; episcop. Nissæ an. 1699. §. I. præsentationes. §. IV. ad parochias.*

v) Cap. 1. de *instit. in 6. Conf. Zach de hierarch. eccless: tit. XXIX. § 350.*

x) *Conf. Trident. Sess. XIV. cap. 13. & Sess. XXV. cap. 9. Cap. 6. de instit. Conf. P. Westner h. tit. n. 9. seq.* Quid verò ad quæstiones: 1) an præsentatus ad beneficium, qui alias jure instituendi gaudet se ipsum instituere queat? 2) an examen prævium requiratur? 3) intra quod tempus institutio hæc fieri debeat? respondendum sit: *vid. apud Rigger cit. loc. §. 154 155 157.*

y) *Concil. Trident. Sess. VII. cap. 13 Sess. XXIII. cap. 15 de reform. cap. 4 de offic. archid.* Ratio est: quia *Episcopus* politus, est a *Spiritu S.* regere ecclesiam Dei, & gregi domino tibi commisso adtendere; quapropter illius cura principalis ei incumbit. & nemo alius, sine ejus nutu & auctoritate in partem sollicitudinis & ministerii fieri venire potest. Inde vero jam patet, quid de sententiis sequentibus tenendum sit: 1) *Dist. n. guer*

guendum esse hac in re inter *consuetudines* Concilium *Tridentinum* *antecedentes* & *consequentes*; illas per Patres concilii abrogatas quidem esse, non istas; 2) via *prescriptionis* obtineri posse facultatem institutionem *auctorisabilem* impertienti; 3) *fundatorem* beneficii curati ad probationem ad curam animarum, seu *institutionem auctorisabilem* Praelato eadem inferiori *reservare* posse. Vid. *Wloftner tit de instit. n. 34. 36.* *Conf. Rigger cit. loc. § 160 161.*

- 2) Olim *missio* in possessionem beneficii per *Archidiaconum* nomine Episcopi peragebatur *Cap. 7. de offic. archid.* Hodie per Episcopum aut in persona, aut scripto, aut per delegatos, quos Episcopus nominaverit, absolvitur, quibus, si Episcopus scripto investiverit nonnisi ius introducendi investitum relinquatur; quod in *Diaecesi nostra* in more est. Forma introductionis habetur in *Rituale diaecesano.*

a) *Conf. praeced. n. I. not c)*

IV. Tertius ab uno beneficio minori ad aliud canonicus transeundi modus permutatio beneficiorum est, b) quæ ut *legitima* sit, requiritur

a) *prævia causæ cognitio: c)*

b) *consensus* eorum, qui ius habent vel conferendi, vel eligendi, vel præsentandi ad beneficia: d)

c) *auctoritas Episcopi*, vel jurisdictione quasi episcopali gaudentis, cujus in loco sita sunt beneficia. e)

b) Seu mutua beneficiorum dimissio, sive resignatio, ut alter alterius dimittentis beneficium conse-

quatur. Translationi, si effectum species, vicina est; quapropter plura, quæ *§. præced. V. n. V.* de illa dicta sunt, ad hanc quoque adcommo-
dari possunt.

c) Sicut enim translatio, ita quoque permutatio sine necessitate, aut utilitate fieri non debet; hanc ergo adesse, antequam permutatio fiat, cognoscendum, ac definiendum prius est.

d) Ne de contemptu juris sui litem movere audeant.

e) *Cap. 7. de rev. permut. Conf. n. præced. III. n. 2. lit. a) b) c)* Hanc Episcopi auctoritatem adeo necessariam esse docent citari tituli *de rev. permut.* Interpretes, ut si beneficia *diversarum* sint *Dioecesium*, utriusque Episcopi consensus exigi debeat, sique hoc neglecto privata auctoritate aliqui permutent, beneficia prævia sententia amittant.

Quæstionem: an, si alius resignare nolit, postquam alter permutationis causa jam resignavit, posterior beneficio suo excidat? negative resolvit Innocentius III. *cap. 8. de rev. permut.* statuens: posse eum ad resignatum beneficium redire; beneficia enim permutationis causa resignata debent, & possunt solum permutantibus conferri, ipsaque jura deceptis, non decipientibus obvenire. Adcuratius de permutatione beneficiorum agit Zech *Seß. III. de jur. rev. tit. IX. §. 129. seq.*

V. Addunt non nulli beneficia minora acquirendi modis præscriptionem, vi cujus

a) aliquis, qui bona fide, & titulo colorato absque simoniæ, similive vitio beneficium per triennium quiete possidet, a nemine inde turbari potest: f)

b) imo

b) imo, qui etiam nullo, ne quidem colorato titulo pacifice per *annum continuum* a tempore impetrationis inchoatum beneficium possidet, insignem, non tamen eundem favorem percipit. g)

f) Desumunt id ex Regula Cancellariæ XXXVI. ex quodam Concilio *Basileensis* decreto, in Germania sub Alberto II. acceptato hausta. Conf. Van Espen *P. II Sect. III tit. IX. cap. IV.*

g) Lata est nimirum alia Cancellariæ Regula XXXV. ab Eugenio IV ad imitationem feudorum contra involatores alienorum beneficiorum, litiumque artifices, quos *devolutarios* vocant. Vi hujus non prodest impetratio beneficii per annum continuum quiete ab altero possessi a Sede apostolica obtenta impetranti, nisi in impetratione expresserit nomen gradum, nobilitatemque possessoris, & possessionis tempus & causam, quare possessori nullum jus in beneficio competat; item nisi possessorem ipsum intra sex menses in judicium vocet, causamque ex tunc infra annum usque ad definitivam sententiam prosequatur. Conf. Van Espen *cit. loc. cap. III.*

Quod adtinet 1) *Optionem*, cujus nomine jus venit quibusdam capitulis competens, vicusque seniores per gradum præbendam aliam vacantem, priore dimissa, eligere possunt: 2) *Turnum*, quo ordo significatur a capitulo statutus, secundum quem Capitulares ad beneficia vacantia nominant, quique, si secundum senium procedat, *stabilis*; si vero cuique certum anni tempus adsignatum sit, intra quod vacanti beneficio ille, cui tempus hoc adtributum est, providere queat, *errans* aicitur 3) *Nominationem utilem*, vi cujus Capitulares unus ex alio vel successive, vel simul & semel candidatos nominant, quibus suo tempore de canonicatu, vel præbenda va-

cante sit providendum, notamus paucis: 1) ex jure communi modos hosce acquirendi beneficia haud promanare; 2) variam esse variis in ecclesiis hac in re disciplinam, quia a particulis plerumque statutis dependet; consuli nihilominus non inutiliter poterunt, qui ex professo de iis scripsere, uti Joan. Petrus Moneta *tract. de optione canonica*. Conf. interim Zech *cit. loc. §. 128.*

§. VII.

JURA PONTIFICIS CIRCA BENEFICIA VI CONCORDATORUM GERMANIÆ.

I. Ex Concordatis Germaniæ, quorum tenorem, valorem, ac interpretationem jam in Prolegom: cap. II. §. II. determinavimus, varia Romano Pontifici circa beneficia jura competunt, deductione paulo ampliore digna, quorum primum est Jus Episcopos & Abbates consistoriales confirmandi,

- a) cum potestate electiones in Germania liberas prævie *dijudicandi* intime connexum,
- b) a *Tridentino Sess. XXIV. cap. 1. de reform:* de novo stabilitum,
- c) et constanter hucusque a Pontificibus exercitum. *h)*

b) Quæ jure communi circa confirmationem electionis præscribuntur, *preced. §. V. n. II. g.* indicavimus; recolantur hæc: ut quæ in Germania singulariter obtinent, facilius intelligantur. Ista vero ad sequentia reducuntur: 1) intra tempus jure communi præscriptum (*vid. ibid. lit. a*)

Epis.

Episcopi & Abbates *immediati* confirmationem a Pontifice petant. A. C. Episcopi & Prælati immediati, siquidem electio eorum concorditer facta sit, ea non indigent; sin vero: a Cæsare eam expetant. Rigger P. II. §. 323. 2) Ad iter Romam suscipiendum haud obligati (vid: §. præced. V cit. n. not. 1.) publicum instrumentum de actu electionis a Notario apostolico confectum, aut a Capitularibus vel Scrutatoribus subscriptum ad Sedem apostolicam transmittant per Legatum Papæ, aut Nuntium ejus provinciar: qui etiam per se vel vicinum aliquem Episcopum examen instituit de electi natalibus, ætate, doctrina, moribus, fideique professionem ab eodem exigit ad normam constitutionis Gregorii XIV. de an. 1592. *Onus Apostolica.* 3) Tum electio Romæ examinatur modo per Concilium *Trident.* Sess. XXIV. cap. 1. de reform. præscripto. 4) Hac legitima inventa Papa eam confirmet, n si ex rationabili & evidenti causa, & de fratrum consilio de digniori, & utiliori persona duxerit providendum. Concord. Germ: §. III. Peragitur autem Confirmatio in Consistorio vel tota simul in uno vel in duobus, ut in primo fiat duntaxat *præconizatio*, in altero *confirmatio*. Post hæc Bulla aut *Breve confirmatorium* editur. Plura hac de re vid. apud Dürer *dis. serv. de judice controuv. in caus. elect. Episc. Germ. Tom. II. Thesaur. J. E. n. 8.*

II. Jus alterum quoque Concordata sub certis limitationibus Pontifici stipulantur, nimirum jus de obtento beneficio partem fructuum primi anni, aut certam de illis pecuniæ summam seu Annatas exigendi. 1) Harum sunt

G 3

1) IV.

1) IV. genera: scilicet

- a) *Annatae simplices*, seu dimidia pars unius anni reddituum, soli Papæ ex beneficiis *minoribus & regularibus* ultra viginti quatuor aureos taxatis obveniens: k)
- b) *Servitia communia*, quæ proprie Germanis *annatarum* nomine veniunt, & ab Ecclesiis cathedralibus, & Abbatibus consistorialibus solvuntur, quorum pars dimidia Pontifici cedit, pars altera Cardinalibus Romæ præsentibus distribuitur:
- c) *Servitia minuta* seu taxæ minores, minoribus Papæ officialibus solvendæ:
- d) *Quindennia*, sive summa pecuniæ singulis quindecim annis Cameræ Apostolicæ ex beneficiis *perpetuo unitis*. vel a *reservatione* specialiter *exemptis* pendendæ. l)

2) Circa *originem* Annatarum non eadem est omnibus opinio: aliqui enim ad hos, alii ad alios usus vel abusus natales earum referunt. Aequius sentiunt, qui eas ab *indulto* illo repetunt, quo Romani Pontifices Episcopis nonnunquam vel omnes fructus, vel fructus primi anni ex Beneficiis ad collationem horum Episcoporum pertinentibus, quæ intra certum tempus e, g. intra biennium, vel quinquennium vacassent, pro expungendis Ecclesiæ suæ debitis concesserunt. Plura ejusmodi indultorum exempla recenset Thomasinus *P. III. lib. II. cap. 58 n. 2. seq.* Ex libris Decretalium notiora sunt Honorii III. *cap. 32. de verb. signif.* Bonifacii VIII. *cap. 10. de rescript. in 6* item *cap. 26. de præbend. in 6.* Nempe idem sibi quoque licere censebant Pontifices, quando Ecclesia Romana necessitatibus urgebatur, quod pari in casu aliis Episcopis

pis concefferant. Ex dictis vero liquet, hæc beneficiorum emolumenta longe prius penes Episcopos varios fuiffe, antequam ad Romanos Pontifices pervenerint, ingratum proinde adsumere laborem eos, quicumque Episcoporum in Concilio *Constantienfi* & *Basileenfi* contra Pontificias Annatas querelas ab omni invidiæ nota purgare conantur.

- k) Annatæ *Bonifaciana* nomine hocce genus hodie compellatur, quia forma ejus hodierna a Bonifacio IX. ortum duxit.
- l) Juxta Constitutionem Pauli II. *Decretum Romanum*, quam illustrat Cardinalis Petra *Commentar. in Apostolic. constit. tom. V.*

2) Titulus Annatarum

- a) hodie *perpetuus m)* ac justus est, cum pro ferendis a Pontifice pro bono Ecclesiæ, & Ministrorum suorum sustentatione sumtibus tribuantur; *n)*
- b) nec *Simoniacæ* incusari illarum exactio poterit ex eo, quod Bullæ confirmatoriæ plerumque ad earum usque solutionem retineantur, cum non tam Pontificum cupiditas, quam Episcoporum eas hinc inde, obtentis semel Bullis, solvere recusantium tergiversatio hunc morem induxerit. *o)*

m) Olim titulus petendi Annatas erant *necessitates* Ecclesiæ; (Vid. *not. præced. i)* hæc vero *transiunt* erant: titulus ergo Annatarum *perpetuus* dici haut potuit. At nunc jam Pontifici stabili lege & absolute vi Concordatorum Germaniæ debentur; cum igitur Concordata hæc naturam veri, publici, ac perpetui pacti habeant, sequitur

Annatarum titulum perpetuum esse. Conf. Barthel *differt. gen. de concordat. cap. 3 Sect. II, §. 12, pag. 385.*

- 2) Qui rationem hanc ad probandam Annatarum *justitiam* insufficientem dicunt, viderint ne sibi met ipsis non consent, quotiescunque eandem ad removendam ab aliis Episcoporum aut Parochorum emolumentis simoniae suspicionem adhibent. Sed enim superflunt argumenta alia, quae justum esse Annatarum titulum ostendunt.
- 1) Non Pralatus, sed ecclesia ipsa antequam ei aliquis praeficitur, ad solutionem Annatarum de mediis fructibus ex ipso vacationis die Camera apostolicae obligatur: propterea qui ecclesiae praeficitur, medios solvit fructus, sicut alia debita ad utilitatem ecclesiae contracta. Ita ratio cinatur Thomas Campegius *tract. de annat. institut. n. n.* 2) Juste, atque absque simoniae vitio pensio beneficiis imponi potest; cur non & annatarum onus? 3) *Basileense* Concilium, cujus auctoritate damnari annatas putant, simoniacum non censuit. Romano Pontifici promittere, pro oneribus, quae eum pro regimine universalis Ecclesiae subire oportet, proque sustentatione S. R. E. Cardinalium & aliorum necessariorum Officialium debite omnino & congruenter providere se velle (*Sess. XII in fine*) ergo eo ipso Annatarum titulum a simoniae culpa absolvit. 4) Idem Concilium electo suo Pleudo-papae Felici V. eas indulgit *Sess. XLII* 5) Quid? quod e Protestantibus plures de nimio in Pontifices favore minime suspecti ingenue fateantur, inania esse quae ex vitio simoniae annatis adsparguntur? (Vid. Boehmerus *Jur. eccles. Protestant. lib. I. tit. XI. §. 46.*) ac unanimiter Annatas, quas Pontifici solvi egre ferunt, Principibus suis ex pluribus beneficiis reservent? Idem *cit. loc. §. 32.* item Stryckius *Differt. vol. VII. disp. 4. de jur. papali Principum evangel.*

gel. cap. 4. §. 7. seq. Plura legi possunt apud Petrum de Marca *de concord. Sacerdot. & Imper. lib. VI cap. 13.*

- o) Ut ex responso Cardinalis Senensis Æneæ Sylvii ad litteras Cancellarii Moguntini Martini Mayr colligitur quibus hic acerbe conquestus est, quod Annatæ absque ulla dilatione temporis exigantur. Vid. Zech *de jur. ver. Sect. III. tit. XII §. 173.*

3) Annatas solvendi modus.

- a) De ecclesiis *cathedralibus* omnibus, & monasteriis *virorum*, *immediate* Pontifici subiectis certa pro fructibus *primi* anni pecuniæ summa solvitur, in libris *Camere apostolicæ*, taxata, quæ *servitiorum communium* nomine venit;
- b) neque prius pendenda hæc summa est, nisi habita *pacifica possessione* totius, aut majoris fructuum partis, ita ut secundum Concordata pars dimidia infra annum, pars altera infra annum sequentem solvatur, quod tamen hodie non obtinet. p)
- c) si vero infra annum *bis* vel *pluries* vacaverit Prælatura, *semel* tantum solvitur, nec debitum hujusmodi in successorem transit;
- d) de beneficiis demum, quæ summam *viginti quatuor aureorum de Camera* non excedunt, nihil exigitur; prout in Germania, ubi beneficia minora quæcunque a Pontifice collata ultra hanc summam taxata haud sunt, de his *annatæ nullæ*, sed *servitia tantum minuta* præstantur. q)

p) Ut prius *preced. n. 2. lit. b.* animadvertimus. Ex eo vero, quod Annatas non nisi habita pacifica possessione fructuum solvendas esse. Concordata statuunt, ob rationis paritatem intertur: eas, seu pecunias jam solutas, si quis possessionem non obtineat, esse restituendas. Sic Romæ judicatum an. 1667. & 1677. item an. 1712. prout refert Card. Petra in *Comment. ad Constit. apostol. tom. V. ad constit. I. Nicolai V. Sect. un. n. 67.* occasione Coadjutoris Olomucensis ante Coadjutum defuncti.

q) Conf. Concordatorum ipsorum tenor.

III. Jus tertium Pontifici in Concordatis firmatum, at secundum illorum verba explicandum, versatur circa beneficiorum reservationes: r) ubi

1) illæ primo occurrunt, quæ in *jure scripto*, cui eo tempore *Extravagantes* nondum adjunctæ fuerant s) continentur, a Clemente IV. investæ. Istæ

a) se ad sola beneficia *per obitum apud Romanam Curiam* vacantia extendunt, t)

b) & de se *perpetuæ* sunt, ita, ut beneficia, vacante Sede Romana, nisi sint *curata*, quæ moram non patiuntur, futuro Pontifici usque ad elapsum integrum a die vacationis mensem reserventur. u)

r) An reservationes beneficiorum antiquitus in usu fuerint? Negat Franc. Florens ad *lib. III. Decretal. tit. V. tom. 21. fol. 307.* ea ex causa: quod in collectionibus SS. Canonum de ejusmodi reservationum mandatis nihil ante tempora Alexandri III. reperiatur; hicque Pontifex ta-

les formulas adhibuerit, e quibus firma animi ejus persuasio de jure beneficia ad Ordinariorum collationem pertinentia sibi reservandi hauderetur. Nempe in epistola 43. epistolis Petri Cellensis adjecta commendat Pontifex Alexander Abbati & Capitulo S. Remigii quemdam Clericum his verbis: *Caritati Vestrae preces affectuosas porrigimus &c. Ibid. epist. 7. Commendamus rogantes Et rogando mandantes &c.* Postea morosis Collatoribus dabantur *Monitoria*, dein *Præceptorialia*, demum essentiali Primatui jure supplendi negligentiam Prælatorum *Exequutoria*. Cap. 30. 37. 39. de rescript. varia scribendi forma adhibita. Vid. Zech *cit. loc. tit. X. §. 137.* Ut jus istud frequentius exerceretur, illa inprimis ætate qua vitiis immergi Episcopi & Principes prodiga manu in indignos beneficia dispergebant, postulavit Ecclesie salus. Huic igitur provituri Pontifices Romani Episcoporum potestatem in conferendis beneficiis, quo minus ea abuti possent, restringere sibi que beneficiorum plurimum collationes reservare ceperunt. Erant autem ab initio reservationes istæ speciales, sensim a temporibus Clementis III. ad totum aliquod beneficii genus extensæ, increcebant numero suo adeo, ut tempore magni schismatis ad finem seculi XIV. & initium XV., cum singuli, qui se pro Pontifice gerebant, fautores suos gratiis vellent cumulare, paucissima superfuerint beneficia, quæ a Pontificum Romanorum collatione non dependissent. Inde graves illæ, at irritæ in Concilio Constantiensi contra reservationes quærelæ! in Basileensi feliciter repetitæ, tandem per Concordata Germaniæ ita compositæ, ut non superflua causa, cur plures reservationes abolitas doleant Pontifices; aut aliquas iisdem relictas invideant Episcopi. Jam quæ hæc sint? videndum est.

- s) Nomine *juris scripti* hic non nisi *decretum* Grati-
ani, *Decretalium libri V. sextus*, & *Clementino*
intelliguntur. Conf. *Sehenkl cit. loc. §. 531.*
- t) Per *Curiam Romanam* non solum locus, in quo
causæ a Pontifice audiri, & litteræ Apostolicæ
expediri solent, verum etiam vicina loca desig-
nantur, quæ ultra *duas diatas legales* a loco, ubi
moratur Curia, non sunt remotæ. Per *diam*
vero *legalem* intelligitur iter unius diei, quo or-
dinarie *viginti miliaria italica* percurruntur.
Beneficia per *obitum apud Curiam Romanam va-*
cantia sunt, (ut exponit Bonifacius VIII,
in cap. 34. de præb. in 6.) quæ habent illi, qui
negotiorum causâ ad Curiam Romanam venien-
tes, vel etiam ab ipsa recedentes in locis Curia
vicinis moriuntur. His præmissis sequitur hunc
esse propositionis sensum: Vi Concordatorum
illa primo beneficia Romano Pontifici reservan-
tur, quæ vacant a morte eorum, qui negotio-
rum causâ ad Curiam Romanam venientes, vel
ab ipsa recedentes obeunt in loco quopiam ultra
40 miliaria a Curia ipsius loco non distante.
Cap. 34. de præbend. in 6.
- u) Elapso mense a die, quo dignitates seu beneficia
ipsa vacaverint, possunt ea conferre illi, ad quos
alias eorundem beneficiorum & dignitatum col-
latio spectat. *Cap. 3. de præbend. in 6.*
- 2) Receptæ dein sunt & illæ, quæ in Extrava-
gante; *Ad Regimen* exprimuntur, proin eri-
am
- a) beneficiorum *vacantium* per *depositionem*,
privationem, *translationem*, judiciali Pon-
tificis sententia factas: v)

b) va-

- b) vacantium per *cassatam electionem, repulsam* a Papa *postulationem, vel admissam renuntiationem*: x)
 - c) vacantium per *obitum Cardinalium* aliorumque Curiae Romanae *Officialium*, qui in Concordatis recensentur: y)
 - d) vacantium per *promotionem*, seu illorum, quae promoti a Pontifice *tempore promotionis* possidebant. z)
- v) Unde non reservantur Pontifici vacantia 1) per *exauktionem* a Canone, vel Ordinario decretam; 2) per *resignationem* in manus Ordinarii aut absolute, aut permutationis gratia factam; aut 3) factam ab eo, qui post *resignationem* diebus *viginti superstes* non est, ubi per obitum censetur vacare. Adde, indultum de eligendo in locum exauktionati Capitulo negari vix posse a Pontifice, siquidem exauktionis causa Capitulo imputari nequeat: cum innocens privari jure suo non debeat.
- x) Etiam hic innocenti Capitulo jus salvum manebit.
- y) Videlicet *Vice-cancellarii, Camerarii* verosimiliter tum solum, si in Curia supremum diem obeant; *Legatorum* vero, vel *Nuntiorum* seu *Rektorum* aut *Thesaurariorum* ubicunque decedentium. Discriminis hujus causam adfert Maur. Schenkl § 533 Schol. Quare quotiescunque *Episcopum*. Germaniae *Cardinalem* creari, aut ad officium Curiae Romanae evehi contigerit, Capitula sibi per *Indultum* consulunt.
- z) *Exceptiones* ab hac regula recenset Schenkl *cit. loc. § 535 Schol.*
- 3) Accedunt porro Reservationes in Extravagante: *Execrabilis* indicatae, vi cujus ex sensu,

sensu Concordatorum a Pontifice conferenda sunt

- a) beneficia quævis vacantia per *affectionem* alterius beneficii *incompatibilis*,
 - b) ita tamen, ut *unum* tantum, & secundum mentem Concordatorum *primum*, non utrumque reservatum sit,
 - c) modo secundum *immediate* a Pontifice sit collatum,
 - d) ac impetrans in hujus secundi *pacifica* & *frugifera* possessione existat.
- 4) Denique Pontifici per Concordata concessum est jus conferendi beneficia in mensibus imparibus *Januario, Martio* &c. qui ideo *Papales* audiunt, vacantia: excipiuntur tamen
- a) beneficia juris Patronatus *laici*, vel *mixti*:
 - a)
 - b) *dubia*, an in mente Papali, an alio vacaverint: b)
 - c) *dignitates* præsertim *electivæ*, & *maiores* post pontificalem in ecclesiis cathedralibus, ac *principales* in collegiatis; cum instrumento potius Concordatorum, sat clare hoc inveniendi, quam quibusdam Bullæ confirmatoriae exemplaribus standum sit. c)
 - a) Ne laici a favoribus ecclesiæ præstandis absterantur.
 - b) In dubio enim favendum est potius Ordinariis.

c) Præterea

c) Præterea enim quod Concordata utriusque partis consensu facta sint, ipsa vero Bulla confirmatoria a solo Pontifice procedat, proin in collisione cum Concordatis, posterioribus major sit auctoritas; accedit: exemplaria Bullæ, ætati Concordatorum propinqua magis, favere Concordatis. Conf. Schenk. l. §. 536 Ceterum non eadem est quoad beneficia, quæ in mensibus papalibus Pontificis collationi remanent, ubique in Germania disciplina. Jus istud mensium papalium sæpe per alios ex privilegio, aut aliis ex titulis exercetur; sic tribus Electoribus ecclesiasticis *vi quinquennalis privilegii* concedi solet, qui & in congressu *Emfano* illud perpetuum esse voluerunt.

§) Circa adjuncta hujus provisionis Pontificiæ notanda sunt

a) *tempus*: beneficia enim in Curia vacantia unius, quæ vero in mensibus papalibus vacant, trium mensium intervallo conferenda, & provisio in loco beneficii notificanda est; d)

b) *subjectum* provisionis: quod illis, quas leges & statuta particularia exigunt, dotibus ornatum sit: at

b) *Sede Romana vacante* jus mensium *expirat*, & collatio potiori jure Ordinario vel Capitulis, quam Cardinalibus aut Archiepiscopis vindicatur. e)

d) Secus pertinet collatio ad Ordinarios.

e) Quod *formam collationis* Pontificiæ adinet: rescripta provisionis alia in forma *commissoria* seu *dignum*, alia in forma *gratiosa* dantur; per illa datur quidem jus quoddam ad beneficium: de

eo tamen non fit provisio Romæ, sed facienda, aut saltem per tituli collationem perficienda remittitur ad Ordinarium, cum mandato, ut præmittitur examine idoneus inventus in beneficio instituat; per hæc vero Papa jam Romæ confert beneficium ceu ei, quem idoneum cognoscit, quique proin necessario erit instituendus in beneficio.

§. VIII.

PROVISIO BENEFICIORUM PER PRIMAS PRECES.

I. Jus Imperatori saltem competens, durante regimine suo, semel aliquem idoneum ad unum beneficium in quibusdam Germaniæ ecclesiis vacans, vel vacaturum nominandi Jus primarum precum vocatur. *f)* Hujus origo

a) *quoad tempus* incerta quidem, at ex consuetudine paullatim manasse, & ultra seculum XII. non differenda videtur, cum Rudolphus I. jus istud jam ex antiqua, & adprobata consuetudine deducat; g)

b) *quoad fundamentum* varia a variis assignantur; h) id tamen veritati consonum magis, jus istud ex variis *Advocatiæ*, *Privilegiorum* &c titulis a Cæsaribus cæptum, consuetudine firmatum, ac indulto Pontificis, ut facilior executio, aut promptior obedientia redderetur, roboratum fuisse. i)

f) Dicitur 1) *jus precum primarium*, utpote quæ una vice tantum ad quamvis ecclesiam adhibentur; & *primariarum*, ut quæ necessitatem imponant, & reliqui omnibus præferri debeant; 2) differt a jure *Patronatus*, quod istud ad beneficium quotiescunque vacans, illud semel tantum & etiam ad vacaturum exerceri queat; 3) distinguitur a *litteris panis*, quæ non ad beneficium ecclesiasticum, sed ad alimenta laicorum pertinent.

g) Nimirum anno 1273. Ante hunc igitur annum longe prius in ulu erat, quod hanc veluti gratiam haberent Ecclesiæ Imperatoribus, quorum beneficiis & protectione fruerentur *Mascow Princip. Jur. publ. germ. lib. V. cap. I. §. 28.*

h) Celebriores de juris hujus origine variorum opiniones recenset, & examinat Schenk I. §. 542. 543. negans; illud 1) *ex jure majestatico Principum & jure in sacra*. ut volunt Protestantes; 2) *ex dotatione, & fundatione* ecclesiæ, aut privilegiorum Cæsareorum concessione; 3) *ex dignitate Imperatoris canonicali*; 4) *ex coronatione* ejusdem; 5) *ex advocatia* ecclesiarum suprema; 6) aut *ex solo indulto* Pontificis, vel *ex consuetudine sola*, derivari posse.

i) *Indulti* Pontificis meminere Fridericus III. & plerique ejus successores in suis *precum* formulis; at a tempore Josephi I. nulla amplius, si Carolum VII. excipias, illius in litteris Cæsareis occurrit mentio; disputatum enim est acriter ab ea ætate; an necesse sit, ad ejus exercitum concessionem petere a Pontifice? Pro negativa prodire: an 1712. *Vindictæ primariarum precum*, Cæsareæ Majestati suo uno, & proprio jure vi, ac virtute electionis per Imperium Romanum competentium; Romanæ Curie causam egit Conrad. Oligenius, seu Petrus

Marcellinus Corradinus, tum Subdarius, postea Cardinalis. Illi respondit Dn. Gribnerus in disert: *de precibus primariis Imperialibus, sine Pontificis indultu validis*. Solemniores factæ sunt lites hæc sub Francisco I. jus istud absque ulla alia concessione sibi proprium adserente: tum enim admissus est ipse Benedictus XIV. auctoritatem Pontificiam, ceu juris hujus fontem plurimis argumentis extollere. Conf. Schenkl. *cit. loc. p.*

II. Comperit autem jus primarum precum

- a) sine controversia Imperatori; k)
- b) Imperatrici a multis denegatur; ab aliis velut ab Imperatore *cessum*, & ejus nomine exercendum; ab aliis iterum, adductis Eleonoræ, Blancae Mariæ, & Annæ Augustarum diplomatis, vel in *omnibus*, vel saltem in ecclesiis *sexui famineo* destinatis ceu *proprium* tribuitur: l)
- c) Regi Romanorum exempla Maximiliani I. & Josephi II. favent; is tamen factus postea Imperator illas repetere nequit:
- d) Vicariis S. R. I. quidam hoc jus ex Bullæ aureæ tenore vindicant, in qua ipsis potestas ad *beneficia præsentandi* adjudicatur, verum hanc ad ea solum beneficia, in quibus Imperator *jus Patronatus* habet, alii restrictam volunt:
- e) tandem *Dominis territorialibus* Protestantium plures id juris concedunt, imo & ad uxores eorum extendunt, sed alii cum Catholicis

tholicis unam maxime circa hoc *observantiam* adtendendam censent. *m*)

k) Cui de novo in Pace W. firmatum est. Vid. *Instr. P. O. art. V. §. 18.*

l) Vid. Deinlinus *de Jure primariarum precum Imperatricis Augustæ* Conf. Maseow cit. loc. *lib. III cap. VI §. 5.*

m) Conf. Schenk. *§. 545. Schol.*

III Jus hoc Cæsareum extenditur

a) ad ecclesias *cathedrales & collegiatas catholicas* omnes, nisi privilegium, aut consuetudinem contrariam probare possint: *n*)

b) ad *Protestantium* ecclesias *immediatas*, in quibus Imperator ante P. W. hoc jus exercuit;

c) & illas *mediatas*, in quibus *prima Januarii* anni *normalis* jus hoc ab eodem exercitum, seu, ut prudentiores explicant, in quibus *factas* hujus exercitii cum facto quodam, seu precibus ante hac datis, conjuncta nulla adhuc eo die contradictione elisa fuit; *o*)

d) in ecclesiis tamen *Protestantium* non nisi A. C. addictus, in *mixtis* vero ejusdem tantum religionis confors cum eo, cujus beneficium vacaverit, primaria prece gaudebit. *p*)

n) Vi cujus vere phares ecclesias, n. seq. eximitas videbimus.

o) *Instr. P. Ofu. art. V. §. 18. 26. Conf. diff. J. A. Brand de jur. Cas. primarium precum. cap. III. §. 14. seq. exstat in Thesaur. J. E. Tom. V. n. 4.*

p) P. W. cit. loc.

IV. Etsi vero juxta formulas precum recentiores jus Cæsareum se exporrigere ad omnia beneficia videatur, tamen tum consuetudine, tum aliis titulis excipiuntur

- a) dignitates episcopales, aut majores post episcopalem in cathedralibus, & principales in collegiatis: q)
- b) beneficia curata, nisi præbendis canonicalibus unita sint: r)
- c) regularia: s)
- d) perpetua unita; t)
- e) beneficia Patronatus laici, & mixti; u)
- f) monocularia seu quorum collator unum dumtaxat, vel non saltem quatuor conferre potest: v)
- g) dignitates, personatus, si canonicatui non perpetuo adnectantur: x)
- h) beneficia liti eum eorum possessoribus defunctis jam motæ, nec adhuc finitæ implita: y)
- i) vacantia permutationis causa, aut etiam, juxta quorundam opinionem, per resignationem live simplicem, live in favorem, coram Pontifice factam.
- j) Quia uni electioni ex Concordatis & praxi obnoxie sunt. Vid. §. preced. V.

- r) Ut animarum salutis alio modo melius prospiciatur.
- s) Ea saltem, quæ ex natura sua talia sunt.
- t) Seu incorporata ecclesiis, quæ proin ob perennitatem ecclesiarum nunquam reapse vacant.
- u) Ob singularem horum favorem.
- v) Ne Collator omni occasione exercendi jus suum privetur.
- x) Urget tamen sæpe Aula cæsarea *precistarum* etiam ad hæc beneficia admissione.
- y) Ne via facti litem dirimere Imperator videatur in præjudicium alterius litigantis.

V. Preces primæ dirigendæ sunt

- a) non nisi pro personis *dotibus illis*, quas leges tum *communes*, tum *particulares* ecclesiarum requirunt, *instructis*; x)
- b) a quibus dein *ordinario* collatori *insinuandæ* sunt, & intra *unum mensem* a notæ vacationis die *acceptandæ*, nisi, diplomate precum fors indefinito, aliud vacaturum fors expectare malint; a)
- c) ne tamen ordinarii collatores reluctentur, *exequutores* in ecclesiastica dignitate constituti a Cæsare nominari solent, qui *monitis*, ac si necesse sit, etiam *cenfuris* id urgeant, vel *ipsi* demum *precistæ* beneficium conferant;
- d) quodsi fors *lites* circa *precistæ* admissionem oriantur, pro dubii varietate jam Cæ-

far, jam iudex ecclesiasticus rem dijudicabit.

- 2) Seu non nisi pro dignioribus, aut saltem dignis, & ubi statuta exigunt, generis nobilitate claris.
- a) Hanc precum *insinuationem collationem* Ordinarii præcedere debere, secus beneficii, quod ante insinuationem collatum est alteri, acceptandi aut etiam petendi nullum amplius præstare, eodem licet eurrente mense, jus fore adferit Cl. Emdres differt. *de insinuationis prim. precum Caesar. : necessitate.* Thesaur. J. E. Tom. VII. n. 9.

VI. Effectus primarum precum

- a) tantus est, ut præcisa omnibus reliquis, qui spem quocunque alio titulo ad beneficium habent, *anteponatur*,
- b) ac si *intra mensem* petat, statim ei cum *præbenda locus in choro & capitulo* assignari debeat, in quo tamen Capitulorum praxis necdum certa est, eoquod hæc ex æquitate quædam onera v. g. annorum carentiæ & tali prius sustinenda esse prætendant. b)
- b) Conf. supr. cit. Brand loc. cit. cap. V. §. 10.

VII. Exspirant denique

- a) *revocatione*, non tamen sine gravi causa facienda:
- b) *morte præcise*:
- c) *renunciatione* facta cum consensu Cæsaris, ac sine *simoniæ* reatu: c)
- d) *matrimonio*, aliove *impedimento perpetuo* subsequente:

e) ob-

- e) obtento alio *beneficio incompatibili*:
 f) ira tamen, ut, si preces ejusmodi pro uno effectum ob has causas fortitæ non sint, reperi pro alio in eadem ecclesia possint.
 d)
- c) *Renunciatio vel absoluta est, vel fit in favorem alterius; ad posteriorem solum legitime faciendam Cæsaris venia requiritur.*
- d) Modis ergo quibus beneficiis provideri potest recensitis monendum adhuc, jus provisionis, si illud vel *ultra tempus præscriptum differendo vel indignum designando, cum culpa quadam non canonice exercentur, regulariter ad Superiorem, ordine hierarchico per gradus servato, & quoad Episcopatus & Prælaturas regulares immediatas in Germania pro illa vice ad Pontificem devolvi; aut siquidem provisio de jure ad Episcopum seu Prælatum & Capitulum simul pertineat, negligente eam Episcopo Capitulum ex jure adcrecendi providere poterit. De reliquo beneficia ex jure devolutionis haud aliis conferri posse, quam qui ad ea provisione ordinaria pervenire potuissent, monito vix eget, cum illud in hujus locum succedat. Plura de jure devolutionis vid. apud Schenkl cit. loc. §. 551. seq.*

§. IX.

OBLIGATIONES ET JURA CUM OBTENTO BENEFICIO CONNEXA. e)

I. Ante cetera obstringuntur beneficiati jure humano ad fidem catholicam publice professendam. f) Nimirum

- a) *Papa* ante electionis suæ publicationem;
g)
- b) *promoti* ad Episcopatum; h)
- c) *Prælati* ordinum *regularium* etiam *militarium*;
- d) *provisi* de *Canonicatu*, vel dignitate *cathedrali*; i)
- e) *provisi* de beneficio *curato*; k)
- f) *aliique plures*. l)

e) *Obligaciones Beneficiatorum* aliæ jure *humano* introductæ sunt, aliæ vero ex natura beneficii, aut divina positiva lege prosuunt. Posteriores sequente numero dabimus.

f) Magnopere enim ad salutem Ecclesiæ interest, eam de suorum beneficiatorum fide speciatim certam esse; id autem humano modo alia fieri ratione nequit quam publica & solenni fidei professione. Cum vero jam aliunde lege nimirum Christi fidem veram animo colere & opere testari illi imprimis obligentur, qui ceteris fidelibus præfunt, sequitur: eoque solummodo hanc de fide catholica publice profitenda obligationem *juris humani* dici posse, quatenus ad *formam* professionis Ecclesiæ auctoritate determinatam respicitur.

g) Concil. Constantiense Sess. XXXIX add. libr. *ab ur. rom. Pontif. cap. II. tit IX.* ex edit. Joan. Garnierii.

h) Can 2 *Dist. XXIII. can. 4 Dist. C.* Professionem hanc ex decreto Concilii Trident. Sess. XXIV. cap. 12 de *reform.* Episcopi in prima ab electione Synodo provinciali emittere deberent. At cum Synodi provinciales celebrari hodie non solcant, Episcopi officium suum implere censentur professionem edendo in manibus Nuntii apostolici,

vel ejusdam Episcopi: ea autem hac ratione
emissa scripto exarata Romam mittitur, inserta
instrumento de facta inquisitione super qualita-
tibus electi.

i) Concil. Trident. Sess. XXIV. cap. 12. de reform. Ne
autem saluberrimum stud. Concilii Tridentini
decretum facile infringatur, cautem est porro,
ut provisi de dignitate vel cano. icetu in ecclesiis
cathedralibus aut de beneficio curato, neglecta
per duos menses a die adeptæ poss. sionis hac pro-
fessione fructus deinceps non faciant suos, nec il-
lis possessio riennalis secundum regulam Canella-
ria XXXVI suffragetur Conf. § *præced. VI. n.*
V. lit. a) Ex qua dispositione consequitur 1)
ut provisi de beneficio curato vel *canonicatu* ca-
thedrali *uliro* teneantur se offerre ad faciendam
fidei professionem, utpote ab ipsa lege interpel-
lati. 2) Ut intra *binest*re p. fixum *dolo* vel
culpa omittentes professionem ad fructuum *possea*
perceptorum restitutionem teneantur ante om-
nem judicis sententiam: cum clausola *fructus*
non facere suos manifestam inducat inhabilitatem
ad fructus porro percipiendos; 3) ut tamen non
priventur *distribucionibus* quotidianis, nisi forte
omnes beneficii fructus in distributionibus con-
sisterent; tum enim, ut sanctio Concilii effectum
fortia ur, fructuum appellatione *duas* saltem *ter-*
tias distributionum istarum improprie talium
comprehendi recte adfirmant. Vid. Barbosa
J. E. lib. I. cap. XXI § 74 Ceterum hæc sanctio
non extendenda est ad provisos de *canonicatu*,
& dignitate in *Ecclesiis collegiatis*, nisi aliud con-
suetudo introduxerit.

k) Concilium Trident. Sess. XXIV. cap. 12. de reform.
Conf. *nostr. præced. i)*

l) Nempe 1) baptizandi, si adulti sint, can. 58 &
59. Dist. IV. de consecrat. 2) heretici Ecclesiæ
catholice

catholicæ dogmata amplexuri. *Cap. 9. de heret.*
 3) *sacris ordinibus initiandi, can. 6. Dist. XXIII.*
 4) *Doctores & Magistri publici cujuscunque disciplina. Trident. Sess. XXV cap. 2. de reform.*
 5) *promovendi in Academiis ad gradus litterarios, vel ad licentiam docendi. Pius IV. const. Sacrosancta.*

II. Ex natura beneficii obligantur Beneficiati ad officium sacrum, m) quod

- a) pro varia beneficii ratione *varium, n)*
- b) atque adeo religiose implendum est, ut qui illi per *seipsum*, nisi legitime impeditus sit, obeundo negligenter deesset, *fructus haut faceret suos*, sed pro rata omissionis ad restitutionem jure *naturali* hypothetico teneretur. o)

m) Ex def. beneficii *preced. §. IV. n. 1.*

n) Recolantur, quæ *P. I. Cap. I. de variis Episcoporum, Canonicorum, Parochorum, Regularium* officii fusiis dicta sunt. Inde enim intelligitur officium illud sacrum vel in *cura animarum*, aut *regimine ecclesiastico*, vel in verbi divini *predicatione*, vel in offerendis certo numero *Missæ sacrificiis*, vel in persolvendis in choro *horis canonicis*, aut saltem illis privatim recitandis consistere. *Conf. Schenk l. cit. loc. §. 560.*

o) *Conc. Trid. Sess. XXIII. cap. 1. & Sess. XXIV. cap. 12. de refor.* Nec abs re quidem: nam jure *naturali* tenetur quisque præstare id, ad quod pacto expresso vel tacito se obligavit; idque eo magis, siquidem sub conditione illud præstandi commoda percipit non modica. Porro quis nescit fundatores, quorum mentem ecclesia mutare nec voluit, nec nisi ex causis certissimis, & gravissimis potuit, reductus

reditus beneficiorum non nisi sub conditione explendi officii, & hoc reapse peragentibus assignasse? ipsam que rationem sufficientem percipiendorum fructuum in religiosa officii observantia esse repositam? quia igitur cessante ratione sufficiente ratiocinium cessat; & conditione pacti non impleta ex parte alterius, alter ad promissum præstandum non obligatur; patet: fructu beneficii non nisi impentibus officium suum obvenire, quique secus percepti fuerint, restituendos esse. Hisce principiis conforme est 1) decretum *congregat. Concilii* 4 Jun 1689 & 17. Nov. 1695 ut beneficiatus vel Capellanus, cui incumbit onus missas quotidie celebrandi per se ipsum, & si ex diuturna infirmitate excedente quindecim dies impediatur per alium satisfaciatur; 2) Concilii *Trident. Sess. XXIV cap. 12 de reform.* præceptam, ut ad chorum obligati per seipsos psallant, non per *Vicarios*, qui impeditis quidem, at non negligentibus dati sunt.

III. Adstricti demum sunt Beneficiati ad *residentiam*, p) quæ

- a) quamvis ipsa *naturæ lege* omnibus beneficiatis sine discrimine præcepta: q)
- b) a Christo ejusque Apostolis tum verbis tum exemplis *animarum* inprimis *curatoribus* impensissime commendata: r)
- c) Conciliorum etiam, ac Pontificum, imo & Imperatorum legibus frequentissime inculcata sit; s)
- d) nihilominus labentibus seculis multiplici ex causa adeo relaxata fuit, t) ut Concilium *Tridentinum* antiquorum Canonum auctoritatem resuscitare, u) residendi obligationem adcuratissime explicare, v) ac pœnis

pœnis etiam in non residentes constitutis
 x) observantiam ejus urgere quam maxime necessarium judicaverit. y)

p) *Residentia* est assidua commoratio in loco beneficii officii ecclesiastici personaliter præstandi causa. Dividi solet 1) in *veram* & *fictam*. Illa præter personalem in loco præsentiam id etiam involvit, ut pro beneficii natura beneficiatus ipse sacras functiones obeat: hæ personalem quidem præsentiam non requirit, juris tamen quadam interpretatione, & fictione facit, ut revera absens ex justa causa cum in finem præsens esse fingatur, ut fructus beneficii tuta conscientia percipere queat. *Cap. 14. 15. de cler. non resid. & cap. un. ibid. in 6. 2)* in *veram* & *propriam* nimirum adeo exequendam ut pœna non residenti clerico imminet *privationis tituli* juxta canonum sanctiones: & in *causativam* seu *impropiam*, quam qui non servet, aut nullos fructus percipiat, aut fructuum diminutionem patiatur, quin privari beneficio possit, Conf. Cardinal de Luca *de benef. disc. 57. & seq.* item in *adnotat. ad Concil. Trident. disc. 4.*

q) *Juris naturalis præceptum*, ut quiscunque beneficiatus *vere* resideat, difficulter quispiam negaverit. Est enim vera præsentia necessaria ad satisfaciendum officiis beneficio adnexis: at officia ista implere naturæ lege beneficiati obligantur (*n. præced. II. not. o*) quid ni igitur etiam ad media? Inde vero nullo negotio colligitur 1) *dispensationem* proprie talem in obligatione residendi haud dari; sed quidquid vulgo nomine dispensationis hac in re venit, *declarationem* duntaxat esse, quod ea adsint adjuncta, in quibus naturale jus ad residendum non obligat: 2) *canones* residentiam præcipientes, si qui ab Ecclesiæ Rectoribus dati sunt, quod postea probabitur, legem naturalem solum *declarare*, & inculcare;

care; 3) *conferuendine contraria*, qualem e. g. quoad beneficia prorsus *simplicia* excusant multi; quæ vero non placet Berrardo loc. cit. tom. II. pag. 208. & seq. utpote genuino legis sensui aduersa, obligationem hanc, quantum naturalis est enervari non posse.

- r) Notissima sunt Christi Domini verba, quibus ad *cognoscendas oves* animarum Pastores hortatur; at quomodo, quæso, abiens a grege pastor easdem cognoscet? Magistri præceptum repetit Paulus II. Timoth. IV. 5: *Tu vero vigila, in omnibus labora, opus fac Evangelistæ, ministerium tuum imple: et Act. XX. 28. Attendite vobis & universo gregi, in quo vos posuit Spiritus sanctus regere Ecclesiam Dei, quam adquisiuit sanguine suo* Nullam hic Apostolus Vicariorum mentionem injicit: sed ubique *personalem* sicut officii pastoralis impletionem, ita *presentiam* prædicat. At *consilium* residendi, non *præceptum* a Christo datum fuisse dicunt; idque ideo quod in exordio Ecclesiæ residentia ab Apostolis servata non sit. Sed enim potuitne tum servari, quamdiu videlicet messis erat multa, operarii autem pauci? Imo postulavit majus Ecclesiæ bonum, ut fundaretur per orbem Ecclesia prius, postea vero a Fundatoribus suis stabiliter residentibus gubernaretur. Quare fatemur equidem ab exordio Ecclesiæ Apostolos non reledisse; quia nec ad impossibilem casum, nec ad illum, ubi non residendo magis promouetur Ecclesiæ bonum, præceptum istud pertinet; illuc tamen adduci haut poterimus, ut verbis Christi, ac Apostoli consilium residendi solummodo exprimi concedamus. Quid? quod & ipsa Apostolorum ætate speciem quamdam residentiae servatam fuisse certum sit, alio aliam sibi orbis partem deligente Apostolo: eo in Europa, in Asia isto, illo alibi in vinea Domini laborante? aut discipulos, sibi soligente, quos ve ecclesiis recens

extructis Episcopos præficeret; vel in remotissimas, quo ipse venire non poterat, terras paricum potestate ablegaret, plerumque arctioribus terminis circumscribendo sedes quas deferere nefas erat? Conf. Act. apost. item Paul. ad Tit. ac Timoth. Quod vero ad primos post mortem Apostolorum Episcopos adinet: notissimum est illud S. Cypriani *lib. VI. epist. 6. Singulis Pastoribus portio gregis fuit adscripta, quam regat unusquisque, & gubernet.*

- 5) Testantur id abunde jam primorum quinque seculorum annales ecclesiastici Ne alia commemorem, Synodus Sardicensis jam *can. VII.* decrevit, ne Episcopi ad comitatum accedant, nisi forte hi, qui religiosi Imperatoris luteris vel invitati vel evocati fuerint; & *can. XIV.* tempus etiam absentia præfinit quod nisi necessitas sit inexcusabilis, trium hebdomadarum curriculo absolvatur, Concilio Carthaginiensi V. quod verius VI. sub Aurelio dicens totius Africae plenario id *can. V.* placuit, ut nemini Episcoporum facultas sit relicta principali cathedra ad aliquam ecclesiam in diœcesi constitutam se conferre, vel in re propria diutius, quam oportet, curam, vel frequentationem propriae cathedrae negligere. Vid. Harduin in collect. Concil. rom. I. col. 643. 647. 987. Eadem decreta ad inferiores etiam pastores, quos curatos vocamus porrigi, docet Synodus Nicæna *can. XVI.* aperte statuens: quocumque Presbyteros, vel Diaconos, qui ab Ecclesia sua discedunt, nequaquam ad aliam ecclesiam recipiendos eosque si non revertuntur communionem privandos esse. Apud Harduin *ibid.* col. 330 Nec alia sunt seculis proxime succedentibus, sexto videlicet septimo & octavo Ecclesiae disciplina ut adcuratissime probat Thomasinus *de vet. & nov. eccl. discipl. P. II. lib. III. cap. 30 seq.* Quaequidem periodo & Imperatores ipsi conciliorum & Pontificum decreta legibus suis firmare consueverunt.

sunt. Sic Justinianus Imp. Nov. VI. cap. 1. sanxit, ut ne Episcopi diutius, quam anno uno ab ecclesiis suis abessent, neque id etiam nisi electabilis cogat necessitas. Verum cum indulgentius hoc factum esset, Conciliis & Pontificibus superioris ævi rigorem reducere necessarium visum est. Quare Patres Trullani, quod in Concilio Sardicensi olim constitutum erat, continuos tres dominicos dies concedebant, quibus si abstuerint ab ecclesiis suis Episcopi, & Clerici, seu alii beneficiati exauctorentur. Synod. Trullan. seu Quini-sex. can. 80.

- 1) Causæ hæ duplices erant generis: aliæ ab Ecclesia adprobatae, quæ Episcopos aliosque beneficiatos curæ animarum addictos a residentia exeusabant, eosque, si revera subessent, in conscientia tutos reddebant; aliæ vero, quæ citra Ecclesiæ sanctionem accesserunt, tolerata quidem sunt, at plurimorum abusuum fons erant. De illis vid. Thomas sin. cit. loc. P. II. lib. III. cap. 36. seq. 2. II de his vero Fleury Inst. J. E. P. II. cap. 28. §. 3
- 2) Jam ante Concilium Trident. summis studiis incubuere Concilia alia generalia, & particularia. ipsique Pontifices, in id, ut huic corruptelæ mederentur, quod abunde testantur canones, & decreta Pontificum huic titulo in *Decretalibus*, & in sexto inserta; vid. cap. 15. de rescript. in 6. Verum cum parum conatus hi proficerent, resumpta est in Concilio Trident. tota hæc causa. Primo quidem agitata est summis animorum motibus quæstio: an residentia jure divino præcipiatur? Aiebant Galli, & Hispani, negabant Germani & Itali, quam historiam spartim exposuit Pallavicinus in hist. Concil. Trident. lib. XVIII. cap. 15. & lib. XXI. cap. 13. Prævaluit tandem adfirmans sententia; & doctrina de residendi obligatione animarum Pastos tribu-

ribus divinitus imposita, virtualiter, ut ajunt cum Fagnano ad cap 8 de cler non resid n 1, 20. seq., hocce tenore verborum fuit definita: Cum præcepto divino mandatum sit omnibus, quibus cura animarum commissa est, oves suas agnoscere pro his sacrificium offerre, verbi divini prædicatione, sacramentorum administratione ac bonorum omnium operum exemplo pascere pauperum aliorumque miserabilium personarum curam paternam gerere, & in cetera munera pastoralia incumbere, que omnia nequaquam ab iis præstari, & impleri possunt, qui gregi suo non invigilant, neque adsunt sed mercenariorum more deserunt, sacrosancta Synodus eos admonet & hortatur ut divinorum præceptorum memores factique forma legis in judicio & veritate pascant, & regant. Sess. XXIII cap 1, de reform Add Sess VI cap 1 de reform.

- e) Ut jam penitus, quæ ab hoc Concilio de residenti obligatione statuta sunt, intelligamus, dicendum videtur 1) de Episcoporum; 2) parochorum aliorumque curatorum etiam religiosorum; 3) illorum, qui habent simplex beneficium, & Canonicorum residentia.

Quoad Episcopos declarat Synodus 1) nemini quæcunque dignitate conspicuo integrum esse ab Ecclesia discedere sed omnes patriarchalibus, metropolitanis ac cathedralibus Ecclesiis quibuscunque quocunque nomine & titulo præfectos, etiam si S. R. E. Cardinales sint, obligari ad personalem in sua Ecclesia vel Diocesi residentiam, ubi injuncto sit officio defungi teneantur. Ex cujus decreti posterioribus verbis intelligimus non qualemque residentiam sufficere, ut legi satisfaciat, sed laboriosam requiri juxta præceptum Apostoli (proced. not 1) & Ecclesie, quæ ordinando dicit: vade, & prædica populo tibi commissio. 2) Quo

niam fieri potest ut vel ratio legis, vel officiorum collisio exceptionem a residentia necessitate postulent, addidit Synodus. postquam omnes ad residentiam obstrictos dixit, i. quentem limitationem: *nisi ex causis, & modis infra scriptis, id est, cum* 1) christiana caritas, 2)urgens necessitas, 3) debita obedientia, 4) ac evidens Ecclesiae vel Reipublicae utilitas. aliquos non nunquam abesse postulant, & exigunt. En solos justos non-rendentiae casus solas legitimas absentiae causas, quas tamen a Superiore immediato Episcopi in ser. pri. probandas esse Synodus dec. evit, cit. *Sess. XXIII cap. 1. de reform.* 3) Extra hos casus minutus solummodo quasdam absentias Episcopi indultit, relinquendo scilicet eorum, c. nscientiae, quam religiosam & civitatem fore sperat, ut singulis annis per duos aut ad tum-mum tres menses a sua abesse possint Ecclesia, ita tamen: ut ne absentia in festos dies Ecclesiae sollemnes incidat aut cum periculo gregis conjungatur: cit. *ress. cit. loc.* At tum absentes cogitent, ut si corpore adesse nequeant, adfectu tamen. & cura, quantum fieri potest, semper adsint. S. August. *epist. 122.*

Arctius adhuc Parochos, ceterosque animarum cura gravatos, proinde ob identitatem rationis & Superiores Regularium adstrinxit Synodus statuens 1) ut quandocunque eos causa prius per Episcopum cognita & probata, abesse contigerit. Vicarius idoneum ab ipso Ordinario adprobandum cum debita mercedis assignatione relinquant; 2) discedendi autem licentiam in scriptis gratisque concedendam ultra bimestre tempus nisi ex gravi causa non obtineant. *Sess. cit.* Et sunt non nulli, qui non obstantibus claris satis Concilii verbis dubitant: an sicut trimestri Episcopus ita Curatus bimestri tempore sine facultate abesse nequeat. Dubium sane octosum; ait

Rigger P. III §. 73. Schol. *dubium periculis non paucis, & discipline laxitati obnoxium: apud nos dudum §. 24 & quandoquidem. Sancti: prag. Nisi. 26. Oct. 1699. quod nullus sine expressa Vicarii Generalis facultate, aut si necessitas aliter postulaverit, Commissarii, vel Archipresbyteri sui præsente ultra triduum a grege sibi contredito abire audeat, item recentioris Cod: Pruss. P. II. tit. XI. §. 413. & seq. verbis abunde resolutum. Juvat ea hic adponere: §. 414. Wenn sie (die Pfarrer) zu verreisen genöthigt sind, so kann es nur mit Vorwissen und Erlaubniß des — Erzpriesters geschehen. §. 415. Dieser muß die Genehmigung der geistlichen Obern einholen, wenn die Zeit der Abwesenheit mehr, als einen Sonntag unter sich begreift. Quærent alii, an beneficiatus curatus tempore pestis ad evitandum periculum abesse possit? His respondet Gregorius II. P. epist. 2 ad Bonifacium Episc. his verbis: *quod valde fatuum videtur, non enim valet quisquam effugere manus Dei.* apud Harduin. rom III col. 1860. Nota est porro similitudo a milite stationem suam deserere non audente desumpta.*

Hæc de residentia Curatorum. Superfunt ii, qui sine animarum cura beneficiis potiuntur. Synodus Tridentina residentiam *Canonicorum* ita determinavit, ut 1) illis quolibet anno per tres menses continuos vel interpolatos nullo citius substituto Vicario, sine periculo incurrendi pœnam quamdam humanam absque licentia abesse liceat, nisi *consuetudo*, vel *mens fundationis* longius residentie tempus, quam novem mensium exigat; 2) quæcunque statuta, aut consuetudines longius absentie tempus concedentes sublatæ censentur. *Sess. XXIV. cap. 12. de reform.* Ceterum non irritavit Synodus causas, ex quibus remissa residendi obligatione *absentes Canonici fisione juris quasi præsentem* habet

habiti fructus præbendæ, non vero *distributiones* luuntur. Harum causarum præcipuæ sunt 1) corporis *infirmitas*; cap. 15. *de cler. non resid.* 2) frequentatio *studiorum* in scholis publicis cum licentia Superioris; cap. 12. *ibid* 3) *negotia* Episcopi proprii, & Ecclesiæ, cui quis inservit cap. 7 13. 14 *ibid* Attamen jus commune ita disposuit ut duo tantum & simplices quidem Canonici Episcopi officio simul occupentur. Cap. 15 *ibid*

- 8) Pænæ autem a *Trientino* statutæ sunt ita, ut Episcopi quidem diutius ac tribus mensibus extra causas ab Ecclesia probatos (*vid præced. not.* 2) abentes pro rata temporis abentibus fructus suos facere nequeant, sed eos Ecclesiæ aut pauperibus adplicare teneantur, & si moniti non emendant, Pontifici denuntentur *Sess. XXII. cap. 1. de reform. Parochi, & Curati* iisdem pœnis subiaceant & non emandati censuris: subtractione fructum, etiam usque ad privationem ad residendum compelluntur. *Trident. cit. Sess. cap. 1. Conf. cap. 2. 8. 10. & fin. de cler. non resid.* Hæc quidem de *Regularibus* ob votum paupertatis non valent. Eos tamen illegitimè abentes nec a reatu peccati, multo minus a pœnis a constitutionibus ordinis religiosi dictatis immunes esse, omnes facile admittunt. Canonici denique primo anno dimidia parte fructuum, quos ratione etiam præbendæ ac residentie suos fecerant: iterato autem negligentes omnibus fructibus, quos eo anno lucrati sunt, priventur. *Tridentin: Sess. XXIV. cap. 12. de reform. Conf. cap. 4. 8. sequi & ult. de cler. non resid. item cap. ult. de cler. non resid. in 6.*

- 9) Cupiens nimirum meliorem ferre malis ex negligentia residentie profluentibus quæ hisce verbis amare deplorat Fleury: *populus sine doctrina, clerus sine disciplina, vitia impunita, cultus publicis*

*neglectus. Ecclesia sine ornamentis. edificia snere.
parationibus, pauperes denique destituti satis pro-
clamant, quantum interesset. clericos non resi-
dere. Inst. J. E. P. II. cap. XXIII §. 3.*

IV. Officio clericali, & Residentiæ frus-
tus, ac bona respondent, quæ dividun-
tur

1) in genere:

- a) in *patrimonialia*, quæ clericus titulo *profa-*
no hæreditatis &c. possidet:
- b) in *beneficialia*, quæ intuitu *Ecclesiæ*, & *sacri*
ministerii percipit: 2)
- c) in *superflua*, quæ, spectato loco ac digni-
tate officii, *congruæ* sustentationis quanti-
tatem, prudenti judicio æstimandam, ex-
cedunt; a)
- d) in *parsimoniaia*, quæ non ob ipsius in con-
gruam datæ portionis excessum, sed ob
vitam *parcius* a Clerico institutam ex bonis
beneficialibus superflua sunt.

2) Paulo alia bonorum, quæ Clericis competunt,
diviso præstat Riggero P. III. §. 369. seq.
allisque. Nimirum spectant hi Clericum aut ut
Ecclesiæ ministrum, aut ut *Reipublicæ* membrum.
Bona, quæ Clericus titulis quibuscunque, cete-
ris *Reipublicæ* civibus communibus, acquirit,
patrimonialia; quæ vero eidem ut *Ecclesiæ* mi-
nistro intuitu ipsius *Ecclesiæ* obveniunt, *clerica-*
lia vocant. Priora, prout nempe illa vel *hære-*
ditate a parentibus, aut consanguineis, vel *do-*
natione, labore, *industria* acquirit, in *vere*, —
& *quasi-patrimonialia*; posteriora vero, prout
illa vel titulo *beneficii ecclesiastici*, vel ratione
functio-

functionum clericalium etiam sine beneficio percipit, in *beneficialia*, & *clericalia in specie* dividunt. Ab his distincta sunt *bona Ecclesiæ*, quæ ad ipsius panimonium spectant, & ad certos in ecclesia usus destinata sunt.

a) His opponuntur *necessaria*, quæ nimirum ad congruam clerici sustentationem requiruntur. Etiam istorum quantitas ex diversis loci, personæ adjunctis æstimanda est. Rarius vero recte æstimatur: *neque ita enim frequenter cupiditas, ubi finitur necessitas* S. August. *lib. IV. contra Julian: cap. 14. §. 70.*

2) quoad Canonicos in specie:

- a) in *fructus grossos, annuos, præbendæ*:
- b) in *distributiones quotidianas*, ob præsentiam in divinis officiis dari solitas: b)
- c) in *fructus anni deserviti*, qui ob præstita servitia etiam defuncto ad animæ salutem, aut decedentis mentem pie impendendi conceduntur: c)
- d) in *fructus anni gratiæ*, seu qui post obitum anno proximo hæredibus defuncti, aut massæ ab eo relictæ cedunt. d)

b) De istis notetur 1) absque simoniæ, aut saltem mercenarii affectus labe eas pro frequentandi divini officii primario motivo haberi non posse; ad acuendam solummodo in frequentandis divinis officiis Canonicorum industriam inventæ sunt, ideoque etiam *Tridentinum Sess. XXII. cap. 3. de reform.* eas probavit, & augeri voluit; 2) solum vere præsentibus obveniant, nisi fors absentem justæ causæ excusent, de quibus vid. *Tridentinum Sess. XXIV. cap. 8. de reform. Sess. XXII. cap. 3. de reform.* 3) portiones absentium



cedant presentibus, si generatim omnibus presentibus portio inter eos dividenda sit adlinata; nec absentibus remitti, aut condonari queunt; *Trident. ibid. Sess. XXIV cap. 12 de reform.* 4) si vero cuiuslibet presenti defuncti sit adscripta portio, absentium portiones fabricæ ecclesiæ, alterive loco pio a iurisdic. Ordinarii caplicentui, aut si hæc ex massa communi pro distributionibus destinata defumuntur, in hac massa remaneant.

- e) Pro rata itaque temporis, & præstiti officii dandi sunt, & si decedens integram anni residentiam implevit, omnes & integri
- d) *Anni gratia*, sicut & anni *deserviti*, modus ad statuta particulæ, quæ & originem debet, ceteram normam exigendus est.

V. Quod jam Clericorum in hæc bona dominium adinet, ac usum, cui illa impendere possunt, aut tenentur, varium secundum ipsas bonorum species discrimen adverti debet. Enimvero

- a) bona *patrimonialia*, ceteraque, quæ nulla ratione ex clericatu proveniunt, ad Clericos, *qua civis*, pertinent, unde & plenum ipsis in hæc *dominium* competere nulli facile dubio est obnoxium: e)
- b) in *beneficialia*, & *clericalia in specie*, si illa *præcise* portio in *congruam* data, *nec superabundans*, spectetur, cum clericis ex iustitia debeantur, (P. I. cap. II. §. IV. n. VI.) *dominium* quoque ad instar Levitarum veteris legis sibi vendicant; f)

e), quod

- c) quod consequenter & de *parsimonialibus* adseverandum erit, quæ utique Clericus non *Ecclesiæ*, sed *sibi* subtrahita reponit: g)
d) at de *superfluis* vexatissima est quæstio. Quamvis enim *jure naturæ hypothetico* ad pias causas expendenda esse, omnes facile admittant, h) de jure tamen, quo Clericis competunt, diversissimas sententias defendunt. i)

e) Clericus enim naturam civis non exuit, proin nec jura reliquorum civium amittit. Vid. *P. I. cap. II.* Nec conditio Clericorum naturam bonorum *patrimonialium* immutat. Ipsa demum Ecclesia liberæ Clericorum dispositioni hæc bona permittit. *C. 19 Causæ XII quæst. I. cap. 1. 9. de testam.* Quodsi tamen omnibus, etiam laicis dixerit *S. Augustin. enarrat. in Psalm. 147. tom. IV. col. 169* Quare, quantum tibi dederit Deus, & ex eo tolle, quod sufficit. Cetera quæ superflua jacent, aliorum sunt necessaria; superflua divitum, necessaria sunt pauperum. Quanto magis id Clericis dictum censeatur, qui alimenta habentes, & quibus tegantur, contenti esse monentur ab Apostolo *I. ad Timoth. VI. 8.*

f) Adde: portionem hanc e *bonis clericalibus* ad vitæ sustentationem Clerico *necessariam* haud ab illa differre, quæ ex ecclesiasticis redditibus pauperibus tribuitur; at in istam pauperes acquirunt dominium, ergo & Clerici in illam. Conf. *Zech de jure rerum Sect. III. tit. VII. §. 89.* Quare poterit Clericus hæc bona honeste vivendo consumere; quæ temperantius vivendo pauca superfuerint, eventuris fors necessitatibus levandis adservare, quin id agendo metuere eum oporteat, a se quidpiam Ecclesiæ fundatorumque menti adversum committi.

g) Hæc tamen ita intelligas velim: ut Clericus ea ad usum pios impendat. Certum enim est, quod ex natura sua ad hocce usum destinata sint. Certum est pariter, quod ad illos impensa non fuerint. Quæ ergo ratione fieri posse credam, ut mirabili prorsus metamorphosi profanentur propterea tantum, quod piis usibus non fuerint adhibita, a quibus ministrum etiam sustentatio non eximitur: Conf. Zech. cit. loc. § 96. Hæc clausula adjecta adferatur, per me licet, Clericis in *parsonalia* dominium! *Plenus* tamen illud, ac perfectum haud esse, res ipsa loquitur.

b) Nec abs re quidem. Admittendum enim id tradet 1) officii clericalis ex ipsa Christi institutione ratio: 2) tum fundatorum mens, & 3) Ecclesiæ constans sententia. Jurat singula paulo accuratius evolvere. 1) Officium clericale ex natura sua, & Christi institutione mercenarium & lucratorium haud est, sed ad solam congruam sustentatione ministro jus præbet Math. X. 2. Luc. X. 7. I. Cor. IX. 2. I. Tim. V. 17. Quotidiano igitur Clerici bona superflua ad usum plerumque sibi placitos expendendi jus sibi absque injustitia tribuent? 2) Fundatorum & quorumcunque fidelium bona sua Deo in Ecclesiæ ministrorumque usum conferentium mens alia non erat, quam opus pium, Deo gratum, & merito plenum facere. Hanc eorum mentem tum res ipsa, tum quotquot ad nos pervenere fundationum, & donationum formulæ attestantur. Vid. Behlen *diff. de caus. secularizat. illegit. §. 12. seq.* Quis igitur putet, redditus ex his bonis superfluos ad profanos usus, ad cumulandos divitiis hæredes a Clericis impendi posse? Imo ad conditionem hanc, & mentem fundatorum implendam ex pacto saltem tacito, & justitia Cleri-

cos obligari, nemo ambigit. 3) Nec enim Ecclesia hanc fundatorum intentionem immutavit. Quando enim? ubi? quibus ex causis? quæ certissimæ ac gravissimæ simul debuissent adesse. Mutatam quidem novimus administrationis bono um formam: naturam vero eorundem immutatam non novimus. Quem igitur in scopum Ecclesia hæc bona acceptavit, in eundem illa ab Episcopis primum, dein ab aliis Clericis administrari voluit. At quis quæso scopus ille? Aud S. Urbanum P. in *lectionibus Breviarii 25 Maji* statuentem: *Ipsæ res fidelium, quæ Domino offeruntur, non debent in alios usus, quæ Ecclesiasticos, & christianorum fratrum vel indigentium converti; quia vota sunt fidelium, & præzia peccatorum ac patrimonialia, pauperum* Adde partes totius, quod divisum est, naturam servare. At ante divisionem bona ecclesiastica omnia per Episcopum in usus pios impendi debebant; ergo & divisione facta idem dicendum est, Nec enim facta divisione Canones, & S. Patres de hisce bonis alio modo quam ante loquuntur. Conf. Ruprecht *Not. in J. C. lib. III tit. 25 n. 6 7.* item Rigger *P. III § 380* Etiam facta divisione bona Clericorum omnia præter patrimonialia Ecclesiæ relinqui jubentur; Vid. *cap. 1 & fin. de pec. cler.* ac in causas profanas impensa pauperibus & ecclesiæ per furtum subrepta dicuntur. *Trident. Sess. XXV cap. 1. de reform.* Conf. Thomaslin *P. III. lib. II. cap. 38. seq.*

Errant igitur, qui beneficiatos ad bona superflua in usus pios eroganda non ex *justitia*, sed solum ex *charitate*, ac *pietate* obligari decet.

- 2) Nempe quidam jure *dominii*, alii jure *administrationis* seu *procuratoris* Clericis hæc bona competere adfirmant. Utrinque argumentis sat va-

lidis pugnatur. Præcipua illorum, quibus prior sententia præplacet, congestit Zech *cit. loc.* § 91 eorum vero, qui Clericis non nisi *procuratorem rerum ecclesiasticarum* relictam volunt, Rigger *cit. loc.* §. 376. Sed enim cui bono disputatio, a qua prudenter Concilium *Tridentinum Sess. XXV. cap. 1. de reform. abstinendum* esse exemplo suo docuit, dum, teste Palavicin: *bist. trident. Concil. lib. IV. cap. III. n. 4* sanctionis suæ rationem: quia *proventuum ecclesiasticorum dispensatores sunt*, ideo delevit, ne scholasticis litibus antem daret. Si tamen dicendum est, quod sentio, dicam: exactam mihi non videri esse iis notionem dominii, qui hoc Clericis in *superflua clericalia bona* adstruunt. *Judicio Wolfii Inst. J. N. & G. P. II. §. 195.* dominium jus proprium est de re pro arbitrio suo disponendi; ut plenum sit, *tria* involvat necesse est, jus nimirum *proprietatis*, jus *utendi*, & *fruendi*, ibid. §. 198. Quod jam horum Clerico in *superflua bona* competit, quæ aliunde in pios usus ex justitia eroganda esse ultro fatentur? Vid. Zech *cit. loc.* § 92. Rectius philosophantur, qui dominii quidpiam Clericis in *necessaria*, aut si vis, etiam *parafimonialia* tribuunt: quoad *superflua* vero ingentue cum S: Bernardo ad Fulcon. *episc. epist. 2* fatentur: *Quidquid præter necessarium victum, ac simplicem vestitum de altari retinetur, tum non est, rapina est; sacrilegium est.*

VI. Facile ex his, quæ de testamentis Clericorum statuenda sunt, deducuntur; nempe

- a) de *patrimonialibus*, aliisque omnibus titulo *profano* acquisitis testari posse Clericos extra controversiam est; h)

b) de

- b) de bonis vero *ecclesiasticis* ad causas *pia* testandi facultas, etsi primitus denegata, *n*) hodie tamen rationabili consuetudine firmata est; *m*)
- c) sed ex iisdem *ecclesiasticis* bonis ad causas *mere profanas*, v. g. consanguineorum, ne-utiquam indigentium divitias augendas &c. testamenta condere in foro *interno* non solum illicitum, sed & invalidum reputari debet; *n*)
- d) quamvis in foro *externo* testamenta Clericorum fere quaecunque hodie tolerentur. *o*)

k) Conf. *præced. n. V. not. e*)

l) Prohibitionem eam testandi per secula priora, usque ad XII. saltem, continua serie libatam fuisse, luculentis ex testimoniis constat quæ Thomasinus *P. III. lib. II cap. 39 & seq.* retulit. Ipse Gratianus adhuc *Quæstionem V. Causæ XII.* ita inscribit: *testamenta vero non licet eis conficere, nisi de rebus propriis, quæ sententia in Decretalibus retenta est, ut ex Can. Concilii Lateran. III. cap. 7. de testament. relato constat*

m) Ansam relaxandæ huic disciplinæ dederunt, teste Thomasino *loc. cit. cap. 39* primo variæ Pontificum concessionibus, e. g. Alexandri III. ut Clerici viventes & sui compotes *onerate* valeant ex bonis ipsius non *ratione testamenti*, sed *elemosinæ* intuitu erogare in ægritudine constituti. *Cap. 8 de testam.* Innocentii III. ut quædam de *mobilibus* per actum ultimæ voluntatis servitoribus, & pauperibus relinquere valeant. *Cap. 12 de testam.* Mox enim maiorem sibi hac in re libertatem arrogare, & ea præprimis ex

ratione

ratione testandi potestatem ad causas pias in consuetudinem trahere Clerici ceperunt, quod morti proximus iure, quo sanus gaudebat, privandus haud videatur. Conf. Van Espen *loc. cit. Cap. VII.* Confirmata est hæc consuetudo non raro Præsulum ecclesiasticorum functionibus, quibus tum causæ, ad quas testari liceat, tum portiones singulis causis adsignandæ diligentius definitæ tuerunt. Vid. *cit. Tract. Joan. de Friedenberg tom. I. Cap. X. § 59.*

n) Gravissime hunc in locum scripsit Nellerus *differt. de cler. secul. testam. fact. n. 20. A.*: Effrenata libertas testandi ex bonis per Ecclesiam adquisitis ad quoscunque usus, etiam vere, ac coram Deo & mundo profanos, pro ditandis consanguineis, est prorsus irrationabilis, animabus Clericorum sic forte testantium, atque hæredum periculosa, contra propositum vitæ clericalis, contra gratitudinem, contra invariata inoletem honorum ecclesiasticorum, ministris Ecclesiæ præbitorum, nec habet usque modo pro se consuetudinem, etiam facti duntaxat, cum suis requisitis. — — Qui hæc. nus dictis contrarii volumus esse, ab his postulo, ut non dispuent mecum super tot animarum periculo superficialiter, & contentiose, sed cum profunda indagine, & timore Domini: quo plus autem loquent adversarii mei, ut me confutent, eo magis vincet eos veritas, ne posthac sua doctrina carnalibus desideriis adulatorie deserviant. Conf. *diff. ejusd. de test. fact. Episcoporum.* Exstant Theaur. J. E. *tom. VI. n. 9. 10.*

a) Sequentes præcipue ob causas 1) ut lites evitentur, quæ eo certius orirentur, quo difficilius sæpe discernitur, an bona hæc titulo sacro, an profano comparata sint. 2) quia dubium non raro est, num facta dispositio causæ pæ rationem habeat, vel non. Ceterum an id, quod in foro externo toleratur potius, quam probatur, coram

Deo

Deo etiam excuset, ego saltem non dixerim. Quare tutius adurum puto in Dicecesi nostra Clericum, qui testamento de rebus dispositorus, saluberrimas leges pœ oculis habuerit, quas plures Episcopi §. 13. sanct. pragmat. de an. 1699. 26. Oct. conformes iterato edidere, quibusque tum testatorum, tum executorum officia ad communis Ecclesiæ, ac Religionis boni normam sapientissime describere. Vid. apud cit. de Friedenberg cit. loc. §. 50.

§. X.

RENUNCIATIO, VEL RESIGNATIO BENEFICIORUM. p)

I. Abdicatio ultronea Prælaturæ vel beneficii, omnisque juris in illud, ex causa sufficiente coram Superiore eam acceptante legitime facta *Renuntiatio*, vel *Resignatio* vocatur, atque dividitur

- a) in *expressam*, quæ verbis, aut scriptura, & *tacitam*, quæ facto quodam beneficiati, quod cum possessione beneficii vel ex natura sua, vel juris dispositione componi nequit, perficitur: q)
- b) in *puram*, seu *simplicem irrevocabilem*, & *conditionatam*, quando sub conditione vel reservatione beneficium abdicatur. r)

p) Aptius forsitan §. iste de modis amittendi beneficia ecclesiastica inscriberetur, quorum tria passim genera adferuntur. Nempe amittuntur beneficia

1) præter mortem naturalem ex juris dispositione ipso facto, si a) minorista contrahat matrimonium

monium validum. Vid. *supr* §. II. n. II. 3. lit. a) b) si Clericus beneficiatus mutet religionem: Instr. P. O. art. V. §. 15. c) si quis absque dispensatione aliud beneficium cum priore incompatible primi generis (§ *præced* II n. II. nor. q) cum pacifica & frugit ra possessione consequatur. Cap 28 de præbend cap 4. ibid. inter *Extravag. comm.* d) si promotus ad parochiam intra annum sacerdotium non suscipiat: P I cap. I §. de paroch. e) qui crimina commiserunt, ob quæ privatio beneficii ipso facto incurritur, de quibus legi interim potest Bernardus *loc. cit.* tom II p. 254 2) per *judicis sententiam* ob crimen, cui talis pœna infer. da a jure decreta est, qua de ro uberius alit. Notetur interim *discrimen*, quod tum inter, & priorem amittendi beneficia modum duplex est: a) si pœna privationis ipso jure contracta est, sententia judicis retrotrahitur ad diem commissi criminis, ita ut omnes tractus ex beneficio ab eo tempore percepti auferantur, & omnis actus circa beneficium post admissionem criminis susceptus nullus sit; secus est si beneficium amittatur per sententiam judicis interendam. b) Si beneficium ob crimen i. so jure licet adimatur, etiam ante sententiam de latoriam criminis tanquam jure vacans impetrari & conferri potest, quod in beneficio vacante per sententiam ferendam fieri nequit 3) *voluntaria* ecclesiastici ut illi *abdicatione* seu *renuntiatione* a qua, ut potiore amittendi beneficia modo §. hic inferribitur.

7) *Tacitam* videmus renuntiationem e. g. penes eos, qui illa agunt, ob quæ ex juris dispositione beneficium ipso facto amitti præced. *nor.* p) diximus.

7) *Conditionata* igitur erit renuntiatio: 1) si fiat ex causa *permutationis*: 2) cum *reservatione* certæ pensionis & tractuum: 3) *in favorem* tertii. 4)

cum

cum pacto aut reservatione *regressus*, *accessus*, vel *ingressus*. Est vero *regressus*, dum beneficium jam possessum dimittitur cum pacto, ut si resignatarius premoriatur, beneficium resignatum revertatur ad resignantem. *Accessus*, quando ille, cui conferendum esset beneficium, propter ætatis immaturitatem illius habendi incapax alteri id conferendum permittit, usquedum ætatem legitimam nactus fuerit; qua adveniente propria auctoritate ad illud beneficium accedere valeat. *Ingressus*, si beneficium obtentum ante captam possessionem alteri resignetur sub conditione, ut mortuo resignatario ingressus pateat resignanti in abdicatum beneficium.

II. Quod resignandi licentiam adinet, dicendum est:

- a) omnem *renuntiationem* regulariter *prohibitam*: s)
- b) non nisi *ex certis causis* *permittendam* esse. t)

s) Quoties de munere publico agitur, regula etiam romani juris perspicue docet, neminem officio se abdicare posse *L. 1. de excusat. & vocat. mun.* Quam ob rem cum etiam Clericorum munera beneficiis adnexa juris publici esse videntur; generalis erit recipienda doctrina, quæ postulat, *ne semel suscepta dimittantur*. Adde: quod beneficiatus vinculum quasi conjugale contrahat, quod unus voluntate dissolvere non potest. *Cap. 21. de elect.* Hæc ratio est: cur *Canſſ. VII quæst. I. can. 19. & 23.* definitum sit, cum, qui renuntiavit beneficio, ut ad illud redeat, cogendum esse: curque prioribus Ecclesiæ seculis vix exemplum inveniamus Clericorum a suis beneficiis recedentium. Aliam assignant non pauci in eo præsertim positam: quod cum beneficia

tunc

tunc temporis a sacra ordinatione penderent & ista perpetua vi indelebilis characteris consistat, ita quoque beneficia Clericis perpetuo adhærere debere veteres judicarent.

- *) Omnis enim ecclesiastica lex salutem Ecclesiæ pro scopo habet. Quodsi igitur ejusmodi emergant causæ, quæ exceptione a lege magis, quam observantia ejus, salutem hanc promoveri posse aperte doceant, permittet lubens fieri lex ea, quæ aliis in circumstantiis vetuit. At quæ sunt causæ illæ, ob quas renuntiatio & licite & valide concedi poterit? Plures determinavit Innocentius III. *cap. 9. 10 de renunt.* quas jam sequentibus versiculis exprimere solent:

*Dibilis ignavus, male conscius irregularis,
Quem mala plebs odit, dans scandalum cedere possit.*

Hæ causæ ad resignationem Episcopatus requiruntur. Ad renuntiationem beneficio: uti Episcopatus inferiorum etiam minores, dummodo non sint frivole sufficere plerique statuunt. Vid. Schrodter *hoc tit. §. 366.*

III. Notes, quas ex justis causis concedenda resignatio habere debet, sunt:

- a) fiat *libere: u)*
b) cum *consensu* Superioris: *v)*
c) *pure. x)*

- u) Quidquid igitur libertatem tollit, aut minuit ipsam aut vitandam facit resignationem. Conf. *cap. 3 & 4. de his, quæ vi, metusve.* Ceterum nil obstat, si per procuratorem specialiter tamen mandato instructum (*Clementin: un. de renunt.*) si per ipsum resignantem fiat.

- v) Et quidem sub pena nullitatis, ut decisum legitur *cap. 4. de renunt.* Ratio est; quod juxta debent

beant adesse causæ ad resignandum. *n. preced.*
II. Tales vero num vere adest, proprio resignantis iudicio determinandum relinqui haud possit. Quare Superioris sententia expetenda est; & donec advenerit, resignatio differenda. At cuius Superioris? Illius profecto, ad quem jus confirmandi, conferendi, vel instituendi pertinet. Inde intelligitur 1) ratio, cur renuntiatio Episcoporum olim in Synodo provinciali facienda fuerit: 2) quod hodie ad renuntiationem Episcopi auctoritas Pontificis requiratur, quæ etiam in hoc negotio Abbates exempti egent. *cap. fin. de renunt.* 3) quod aliorum beneficiorum renuntiationes puræ cum consensu Episcopi, vel ejus, qui huic par jus habere censetur, fieri debeant: 4) in manus patroni laici resignatio facta non valeat *cap. 8. b. r.* quamvis æquitas siveat, ut eo, & in beneficiis electivis electoribus consensu fiat. 5) quod Pontifex Pontificatui renuntiaturus nullius consensu opus habeat. *cap. 1. hoc tit. in 6.*

- e) Id est: sine ullo simoniæ vitio, aut successione hæreditariæ in Ecclesiâ introducendæ periculo. Rarius alterutrum in resignatione pura apprehenditur; eo frequentius vero in conditionata. Operæ pretium igitur est definire, quænam istius species a Superiore permitti, quæ vero denegari debeant. Quod 1) resignationes conditionatas adinet, quæ fiunt ex causâ *permutationis* (vid. *preced. §. VI. n. IV.*) has ex causis jure probatis ab Episcopis admitti posse ex cit. mox loc. & quotidiano usu liquet. Idem 2) de resignationibus cum reservatione certæ portionis fructuum, vel annuæ pensionis valet, dummodo per eas in beneficio nihil contra leges innovetur. At 3) si fiant cum *pactis pensiones* per anticipatam solutionem *cassandi*, annullantur per consensum. Benedicti XIV. *In sublimi.* de an. 1741. 29. Augusti. 4) Aliter sentiunt circa resignationes

tiones cum reservatione regressus, accessus, ingressus, & speciatim in favorem tertii, utpote ob successionis hæreditariæ speciem prorsus odiosas, & sacris canonibus prohibitas (Concil. Trident. Sess. XXV. cap. 7. de reform.) Posteriores Pius V. in Bulla: *Quinta Ecclesia Dei* de an. 1568 Ordinariis admittendas interdixit, & Sedi Apostolicæ reservavit.

IV. Effectus resignationis a Superiore admittæ in solutione illius vinculi consistit, quod inter resignantem & Ecclesiam prius intercellerat; y) sed

a) admissa etiam renuntiatio, quæ in favorem, vel sub conditione facta est, ex parte resignantis, acceptata solum conditione effectum sortitur; z)

b) si vero ab infirmo facta fuerit, isque a facta resignatione 20 dies completos haud supervixerit, beneficium juxta regulam Cancellariæ: *de viginti*, haud per resignationem, sed per obitum vacare censebitur. a)

c) Demum ad præcavendas lites statutum est, ut, si in Curia Romana facta sit resignatio, & intra montes, seu in Italia beneficium existat, intra sex menses: ultra montes vero intra novem menses a data gratiæ concessionis computandos publicatio fiat; si vero extra Curiam resignatio fiat, ea intra tres menses a die factæ collationis in loco beneficii publicetur. b)

y) Quare fit 1) ut renuntians jus amittat, quod ex electione, aut postulatione consecutus est; Clement. un. h. s. adeo, ut nullus jam sit locus penitentiae.

renuntia. Cap. 12. h. t. 2) ut, qui renuntiavit beneficio, ad illud non revertatur sine novo titulo, aut nova collatione; *cap. 2. 3. h. t. 3)* ut reversus auctoritate legitima in collegio ultimum locum obtineat, quasi nunc primum collato ei beneficio. Barboſa de canon. cap. 18. §. 16. Hæc tamen *respectively* non nisi de resignatione 1) *simplici* (seu pura, 2) quæ nulla vi injusta extorta est, valent. Conf. *can. 2. Causs. II. quest. I.*

2) Nisi enim cōditio acceptetur, supponi debet, resignantem renuntiare beneficio noluisse. Quare integra manent, ut prius jura ejus.

a) Verba regulæ loquuntur proprie de infirmis resignantibus, qui postea intra viginti dies moriuntur; *praxis* tamen Curie Romanæ etiam ad sanos resignantes sensum ejus extendit. Conf. Schrodter *h. t. §. 393.* Circa remissionem hujus regulæ, quam Curia Romana nosse nunquam indulget, distinguendum esse s'vadet Schloer *dissert. jur. pub. eccles. ad Concord germ. de reservat. benef. & dignit. §. XLII. seq.* an nempe obitus resignantis contingat in mente *papali*, an *Ordinarii*? casu priori effectum habituram, non item posteriori docet.

b) Hanc tamen publicationem, imprimis quoad resignationes in manus Ordinarii factas, haud ubique, nec etiam in Germania usu receptam dicunt. Quæ jure nostro provinciali circa resignationes Canoniceatuum *cit. cod. Pruss. P. II. tit. XI. §. 1099. seq.* constituta sunt, parum ab hæcenus dictis differunt.

INNOVATIO BENEFICIORUM.

I Si status primævus beneficii, seu illius jura, officia, vel redditus immutentur, beneficium innovari dicitur. c) Fit vero innovatio

- a) *Diminutione*, si beneficio, aut beneficiario nova onera imponantur;
- b) *Dismembratione*, d) cum salva beneficii unitate, eoque adhuc penes Rectorem suum remanente, pars reddituum, quibus abundat, a beneficiario auferretur, & alteri, cui alio modo provideri nequit, adplicatur;
- c) *Unione*, quando plura beneficia vel Ecclesiæ conjunguntur: e)
- d) *Divisione*, cum ex uno duo vel plura fiant beneficia, ita ut divisis redditibus duo item, vel plures beneficiarii instituuntur: f)
- e) *Subpressione*, dum ecclesiæ subtrahitur erecta ibi dignitas, vel præbenda. aut præbendarum numerus diminuitur: g)
- f) *Extinctione*, quando ecclesia destruitur una cum redditibus; ut nullus ibi fiat cultus divinus. h)
- g) *Alteratione*, cum prima beneficii species v. g. *Episcopatus*, *Pastoralia* &c. in aliam v. g. *Archiepiscopatum*, *Monasterium* &c. mutatur.

i) *Innovationem beneficii regulariter prohibitam esse* 2)
vel inde jam patet: quod Concilium Tridentinum
Sess.

Seff. XXV. cap. 1. de reform. levare præcipiat, sancte servandas esse: leges & conditiones, canonibus non adversas, foundationibus beneficiorum ex voluntate fundatorum adjectas. Quapropter pro regula habetur id: beneficia ecclesiastica sine diminutione conferantur nisi iusta necessitatis, aut utilitatis majoris causa exceptionem poscat. Causa hæc frequenter adesse censetur. Non igitur mirum est: sæpe exceptionem a regula fieri, ipsaque beneficia pluribus modis innovari.

d) *Dismembratio beneficii aliquando in sensu largiore pro divisione accipitur.* Hic loci, ut in *cap. 9. de his quæ fiunt a prælat.* in stricta significatione sumitur.

e) *Conjunctio hæc, si fiat in commodum, & fav. rem personæ duntaxat it, ut per ejus mortem exspiraret, personalis, quæ vero intuitu Ecclesiæ fit, unposterum seu per permixtura perpetua & realis dicitur.* De illa, ut pote pallio tantum, quæ beneficiorum pluralitas tenetur & a Concilio Trident. *Seff. VII cap. 4. de reform.* damnatur, nobis sermo tuturus non est.

f) *Huc spectat dissolutio unionis, vi cujus beneficia olim conjuncta, cessante unionis causa, rursus separantur, & in statum pristinum restituantur.*

g) *Consulatur interim de suppressione Concilium Trident. Seff. XXIV. cap. 15. de reform.*

h) *Extinctionis exempla veteribus, qui erigere magis, quam destruere beneficia & templa amabant, fere ignota erant.*

II. Diminutio fieri potest

1) per impositionem oneris *personalis*, v. g. curæ animarum:

K 3 2) per

2) per impositionem oneris *realis*, cujus species sunt:

- a) *Census antiquus*, seu annua præstatio ex fructibus vel pecunia de proventibus ecclesiasticis solvenda, quæ jam in *ipsa fundatione* beneficii —
- b) *Census novus*, seu præstatio ejusmodi, quæ *deinceps* primum imposita est: quo reducitur
- c) *Pensio* seu portio ex proventibus ecclesiasticis, aut ex beneficio justis ex causis detracta, vel clerico vel alteri ob *spirituale* vel *temporale* obsequium adlignata. i)

i) Hinc & in clericalem, laicam, & mixtam dividitur. Pensiones ob necessitatem Clerici moderate eisdem pendendas, antiqua jam novit, probavitque Ecclesia, Vid. Rigger P. III §. 273. seq. eas vero, quas ad captandum lucrum cupiditas invenit, vetus ignoravit, & recentior Ecclesia damnavit. Idem *ibid.* Conf. Thomaslin; P. III. lib. II. cap. 29.

3) a legitimo Superiore, k) ita ut

- a) onera *spiritualia* pro cultu Dei augendo, & *censum novum* & *temporaneum* Episcopus, l)
- b) *censum vero*, aut *pensionem perpetuam* vi Decretalium solus Pontifex imponere queat, m) cui tamen Concordata Germaniæ obstant, eoquod collatio beneficiorum *libera* exin detrimentum caperet. n)

k) *Diminutio*

k) *Diminutio* enim, utpote innovationis beneficio-
rum species juri communi contraria est *praced:*
u. l. nor c) ergo non nisi auctoritate eorum qui
legibus solvere possunt, eam fieri posse aper-
te *cap. 8. de prabend.* edicit.

l) *Jus onera spiritualia* pro cultu Dei augendo Cle-
ricis imponendi, exinde passim Episcopo vindicatur,
quod ipse ordinarius sit Ecclesiae Rector,
proin ad eum pertineat media ad Ecclesiam se-
opum apta disponere, ministros seligere singu-
lisque, quid eos in commune Ecclesiae bonum
agere oporteat, praescribere.

Quod *pensiones* adinet: certum est eas,
tum inprimis quando *bene meritis & indigentibus*
Clericis per eas succurritur, aequitati, & utilita-
ti Ecclesiae esse conformes. Facultas igitur eas-
dem talibus personis assignandi eo minus Epis-
copo denegari potest, quo aptius est, distri-
butionem reddituum ecclesiasticorum olim penes
eum fuisse, nec restrictionem quamdam hac in
re factam dilucide ostendi posse. Vid. Ant.
Schmidt *P. II § XX II in schol.* De indole
vero hujus juris disputant, an nimirum ex
officio Episcopis a Christo commissis, an vero
ex Pontificis Romani in Episcopos liberalitate
profluat? Rigger *P. III § 280.*

m) Vi plenitudinis ut ajunt, potestatis Pontificiae
Van Espen *J. E. U. P. II. Sect. III. tit. XI.*
cap. 5.

n) Si nimirum *perpetuas* pensiones ex quibuscunque
beneficiis praestandas imponeret. Nam restringi
etiam collationum libertatem, dum beneficiis in
mensis papali vacantibus pensiones imponit *tem-*
poraneas, in successorem non transeuntes, mihi
saltem non illucescit. Quare istas in Germania
quoque imponendi jus Pontifici negare haud
possum.

- 4) sub certis tamen regulis, nempe
- a) non nisi ex *caussa paris, resignationis, aut permutationis* facile admittantur; o)
 - b) *tertiam*, aut ad summum *dimidiam* fructuum partem non excedant; p)
 - c) nec imponantur Ecclesiis *cathedralibus*, quæ supra mille, & *parochialibus*, quæ supra centum ducatorum, secundum verum valorem, redditus non ferunt; q)
 - d) ipsi demum *pensionarii* ad *onera* beneficio, ex quo pensionem percipiunt, adnexa *pro rata* fructuum ferenda obligentur. r)
- e) Ut eo minus sub pretextu pensionum simoniæ & avaritiæ locus pateat. Veram sunt viri multi, illique graves, quibus nec hi quidem concedendæ pensionis tituli satis probentur, quod scilicet ad impedienda pessima pensionum consecutaria, aut ad pensionarium excusandum insufficientes videantur. Meritum igitur potius personæ in Ecclesiam, & indigentiam ejus substitui cupiunt, cui per pensionem instar elemosynæ, aliunde ex superfluis redditibus beneficiati in pauperes erogandæ, adsignatam subveniatur. Hac ratione putant, pensiones definitioni Concilii delectorum Prælatorum an. 1537. vel 38 sub Paulo III. celebrati (vid apud Rigger *cit. loc. §. 273.*) ipsique redditu in ecclesiasticorum præscripto usui (*præced. §. IX. n. V.*) optime respondere.
- p) *Cap. 26. 36. de prob.*
- q) *Trident. Sess. XXIV cap. 13. de reform.* Similiter pensionibus onerari non debent *dignitates*, nisi de illa parte reddituum, quæ centum; & alia beneficia *simplicia*, nisi de ea, quæ viginti quatuor ducatorum summam veri annui valoris excedit.

r) *Alia*

- *) Alia pensionariorum officia vid. in *constit.* Pii V.
Ex proximo: ac Sixti V. Cum sacrosanctam.

III. Dismembrationi tunc præcipue locus est, si

- a) alterum quidem beneficium redditibus abundat, alterum vero præcipue *curatum* & Ecclesiæ ac animarum saluti utile, aut necessarium egeat; s)
 b) verum & hic *potestas legitima* interveniat, ac *jus tertii* salvetur; t)
 c) ipsaque *superfluatorum* ac *necessariorum quantitas* æqua lance ponderetur. u)

s) Quid enim hoc in casu dismembratione æquius? quid fundatorum pia menti, ac Ecclesiæ acceptantis voluntati convenientius? Sane si jus Ecclesiæ negari nequeat imperandi, ut beneficiati redditus superfluos in pios usus impendant, quis dismembrandi potestatem eidem competere in dubium vocabit. *Conf. præced. n. I. not. c)*

t) Vi *cap. 9. de his. quæ fiunt a prælat.* requirit dismembratio easdem causas, & solemnitates, quæ ad alienationem rerum ecclesiasticarum requiruntur.

n) Id est: habeatur ratio *dignitatis, loci*, aliorumque *adjunctorum* personæ, cujus beneficium, aut in cujus favorem dismembratur. Sicut enim hæc non eadem apud omnes personas sunt, ita quoque non eadem rerum quantitas apud omnes superflua, aut necessaria dicenda est. Sed potest quidpiam spectatis unius personæ adjunctis superfluum videri, ac esse, quod relate ad aliam personam necessarii mensuram haud superat. Quæ igitur *præced. not. s)* ad commendationem dismembrationis dicta sunt, moderatius sumi debent,

debent, quam passim ab invidis quibusdam politicis recentiore ætate sumuntur, qui nulla spendoris externi diversis hierarchiæ ecclesiasticæ gradibus non una ex causâ necessari ratione habita, omnes eorum reditus ad perfectæ æqualitatis legem dismembrandos esse importune clamentant.

IV. Circa unionem *perpetuam & realem* varia occurrunt animadversione digna: nempe

1) diversæ ejus species:

- a) alia quippe est per *exæquationem*, cum salvis utriusque beneficii juribus, ac indole uni Rectori subjiçuntur: v)
- b) alia per *confusionem*, dum plura beneficia in unum quoddam conflantur, & ecclesiarum jura, & privilegia confunduntur: x)
- c) alia per *subjectionem*, dum minor ecclesia majori, ceu *filia matri* subjiçitur, ac proin vacante *ha.* & illa vacare confertur; unde Patronus unius ecclesiæ jus suum, nisi id specialiter sibi reservarit, amittit; de cetero vero exceptis iis, quæ altioris jurisdictionem respiciunt, unita ceu *accessoria principalem* sequitur: y)
- d) alia demum per *incorporationem*, cum beneficium quoddam Collegio, Monasterio &c. adjicitur, vel *quoad temporalia* solum, ut, assignata Vicario congrua sustentatione, reditus ceteros sibi vindicet: vel simul *quoad spiritualia*, ut insuper Prælati talis Collegii verus Parochus habeatur, ac de suis, *etiam ad tempus*, Vicarium exponere possit:

possit: vel demum cum ipsa *iurisdictione quasi-episcopali* in Clerum & populum, ac proin cum jure Vicarium examinandi, adprobandi, visitandi &c. 2)

1) Corollaria ex hacce descriptione profluentia videntur apud Rigger *cit. loc. §. 287.*

2) Unionis per *confusionem*, aut, ut alii eam vocant, *subpressionem* effectus recenset Idem *ibid. §. 288.*

3) Duobus iterum modis unionem istam fieri posse, *absolute* nimirum, & *secundum quid*, docet Rigger *cit. loc. §. 287 Schol.* Ubi etiam varia huius unionis consuetudina legi merentur. Conf. Wiestner *lib. V. tit. XXXI. n. 6.*

2) Primam unionem *minus pleno*, alteram *pleno*, tertiam *plenissimo* jure factam vocant, quamvis non tam ex *terminis* istis, in formulis, ac chartis fors occurrentibus, sed ex earum potius *sensu incorporationis* modus desumi debeat.

2) Requirita:

- a) *caussa* unionis *iusta* esse debet, necessitas scilicet, vel evidens utilitas Ecclesiae; a)
- b) *consensus* quoque illorum, quorum interest, accedat, nimirum *Capituli, Patroni*, vel *Principis* ceu *Advocati*, si de *majori ecclesia* agatur; b)
- c) tandem *legitima auctoritate ecclesiastica* fiat, quæ circa *Episcopatus*, aut beneficia *consistorialia* penes Pontificem, circa alia vero *ordinarie* penes Episcopum residet. c)

a) Est

a) Est enim *omnis unio beneficiorum*, utpote quæ vel *alienationis rationem* habet, vel *cūctum divinum*, aut *reditus diminueret* solet, *odiosa*; quapropter *strictè interpretanda* ac non nisi ob dictas causas *ficienda*. (*cap. 33 de præb.*) quibus sane positis ratio odii evanescit. *Causæ hæ in unionibus personalibus præced. n. 1* non e' & *gratiosis* (de quibus Rigger § 289) variis præsto sunt: recte igitur illæ a Concilio *Trident. Sess. VII. cap. 4. de reform.* rejiciuntur, istæ vero a claris juris eccles. interpretibus ut minus legitimæ vituperantur.

b) Concil. *Trident. Sess. VII cap. 6. de reform. Regula Cancellariæ de union. XXII. Cont. Rigger cit. loc. § 292.*

c) *Cap. 4. de offic. legat. cap. 8 de excess. prælat.* Casus, in quibus Episcopi potestas beneficia uniendo restricta est, vid. in Concil. *Trident. Sess. XXIV. cap. 13. de reform. Clement. ult. de reb. eccles. non alienand. Trident. Sess. XIV. cap. 9. de reform.*

V. Reliquæ innovationis species, nimirum: Divisio, Subpresio, Extinctio, & Alteratio easdem fere leges sequuntur, ut adeo in istis quoque

a) *causæ graves auctoritas ecclesiastica*, & eorum, quorum interest, *consensus* exigatur;
b) & *Episcopatum*, aliarumque ecclesiarum *immediatarum* divisio, aut alteratio Pontifici reservetur. d)

d) Fuerunt nostris temporibus, qui graves pro *Episcopatibus dividendis*, novisque *erigendis* rationes adducebant, ac duritiam sæc. an speciatim *Imperii Germanici* rationem, ac sequelas cordi habuerint,

buerint, quæ in Status hujus regimen *politicum* æque, ac *ecclesiasticum* redundarent. Verum illud saltem non diffitemur, pro divisione *Parochiarum* si ob locorum distantiam cura animarum difficilior sit, & reditus simul pluribus Clericis alendis sufficerent, graviores stare rationes, a pio & sincero rerum æstimatore haud facile contemnendas. *Conf. libellus: Gründe wider die projectirte Zertheilung der alten, und Errichtung neuer Bisthümer,*

CAPUT II.

JUS PRIVATUM CIRCA RES SACRAS, ET ECCLESIASTICAS. e)

§ I.

DE SACRAMENTIS IN GENERE.

I. Necesaria esse quædam ad Ecclesiæ scopum sacramenta, ipsa Ecclesiæ scopi, ac Sacramenti genuina *notio* loquitur. f) Quare

- a) *instituit* Christus aliqua; g)
- b) at nec plura, nec pauciora, quam *septem*,

h) *in sacramento* (i) *in quibusdam* (g)

- e) *Res* ad Ecclesiam pertinentes non uno, eodemque modo distribuunt. Alii eas 1) in *spirituales*, *temporales*, & ex utrisque, *mixtas*: alii 2) in *spirituales*.

spirituales in se, vel per annexionem tales, in *sacras* seu benedictione, aut consecratione *sacras*, & *ecclesiasticas* simpliciter; 3^o alii eas in *spirituales*, & *temporales*, & has rursum in *sacras sanctas*, *ecclesiasticas*, prout vel consecrantur, vel benedicuntur, vel sumtibus in Ecclesia faciendis serviunt, alii aliis modis partiuntur. Inde vero *diversus* nascitur *materiarum* hujus capitis *ordo*. Nobis non adeo, quem justæ divisionis logicæ leges imperant, verum quem utilitatis ac simplicitatis ratio iuvadet, præplacet. Res itaque Ecclesiæ in *sacras* & *ecclesiasticas* in *specie* dividimus, *Ille* propius *divinum cultum*, ac *religionem* respiciunt; *istæ* remotius; ad *illas* sacramenta præcipue, & sacramentalia, dies festi, Sanctorum, imaginum, reliquiarum cultus; dies jejuni, & vigiliarum pertinent: *istæ* vero loca præprimis *sacra* & *religiosa*, bonorumque *ecclesiasticorum* diversas species in se complectuntur. De singulis jam totidem fere §§. agendum est.

f) *Vox sacramenti* profanis scriptoribus illud denotat, quidquid interposito jurejurando geritur. Nobis *signum visibile* est *invisibilis gratiæ* ad nostram sanctificationem a Christo *permanenter* institutum. Cum vero sanctificatio, seu ut Theologi ajunt, *gratia* sanctificans adeo acrite cum beatitudine supernaturali hominis conjungatur, ut sine ea hac frui nequeamus; beatitas autem supernaturalis Ecclesiæ scopus sit, (vid. proleg. §. I. n. V. §. II. n. I.) patet jam, ut sanctificationem hominum, ita quoque Sacramenta quæpiam ad Ecclesiæ scopum *requiri necessario*. Conf. Concil. Trident. Sess. VII. de sacram. can. 4.

g) Christus enim 1) ut omnis gratiæ auctor sacramenta instituere potuit; at 2) ut sapientissimus Ecclesiæ fundator media etiam ei ad finem necessaria *desse voluit*; quare, cum inter hæc me-

dia sacramenta inprimis numerentur, (*not. præced.* voluit quoque eadem instituere Voluntas hanc Christi nullatenus inefficacem fuisse, adcurat os demonstrant Theologi dogmatici.

6. Est hæc ex traditione, & sacre scripturæ textibus hausta Concilii Tridentini definitio. *Sess. VII. can. 1 & seq.*

II. Dividuntur *multifariam*; speciatim vero

- a) a Concilio Trident *Sess. VII. proem:* in ea, quibus omnis vera *justitia incipit*, vel capta *augetur*, vel amissa *reparatur*; i)
- b) a Canonum interpretibus vero in sacramenta *characterem indelebilem imprimuntia*, & eundem *non imprimuntia*. k)

i, Illa quibus vera *justitia incipit*, aut amissa *reparatur* sunt ad salutem *absolute* necessaria. Sicut enim sine *justitia* salus *absolute* haberi nequit, ita nec sine sacramentis, quibus illa incipit, aut reparatur. Porro cum *augmentum justitiæ* & reparatio *initium* ejusdem præcessisse supponit nullus dubio locus est, sacramenta *primæ classis* ceteris *precedere* debere, nullumque, nisi baptizatum hominem, ceterorum sacramentorum suscipiendorum *capacem* esse; sique hic per peccatum grave gratiam amiserit, obligari eundem ad illam per pœnitentiam reparandam, antequam ad ea, quibus reparata augetur, suscipienda accedat, seu quod idem est: *debere hominem in statu gratiæ esse, quotiescunque sacramenta suscipit, quibus vera justitia augetur*; nec enim ego mihi augmentum gratiæ cogitare possum, nisi existentiam ejusdem in homine præsupponam.

k) Quæ

- k) Quæ characterem imprimunt iterari non possunt. *Trident. cit. Sess. VII. can. 9.* Nil enim sine ratione sufficiente fieri debet; at quæ esset ratio reiterandi sacramenta, quorum semel susceptorum effectus, character nempe indelebilis, perpetuo durat?

III. Quæcunque vero sint, requirunt

1) essentialiter

- a) materiam, formam, ministrum. 1)
b) quæ tria proin Christus, quod substantiam saltem, determinavit. m)

2) accidentaliter vero ritus, n) quorum determinatio

- a) ita Ecclesiæ Præsulibus relicta est, o)
b) ut immutare eosdem auctoritate privata ad Ministros inferiores nulla ratione pertineat. p)

d) Sunt enim sacramenta 1) signa visibilia (vid. *preced. n. l. not. f.*) ergo materiam, seu rem requirunt, quæ in sensus cadat: 2) signa invisibilia gratiæ (*ibidem*) ergo & formam seu verba requirunt, quæ gratiam, quam sacramenta operantur, exprimant; cum vero verba ipsa sine persona eadem proferente gratiam actu exprimere haud possint, sequitur: requiri 3) ministrum, qui formam ad materiam adplicet.

m) Qui enim sacramenta instituit (vid. *preced. n. l. lit. a.) b.) not. g.*) absque dubio & ea, quæ illis essentialia sunt, in genere saltem, determinare debuit. Quapropter nequeunt hæc tria ab Ecclesia immutari, sed talia esse semper debent, qualia Christus esse voluit.

n) Num

- n) Nam *accidentaliter* & pietatem excitare, alere, proin & cum decore administrari debent; ad id vero ritus quantum conferant, suo loco videbimus.
- o) Præfulum ecclesiasticorum potestati, quæ tamen conservendæ unitati, & consensioni fidelium quoad actus etiam cultus divini exteriores studere semper debet, relictam esse rituum sacramentalium determinationem, testantur 1) libri *liturgici* ab Apostolorum jam ætate a variis Episcopis præscripti; 2) *vicissitudines*, quas antiqui, olimque usitatissimi ritus laudentibus seculis voluntate eorum, qui Ecclesiam regebant, subiverunt; 3) ipsa demum *diversa* fidelium *indoles*, variabiles eorum mores, quibus ritus religiosos per Episcopos non raro adcommodari debere salus communis postulat.
- p) Concil. *Trident Sess. VII. can. 13.* Ne nimirum arbitraria hac ritus immutandi facultate unitas & cultus exterioris consensio perturbetur.

§. II.

DE SACRAMENTIS IN SPECIE PRÆTER MATRIMONIUM.

I. Baptismus, græcum nomen, alias omne *ablutionis* genus significat; hic vero definitur sacramentum *regenerationis per aquam in verbo vitæ*. q) Circa baptismum notanda veniunt

1) dignitas baptismi: nimirum

a) est *verum* novæ legis *Sacramentum*, r) & quidem

Pars II.

L

b) quo

b) quo omnis vera *justitia incipit*, & quod *characterem indelebilem animæ imprim.* s)

g) Catechism. Concil. Trident. P II cap II Ubius definitionem hanc explicat Zech de jur. rer. Sect II. tit. II. § 187. seqq

r) Concil. Trident. Sess VII de sacram. can. 1. Et vere: quæcunque enim genuina sacramenti notio (preced §. I n I not f) involvit, hæc in baptismo adesse manifestum est textus S. Scripturæ ad Ephes. V. 26 Joan. III. 5. Marc. ult. 16. lustrantibus.

s) Primum ex Concil. Trident. Sess VI de justificat. cap IV. alterum vero ex ejusd. Concil. Sess VII. de sacram. can. 9. eruitur. Inde verò jam concludimus 1) baptismum inter alia sacramenta maxime necessarium, & reliquorum esse junctum. §. preced. n. II. not. i) Conf. Concil. Trident. Sess. VII. de sacram. can. 5. de baptismo; item cap. 3 de presbyt. non baptizat. 2) iterari cum non possit. preced. §. n. II. not. k.)

2) materia, forma, minister: t)

a) *materia baptismi est aqua naturalis*, sive per immersionem, sive per adspersionem, sive per infusionem. adhibita; u)

b) *forma in verbis consistit*, quibus actus baptizantis, persona baptizata, & distincta invocatio personarum SS. Trinitatis in una essentia exprimitur; v)

c) *minister ordinarius præprimis est Episcopus*: post hunc parochus, vel alius sacerdos a parochio vel ordinario delegatus; imo & diaconi baptismi sollemnis administratio committitur

mitti potest, non autem inferioribus clericis, aut laicis. x)

e) *Materia, forma, minister*, sicut ad *substantialia* cuiusvis sacramenti pertinent (§. *præced. v. III. lit. a. not. l*) ita in baptismo, aliisque sacramentis ex voluntate Christi determinari debent. (*ibid not. m*) Quare quotiescunque impofterum quæretur: qualianam hæc *substantialia* in illo, aliove sacramento sint: valeat generalis illa responsio: (*loc. mox cit*) *talìa scilicet, quæta Christus esse voluit.*

ii) *Not. præced. & Joan. III. 5. Conf. Van Espen P. II. sect. 5. tit. II. cap. I. item Zech cit. loc. §. 189. not. 37.*

v) *Not. præced. i) & Math. 28. 19. Conf. Morinus de penit. lib. III. cap. 16.*

æ) In casu *necessitatis* vero omnibus jus est baptizandi, etiam mulieribus. Tertullian. *lib. II. de baptis. cap. 16. 17. can. 20 21 23. 24. 29 34 Dist. IV. de consecr. can. 19. Caus. I Q. I. can. 4. Caus. XXX Q. II. imo & hæreticis. Can. 23. 24. Dist. IV. de consecr. At nemo, nequidem in casu necessitatis se ipsum baptizare potest; Cap. 4. de baptis. sed eo in casu baptismum fluminis martyrnum, aut votum ejusdem perfecta charitate junctum supplebit. Can. 34. Dist. IV. de consecr. Conf. Zech cit. loc. §. 193.*

3) personæ baptizandæ, & adstantes:

a) baptizari possunt *omnes*, non solum adulti, sed & parvuli; y)

b) in *adultis* intellectus & voluntas, & sedula præparatio requiritur; z)

L 2

c) *infans*

- c) *infans* baptizandus jam natus sit oportet;
 a)
 d) in *patrinis* rogandis & admittendis de-
 lectus fervari debet. b)
 e) *numerus* eorum jure recentiore ad duos
 tantum diversi sexus restringitur. c)

y) *Nisi enim quis renatus fuerit ex aqua & Spiritu Sancto, non potest introire in regnum Dei* Jo an. III 5. Pone igitur non omnes baptizari posse; carebunt illi, quos a susceptione baptismi exclu-
 feris, necessario ad salutem medio. Quod cum divina misericordia nullatenus conciliari potest. Conf. *cani* 7. 8. 74. 76. 129. 130. 138. *Dist. IV. de consecr. cap. 2. & 3 de baptism. item Recept. imp. de an* 1529. §. 6.

z) Hinc cum olim per catechismum præparandi erant, *catechumenorum* nomen gesserunt. Conf. vero *Zech cit. loc. §. 194. & 196.*

a) Inde est, quod *infans* non censeatur baptizatus in utero. si mater prægnans baptizetur. *Can. 14. Dist. IV. de consecrat.*

b) Adeo enim *gravia* sunt *patrinorum officia*, ex sen-
 tentia Augustini *Can. 105. Dist. IV. de conse-
 crat.* relata, ut non a quovis promiscuo impleri
 ea posse certissimum videatur. Quare arcantur
 1) *nondum baptizati*, nec confirmati: 2) *Abba-
 zes: monachi: moniales*: 3) *exclusi a sacro com-
 mercio*: 4) *heretici*: 5) *parentes* ob cognatio-
 nem spiritualem. *Can. 102 103 Dist. IV. de conse-
 crat.* Alii vero, qui admittuntur, ut paterni
 quodammodo amoris affectu ad implenda soler-
 tius erga prolem baptizatam curæ spiritualis of-
 ficia excitentur, *cognitionem spiritualem* cum ea
 contrahunt. de qua inter *impedimenta matri-
 monii* redibit sermo.

c) Ne

- c) Ne scilicet cognationis spiritualis *impedimenta* nimium adcrecant. *Cap. fin. de cognat spiritual. in 6. Trident. Sess. XXIV. cap. 2 de reform. matrimon. Conf. Van Espen. loc. cit. cap. V.*

4) locus, tempus, ritus:

- a) nisi gravis causa aliud svadeat, *locus*, ubi confertur baptismus, sit *Ecclesia parochialis propria*; d)

- b) *tempus* ex veteri disciplina extra casum necessitatis erat *Paschæ*, & *Pentecostes*: hodie *quodcunque*; e)

- c) *ritus* antiquitate venerandi, f) siquidem in casu necessitatis *omissi* fuerint, commodo tempore *suppleantur* a Parocho. g)

- d) Sanctitas actus baptismalis, rituum præscriptorum ratio, ordinisque conservandi necessitas id exigunt. *Conf. Clement. un. de baptis.*

- e) Ex veteri hacce disciplina *dominica primæ* post Pascha *in albis* denominatio derivatur.

- f) Antiquissimos esse baptismi ritus erudite demonstrat Jos. Vicecomes *observat. eccles. vol. I.* Hodie in eos, qui baptismum *antecedunt*, *comitantur*, *sequuntur*, dividi, ac in ritualibus explicari solent. Vid. interim Zech *cit. loc. § 199. 200. 201 seqq.* ubi utilissima quædam a parochis circa baptismum evitanda & præcavenda exponit. *§. 203.*

- g) *§. præced. I. n. III. not. n.) item præced. n. 2. lit. c)*

5) Effectus.

- a) alii *interni* sunt; quo præter eos, quos *præced. n. 1. lit. b. not. s)* indicavimus, in-

primis remissio peccati *originalis*, & omnium *personalium* refertur. *h)*

b) alii *externi*, scilicet: quod baptizatus fiat *Ecclesiae membrum*, ejusdem potestati subji-
ciatur, ac jurium reliquis Christianis com-
munium particeps reddatur. *i)*

h) Concil. *Trident. Sess. XIV. cap. 2. de penit.* Plura
hac de re leg. apud *Zech cit. loc. §. 195.*

i) Inter cetera a macula *civili*, & tolerantiae *cenſu* li-
beratur; *l. 56. §. 3. cod. de episc. & cler.*

II. Confirmatio est manuum impositio,
ac hominis in fronte unctio sub certa forma eo
ex fine facta, ut homo roboretur ad fidem in-
trepide profitendam, & fortiter tuendam. *k)*

i) Est *verum sacramentum*, *l)*

a) quod *gratiam auget*; *m)*

b) & *characterem imprimit*. *n)*

k) *Can. 1. seqq. Dis. V. de consecr.* Quas alii eodem ex
fonte Confirmationis definitiones hauriunt, ab
hacce nostra, si *rem* species, haud differunt.

l) Est enim *1)* signum *visibile (ex def)* quo *2)* *Spi-
ritus Sanctus (Act. VIII. 17. 18.)* qui hoc loco *gra-
tiam sanctificantem* denotat (*Theol. exeget.*) con-
feritur, proin *3)* a Christo, qui solus gratiae
auctor est (*Theol. dogm*) institutum. Ilæ vero
absolvunt essentiam novæ legis sacramenti (*pre-
ced. §. I. n. I. not. f.*) Add. Concil. *Trident. Sess.
VII. can. 1. de Confirm.*

m) Ita tamen, ut etiam *per accidens primam gratiam*
producere possit. *S. Thomas P. III. quest.
77. art. 7. ad 2.*

n) Concil.

n) Concil. Trident. Sess VII. can 9. de sacram. Valent igitur de Confirmatione ea, quæ supra §. I n II. not. i. k) de sacramentis in genere dicta sunt.

2) Quod vero adinet Confirmationis

a) *materiam*: dicunt, *remotam* in manuum impositione & chrismate, *proximam* vero in unctione consistere; o)

b) *Formam* Græci aliam, aliam Latini adhibent; p)

c) *Persona* confirmans seu *Minister ordinarius* est *Episcopus*, q) *extraordinarius* etiam *Presbyter*; r) confirmanda vero baptizatus s) omnis, t) quem tamen bene dispositum esse decet. u)

o) Ita Zech loc. cit § 205 seq Conf. præced n. I. not. t) Act VIII 17 18. His enim in syllogismum redactis si cap un de sacr. unct verba: *per frontis chrismationem manus impositio designatur*, addideris, sponte sua veritas asserti profluet. Vid. porro Concil Constantiens Sess ult. Ceterum ex oleo olivarum. & balsamo chrisma confici (cap un de sacr. unct & ab Episcopo benedici debet. Simplici Presbytero facultatem benedicensi chrisma a Pontifice dari quidem posse, at vix unquam hucusque datam fuisse, docet Benedictus XIV. de Synod diæces. lib. VII. cap. 3. Conf. etiam respons. S. D. P. Pii VI. ad Clerum Galliarum nuper inter cetera querentem: an in dira, qua adhuc premitur, persecutione deficientibus Episcopis chrisma a Presbyteris benedici posset?

p) Græci hac utuntur forma: *Signaculum donationis Spiritus Sancti*: supple, tibi imponitur. Inter Latines quidam & orationem, quam Episcopus

manus imponendo fundit, & verba, quæ ungens profert: *Signo te signo crucis & confirmo te chrismate salutis in nomine Patris & Filii, & Spiritus Sancti*. ad substantiam formæ pertinere arbitrantur. Sed enim posterioribus verbis sufficienter Confirmationis effectus exprimitur; ea propter placuit Patribus *Florentinis* in *Decreto* *Eugenii IV. pro Armenis* illis solis essentiam formæ hujus sacramenti designare. Nec *Grecorum* tamen, nec *Latinorum* forma in antiquissimis documentis descripta invenitur: rationem ex arcani disciplina repeti debere, ex *Innocentii I. ad Decentium Eugubinum Episcopum* epistola 29. colligimus, quæ ita habet *Verba vero dicere non possum, ne magis proderi videar, quam ad consultationem respondere.*

- q) *Præced. n. I. not. 1. & Act. VIII. 14* item *Concil. Trident. Sess VII. can. 3. de Confirm.*
- r) *Ex commissione nempe Summi Pontificis, quareo facilius credimus dari posse, quo certius est* 1) evenire subinde necessitatis casus, in quibus Episcopus confirmare haud possit; 2) nulli delegationem hanc juris Episcopalis pro ejusmodi casibus esse vetitam; 3) communi utilitati per eam consuli; nec demum 4) exempla talis commissionis datæ deesse. Vid. *Bullar. Benedicti XIV. Tom. III. constit. 6. ibid. constit. 34. Tom. I. constit. 10. Conf. Ejusd. de Synod. diæces. lib. VII. cap. 7.*
- s) *Præced. §. I. n. II. not. i) §. II. n. I. not. s) n. II. lit. a. not. n) demum Act. VIII. 16. seq.*
- t) *Omnibus enim illud I. Petr. V. 8. 9. Ephes. VI. 11 dictum est. Inprimis vero ad suscipiendum hoc sacramentum obligantur Adspirantes ad Clericatum, qui ut aliquando alios in fide confirmare valeant, ipsi prius roborati sint necesse est. Conf. quæ cap. I. §. I. n. IV. §. not. o)*

de irregularitate ex defectu sacramenti dicta sunt.

2) Ad hanc *dispositionem* pertinent 1) *status gratiæ*, aut ex baptismo conservatus, aut per pœnitentiam reparatus. (*n. præced. I. lit. a. not. n.*) & *§. præced. I. n. II. not. i.*) 2) *perseverantia in oratione & jejunio* secundum exemplum Apostolorum Spiritum S. expectantium; 3) *proin & ætas*, qua confirmandus ratione jam utitur. Postremum olim non adtendebatur, prout nec hodie in Ecclesia orientali adtenditur, in qua Confirmationem etiam parvulis mox post baptismum conferunt. Sed ab hoc more dudum Ecclesia *occidentalis* recessit, uno hoc casu excepto: si parvuli periculose ægrotent, & copia Episcopi habeatur; tunc enim denuntiari sibi ejusmodi parvulos jussit S. Carolus Borromæus (*P II Act. Eccles. Mediolan pag. 232*) & Prosper Lambertinus Archiepiscopus Bononiensis: postea Pontifex Benedictus XIV. (*Inst. eccles. VI. pag. 241*) ut confirmare eos posset, cum ex doctrina S. Thomæ *P III. Q. 72. art. 8 ad 4* etiam pueri confirmati decedentes majorem gloriam consequantur, sicut & hic majorem obtinent gratiam.

3) Cerimoniæ, quas pro Confirmatione Pontificale Romanum præscribit,

a) adprime scopum ac virtutem hujus sacramenti *significant*; v)

b) quapropter *semper* adhiberi debent. x)

v) Vid. Zech *cit. loc. §. 22.*

x) Alia asserti hujus ratio est: quod nimirum ad quodvis sacramentum decore ministrandum ritus necessarii sint; *§. præced. I. n. III. not. n.*) proin non nisi ob majorem necessitatem omitti possint.

At nulla ejusmodi necessitas in sacramento Confirmationis, quod ad salutem absolute necessarium non est (*ibid n. II not. i*) adesse videtur; ergo nec rituum omissio unquam probanda est.

III. Eucharistia, si vocem spectes, *bonam gratiam, gratiarum actionem* significat; *si rem ipsam*: est Corpus ac sanguis Domini Nostri Jesu Christi sub speciebus panis ac vini ad spirituales fidelium alimoniam latens. *y*) Est

- 1) *sacramentum, singularis, super reliqua, excellentiæ, justitiam inceptam augens*; 2) *cujus proin*
 - a) *perceptio hominibus necessaria est necessitate præcepti*: a)
 - b) *Materiam panis triticeus, & vinum de vite constituunt*; b)
 - c) *Formam vero verba Salvatoris in ultima cæna adhibita*: c)
 - d) *Minister sive conficiendæ, sive dispensandæ Eucharistiæ ordinarius est Sacerdos legitime ordinatus*: d)
 - e) *Ektus ei debetur latræ*: e)
- 3) Vid. arg. Sess. XIII. Concil. Trident. de SS. Eucharistia cap. 2.
- 2) *Tria hæc propositio complectitur, quorum primum ex not. sacram. § præced. I. n. I. not f), ad textus scripturæ Math. XXVI. 26. 27, Luc XXII. 19. Joan. VI. 59 applicato, & ex Concilii Trident. Sess. VII. cap. 1. de sacram. Sess. XIII. de SS Eucharist. alterum ex ejusd. Concil. cit. mox Sess. XIII. cap. 3. postremum vero ex I. Cor. XI. 27. & §. præced. I. n. II, not. i) facili opera cognoscitur.*

a) *Duplex*

a) Duplex ad sumendam frequenter Eucharistiam præceptum urget, 1) *divinum* Joan. VI. 54. 55. 2) *humanum*. Concil. Agathense an. 506. can. 19. relat. in *Can 19 Dist. II. de consecr. Lateranens. IV. an 1216. relat. in cap. omnis 12 de penit. & remiss. Tridentin. Sess. XIII. can. 9. de SS. Eucharist. sacram.* De utroque notandum in genere est: 1) neutro imponi obligationem sumendi Eucharistiam sub specie duplici, quantum ad laicos pertinet: aliud vero de Sacerdotibus celebrantibus dicendum est. Conf. Cardinalis Bona *Rer. liturg. lib. II. cap. XVIII. n. 2.* Quapropter diversa hoc in re variis temporibus obtinuit in Ecclesia disciplina. Vid. *hist. eccles.* 2) utrumque datum esse præcipue hominibus *adultis, ratione utentibus*, & inter hos potissimum *infirmis*. Concil. *Trident. Sess. XIII. can. 9 de SS. Euchar.* item *Sess. XXI. cap. 4. de commun.* Conf. *Zech cit. loc. §. 222.* 3) Vi utriusque hominem Eucharistiam sumentem a peccato imprimis *mortalit* immunem esse debere. I. Cor. XI. 28. *Trident. Sess. XIII. can. 11. de Euchar.* Vi præcepti *humani* etiam *jejunum*. Conf. *Zech cit. loc. 225. seq.* 4) Illi divino præcepto respondisse adprime primorum Christianorum pietatem, ut pluribus exemplis probat Binghamus *Orig. eccles. lib. XV. cap. 9 §. I. seqq.* 5) tepescente vero Christianorum zelo humanum accessisse, quo, ut saltem *singulis annis circa Pascha* communicent, statutum est. Conf. *Zech cit. loc. §. 224.* Ex hoc vero sumendæ frequenter, ac infirmis ministrandæ SS. Eucharista præcepto sponte sua sequitur: paratam illam semper adfervari debere 1) in sufficiente quantitate, 2) in vasis mundis, 3) in tabernaculis ecclesiarum regulariter parochialium. Concil. *Trident. Sess. XIII. cap. 6. de SS. Eucharist.* Cardinal. Bona *cit. loc. lib. I. cap. 24 n. 6.*

b) Chri-

- b) Christum ipsum pane triticeo, & vino de vite usum fuisse, cum Eucharistiam institueret, Theologi ex Math. XXVI. 17. Marc. XIV. 12. Luc. XXII. 7. ad Exod. XXIX. relatis demonstrant. Dubium ergo nullum est in his materiam Eucharistiae consistere. Conf. *præced. n. I. 2. not. 2*) & Decret. Eugen. IV. pro Armenis. Quid autem sit panis triticeus, quid vinum de vite, ex vulgari astimatione & iudicio petendum est. Illud autem sat certum est, utrumque panem tam azymum quam fermentatum esse veram & sufficientem hujus sacramenti materiam, ipsumque diversum usum esse unum de punctis disciplinæ, quod etiam de modica aqua vino admiscenda valet. Unusquisque tamen tenetur morem suæ ecclesiæ servare, adeoque Presbyteri in Ecclesia latina non possunt uti pane fermentato sub pœna amissionis officii & beneficii Card. Bona cit. loc. cap. XXIII. Conf. *præced. §. I. n. III. lit. b. not. p.*)
- c) Nempe pro consecratione panis verba: *Hoc est corpus meum*; pro consecratione vini: *hic est sanguis meus*. Ratio ex iisdem respective locis scripturæ, quæ *præced. not. b*) indicavimus, petitur. Adde: Evangelistas, ut ex collatione eorum intelligitur, in solis his verbis a Christo pronuntiatis convenire; noverunt igitur, & docere nos voluerunt, sola hæc ex Christi exemplo & lege ad formam hujus sacramenti spectare. Conspirant quoque hac in re omnes tam orientales quam occidentales antiquæ & modernæ liturgiæ. Quare longior illa hodierna consecrationis forma Latinorum, præsertim calicis, non est tota ac integra de essentia sacramenti. Nihilominus tamen necessario ab omnibus servanda. Vid. *præced. §. I. n. III. lit. b. not. p*) Conf. Benignus Bosuët in *explicat. quarumd. difficult. circa preces Sacrific. Missæ n. 45.*
- d) Solis enim Apostolis, & cum ritus consecrationis perpetuo sit in Ecclesia duraturus. eorum
- sue.

successoribus Sacerdotibus dixit Christus: *hoc facite in meam commemorationem* I. Cor. XI. ergo hos solos, Ministros Eucharistiæ & conficiendæ, & dispensandæ ordinarios esse voluit. Conf. Concil. Trident. Sess. XXII. cap. 9 de Sacrific. Missæ. Competiit tamen aliquando Eucharistiæ jam confectæ dispensatio etiam Diaconis tanquam Episcoporum & Sacerdotum Ministris; sed evanuit jam hodie mos iste, quia nulla ejus retinendi necessitas superest. Sacerdotes igitur eam dispensant, & quidem sanis extra tempus paschale, quicumque legitime ordinati sine ulla parochialis Presbyteri licentia; infirmis vero instar viatici, aut tempore paschali sanis proprii eorum Parochi, aut alii in casu necessitatis, extra hunc, cum Parochi consensu. Conf. P. I. cap. I. §. IX n IV. not m) & Trident. Sess. XXIV. cap. 13. de reform. Ceterum quisque ministrans Eucharistiam ritus ab Ecclesia præscriptos servare debet, quo pertinet 1) tempus: istud, si sanis Eucharistia distribuitur, mox post communionem Sacerdotis celebrantis adsignatur; (Zech cit. loc. §. 221. not. 41.) si infirmis, diurnum matutinum, nisi necessitas aliud spondeat. Rigger P. III. §. 803. Schol. 2) modus eam ad infirmos deferendi: hic cap. 10. h. tit. ita describitur: *Eucharistiam in decenti habitu superposito mundo velamine feras, & referas manifeste, ac honorifice ante peccatum, cum omni reverentia & timore semper lumine præcedente, cum sit candor lucis æternæ, ut ex hoc apud omnes fides & devotio augeatur.* Quid ad quæstionem: an quispiam, præter Sacerdotem celebrantem, sibi met ipsi Eucharistiam ministrare audeat? respondendum sit, docet Zech cit. loc. §. 221.

- e) Continetur enim in almo hoc sanctæ Eucharistiæ sacramento D. N. Jesus Christus verus Deus; (Concil. Trid. Sess. XIII cap. 1. de Euchar.) cui omne genu flectatur, cultum lausenticum eidem

dem deferendo. Quare, verbis utar ejusdem Concilii Trident. Sess. cit. cap. 5. pie, & religiose admodum in Dei Ecclesiam inductus est hic mos, ut singulis annis peculiari quodam & festo die præcelsum hoc venerabile sacramentum singulari veneratione ac solemnitate celebraretur. utque in processibus reverenter & honorifice illud per loca publica circumferretur; aut extra processiones adorationi fidelium in altari exponeretur, processiones ipsas, & expositiones ordinante Episcopo, ne earum frequentia minuat reverentiam, & ne ad cujuslibet pene devotionem, & privatis sæpe ex causis, quarum plures minus probandas recenset Zech cit. loc. §. 229. palam spectandum exhibentur. Conf. Rigger cit. loc. §. 505. seq.

2) *Eucharistia* est etiam *sacrificium* novæ legis in-cruentum fidelibus tam vivis quam de-functis salutare, quod *missa* dicitur: f)

- a) *Dividitur* in *publicam* & *privatam*; g)
- b) ad eam saltem diebus dominicis & festis celebrandam tenentur quicunque Sacerdotes; h)
- c) non tamen omnes promiscue admittendi sunt; i)
- d) circa *ritus*, *tempus*, *locum*, missarum celebrandarum *numerus*, ac *stipendia* plura ab omnibus religiose observanda præscribunt Canones. k)

f) *Missæ* nomen latinum est derivatum a *missione* seu *dimissione*. Ejus pars prima usque ad Offertorium olim vocabatur *Missæ Catechumenorum*, qua completa isti dimittebantur: altera *Missæ fidelium*, qua finita dimittitur populus per verba

Dis.

Diaconi: *ite: missa est.* Conf. Cardinal. Bona *cit. loc. lib. II. cap. 1.* Partes ejus magis *essentiales* sunt 1) *oblatio*; 2) *consecratio*; 3) *communio*. *Accidentales* vero sunt *cerimoniae*, quibus illae perticiuntur. In Missa offerri 1) longe perfectius, ac in veteri lege, Deo sacrificium, definivit Concil. *Trident. Sess. XXII. can. 1 3. 4* lateque ostenderunt Theologi, uti Melchior Canus *de loc. theol. lib. XII. cap. 12.* Bellarminus *Tom III. lib. 1. de Missa. cap. 6.* Nobis hic loci argumentum ex notione Sacrificii cum notione Missae collata ductum sufficiat. Est vero hoc: *Sacrificium* dicitur oblatio externa rei sensibilis soli Deo per legitimum Ministrum facta per realem hostiae immutationem ad cognoscendum supremum ejus in res omnes creatas dominium. At omnia haec in Missa habentur. a) *minister* legitimus Christus principalis offerens Sacerdotum ministerio: Paul. ad *Hebr. V. 6.* b) *Oblatio externa* rei sensibilis, nimirum corporis, & sanguinis Christi sub speciebus panis. ac vini, ex def. Eucharistiae *preced. n. III.* c) *immutatio hostiae* nempe mystica. quatenus vi verborum tanquam gladio spirituali sanguis Christi a corpore separatur ad cognoscendum supremum Dei Dominium. Conf. *Zech. cit. loc. §. 232.* 2) esse illud sacrificium vivis, & defunctis salutare variis rationibus probat idem Concil. *Trident. Sess. XXII. cap. 2. de S. Sacrific. Missae*; & apertius *can. 3. ibidem* definit.

g) *Publicam* etiam *solemnem* vocant. Quid per publicam & privatam olim: quid hodie intelligatur: vid. Rigger *cit. loc. §. 783.* Paulo aliam publicae Missae descriptionem legimus *Sess. cit. Concil. Trident. cap. 6.*

h) Concil. *Trident. Sess. XXIII. cap. 14. de reform.* Officium istud his ex fontibus fuit, 1) ex sacerdotali ordine, & munere; Luc. *XXII. 19. I. Cor.*

Cor. XI. 24. 2) ex communi omnium mortali-
um officio Deum colendi, eidemque sacrificia
offerendi, quod ad o c i a r i s caracteribus omni-
um cordibus inscriptum est, ut nulla gens bar-
bara etiam, existat, quæ id ignoret; 3) ex pe-
culiari omnium fidelium obligatione, diebus sal-
tem dominicis & festis Missam audiendi. Hæc
vero de Sacerdotibus in genere valent. Si isti
us ad frequentiore, imo ad quotidianam Mis-
sa celebrationem urget præceptum istud in spe-
cie 1) animarum Curatores. Vid. P. I. cap. I. §.
IX. n. II. not. c) 2) eos, qui ad eam ex funda-
tione tenentur.

- i) Nullus Clericus peregrinus sine commendatitiis sui
Ordinarii litteris ab ullo Episcopo ad divina ce-
lebranda, & sacramenta ad ministranda admitta-
tur. Ita Concil. Trident. Sess. XXIII. cap. 16 de
reform. Id in ecclesiis etiam Regularium licet
exemptis obtinere dubium non est. Conf. Van
Espen. J. E. U. P. II. Sect. I. tit. V. cap. 9.
- k) Quod adinet 1) ritus: exacte juxta Rituale Rom.
servandi sunt: Concil. Trident. Sess. XXII. cap.
5. de Sacrif. Missæ. item præced. §. I. n. III. lit. b.
not. p) Plura ad ritus pertinentia re'ert Zech.
cit. loc. §. 242. 2) tempus: communiter ab au-
rora usque ad meridiem computatur; excipit ta-
men Natalem Domini, & ubi privilegium
aliud indulget. Idem ibid. §. 240. 3) locus:
Ecclesiam vel consecratam, aut saltem benedictam;
Altare in ea consecratum esse debere volunt Ca-
nones i. 22. Dist. I. de consecr. Ab Episco-
pis non facile concedendam esse facultatem in
Oratoriis privatis celebrandi, sapienter decrevit
Concil. Trident. Sess. XXII. Decret. de celebr.
Missæ. Legatur denuo Zech. cit. loc. §. 241
cum annotatione. 4) numerum celebrandarum
una die Missarum: olim ob paucitatem Sacerdo-
tum pluries per diem sacra facere permittebatur
hodie

hodie cautum est, ut singulis diebus semel tantum singuli sacrificarent, præterquam in solennitate *Natalis Domini*. Alicubi in *Hispania* die *Commemorationis Defunctorum* duas a quolibet Sacerdote Missas fieri. item eadem die tres Missas celebrandi facultatem *Lusitanis Sacerdotibus* a *Benedicto XIV.* ea tamen adjecta conditione: ut pro una tantum accipi stipendium possit, concessam fuisse narrat *Zech §. 239. adnot. 98.* 5) *Stipendia* demum: hæc in locum oblationis panis & vini inter Missarum solennia a laicis fieri solita successisse videntur; nunc eleemosinæ instar sunt, quæ sustentationi Clerici a fidelibus succurritur. Nihil ergo, si abusus præscindantur, quod damnetur, in se habent: igitur poterunt salva conscientia illi, quibus aliunde sufficiens sustentatio adsignata non est, eadem acceptare. Numerum acceptandorum diu indeterminatum reliquit Ecclesia, neminem futurum sperans qui eleemosinam sibi non necessariam cumulare, pluraque, quam quibus in honestæ sustentationis subsidium indigeret, aut persolvere posset, stipendia colligeret. Sed enim sordida sæpe avaritia, aut prodigalitas omnes justis & æqui leges in eis suscipiendis violavit; capropter opus erat regulis, quæ malis inde promanantibus medelam ferrent; atque ad cumulationem inprimis stipendiorum offerentibus ea injuriosam impedirent. Quapropter statutum est universim: *Neminem plura stipendia suscipere audere, quam quæ intra modicum tempus persolvere valeat.* Tempus hoc in Diocesi nostra ad mentem declarationis *Congregat. quæ modicum tempus ita sumit, 30 diebus definitur.* Sed vid: de stipendiis, quæ *Benedictus XIV. lib. V. de Synod. diæces. cap. 8. 9. 10. & alibi præstantissime scripserat. Conf. etiam Zech cit. loc. §. 244 de cautionibus, sub quibus stipendium permittitur.*

IV. Pœnitentia alia interna est, alia externa. Evolvenda est

1) utriusque notio:

- a) interna est dolor animi, quo mala commissa plangimus cum serio proposito illa rursus non committendi; 1)
- b) externa est sacramentum novæ legis, m) quo per Sacerdotis absolutionem homini confesso, & interna pœnitentia contrito peccata post baptismum commissa remittuntur. n)

l) *Can. 1. 4 Dist. III. de pœnit. Lactantius Divin. Instit. VI. 24* Hujus pœnitentiæ necessitatem, sed simul insufficientiam recta ratio agnoscit, dum qua ratione divinæ justitiæ faciendum sit satis ignorat; ut abunde testantur diverſi illi ab Ethnicis adhibiti iratos placandi Deos modi.

m) *Concil. Trident. Sess. XIV. can. 1. 2. de sanctiss. pœnit. Sacram.* Quod porro ex characteribus cuivis Sacramento novæ legis essentialibus (ſ. præced. l. n. I. not. f) atque in pœnitentia facile reperiundis (vid. *deſ. & Math. XVI. 19. Joan. XX. 23*) sponte ſua preſluit.

n) Ex hoc vero deduces 1) pœnitentiam eſſe Sacramentum tale, quo amiſſa juſtitia reparatur. Per quid enim juſtitia amittitur, niſi per peccatum grave? at per pœnitentiam a peccatis ſolvimur: ergo amiſſam juſtitiam recuperemus. 2) eſſe eam adultis lapſis ad ſalutem neceſſitate madi, ut ajunt, ſeu abſolute neceſſariam, ut nondum regeneratis baptismum, ſcilicet in re, vel voto: proin recte eam dici ſecundum poſt naſci agium tabulam. *Trident. Sess. XIV. cap. 2. in fin. Luc. XIII. 5. & ſupra ſ. I. n. II. not. i* 3) illis inpu-

mis adultis necessariam esse, qui sacramenta gratiam augmentia suscipere volunt. *ibid. not. k)*
 4) sapientissime demum ab Ecclesia determinatos esse quospiam casus singulares, ac tempora, quibus homines officiorum suorum passim immemores ad agendam pœnitentiam efficaciter impellerentur. Casus hi videantur apud Zech *cit. loc. p. 254. 255.*

2) *externæ pœnitentiæ divisio:*

a) notissima est ea, qua in *publicam, & privatam* distribuitur: o)

b) illa per priora *sex secula* sola obtinuit in Ecclesia; p)

c) hæc a *septimo seculo* non nisi quoad peccata *occulta* adhibita - a *seculo XII.* ad *publica* etiam extendi cœpit. q)

o) Spectatur hic loci pœnitentia *exterior* potissimum quoad *satisfactionem*; illaque *publica* dicitur, quæ in facie Ecclesiæ publicæ & palam peragitur: si secus fiat, *privata* vocatur. De illa agit Joan. Morinus *de Sacram. pœnit. lib. V. seqq.*

p) Sive peccata fuerint publica, sive occulta; hac tamen differentia, quod peccatores occulti nec pœnitentiam, nec absolutionem publicæ reciperent, nec per censuras, sed per privatam absolutionis denegationem ad eam subeundam adigerentur. Conf. Morinus *cit. loc.*

q) Nampe a seculo VII. tacito quodam Ecclesiarum consensu invaluit axioma: *de peccatis publicis publice, de occultis occulte esse pœnitendum.* Publica igitur pœnitentia ab ea ætate solummodo publicis peccatoribus imponebatur, qui adhuc ut ante in quatuor classes dividebantur: 1) in *flentes*; 2) *audientes*; 3) *genuflectentes* seu sub-

stratos; 4) *confistentes*. Morin: loc. cit. *lib. IV. cap. 16. n. 5. lib. VI. cap. 1. seq.* Conf. etiam Rigger *P. IV. § 547*. In singulis autem peccatoribus curandis maxima sollicitudine *canonibus*, & *libris penitentialibus* utebantur illi, ad quos penitencias injungere pertinebat. De antiquitate *Canonum penitentialium* legatur Rigger cit. loc. § 548. Collectiones eorum plures videantur apud Morinum cit. loc. *lib. VI*. Nec enim decet negligere penitus artem nostram Canonum illorum, qui olim adeo saluantes peccatorum emendationes operabantur. Quod vero à seculo *XVI*. omnis fere penitentia publica evanuerit, ex Scholasticorum præmissis sententia venerat, quibus certissimum videbatur: penitentiam injungendam a libero Confessarii arbitrio pendere, & satisfactione injuncta, acceptaque, peccatorem exemplo absolvendum esse. Multum etiam ad penitentiam publicam neglectum indulgentiarum, temporibus præmissis expeditionum cruciatarum concedi solitarum, copia contulerat. Conf. Rigger cit. loc. § 549. seqq. Quid hac de re Concilium *Trident.* sentent, vid. *Sess. XXIV. cap. 8. de reform.*

3) *Materia, forma, Minister* penitentiae:

- a) *remota* Sacramenti penitentiae *materia* sunt peccata post baptismum commissa; r)
- b) *proxima* sunt tres penitentis actus, nempe *contritio, confessio, satisfactio* s)
- c) *Forma* in illis Ministri verbis posita est: *ego te absolvo.* t)
- d) *Minister* est solus *Episcopus & Sacerdos* approbatus, jurisdictionem habens; u)
- e) ad *sigillum confessionis* non violandum gravissime adstrictus. v)

- 7) Docent nempe Catholici contra Novatianos 1) nullum reperiri peccatum, quantumvis gravissimum, quod pœnitentia expiari, & ab Ecclesia remitti non possit; 2) inde peccata *mortalia* esse *materia* pœnitentiæ *necessariam*; *venialia* vero, quæ aliis quoque mediis expiari possunt, *sufficientem* sed *liberam*. Conf. Concil. *Trident.* *Sess. XIV. cap. 7. de confess.*
- 8) *Trident. Sess. XIV. cap. 3. de pœnit.* item *ibid. can. 4.* Est autem 1) *contritio* dolor & detestatio de peccato commissio cum proposito ultra non peccandi. Prout vero aut Dei amor, aut pœnæ metus aliudve motivum honestum fons est ex quo promanat, ita aut *perfecta* aut *imperfecta* dicitur. Cum *cor* vere *contritum*, & *humiliatum* Deus non despiciat, (*Psalm. L. 19.*) inferimus: contritione *perfecta* Deo reconciliari hominem, antequam pœnitentiæ sacramentum suscipiat; quapropter eam extra illud ad salutem *necessariam* esse. Num autem etiam ad valorem sacramenti requiratur: controvertitur inter Theologos. Vid. Zech cit. loc. §. 252. Quidquid sit: illud in praxi notandum est 3) contritionem debere esse *liberam & bonam*; *super naturalem*: *veram & sinceram*: *magnam & vehementem*. b) excitandos esse omnes ad dolorem ex motivo charitatis eliciendum: *quod in evangelica lege amoris*, verbis utor cit. Zech cit. loc., *difficile videri non debet*, cum etiam extra casum pœnitentiæ quilibet teneatur sepius elicere actum charitatis Divinæ, & quilibet pœnitens debeat habere propositum servandi omnia mandata, & præcipue primum illud & maximum mandatum dilectionis Dei. c) cuicumque contritioni adjungendum esse propositum non peccandi in posterum, illudque debere esse *firmum & stabile*: *universale*. *efficax*. 2) Confessio, quam Græci *exomologesin* adpellant, est peccatorum accusatio eo suscepta, ut veniam virtute clavium impetremus. *Catechism.*

Concil. Trident. de pœnit. Sacram. cap. VII Necessariam esse ad sacramentum pœnitentiæ confessionem peccatorum, aperte in Concilio Trident. Sess. XIV. de pœnit. cap. 5 & can. 7 definitum legimus. Demonstrare id ipsum porro solent Theologi a) ex I. Cor. IV. 1. Act. XIX. 18. b) ex non interrupta omnium seculorum traditione. Vid. Sardagna *Theol. schol. dogm. polem.* c) ex ipso pœnitentiæ scopo, & Sacerdotis absolventis munere iudiciario. Ex hac vero tandem necessitate deducunt, a) confessionem a Christo institutam fuisse: Conf. §. *præced. l. n. III lit. b. not. m*) b) proin in aperto errore versari eos, qui illam secula XII. a Concilio Lateranensi inventam docent. Tempus equidem, quo a fidelibus confessio fieri debeat, a Patribus Lateranensibus sub Innocentio III. an. 1215. determinatum scimus; rem autem ipsam ab his institutam fuisse, iterum iterumque negamus. Conf. Concil. Trident. cit. mox loc. ubi sacramentalis confessionis condiciones & qualitates suis descriptas invenies. Solent vero passim his versibus exprimi:

*Sit simplex, humilis confessio, pura fidelis,
Atque frequens, nuda, discreta, libens, verecunda,
Integra, secreta, lacrymabilis, accelerata,
Fortis, & accusans, & sit parère parata.*

3) *Satisfactio* est pœnæ a Confessario injunctæ voluntaria permissio ad expungendam pœnam temporalem. Concilii Trident. cit. Sess. cap. 8. de necessitate & fructu satisfactionis argumentatio ad sequentem formulam reducitur: Remissio peccati culpa non illico reatus pœnæ temporalis remittitur; potest vero per opera laboriosa redimi, quæ satisfactionem dicimus: quapropter non modo utilissima hæc est, verum etiam ad sacramentum pœnitentiæ summopere necessaria. Conf. *ibid. can. 12. 13. 14.* Circa eam imponendam

dam ad leges imputativitatis, naturam delicti, indolem delinquentis, canonesque veteres pœnitentiales, exemplo antiquioris Ecclesiæ, de quo *præced. not. q.*) respiciendum esse, res ipsa loquitur.

Ceterum solent jam ad supplendum plenæ satisfactionis defectum concedi *indulgentiæ*, per quas pœnæ temporalis, quæ post remissam culpam luenda superest, extra Sacramentum, & ab eo, qui potestate præditus est, factam remissionem cum Zechio cit. loc. §. 258. aut, ut aliis placeat, remissionem pœnitentiæ in satisfactionem criminum imponere intelligimus; ac *triplicis* esse generis novimus: empe *partiales*, *plenas* & *indulgentias Jubilæi*. Idem §. 263. 264. Plurima contra indulgentiarum dignitatem ac usum a Lutheri inprimis adseclis dicta, scriptaque moverunt *Tridentinos* Patres ad Catholicorum, dactis. n. de indulgentiis accuratius definiendam *Seff. XXV. decret. de indulgent.* quo statuunt 1) concessam absque dubio a Christo Ecclesiæ esse potestatem eas conferendi, hæcque potestate antiquissimis etiam temporibus illam usam fuisse. Vid exempla varia apud Zech cit. loc. §. 259 2) Salutarem hunc, & Conciliorum auctoritate probatum indulgentiarum usum porro retinendum esse; ita tamen 3) ut moderatio juxta veterem in Ecclesia consuetudinem adhibeatur (de qua vid. *can. 12. Concil. Nicæn.* apud Rigger *P. IV. §. 550.*) ne nimia facilitate ecclesiastica disciplina enervetur. 4) Abusus auctoritate Episcoporum, ac Romani inprimis Pontificis abolendos esse, ut ita sanctarum indulgentiarum munus pie, sancte, & incorrupte omnibus fidelibus dispenseretur.

- 8) *Concil. Trident. Seff. XIV cap. 3. de pœnit. & Concil. Florentin in Decreto Eugenii IV. pro Armen.* Porro talis certe cujusvis Sacramenti for-

ma est, qualem Christus voluit (*preced. n. 1. 2. not. t*) voluit vero procul dubio talem, quæ effectum Sacramenti sufficienter exprimeret. (*ſ. præc. I. u. III. not. l*) Cum igitur pœnitentiæ effectum, remissionem ſcilicet peccatorum dicta verba abunde expriment: non eſt, cur iſdem formam pœnitentiæ abſolvi dubitemus. Ceterum verba hæc 1) ad præſentem confeſſum dicenda — ex litterali eorum ſenſu: 2) indicatiue, non deprecative proferenda eſſe ex iudiciali Confeſſarii munere colligimus. Conf. Widmann *Theol. dogmat. tom. VI. ſ. 127.*

- u) *Preced. n. I. 2. not. t*) & Joan. XX. 23. Concil. *Trident. Seſſ. XIV. de pœnit. cap. 6. & can. 12.* Olim, quousque nimirum pœnitentia publica viguit (*preced. n. 2. lit. b. not. p*) ordinarium huius Sacramenti Miniſtrum ſolum Episcopum fuiſſe, docet e pluribus Conciliorum locis Rigger cit. loc. *ſ. 557. Schol.* Hac vero, quoad peccata occulta, a ſeculo VII. ceſſante privatas pœnitentias imponendi auctoritas ad Preſbyteros devolvi cœpit. Ad illos autem tantum, qui ſpecialiter ad curam animarum tanquam proprii Sacerdotes erant gregi ſuo præpoſiti, adeo, ut irrita haberetur abſolutio ab alieno Sacerdote ſine proprii licentia obtenta. (*arg. cap. fin. de pœnit. & cap. 12. ibid.*) ſeculo XIII. Romani Pontifices exortis tum ordinibus Fratrum mendicantium conceſſerunt, ut fidelium confeſſiones ubique libere excipere, pœnitentias injungere, & abſolutionem impertiri valerent. Inde vero gravium discordiarum originem ipſi Pontifices reperunt, de quibus componendis & tollendis egit Bonifacius VIII. *cap. 2. de ſepult. extra vag. comm.* & Clemens V. Bonifacii conſtitutionem innovando *cap. 2. de ſepult. in Clement.* Facultates illas Regularibus conceſſas Concil. *Trident.*: non quidem ſuſtulit penitus

attamen multum restrinxit *Sess. XXIII. cap. 15. de reform.* nihil in eo, quod sapissime constitutum est, mutans, nempe: ut *fideles saltem semel in anno tempore paschali proprio Sacerdoti, aut alieno, sed de proprii licentia, conficiantur* *Cap. 2. de Treug. & Pac. extravag. comm* Ex hactenus vero dictis deduci facile ratio poterit, cur *Sacerdotem, pœnitentiæ Ministrum, adprobatum & jurisdictione præditum* esse debere Canones doceant: primum ideo: quia vicaria est quodammodo Sacerdotis curati, & delegata non curati absolvendi potestas (*P. I. cap. I. §. XI. n. I. lit. d*) proin talis, quam non nisi probatus ab eo, cui propria est, exercere audeat; alterum vero: quia adprobatus Sacerdos officium judicis obit, qui, ut competens habeatur, jurisdictione præditus sit necesse est.

Hæc vero jurisdictio ab arbitrio eam concedentis dependet: quapropter non necessario ad omnia peccata, omnemve locum, aut personam extenditur. Dari igitur *casus reservati* possunt, a quibus summi duntaxat Sacerdotes absolvant. Et vere dantur *duplicis generis*, alii nimirum *Pontifici*, quidam vero *Episcopis reservati*. Hos omni ætate in Ecclesia notos fuisse, nemo facile negaverit. Illos vero ante seculum XI. nondum ubique invaluisse, nobis ex *P. I. cap. I. §. I. n. V lit. c. not. b*) verosimillimum videtur. Conf. Rigger cit. loc. §. 562. De utrisque legatur Concilium *Trident. Sess. XIV. cap. 7. de pœnit. can. 11. ibid.* item Zech cit. loc. §. 267, 268. ut nempe 1) quæ sit reservationum utilitas: 2) quæ papales, quæ episcopales censenda sint: 3) quis denique a reservationibus absolvere possit, perfectius cognoscatur,

- 2) Nempe sub pœna depositionis, ac perpetuæ pœnitentiæ in monasterio agenda. Conf. Cod. cit. Pruss. *P. II. tit. XI. §. 89.*

V. Extrema unctio est hominis ægro-
tantis cum oleo benedicto, ac sub certa verbo-
rum forma unctio facta per Sacerdotem eo ex
fine: ut partim spirituale, partim corporale
robur ad varia morbi incommoda perferenda
obtineat. x) Sacramenti hujus y) characterem
nominis imprimentis z) ac inceptam *justitiam aurentis*,
a)

a) *materia remota* est oleum olivarum: b)
proxima autem ipsa unctio; c)

b) *forma oratio*, quam Sacerdos fundit æ-
grotum inungendo; d)

c) *Minister* tantum Sacerdos. e)

d) *Subiectum* homo ægrotus, *adultus*, *rationis*
usu præditus: f) *prævia pœnitentia* vel in
re, vel in voto in *statu gratiæ* constitutus,
g)

x) Desumpta est hæc *descriptio extremæ unctionis* ex
epist. Jacobi V. 14. 15. quæ ita habet: *Infirmus*
quis in vobis? (en hominis ægrotantis)
inducat Presbyteros Ecclesiæ (per Sacerdotem)
Et orent super eum (sub certa verborum forma)
ungentes eum oleo (cum oleo facta unctio-) *Et ora-*
tio fidei salvabit infirmum (ad spirituale-) *Et alle-*
viabit eum Dominus. (ad corporale robur ægro-
tanti tribuendum.

y) *Verum esse extremam unctionem novæ legis Sa-*
cramentum Concilium Trident. Sess. VII. de sa-
cram. cæn. 1. Et Sess. XIV. cap. 1. Et can. 1. de
extr. unct. aperte definivit. Quod etiam ex es-
sentialibus cujusvis Sacramenti characteribus
præced. §. 1. n. I. not. f) cum Jacobi cit. tex-
tu, & Concilii Trident. Sess. cit. can. 1. sententia:
ex.

extrema unctio a Christo instituta & per S. Jacobum promulgata est, collatis sponte sua profuit.

2) Idem enim Concilium cap. 3. *ibid.* dicit: *superata una infirmitate extremam unctionem in alia iterari posse.* Quod sane, si characterem impingeret, fieri non deberet. Conf. §. *præced. l. n. II. not. k*)

a) Passim complementum penitentiae Sacramentum istud vocatur. Cum igitur per penitentiam amissa justitia reparatur; (*præced. n. IV. i. not. n*) sequitur: *extrema unctione reparatum augeri.*

b) Concil. Trident. Sess. XIV. cap. 1. *de extr. unct.* item Jacobi verba: *ungentes eum oleo.* Per oleum enim sine addito *oleum olivarum* intelligi notum est Theologis exagat: Ceterum *benedictum* ab Episcopo esse debere oleum istud Concilium Trident. cit. loc. edixit: Tale enim dignitati Sacramenti optime respondet. Conf. Zech cit. loc. §. 272. Schol. 96. Benedictus XIV. de Synod. dioces. lib. VII. cap. 16.

c) Eorum præcipue membrorum, quæ solent peccatis præ cæteris deservire. De variarum hac in re Ecclesiarum ritu vid. Benedictus XIV. cit. loc. cap. 18. In casu *necessitatis* unica capitis *unctio* sufficit. Zech cit. loc. §. 272. Schol. 99.

d) Concil. Trident. cit. loc. Forma hæc extra necessitatis casum in singulis unctionibus repetitur: focus vero, cum caput solum inungitur. (*not. præced.*) tunc enim semel tantum, ac generico adhibito vocabulo, omnia membra alias inungi solita experiente ita protextur: *Per istam sanctam unctionem, & suam piissimam misericordiam indulgeat tibi Dominus quidquid per sensus deliquisti. &c.*

o) Concil.

e) Concil. Trident. Sess. XIV. de extr. unct. cap. 1. & can. 4. Conf. porro §. *preced. II. n. I. 2. not. i*) cum epistolæ Jacobi verbis: *inducat Presbyteros.* Verbis his nititur, teste Leone Allatio *de consensu Eccles. orient. & occident. lib. III. cap. 16.* disciplina Græcorum septem vel saltem tres Sacerdotes in collatione extremæ unctionis adhibentium. Latinis unum sufficere notum est. At non promiscue quemvis, ut licite ministraretur Sacramentum, admittunt; sed ordinarie Parochum; vel alium Presbyterum ab illo specialiter delegatum; ac non nisi in casu necessitatis, ubi absentis Parochi consensus præsumitur, alium Sacerdotem Ministrum esse volunt. Conf. Clement. 1. de privi. g.

f) Aegrotis Sacramentum hoc conferendum esse, ex ejusdem S. Jacobi verbis: *infirmatur quis in vobis?* Latini statuunt. Diversum denuo hac in re morem servant Græci unctionem cuilibet fidei poenitenti sive sano sive infirmo ministrantes. Quæ ratione autem eos excusent quidam: vid. apud Zech cit. loc. §. 275. Schol. 6. Conf. etiam Benedictus XIV. de Synod. dioc. lib. VIII. cap. 5.

g) *Preced. §. I. n. II. not. i*) & *preced. not. a*) Plura de Subiecto extremæ unctionis leg. apud eundem Benedictum XIV. cit. loc.

VI. Per Ordinem in genere manuum impositionem, aut alium quempiam ritum externum ab Episcopo factum intelligimus, quo sub certa verborum forma confertur potestas ad ministeria ecclesiastica, præcipue circa Eucharistiam sive conficiendam sive dispensandam obeunda.

- a) *Plures dantur Ordines; h) non omnes tamen a Christo instituti. i)*
- b) *Diaconatus, Presbyteratus, Episcopatus sunt verum novæ legis Sacramentum, k) quod characterem imprimit.*
- c) *cujus materia in genere manuum Episcopi impositione, & traditione instrumentorum, functionibus cujusvis Ordinis respondentium: l)*
- d) *forma vero verbis in manuum impositione, & instrumentorum traditione prolatis absolvitur: m)*
- e) *Minister autem solus Episcopus est. n)*
- h) *Sicut Clerici ordinati. cap. I. § I. n. I. not. y) ita quoque ipsi Ordines in majores, & minores dividuntur. Singularum diversus est scopus, & ad eum consequendum potestas, ind. & diversa in specie definitio, quæ tamen facile ad genericam Ordinis notionem reduci potest.*
- i) *Ordines minores, & Subdiaconatum humanæ esse institutionis in Proleg. cap. I. § II. n. IV. 2) diximus. Conf. etiam Concil. Trident. Sess. XXIII. can. 6. Hi igitur Sacramentis adnumerari nequeunt. §. præced. I n. I. not. f) Quare nec de his intelligenda sunt ea, quæ de Sacramento Ordinis mox dicentur.*
- k) *Habent enim omnia veri Sacramenti essentialia constitutiva cit. mox loco enumerata. Conf. Concil. Trident. cit. Sess. cap. 4. 82. can. 3. item Widmann theol. dogm. tom. VII. § 150. 151.*
- l) *Talis enim cujusvis Sacramenti materia, quæ Christus esse voluit. (præced. n. I. not. i) At voluisse Christum manuum impositionem vel inde patet, quod Apostoli ordinando Diaconos (Act.*
VI

VI. 13) Presbyteros, & Episcopos (I. Timoth. IV. II. Timoth. I.) eandem semper adhibuerint. Quod sane haud fecissent, nisi eam a Christo praescriptam esse novissent. Adde Concil. Florent. Decretum pro Armenis, quod ita habet: *Sextum Sacramentum est Ordinis, cuius Materia est illud, per cuius traditionem confertur Ordo, sicut Presbyteratus traditur per Calicis cum vino, & Patenae cum pane porrectionem.*

- m) Per *formam* enim verba intelliguntur, quae invivibilem Sacramenti effectum exprimunt. §. *preced. I. n. III. not. I.*) At id praestant verba a Ministro Ordinis, dum aut manus imponit, aut instrumenta tradit, prolata. Conf. *Pontificale Roman.* quod singulorum Ordinum formam exacte describit.
- n) *Aet. XIV. 22. II. Timoth. I. 6. Concil. Trident. Sess. XXIII. can. 7.* Conf. vero dicta *preced. cap. I. §. I. n. VI. 1.* item *Zech. de hierarch. eccles. Tir. VI. §. 73. seq.* De *subiecto* huius Sacramenti, ac diversis ordinationis *adjunctis* abunde *preced. cap. I. §. I.* integro actum est.

§. III.

DE MATRIMONIO, EJUSQUE IMPEDIMENTIS IN GENERE.

I Matrimonium *in genere* est legitima maris & feminae conjunctio procreandae, & educandae sobolis causa inita. Haber

- a) *rationem contractus*, o)
 b) & *Sacramenti* novae legis, *gratiam* augentis, quod tamen *characterem* non imprimit. p)
 c) Qua-

c) Quare tum ob diversam hanc indolem, tum ob varium, quod pro fine habet, bonum *variis subflare legibus* debet. q)

o) Frustra sunt, qui ineundi matrimonii obligationem ad singulos homines pertinere contendunt. *præced. cap. I. §. II. n. II. lit. a. not. m)* Quare a voluntate singulorum & promissio & acceptatio ejusdem dependet; seu quod idem est, naturam contractus imitatur. Negat istud quidem Huber. *in prælect. ad instit. nupt. n. 2* ex ratione: quod contractus circa res. quæ in commercio sunt, versari soleant. Sed enim non videtur animadvertisse Vir præclarus pacta non tantum formula: *do, ut des*; verum etiam: *facio, ut facias* exprimi, proin etiam de factis honestis, & licitis iniri posse

p) *Sacramentum hoc magnum est*, inquit Apostolus ad Ephes. V. 32. Ego autem dico in Christo & in Ecclesia. Doctrinam hanc Pauli post Eugenium IV. in Decreto pro Armenis perspicue exposuit Synodus Tridentina (Sess. XXIV.) in doctrina, & can. 1. de Sacram. matrim. ac invictis argumentis contra P. testantes propugnarunt Theologi, in assignanda solummodo ut advertit Melchior Canus *de loc. theol. lib. VIII. cap. 5.* materia, forma, Ministro matrimonii eapropter paullo a se invicem recedentes: quod contractum a Sacramento non accurate satis discernere, & essentialia constitutiva illius, huic non raro adtribuerent. Ego quidem, si probabiliora sequi fas est, ipsum contractum matrimoniale naturaliter, & civiliter validum materiam constituere arbitror. Formam in his aut similibus secundum cujusque ecclesie consuetudinem reponendam censeo: ego vos in matrimonium conjungo in nomine Patris & Filii &c: Ministrum vero Sacerdotem verba hæc proferentem

tem esse putor. Qua in re consentientem, mihi habeo Ignatium Martyrem *epist. ad Polycarpum* ex recensione Corelerii n. 5. *Tertullianum lib. II. ad uxor. Ambrosium epist. ad Vigilium* n. 7. Concilium *Carthaginense IV. can. 13.* ipsum etiam Concilium *Trident. Sess. XXIV. cap. 1. de reform. matrim.* jubens: ut Parochus intellecto mutuo viri & mulieris consensu dicat: ego vos in matrimonium conjungo. Quæ formula hand verificaretur, si contrahentes ipsi per mutuum consensum sibi hoc Sacramentum ministrarent. Conf. *Melchior Canus cit. loc. Bertieri theol. dogmat. in systema redact. §. 346 Pehem in lit. J. E. P. II. §. 447 seq.* imprimis vero *Benedictus XIV. de synod. dioces. lib. VIII. cap. 12. 13.*

- 4) Nempe ut Sacramentum subjeitur auctoritati Ecclesie. *P. I. cap. II. §. I. n. III.* ut *Contræsus* determinationes suas ex jure nature, & posito divino & humano obtinet; ac in specie quidem, quatenus in bonum naturæ ordinatur, mutuumque amorem ac generis humani propagationem promovet, ex lege divina naturali & positiva: quatenus bono civitatis novos illi ac bonos suppeditando cives, consulit, ex lege civili. in quantum vero bonum Ecclesie auget, super naturali conjuges ornando gratia, ac illam prele pie & sancte educata dirando, ex lege quoque ecclesiastica determinandum est. Justam itaque reprehensionem ferunt, qui de matrimonii sive licentia sive valore ex una tantum lege naturali statuunt, & absurdissima ecclesiastica admittunt. Hanc negligendam omnino non esse, persuasum nobis est. At divinam etiam positivam, & humanam tum ecclesiasticam tum civilem adtendi debere, certum est; cuius ex qualibet earum ut ait *S. Thomas lib. IV. sent.*

sent. Dist. XXIV. art. I. ad 4. persona ad matrimonium illegitima effici potest.

II. Divisio Matrimonii varia est, aliud enim dicitur

- a) *legitimum: ratum: consummatum; r)*
- b) aliud *civile* seu *solenne*: & *canonicum* seu non *solenne. s)*
- c) aliud denique ad *morganaticam: inaequale* seu *disparagium: & conscientiae. t)*

r) *Legitimum* vocant, quod praecise secundum *leges naturales & civiles* contrahitur. Obtinet 1) inter *Judaeos & Infideles*. Neque *Sacramentum* est, neque etiam tale evadit post conversionem ad fidem. Jurisdictioni seculari tantum subijcitur, ac omnibus effectibus civilibus gaudet, iis duntaxat exceptis, qui specialim ei denegati sunt *Boehmer Inst. § E ad rit. de clandest. despons. §. 4* 2) inter *fideles*, si vera est sententia multorum: quod a Contractu Matrimonii separari queat ratio Sacramenti. Vid. *Rigger cit. lib. P IV. §. 30. Ratum*: quod inter *Christianos* secundum *leges ecclesiasticas* initur, adeoque ratihabitionem Ecclesiae habet. Istud proprie *Sacramentum* est. (*Cap. 7. de divor.*) & si corporum conjunctio accessit, *consummatum* audit. *Ratum* etiam nonnunquam, uti *Concil. Trident Sess. XXIV. cap. 1. de reform. matrim.* opponitur *irrito*. Quo sensu rationem Sacramenti necessario non involvit.

s) In illo *solemnitates jure civili* requisitae: in isto vero ea tantum adhibentur, quae a *SS. Canonibus* exiguntur. *Lech de jur. ver. Sect. II. tit. IX. § 292.*

2) *Matrimonium ad Morganaticam seu Morgengambicam* contractum dicitur: quando vi pacti adjecti liberi, cetera legitimi, contenti esse jubentur portione ad sustentationem suam necessaria, nec conditionis aut dignitatis paternæ participes fiunt, maternæ tamen familiæ jura non amittunt. Plura hujusce Matrimonii exempla in Germania recentet Pfeffinger in *Vitriar. illustr. Tom. III. tit. 16. in not. d) ad § 100, Tom III p. 1306. seqq.* ubi etiam talia matrimonia omni jure licita & valida esse defendit. Add. Grotius de *J. R. & P. Lib. II cap. 7. §. 8.* Conf. Rigger cit. loc. § 34. seq. *Inæquale seu disparagium* est, quod sine tali pacto inter virum illustrem ac foeminam ignobilem contrahitur. De hoc Germaniæ legibus cautum est (*Capitulat. Cas. Art. XXII. §. 4*) ne uxores dignitatem maritalem participant, aut liberi in paterna bona succedant. Matrimonium *conscientiæ* id vocamus, quod coram Paracho quidem, aut alio Sacerdote, & duobus testibus familiarissimis, sed occulte omnino celebratur. A Benedicto XIV. salutaribus conditionibus restrictum est *Constit. Satis vobis §. 1. seq. de an. 1741.* Vid. Rigger cit. loc. §. 73. seq.

III. Ea, quæ obstant, quo minus Matrimonium contrahi possit, aut etiam contractum valeat impedimenta dicuntur; suntque

- a) *impedientia*, si contractum illicitum solum,
- b) *dirimentia*, si illum & invalidum reddant.
- c) *naturalia & positiva* divina ac humana. u)
- u) Schenk. §. 63. Conf. *n. præced. I. lit. c. not. q)*

IV. Jus statuendi impedimenta, siue *impedientia*, siue *dirimentia*, ob graves salutis

tis publicæ civilis rationes competit Principi politico; v)

a) *Contractus* enim quilibet ob bonum publicum Imperio civili *naturaliter* subjecti sunt, cui Christum derogasse non constat, cum matrimoniali pacto Sacramenti virtutem adtribuit. x)

b) porro *effectus boni*, aut *mali*, qui ex conjugis bene aut male ordinatis in Rempublicam redundare solent, hoc jus Principi confirmant; y)

c) quod & a piissimis Imperatoribus ac Principibus exercitum fuisse Theodosii, Justiniani &c. leges, & Regum Francorum Capitularia testantur; z)

d) neque hæc Cæsarum statuta improbavit unquam Ecclesia, sed adoptavit etiam, quod vel ex solo Canons 5. Concilii *Lateran 1.* clarescit. a)

v) Celeberrima est disputatio, cui potestati, an *sacra*, an *politica*, an *utrique* competat jus impedimenta matrimonii, dirimentia inprimis, statuendi? Decretalistarum plerique eam Principis potestatem esse negant. Alii media incedentes via, principiis supra n. 1. lit. c. not q) consone argumentantur, ac utrique potestati jus illud tribuunt. Petr. Collet *Tom. XV. Art. VIII. §. 2.* Theod. Ruprecht *Not. hist. ad Tit. de sponsal. n. 79. seq.* Rigger cit. loc. §. 80. seq. Sunt vero demum alii, qui, ne parum nimis Principibus tribuisse videantur, Ecclesiam adeo hoc jure exuunt, ut eidem quoad *dirimentia de legatam* tantum a Principibus: quoad *impedientia* vero sola *propriam* potestatem relinquunt. Hic

adnumeramus Franc. Ernest. Valentin.
Abhandlung über das Recht der Kirche tren-
nende Ehehindernisse zu setzen. Wien 1790.

x) Imo elevatum ad dignitatem Sacramenti Matrimonium rationem Contractus retinuit. *preced. n. I. & not. p.)*

y) Ut recte animadvertit Petr. Soto *Señ IV. de matrim.* scribens: *Nec debent Prælati Ecclesia gravate suscipere, si, quod temporali paci videatur necessarium Principes seculares statuunt: nec est, cur se illis opponant: sed permittant potius matrimonium legibus humanis ordinandum, cum officium humanum sit.*

z) Vid. *lib. XXIII. Digest. Tit. 2.* Plura impedimentorum a Principibus statutorum exempla referet Rigger *cit. loc. §. 83. Schol.*

a) Conf. Zech *cit. loc. §. 299. seq.* Ceterum a pluribus jam seculis, si quasdam recentioris ævi constitutiones excipias, Principes potestatem impedimenta statuendi dirimentia uni Ecclesie reliquerunt.

V. Sed & eadem *potestas propria Matrimonia* ob salutem fidelium spiritualem, si in periculum adduceretur, *impediendi*, seu prohibendi et, si per hoc sufficiens medela non feratur, etiam *irritandi*, non in ratione Sacramenti tantum, verum & ipsius Contractus Ecclesie vindicanda est.

a) Enim vero *jure suo* proprio utitur Ecclesia, cum saluti animarum graviter noxia fieri prohibet, ac Principes quoque christianos, seu sibi eatenus subditos, mediis spiritua-

libus,

libus, ne talia statuant, aut tolerant, urget, ac obligat: *b)*

b) Sed poterunt sane eae adesse circumstantiae, ut negato solum Sacramento, seu impedimento mere prohibente posito, malis spiritualibus reipsa haud caveretur, cum forent, qui neglecta Sacramenti gratia, caecaque liliidine ducti legem conremnerent, si vinculi tamen valor, effectusque civiles ejusmodi connubiis concederentur.

c) igitur, exigente id reipsa animarum salute, legem ferre poterit Ecclesia, qua Principes etiam, quamdiu ejusdem membra esse velint, stringentur, ne *civiliter validum*, tale conjugium habeant, aut illi effectus ceteros indulgeant, seu, quod in idem recidit, potestatem habebit impedimenta dirimentia statuendi: *c)*

d) unde ratione hac ex ipso Regiminis ecclesiastici conceptu firmata, necesse jam non erit ad statuta jam olim ab Ecclesia hujusmodi impedimenta irritantia provocare, quorum *pleraque* Viri doctissimi jam prius vel lege civili, vel jure divino constituta, & ab Ecclesia approbata solum, vel declarata fuisse ostendunt; *d)*

e) multo minus Concilii *Tridentini Canonem 3. Sess. XXIV.* ad eum sensum detorquere oportebit, quo quidam *Ecclesiae* nomine *Principes* intelligi, aut cum jus proprium in Canone non legatur, illud delegatum tantum a Principibus, & Ecclesiae precario concessum esse voluerunt. *e)*

- b) *P. I. cap. II. §. I. n. VI. lit. a)* & *ibid. §. II. n. IV. lit. a. not. k)*
- c) *Si quis dixerit Ecclesiam non potuisse constituere impedimenta Matrimonii dirimentia, vel in iis constituendis errasse, anathema sit. Trident. Sess. XXIV. can. 4 de Sacram. matrim.*
- d) Quod autem *neceſſe* non est, cave, ne etiam inutile fore dixeris. Quamvis enim lubentes fateamur, pleraque impedimenta dirimentia prius ab alia lege fuisse proposita, quæ tandem ab ecclesiastica aut probata, aut declarata fuerunt: ut tamen id de omnibus dicamus, permoveri haud poterimus; quod Viri æque docti ostendant, plura ab Ecclesia primum fuisse introducta, quæ tandem legibus Principum ut Ecclesiæ Advocatorum confirmata solum fuerunt. Quare inutile penitus haud erit ex huiusmodi Ecclesiæ factis jus eidem competens statuendi impedimenta dirimentia demonstrare, ut illud demonstravit Rigger ^{cit. loc. §. 80.}
- e) Qui per Ecclesiam Principes intelligendos esse volunt, exhibeant, quæso, prius quempiam textum, quo vox illa significatu hoc unquam sumpta fuit; tum demum demonstrent a Concilio Tridentino, quod ab impropriis vocibus cautissime abstinuit, significatum hunc Ecclesiæ contra omnem consuetudinem tributum fuisse.

VI. Impedimenta, exceptis illis, quæ *jure naturali*, aut *divino positivo* statuta sunt, & ab Ecclesia declarari tantum, non proprie relaxari possunt, ab ea, a qua profecta sunt, potestate ex causis gravibus *abrogatione* vel *dispensatione* tolluntur. f) Nunc vero Jus dispensandi,

a) in

- a) in impedimentis *dirimentibus* Summo Pontifici per consuetudinem reservatum est, g) ac ipsa *dispensatio*
- b) in *occultis* quidem impedimentis a *Pœnitentiaria*, pro foro duntaxat *interno*, in *publicis* autem a *Dataria* & pro foro præcipue *externo* conceditur: h)
- c) si tamen *Matrimonium publice*, bona saltem *fide* unius contractum, ac impedimentum *occultum* sit, & conjuges sine scandalo separari nequeant, nec Pontifex facile adiri possit —
- d) imo & ante *Matrimonium*, si periculum sit in mora, dispensandi facultas *Episcopo* salva persistit, i)
- e) quæ & per privilegia *quinquennalia*, *Episcopis Germaniæ* concedi solita, ad plura se extendit; k)
- f) in *dubio* autem semper *Jurisdictioni Episcopali* favendum erit: l)
- f) Qui enim legem condit, ille eandem abrogare, aut dispensatione relaxare potest. Cum igitur supra demonstraverimus *preced. n. IV V.* impedimenta *humana* sive impediencia sive dirimentia a potestate tum *civili* tum *ecclesiastica* ortum suum habere, sequitur: 1) eidem jus ea abrogandi, aut relaxandi convenire; 2) ob diverſam rationem jus illud ad impedimenta *naturalia*, aut *divina positiva* non extendi; 3) bene vero ad ea, quæ ex jure divino positivo *veteris testamenti*, *Levit. XIII.* a Christo quoad *forenses & ceremoniales* leges abrogato, a Legislatoribus humanis adsumta denuo sunt, atque hac ratione indolem humani impedimenti induerunt. *Concil. Trident. Sess. XXIV. can. 3. de Sacram. matrim.*

rim. 4) posse jus istud ab illo, cui proprium est, in alium transferri, hocque factum non esse; quod non solum Principes in impedimentis dispensare haud amplius soleant facultate hac Episcopis relicta: verum etiam quod Episcoporum hac in re jurisdictio arctioribus, quam olim erant, limitibus circumscripta sit. Conf. Rigger cit. loc. §. 173 seq.

g) Expressum Canonem, vi cuius Pontifici jus istud reservaretur, non habemus; ex consuetudine igitur, cuius ansam *P. I. §. I. n. V. not. b)* indicavimus, repetendum est. Conf. vero ibid. n. VI.

h) *Modum & solennitates* in dispensationibus impedimentorum petendis, & exequendis servandas vid. apud Pyrrhum Corradum *prax. dispens. apost. lib. VII. & VIII.* Strictius de eadem re egit Schenkl *§. 635*, Conf. porro Joan. de Fridenberg cit. loc. *Lib. I. cap. X. §. 16.*

i) Præterea tradunt passim Doctores, quoad impedimenta *impedientia* tantum generaliter Episcopos dispensare posse, exceptis duobus, sponsalibus scilicet & *vota*: Wiestner ad *tit. de Matrim. contract. contr. interd. eccles. art. IV. n. 55.*

k) Vid. Schenkl. §. 634. & Schol. 2.

l) Quemcunque autem dispensantem monet Synodus Trident. Sess. XXIV. cap. 5. de reform. ut veteri Ecclesiæ summam in dispensando circumspectionem, ac morositatem de qua Rigger §. 177 adhibeat: *In contrahendis matrimoniis vel nulli omnino*, inquit Synodus, *detur dispensatio, cu raro: idque ex causa, & gratis concedatur. In secundo gradu nunquam dispensetur, nisi inter magnos Principes & ob publicam causam.* Add. Sess. XXII. cap. 5. de reform. Causas, ob quas iuste datur dispensatio a Riggero §. 187 re-latas adcuratius exposuit Wiestner cit. loc. art.

art. V. De taxa Cancellaria, & insuper compositione, seu certa quantitate pecuniæ Officialibus Curia exhibenda in Datavia consulantur iidem, prior §. 186. alter art. VIII. n. 149. seq. item Pius V. constit. In omnibus. 83. Bull. Rom. In Penitentiaria nihil omnino occasione dispensationum solvitur.

§. IV.

DE IMPEDIMENTIS MATRIMONII IN SPECIE.

I. Ex magno quondam impedimentorum Matrimonium impredientium numero *m*) hodie adhuc *quatuor* recensentur, scilicet:

Sacratum tempus, vetitum, sponsalia, votum. n)

- a) Sacratum tempus, dum ab *Adventu* Domini usque in diem *Epiphaniæ*, & a die *Cinerum* usque in *octavam Paschatis* nuptiarum *solemnitates* prohibentur: o)
- b) Vetitum, seu interdictio Matrimonii ex justis causis a Superiore ecclesiastico, etiam Parocho, si e. g. impedimentum opponatur, facta: p)
- c) Sponsalia prius cum alio contracta, nec legitime soluta: q)
- d) Votum *simplex continentiaë, religionis ingrediendæ, aut sacros ordines suscipiendi* r)

- m) Quæ ex antiquis impedimentis impediētibz in desuetudinem abierunt, solent his versibus exprimi:

*Incestus, raptus, sponsata mors mulieris,
susceptus propriae sobolis; mors presbyteralis:
vel si pœniteat solemniter, aut monialem
accipiat; prohibent hæc conjugium sociandum.*

- n) Hæc impediunt fieri, permittunt facta teneri.
- o) Concil. Trident. Sess. XXIV. cap. 10. de reform. matrim. Sensem hujus Decreti vid. apud Wiesner loc. cit. Art. II. n. 34.
- p) Cap. 3. de clandest. spons. Si hac prohibitione non obstante contrahatur matrimonium, validum erit. cap. 1. 2. 3. de Matrim. contract. contr. interd. nisi aliud impedimentum intercesserit. cap. 4. de spons. duor. pœnitentia tamen est contrahentibus imponenda. cap. 2. cit.
- q) Fidem enim cuiquam datam violare haud licet: ergo nec Matrimonium inire cum altero quamdiu sponsalia prius cum alio inita subsistunt. Juste igitur jure canonico pœnitentia imponitur bina sponsalia contrahentibus cap. 1. 31. de spons. & jure civili satisfactio personæ læsæ præstenda decernitur. Conf. Cod. Prussl. P. II. Tit. I. §. 133. seq.
- r) Cap. 3. 4. qui cler. vel vovent. Est autem ex mente Bonifacii VIII. cap. un. de vor. & vor. vident. in 6 votum simplex, quod non est solemnizatum per susceptionem sacri ordinis, aut per professionem expressam vel tacitam factam alicui de religionibus per Sedem apostolicam approbatis. Voventem, est absque præjudicio alterius conjugis, semper obligat, nisi ille dispensationem impetraverit.

II. Impedimenta dirimentia ad quatuor classes reducuntur: nimirum

- a) ad defectum *adsensus interni*:
- b) — — — *libertatis externæ*:
- c) — — — *personæ seu habilitatis*:
- d) — — — *solemnitatis. s)*

s) Levandæ memoriæ causa omnia his versiculis concluduntur:

*Error: conditio: votum: cognatio: crimen:
Cultus disparitas: vis: ordo: ligamen: honestas:
Aetas: affinis: si clandestinus & impos:
Si mulier sit rapta, loco nec reddita tuto.
Hæc facienda vetant connubia, facta retractant.*

III. Ob interioris adfensus defectum invalidum reddit Matrimonium

1) error, t) si versetur

- a) circa *personam*; u)
- b) vel circa *qualitatem* in personam redundantem; v)
- c) vel circa eam *qualitatem*, cui ceu conditioni adfensus expresse, aut ex communi hominum æstimatione tacite adfixus fuit. x)

t) Quod de errore dicitur, valet quoque de *dolo ac fraude*.

u) Talis fuit error Jacobi, cui ignorantî Lia supposita fuit. Genes. XXXIX. 23. seq.

v) Exemplum erroris circa ejusmodi qualitatem vid. apud Zech cit. loc. §. 310.

x) Ceterum præsumendum facile non est, quod contrahentes voluerint ab aliqua qualitate *accidentali*

li consensum suum dependere. Van Espen
loc. cit. cap. IV §. 6. Conf. cit. Cod. Pruss.
cit. loc. §. 40. seqq.

2) *conditio,* nempe

- a) *status* proprie *servilis* invito Domino, aut ab altero contrahente libero ignoratus; y)
- b) dein *conditio* pacto conjugali adjecta, quæ *fini & substantiæ* Matrimonii repugnat; z)
- c) aut alia *impossibilis*, cui adensus vere fuit adligatus; a)
- d) conditiones tamen aliæ *turpes* in favorem Matrimonii pro *non adjectis* habentur, *validumque* habetur conjugium, donec consensum defuisse in foro *externo* demonstretur. b)

y) Apud Romanos cum personis servilis conditionis non dicam nuptias, sed ne quidem contubernium esse potuisse, ex notione potestatis dominicæ adparet. Inde illud Plauti in *Prologo Casina*. *Quid istuc est? serviles nuptiæ? servum nocorem ducens, aut poscent sibi?* Hasce leges sequuta est Ecclesia *can. 8. Causs. XXIX. quæst. II.* servorum matrimonia citra voluntatem Dominorum nullo etiam interveniente errore contracta, invalida reputans. Postea, cum pietatis ratio svaderet: ut, sicut in Christo Jesu neque liberi, neque servus a Sacramentis Ecclesiæ removendus est, ita nec inter servos Matrimonia ullatenus prohiberentur *cap. 1. de conjug. serv.* statutum est: ut invitis etiam Dominis contracta a servis matrimonia valeant; solaque conditionis servilis ignorantia faceret nulla. *Cap. 2. & fin. de conjug. serv.* Conf. Zech cit. loc. §. 31. De subditorum obligatione consensum Domini ad ineunda matrimonia expetendi, vid. Cod. cit. Pruss. P. II. tit. VIII. Sect. IV. §. 161. seqq.

z) Cap

2) *Cap. ult. de condit. apposit.*

- a) Qui enim talem conditionem adponunt, procul dubio talem habent cogitationem, ut nihil agi existiment. *L. 131. de O. & A.*
- b) *Cap. 1. & ult. de cond. appos.* Corollaria ex hisce propositionibus deducenda vid. apud Rigger cit. loc. §. 6.

3) *metus*

- a) *gravis*,
- b) a causa libera ad extorquendum in nuptias consensum,
- c) *injuste incussus.* c)
- e) Consensus enim locum non habet, ubi *metus* talis vel coactio intervenit. *cap. 14. 15. 28 de spons. & matrim.* Nec adjectum *jura mentum* dat firmitatem; *cap. 2. de eo, qui duxit*, sequitur enim naturam contractus, cui adjectur *cap. 15 de jurejur.* Porro etsi *metus* libertatem non tolleret, pactum tamen eo extortum ob *injustitiam* humana auctoritate irritatur. Sanas autem nullitatem matrimonii, quando sublato metu consensus sponte sive verbis sive factis exprimitur, ex *cap. 21. 28. de spons. & matrim. & cap. 4. qui matrimonium accus.* passim deducunt. Conf. Zech cit. loc. §. 324.
- 4) raptus, seu *violenta* abductio personæ invitæ contrahendi matrimonii causâ,
- a) quamdiu rapta persona est in potestate raptoris;
- b) loco vero tuto restituta, si consentiat, valebit conjugium. d)

d) Im-

d) Impedimentum hoc jure civili primum constitutum *L. un. Cod. de R. V.* postea a jure canonico acceptatum olim absolute & perpetuo matrimonium dirimebat. *Can. 11. Causs. XXXVI quest. II.* Tandem auctoritate Decretalium valde inminutum, Matrimonium eousque nullum reddebat, quousque rapta in illud non consensisset. *Cap. 6. 7. de rapt. Tridentina Synodus* inter jus antiquum & novum mediam elegit viam. *Seff. XXIV. cap. 6. de reform. matrim.* Ad hujus mentem raptum non esse, si quis aliquam vel aliquem blanditiis & amatoriis incitamentis seducat, ut consentiat, & insciis aut etiam invitis parentibus matrimonii contrahendi causa recedat, proin & matrimonium ejusmodi valere doceant Germani contra Gallos. Num recte? dubitant alii. Vid. Rigger cit. loc. §. 160. Jure provinciali nostro matrimonia sine consensu eorum, quorum interest, inrita, quoad effectus civiles, invalida declarantur §. 984. cit. *P. tit. I Conf. §. 45. seqq.* ac in raptum sive violentum sive subornationis severæ pœnæ statuuntur. cit. loc. tit. *XX. §. 1095. seqq.*

IV. Ob defectum libertatis e) dirimit Matrimonium

- a) votum *solenne* per validam in religione adprobata professionem: f)
- b) ordo *sacer* libere susceptus, aut per liberum exercitium rati habitus: g)
- c) ligamen, seu vinculum conjugii prioris *validi* sive *rati*, sive *consummati*. h)
- e) De *libertate morali* hic loci sermonem esse, sponte sua intelligitur. Hanc non minus ac *physicam* ad contractus valorem requiri in jure nat. demonstratum supponimus. Quare quidquid alterutram

seruatam tollit, recte inter impedimenta matrimonii dirimentia numeratur. Quæ hæcenus retulimus *n. præced. III.* potissimum ob physicæ libertatis defectum talia erant.

- f) *Cap. un. de vot in 6. Concil. Trident. Sess. XXIV. can. 9.* Fundamentum, quo lex ista nititur ex *P. I cap. I. §. X. n. II. lit. a) not. c)* erues; quis vero sensus ejus sit: vid. apud Rigger §. *iii.*
- g) *Concil. Trident. cit. loc. Conf. quæ supra cap. I. §. II. n. II. integr. de cœlibatu Clericorum diximus.*
- h) Impedimentum istud constitutum est 1) si de *polivivia* sermo sit jure naturali. 2) etiam absque hac jure divino positivo. *Math. XIX. 8.* 3) jure ecclesiastico *Concil. Trident. Sess. XXIV. can. 2. & cap. 2. 3. 4. de spons. duor.* 4) demum jure civili *L. 2. Cod. de incest. nupt. Cod. cit. Pruss. P. II. tit. I. §. 948. collat. ad §. 16 ibid.*

V. Ob defectum habilitatis personæ conjugium irritat

- i) impotentia ad exercendum actum conjugalem,
- a) si sit *perpetua, i)*
- b) *antecedens, k)*
- c) et *absoluta* quidem *respectu omnium, l)*
- d) *respectiva* vero cum illa solum persona irritum conjugium reddit, cum qua copula haberi nequit; *m)*
- e) non tamen soli conjugum testimonio creditur, sed *probatio* per medicos & obstetrices, pro sexus diversitate, instituenda est. *n)*

z) Seu

i) Sen immedicabilis. Cap. 3 de frigid.

k) Quæ enim matrimonio contracto supervenit inhabilitas, ne quidem divortio locum facere visa est. *Can. 25. Causs. XXVII. quæst. VII can. 26 ibid. cap. 14. de conver. conjug.* Aliter Gregorio II. vel III. *can. 18. Causs. cit. quæst. VII.* placuit, & jure civili *L. 22. §. 7. de solut. matrim.* constitutum est, cui consonat §. 696. cit. cod. Pruss. cit. loc.

l) Talis enim respectu omnium impossibile reddit contractus matrimonialis objectum, proin & ipso jure naturæ matrimonium nullum. Ex his redditur ratio: 1) cur *Eunuchorum* matrimonia illegitima habeantur *L. 39 de jur. dot. Novel. Leon 98.* & per constitutionem Sixti V de an. 1587. prorsus damnentur. 2) cur *semum* matrimonia, quamvis ut plurimum parum honesta, rejici tamen quasi injusta omnino non debeant: 3) cur sola sterilitas ad dirimendum matrimonium non sufficiat. *can. 27. §. fin. Causs. quæst. cit. Vid. Rigger cit. loc. §. 102.*

m) Quare si penes utramque personam impotentia solummodo respectiva fuerit, utrique ad alias nuptias transcuncti jus esset.

n) *Cap. 4. 6. 7. 14. de probat.* Hac peracta vel deimpotentia satis constat, vel non? Si prius, poterunt instar fratris & sororis simul cohabitare; (*cap. 4. de frigid.*) siquidem ambo consentiunt simul esse (*cap. 4. ibid.*) Quod tamen hodie vix admittetur, præsertim si cum scientia ejusmodi impotentiz contraxerint. Vid. constit. Sixti V. præced. not. l. cit. Si posterius, judicium verum & rectum adhibendum est, (*Can. 1. Causs. XXXIII. quæst. I can. 29. Causs. XXVII. quæst. II. cap. 1. 5. de frigid.*) cujus requisita indicat Rigger cit. loc. §. 108. 109. ubi etiam §. 107. Schol. quæstionis inter Scholasticos agitata meminit.

num nimirum inter impotentes instar fratris & sororis invicem habitantes verum subsistat matrimonium?

2) ætas immatura, seu minor

- a) XIV. annis in masculo,
- b) & XII. in fœmina; o)
- c) nisi fors pubertati proximi sint,
- d) aut *malitia* ætatem suppleat. p)

o) *Cap. 3. de desponsat. impub.* Quia in ejusmodi personis regulariter præsumitur impotentia. Consentit jus provinciale nostrum, eo tamen discrimine. quod in masculo 18; in fœmina 14 annorum ætatem ad validas nuptias postulet. cit. *Cod. cit. loc. §. 289. & 37.*

p) *Cap. 9. de despons. impub.* Cessat enim hoc in eaturatio sufficiens legis. Sed conf. *cap. 14. ibid.*

3) cultus disparitas, dum pars una est, altera non est baptizata;

- a) hoc impedimentum jure veresimilius consuetudinario ob gravia incommoda ex iis matrimoniis oriri solita invecum est:
- b) olim enim valida ejusmodi conjugia fuisse pluribus exemplis constat. q)

q) Quali sunt inter cetera S. Monica cum Patrio, S. Clothildis cum Clodovæo matrimonio junctarum. Conf. I. Cor. VII. 12. & Benedicte XIV. constit. *Singulari nobis §. 9. 10. de an. 1749.* Attamen his non obstantibus certum est conjugia inter ejusmodi personas ob perversionis periculum semper fuisse prohibita, ipsam proin cultus disparitatem ab initio mox inter

inter impedimenta impediencia numerata. Tertullian. lib. II. ad uxor. cap. 2. S. Augustin. de conjug. adul. lib. I. cap. 25. Synod. Eliberitan. can. 15. seq. Postea Imperatores Christianorum cum Judæis conjugia damnare ceperunt. L. 6. cod. de Judæ. Inde factum puto, ut consuetudinario jure impedimentum hoc generaliter ad fidelium cum infidelibus matrimonia extensum (Can. 16. 17. Cass. XXVII. quest. I.) atque recentioribus etiam Principum legibus confirmatum sit; Vid. Cod. cit. Pruss. cit. loc. §. 36.

4) Crimen r)

- a) solius adulterii ex utraque parte formalis, cum promissione futuri matrimonii: s)
- b) solius conjugicidii, si duorum contrahere cupientium consensu, causa ineundi matrimonii, sit procuratum: t)
- c) cædis & adulterii simul, si cædes conjugis ab alterutra adulterantium parte, altera etiam inscia, vel invita patrata sit, aut procurata.

r) Circa impedimentum criminis visum est antiquis nullas valere posse nuptias, quæ inter quoscumque complices aduiteros contraherentur: L. 17. Cod. ad L. Jul. de adul. Navel. 134. cap. 12. id quod & jure canonico sæpe repetitum can. 1. seq. XXXI. quest. I. & a S. Augustino lib. I. de nupt. & concup. cap. 10. expresse traditum fuisse animadvertit Cujacius ad cap. 2. de eo, qui duxit in matrim. Multis hæc disciplina seculis viguit, ut ex can. 40. Concilii Triburiens. an. 895. manifestum est; decernitur enim ibidem: Non licere, nec christiane religioni oportere, ne ullus ea utatur in matrimonio, cum qua prius pollutus est adulterio. Tandem vero placuit Gregoriano

tiano ad duos tantum casus impedimentum istud restringere, si nempe vel adulterio fides futuri matrimonii accessisset, vel insidiæ in vitam conjugis junctæ essent Gratian: *ad Can. 3. Caus. 5. quest. cit.* Hunc sequutus est Alexander III. in *cap. 1. de eo, qui duxit ac tandem Innocentius III. cap. 6. ibid.* definiens: legitimum esse adulteri cum adultera matrimonium post mortem legitimæ uxoris: *nisi alter eorum in mortem defunctæ uxoris fuerit machinatus, vel ea vivente sibi fidem dederint de matrimonio contrahendo.* Idem fere jure nostro provinciali cit. *Cod. cit. loc. §. 25. seqq.* statutum legimus.

5) *Cap. 7. de eo, qui duxit.* Conf. Rigger cit. loc. §. 164

6) *Cap. 6. ibid.* Nec juvat ad infidelis conversionem patratum esse conjugicidium: *cum tale damnum tali lucro Ecclesia compensare non velit.* *Cap. 1. de convers infid.*

5) Cognatio naturalis, seu consanguinitas. u)

a) in quocunque gradu lineæ rectæ, v)

b) in linea vero collaterali usque ad quartum gradum inclusive; x)

c) gradus vero in jure canonico ita computantur, ut in linea recta, quæ genitos & genitores complectitur, tot sint gradus, quot personæ dento stipite, y) in linea vero collaterali æquali tot gradibus duo distent inter se, quot ambo distant a communi stipite: z) in inæquali — quot gradibus distat remotior:

a)

O 2 d) in

d) in exprimendo vero gradu *inæquali*, seu *mixto* a gradu *masculi* semper incipiendum, sine propinquior is, sive remotior fuerit.

u) *Cognationem* distinguunt triplicem: *naturalem, legalem, spirituales*. Prior, de qua sola hic agitur, est connexio personarum ab eodem stipite descendentium carnali conjunctione contracta. In materia matrimoniali parum interest, sive ea ex justis nuptiis, sive ex illegitimo coitu, sive ex contubernio servili orta sit. *L. 8. 14. §. 2. L. 54. de R. N.* Ex gradibus & lineis adjudicatur, de quibus vid. Rigger cit. loc. §. 115. *Schol.*

v) Sive *ascendentis* sive *descendentis*; utrinque enim eadem ratio obtinet, nempe: quod inter personas in hac linea æqualitas illa naturalis haud datur, quam implendorum officiorum conjugali-um ratio in conjugibus postulat. Adde, quod plures adfirmant, per ejusmodi conjugia generationi prolium non satis consuli. Naturalem hanc regulam jus civile romanum §. 1. *inst. de nupt. L. 53 eod.* provinciale nostrum cit. loc. §. 3. probavit, & Ecclesia nunquam non sancte custodivit. Vid. Nicolai I. *respons. ad consult. Bulgar. cap. 39.*

æ) Impedimentum cognationis in linea *collaterali* non posse ex jure *naturali* derivari, ostendunt passim ex eo: quod nec æqualitati conjugum, nec generationi prolis hæc cognatio adversetur, ut ex ipsa historia primæ generis humani per Adami posteros factæ propagationis abunde clarum est. *Divina positiva legi Levit. XVIII. 6. 7. 10. II. & XX 17 12. 13. Deuter. XXVII. 22.* originem suam debet; e qua ad Ecclesiam christianam in *propagationem charitatis*, ut loquitur S. Augustinus *lib. XV. cap. 16. de civ. Dei* apud Gratian. *can. 1. Caus. XXXV. quæst. I.* transit, frequentibus postea Principum legi-

legibus confirmatum. §. 2. 4. 5. *Inst. de nupt*
Cod. cit. Pruss' cit. loc. §. 4. Non ad eundem
tamen omni aetate gradum extendebatur. (Vid'
Rigger cit. loc. §. 126. seq.) ideo: quod vel
non eadem semper fuerit stipitis notio (idem
§. 119.) vel non eadem graduum ecclesiasticorum
ad civiles computatio (idem §. 127. 129. 130.)
vel demum non eadem legis mosaicae Levit.
XVIII. 6. interpretatio. Innocentius III. tan-
dem, cum cognovisset: quod in *ulterioribus gradi-*
bus (nempe a Seculo XI extendebatur impedimen-
tum cognationis usque ad gradum *decimum*
quartum. cap. 1. de consang.) iam non possit absque
gravi dispendio huiusmodi prohibitio tolerari,
constituit in Concilio Lateran. ut prohibitio co-
pulae conjugalium *quartum consanguinitatis gradum*
de cetero non excedat. Cap. 8. de consang. Atque
hoc jure juxta computationem *canonicam* in li-
nea *aquali* hodie utimur. De *inaequali* statuit
Gregorius IX. posse virum, qui a stipite *quar-*
to gradu, & mulierem, quae ex alio latere distat
quinto, licite matrimonialiter copulari, cap. fin.
eod.

1) Seu, ut alii loquuntur: *tot sunt gradus, quod ge-*
nerationes. Vi hujus regulae Pater & filia uno,
avus & neptis *duobus*, proavia & pronepos *tribus*
gradibus distant. Eadem vero etiam est com-
putatio in *jure civili*.

2) Jus civile in linea *collaterali* computat gradus se-
cundum regulam lineae rectae. Hinc frater a so-
rore distat jure *civili secundo*, jure canonico *pri-*
mo gradu: consobrinus jure *civili quarto*, jure
canonico secundo gradu.

3) Illic denique, ut supra in linea recta & collaterali
aquali eadem obtinet juris *civilis* regula: *quot*
sunt personae stipitis dempto, tot sunt gradus. Vid.

declarat. arbor. consanguinis. Causs. XXXV. quæst. V.

6) Cognatio spiritalis ex baptismi & confirmationis collatione & susceptione b)

a) inter susceptores in utroque Sacramento, & susceptum, susceptique parentes:

b) inter ministrum, & susipientem, hujusque patrem, & matrem. c)

b) De origine, ac successiva hujus impedimenti extensione vid. Rigger cit. loc. §. 134. seqq

c) Concil. Trident. Sess. XXIV. cap. 2. de reform. matrim. add. Pii V. Constit. Cum illius. de an. 1566.

7) Cognatio legalis ex adoptione perfecta, cum quis extraneus in filium cum omnibus plane juribus recipitur, d)

a) inter adoptantem, adoptatum, hujusque descendentes:

b) inter uxorem adoptantis, & adoptatum, & vicissim:

c) inter adoptatum, & liberos adoptantis, quamdiu in eadem patria potestate constituti sunt. e)

d) Can. 1. §. 6 Causs. XXX. quæst. III. Benedictus XIV. de Synod. dioces. lib. IX. cap. 10

e) L. 17. L. 55. de R. N. §. 1. & 2. inst. de nupt. L. 17. eod.

8) Ad.

g) Adfinitas seu propinquitas personarum ex commercio carnis f)

a) si ex copula *illicita* oriatur, usque ad *secundum*, g)

b) si ex *licita* usque ad *quartum* gradum *inclusive*, h)

c) inter *virum* & *consanguineos* *fæminæ* ab eo *cognitæ*, vel *vicissim*; i)

d) in quo autem gradu quis *consanguineus* est *viro* seu copulam habenti, in eo & *adfinis* *cognitæ* censetur & vice versa. h)

f) Duplicem adfinitatem distinguit Rigger *cit. loc. 138 seqq.* 1) *antecedentem legitimam* & *illegitimam*; 2) *consequentem* *spontalia* aut *matrimonium*. De prioribus hic potissimum sermo est.

g) Concilium *Trident. Sess. XXIV. cap. 4. de reform. matrim.* Pius V. in *constit. Ad Romanum* de an, 1568.

b) *Cap. 8. de consangu.* cap. 1. *ibid.*

i) Itaque uxor mortuo suo marito non potest nubere ulli ex iis, qui ad dictum usque gradum fuerunt consanguinei suo defuncto marito. Vicissim maritus nullam ducere potest fæminam in uno ex his gradibus priori uxori suæ consanguineam. Econtra fieri potest 1) ut *duo fratres* ducant ex alia familia *duas sorores*; 2) ut *duo compriugini*, tametsi communem fratrem sororemve habeant, matrimonio jungantur, 3) ut *viduus*, qui mariti defuncti sororem in matrimonio habuerat, viduam relictam hujus mariti sibi jungat.

k) Modum adfinitatis gradus computandi uberius explicatum apud plerosque Juris interpretes le-

gimus. Vid. interea *Declaratio arb. adfinitatis*
Causa XXXV. quest. V. adjecta. De adfinitate
 vero *consequente* sponsalia aut matrimonium con-
 sulatur Rigger *cit. loc. 147. seq*

9) publica honestas, quæ oritur

- a) vel ex *sponsalibus validis & puris* cum alia
 persona jam contractis — & usque ad gra-
 dum *primum* — l)
- b) vel ex *matrimonio rato*, sed nondum *con-*
summato. licet *invalidè* contracto, modo non
 fuerit invalidum defectu consensus — &
 usque ad gradum *quartum inclusive* matrimo-
 nium inter *sponsum & consanguineas spon-*
sæ & vicissim invalidum reddit. m)

h) Concil. Trident. Sess. XXIV. cap. 3. *de reform.*

m) Pius V. in constit. *Ad Romanum.* an. 1568.
 Quo ex jure impedimentum istud originem su-
 am trahat; aut quousque olim patuerit, vid.
 apud Rigger *cit. loc. §. 150, 151.*

VI. Denique ob defectum solemnitatis
 valori conjugii per legem *Tridentini* n) obstat
 clandestinitas

- a) ut adeo ad valorem contractus matrimo-
 nii præsentia Parochi *propriæ*, aut ejus *dele-*
gati, & *duorum testium* requiratur; p)
- b) sufficit vero sponsi vel sponsæ Parochus
domicilii, vel *quasi-domicilii*; q)
- c) etsi vero lex ista in iis tantum locis, ubi
 Tridentinum promulgatum est, vim obli-
 gandi habeat, *invalidè* tamen contrahent,
 qui

qui in fraudem legis in ea se loca ad nuptias clandestine celebrandas conferent, ubi Concilium hocce receptum non est. r)

n) Sess. XXIV. cap. 1 de reform.

o) Matrimonia remotis omnibus arbitris privata singulorum voluntate contracta sancta Dei Ecclesia ex causis justissimis semper detestata est, iteratisque decretis etiam sub gravissimis poenis prohibuit *can. 1. seq. Causs XXX. quest. V. cap. 3. h. 2.* Attamen si a contrahentibus postea publicata fuerint, comprobata sunt, tanquam a principio in Ecclesiae conspectu contracta. *Cap. 2. h. 2 arg. cap. 15. 30. de spons.* Postquam autem prohibitiones istae propter hominum inobedientiam jam non prodesse videbantur, Synodus Tridentina efficacius aliquod medium adhibendum esse censuit, statuitque: ut clandestinitatis impedimentum hactenus impediens, esset imposterum dirimens, *cit. Sess. cit loc.*

p) De variis postulatis circa praesentiam Parochi in matrimonii celebratione vid. Benedictus XIV. *de synod. dioces. lib. 13. cap. 23.* De eo, qui proprius Parochus dici debeat, plura adnotat Joan. de Friedenberg *cit loc. §. 15. Conf. vero cit. cod. Pruss. P. II. Tit. XI. Sect. VI.*

q) Id est: ad valorem matrimonii. Ex praxi enim diocesana, & lege etiam regia *cit. loc. §. 435.* copulatio a Parocho sponsae, paucis ibid. exceptis casibus, fieri debet.

r) Benedictus XIV. constit. *Cum venerabilis.* de an. 1758. Add. cit. cod. Pruss. *tit. I. §. 170.* quo matrimonia in fraudem legis provincialis in aliena provincia inita nulla, & multa pecuniariae Fisco pendenda abnoxia declarantur.

§. V.

SPONSALIA, ALIAQUE MATRIMONIO
PRAEVIA.

I. Sponsalia a *Spondendo* sic dicta, & usu antiquissimo apud plerasque gentes Matrimonio praemitti solita, s) sunt in sensu proprio t) mutua futurarum puptiarum promissio, u) ac

1) iniri possunt

- a) ab omnibus, qui *usu rationis* praediti & *septennio* maiores sunt, v)
- b) modo nullo alias impedimento *dirimento* vel *impediente* ligentur, ita quidem, x)
- c) ut contracta *ante adeptam pubertatem* non mutuo quidem consensu dissolvi possint, y)
- d) ea vero *obtentia* ab iisdem etiam *juratis* *resiliendi libera facultas* concessa sit. z)

s) Jam apud Germanos veteres id moris erat, ut sponsalia matrimoniis praemitterent. Vid. Ayer, *de jur. connub. apud. vet. germ. Sect. I. §. 2.*

x) Improperie *matrimonium* ipsum nondum consummatum *Sponsalium* nomine venit; at tum additur expresse particula *de praesenti*.

u) Ita ea quoque definivit Nicolaus I. in *can. 3. Causs. XXX. quest. V.* Quare si una pars quidem acceptet, nec tamen repromittat, simplex ejusmodi & unilateralis promissio sponsaliorum nomen atque efficaciam non habebit. Sanchez *de matrim. lib. I. disp. V.*

v) Furio

7) *Furiosis, mente captis*, aliisque rationis usu destitutis expresse negatur facultas spondendi *cap. 24. de spons.* ergo eo ipso rationis usu præditis tacite conceditur. *Infantes* id est, *septennio minores*, rationis usu præditi esse non præsumuntur, *L. 14. b. t. cap. 4. de despons. impub.* ergo nec desponsationes facere possunt. *cap. 5. ibid.* poterunt e contra, si *septennio majores* fuerint. At quid, si rationis usus septennium præveniat? Nec hoc casu sponsalia a minore septennio inita valere existimat Rigger cit. loc. §. 5. *Schol.*

8) Ubi enim alterutrum adfuerit, deerit libertas vel physica vel moralis ad promittendum matrimonium staute impedimento ejusmodi aliunde vel physice vel moraliter impossibile. Conf. *L. 10. de his, qui not. inf. L. 16. b. t.* item cit. cod. Pruss. *P. II. tit. I. Sect. II. §. 76. 77.*

9) *Cap. 8. de despons. impub.*

1) *Cap. 7. §. 8. de despons. impub.* Nec obstat. *cap. 1. eod.* ubi hæc sponsalia adimplenda esse præcipitur; etenim id eo solum casu intelligendum, si sponsa in domum sponsi tracta puber factus cohabitare pergat, aut alio modo sponsalia prius claudicantia confirmet.

2) Consensus ad illa requiritur

a) *certus* inter personas certas, & determinatas; a)

b) *verus*, ubi tamen norandum, consensum in foro externo verum præsumi, donec fictio comprobetur: b)

c) *liber*, seu a metu gravi & injusto, a dolo vel errore immunis: c)

d) *sufficientibus indiciis manifestatus*: d)

e) *verè reciprocus*. e)

a) Cu.

- a) Cujusvis enim pacti obiectum *determinatum* esse debet. Vid. *Jus nat. de pact.*
- b) Ne facile sit spondenti prætectu ficti consensus fidem sponsalitiâ violare; & quia *nemo existimatur dixisse, quod non mente agitaverit.* L. 7. §. 2. de supell. leg.
- c) Quod *metum* actinet, adeo, si *gravis & injustus* fuerit, ob stare sponsalibus perhibetur, ut *sea* in favorem metum passi ipso jure nulla & invalida sint, tametsi aut a tertio incussus fuerit, aut juramentum eis accesserit. *Cap. II. de despons. impub.* Varias hujus dispositionis causas adsignat Rigger cit. loc. §. II. Ut error aut *dolus* sponsalia irritet, necesse est secundum canones, ut ille circa personam ipsam versatus fuerit *can. 4. XXIX. quest. II.* hic vero causam contractui dederit. Ex jure nostro provinciali *error*, etiam solummodo circa *bona*, tribuit jus recedendi, dum talis est, ut, qui spondent, non haberent in conjugio necessaria ad vitam. *Dolo* circa eadem deceptus nec hac quidem clausula a resiliendo impeditur. *Cod. cit. loc. cit. §. 105. 106.*
- d) Nisi enim consensus manifestetur, recte dubitatur, an certus, verus, liber sit. Disputant vero de *formulis* consensum sufficienter manifestantibus Vid. Rigger cit. loc. §. 9. & Schol.
- e) Vid. *præced. not. u)*
- 3) Modus sponsalia contrahendi varius; nam
- a) modo ab *ipsis sponsis*,
 b) modo per *procuratores*, f)
 c) aut per *parentes* pro liberis præsentibus nec contradicentibus, g)
 d) item

d) item vel *pure*, vel cum adjecta *conditione*, *honestata* tamen & *possibili*, *valide* ineuntur;

e) ut nec *solennitate* quapiam de *jure communi* opus sit. h)

f) *Cap. fin. de procurat. in 6. Cap. un. Clement. de re-nunt.* At tunc procurator 1) speciale mandatum, nec 2) ante inita sponsalia revocatum habere, nec demum 3) negotium alteri gerendum committere debet, nisi ejus quoque rei facta ei potestas sit. Per *litteras* inita sponsalia valere, modo is, qui eas dedit, voluntatem suam ante alterius partis acceptationem non retractaverit, docet Grotius de *J. B. & P. lib. II. cap. XI. §. 15. 16.* Quid vero, si principalis, cum sponsalia aut matrimonium per procuratorem contrahuntur, in amentiam incidat? Et sponsalia & matrimonium nulla esse adfirmat Rigger cit. loc. §. 8. Schol.

g) Imo etiam pro absentibus vel septennio minoribus, dummodo postea eorum ratihabitio vel expressa vel tacita accedat. *Can. un. Caus. XXX. quest. II. cap. 1. de dispons. impub. Alias ex sponsalibus contractis a parentibus pro filiis nec ipsi filii obligantur, nec publicæ honestatis justitia inde surgit. Cap. un. §. 2. de despons. impub. in 6.*

h) Habent id sponsalia cum aliis contractibus commune. Sunt vero *conditiones* duplicis generis: quædam ex ipsa *natura rei*, vel ex *dispositione juris* subintelliguntur, atque adeo in omnibus sponsalibus adsunt, veluti: *rebus sic stantibus: si uterque sponsorum ad matrimonium aptus: nisi religionem ingressus fuero, &c: cap. 15. de jure. cap. 7. de convers. conjug.* Aliæ vero voluntate contrahentium expresse adjiciuntur, ipsaque sponsalia proprie conditionata reddunt. Harum exempla vid. cap. 3 §. 6 de *condit. appos.* *Conditio inhonestata* adjecta libertatem moralem consen-

fentiendi contrahentibus non relinquit; ergo ipso jure naturæ contractum nullum reddit. Si plane *impossibilis* fuerit, seriam voluntatem promittendi, & acceptandi aperte excludit. Hæc igitur & possibilis sit oportet. Quis vero tunc ejus effectus? Vid. Rigger cit. loc. §. 13. Cod. cit. Pruss. P. II. tit. I. Sect. II. ubi & formam jure civili nostro in contrahendis sponsalibus servandam, ut jus perfectum postulandi in foro externo promissum matrimonium adquiratur, adcuratius definitam leges.

4) Firmantur Sponsalia

- a) *traditione arrhæ*, seu re in signum contrahentium Sponsalium, & pignus futuri matrimonii data.
- b) quam dein *injuste* resiliens vel amittit, vel *in duplo* restituere debet. i)
- i) Adjici quoque posse ad firmanda Sponsalia penam contra Gonzalez in comment. ad cap. 29. de spons. docet Rigger cit. loc. §. 16. cui consonat Cod. cit. Pruss. cit. loc.

5) Effectus Sponsalium sunt

- a) *gravis obligatio* ad matrimonium cum hac persona *commodo*, vel *condicto* tempore contrahendum: k)
- b) *impedimentum publicæ honestatis*. l)
- k) Can. 27. 51. Causs. XXVII quest. II. cap. 2. 10. 17. de spons. Qui igitur hanc obligationi satis facere renuit, aut tardat, ad eam implendam a Superioribus cogi iustis mediis potest: attamen constanter reluctantes mediis nimis severis, aut violentis adigendi non sunt, si funesti exitus & me-

la, ut solent ex matrimoniis vi extortis subnasci, prævideantur: sed enim reus ad congruam parti lætæ satisfactionem præstandam, & impensas solvendas cogendus erit, nisi iustæ resiliendi causæ adfuerint; de quibus infra.

b) *Conf. S. præced. n. V. 9. Sponsalia conditionata præced. n. 3. not. b)* pendente conditione impedimentum hoc non inducunt.

6) Dissolvuntur Sponsalia

- a) *mutuo, quo coaluerunt, consensu: m)*
- b) *per professionem religiosam, aut susceptionem sacrorum ordinum: n)*
- c) *alio matrimonii impedimento superveniente: o)*
- d) *conditione deficiente, nec remissa: p)*
- e) *per matrimonium cum altera persona contractum; q)* hoc tamen per mortem istius soluto sponsalium priorum valor verisimilius reviviscit. *r)*

m) *L. 35. de R. J. cap. 2. de spons.*

n) *Cap. 1. de cler. conjug. Cap. 7. de conc. conjug. Concil. Trident. Sess. XXIV. can. 4. Idem de ingressu in novitiatum, susceptione minorum ordinum dicendum esse plerique recte contendunt.*

o) *Cap. 8. de eo, qui cogn. iunct. Concil. Trident. Sess. XXIV. de reform. matr. cap. 4* ita tamen, ut ea pars, cui existentia impedimenti potest imputari, dispensationem petere teneatur.

p) *Cap. 5. 6. de condit. appos. Hac vero remissa statim pura oriuntur sponsalia, & desponsatio irrefragabiliter teneatur. can. 7. Caus. XXVII. quest. 41. Cap. 1. de condit. apposit.*

q)

q) *Cap. 31. de spons.*

- r) Dicitur quidem *cap. 22. de spons.* priorem fidem *irritam* factam esse: id vero eousque valere puto: quod scilicet matrimonium cum altera initum ab ea impugnari nequeat, cum qua Sponsalia prius contracta fuere; non vero, quod soluto per mortem matrimonio fidem sibi prius datam postulare non audeat. Nam certum est lædentem ad præstandam, quamprimum poterit, satisfactionem læto obligari: qui, non obstantibus Sponsalibus, matrimonium cum altera contrahit, priorem lædit. At satisfactionem durante matrimonio non præstitit, quia præstare eam haud potuit; ergo soluto matrimonio eam præstare debet, iplaque persona læta jus habet eam postulandi. Cum vero aptissima faci-faciendi personæ lætæ ratio ipsa promissi impletio sit patet, illam jus postulandi matrimonium, priore soluto, habere. Conf. Schenk. l. § 645. Schol.

7) Causæ resiliendi a Sponsalibus sunt

- a) *notabilis mutatio*, v. g. *superveniens deformitas, paupertas etc.* s)
- b) *aut eæ circumstantiæ*, quæ si prius cognite fuissent, prudenti iudicis arbitrio a contractu retraxissent, v. g. *fornicatio* saltem sponsæ, *antecedens* etiam sed *ignorata*, *dolus* &c. t)
- c) *discessus* unius, & *longior absentia*, altera parte *in scia*, vel *rationabiliter invita.* u)
- d) Contrahuntur enim Sponsalia sub conditione tacita: *rebus sic stantibus* (n. præced. 3. not. b) qua deficiente liberum est contrahentibus resiliere. (præced. n. 6. lit. d)

2) *Cap. 25 de iurejur.* Cod. cit. Pruss. cit. loc. rubr. Gründe des Rücktritts. Quod de fornicatione corporali dicitur, ad spirituales æque extenditur quam committi dicunt quando pars altera in hæresim inciderit. Arg. *cap. fin. de convers. conjug.* & *cap. 2. de divort.*

u) *Cap. 5 de spons.* Quod vero temporis spatium requiratur, ut longior absentia dici possit jure canonico determinatum non est. Jure civili sponsa expectare jubetur per biennium. L. 2. *Cod. de spons.* L. 2. *Cod. de repud.* Cod. cit. Pruss. cit. loc. rubr. Bedingte Ehegelöbnisse. Conf. Schenk §. 646. Schol.

II. Ad detegenda porro impedimenta fors occulta, & invalida matrimonia præpedienda præmittenda sunt Banna nuptialia, seu denuntiationes, v) & quidem

- a) in utriusque contrahentis parochiis vel locis domicilii, aut quasi-domicilii, x)
- b) tribus diebus festivis, vel talibus, ubi major populi confluxus habetur; y)
- c) quæ si temere negligentur, contrahentes puniuntur, & detecto fors impedimento dispensationis spe frustrantur, prolesque interim nata illegitima censetur; Parochus vero tali matrimonio scienter adstans ad triennium suspendi jubetur; z)
- d) interim ex causa justa, absente impedimenti cujusdam suspicione ab Episcopo etiam remitti possunt. a)

v) Denuntiationum origo generica non inepte a Tertulliani temporibus derivari posse videtur, quibus

quibus jam moris erat, matrimonia apud Ecclesiam profiteri. Tertullian. *de pudicit. cap. 4.* At hodierna denuntiationum forma converdene primum introducta in quibusdam ecclesiis, demum sub Innocentio III in Concil. *Lateran.* ad omnes ecclesias fuit extensa. *Cap. 3. de clandest. despons.* Sanctionem hanc renovavit Concilium *Trident. Sess. XXIV. cap. 1. de reform. matrim.* Novissime vero constitutum est, denuntiationes istas denegari oportere, si Parochus, ut debet, prius interrogando deprehenderit, marem seu foeminam, quæ ad salutem necessaria sunt, ignorare. Benedictus XIV. in epist. encyclic. *Esse §. 11. de an. 1742*

- a) Et, si quis plura habeat domicilia in diversis parochiis, in ea, in qua verisimilius est sciri posse impedimenta. Vid. cit. *Cod. Pruss. cit. E. tit. Sect. III. rubr. Aufgebot.*
- 7) Ratio ex scopo denuntiationum repetenda.
- 2) *Cap. 3 de clandest. despons.* Jure provinciali nostro etiam graviore poena plecti jubetur. cit. *Cod. cit. loc.*
- a) Unam duntaxat causam dispensationis expressit Synodus *Tridentina cit. loc.* Sed dubitari non potest, quin & alia plures esse possint, quæ dispensationem variis modis faciendam requirant. *Wiestner ad tit. de clandest. despons. art. 1. n. 12. seq.*

III. Tandem ad contractum matrimonialem necessarius saepe per locorum leges est

- a) consensus parentum, tutorum, aut magistratus; b)
 - b) ac etiam quidem jure canonico parentum, tutorumve consensus ad valorem matrimo-
- nil

nii haud pertineat, *absque peccato* tamen negligi nequit. c)

c) ad *uagorum* vero conjunctionem consensus Episcopi requiritur. d)

b) Qua ratione in Silesia consensus 1) parentum, tutorum respectu minorennium, aut in potestate patria potestorum &c item 2) consensus Principis, magistratus intuitu nobilium cum ignobilibus inferioris conditionis, ac intuitu militum requiratur, vid. Cod. cit. Pruss. cit. loc. *Seß. I. rubr* Eheverbot wegen Ungleichheit des Standes & seqq.

e) *Concil. Trident. Sess. XXIV. cap. 1. de reform. matrim.*

d) *Trident. Sess. XXIV. cap. 7. de reform. matrim.*

§. VI.

CONTRACTUS MATRIMONIALIS ADJUNCTA, EFFECTUS, JUDEX, SOLUTIO; NUPTIAE SECUNDAE.

I. Factis rite denuntiationibus, ac omni absente impedimento, quædam adhuc contractus matrimonialis adjuncta noranda sunt: nempe

a) ut *licite* matrimonium contrahatur *hierologia*, seu *benedictio* Parochi, aut ejus delegari accedat, a nuda ejus præsentia, sine qua & *contractus invalidus* foret, probe discernenda: e)

- b) quam ut & illi, qui prius per *procuratores* contraxerunt, *renovato* deinceps *consensu* accipiant, *svadendum* omnino est. f)
- b) omnibus vero rite peractis *describenda* a Parocho in *libro* ad id destinato conjugum ac testium nomina, dies, ac locus, liberque ipse diligenter custodiendus erit. g)
- e) Quamvis benedictionis sacerdotalis formula, hodie in ritualibus extantes, atque in variis ecclesiis diversæ recentioris ævi sint; ipsa tamen sacerdotalis benedictio antiqua est, & apud Christianos jam pridem usitata. Concil. *carthagine. IV. can. 17.* apud Gratian. *can. 5. Caus. XXX. quest. V.* Sane ad eam accipiendam Imperator Leo in *Novell. 89.* publica lege fideles obstrinxit. Idem in capitularibus Regum Francorum Capitulum inculcatur, *ne sine benedictione Sacerdotis nubere audeant.* apud Baluz. *Tom. II.* De ejus necessitate minime illi dubitant: qui Parochum Sacramenti matrimonii ministrum, & verba ab eo prolata: *ego vos in matrimonium conjungo* &c. formam ejusdem esse volunt. Vid. *supr. §. III. n. I. not. p)* Est vero duplex: *solemnis una, non sollemnis altera.* Illa intra missam votivam, quæ habetur in missali romano, pro sponsa & sponsa dicitur: hæc vero extra eam. De utraque valet Concilii *Trident.* decretum *Seff. XXIV. cap. 1. de reform. matrim.* Ut nimirum conjuges ante benedictionem sacerdotalem (sive solennem sive non solennem) in templo suscipiendam in eadem domo non habitent: ut a proprio Parocho fiat, nec a quoquam, nisi ab ipso Parocho, vel ab Ordinario licentia ad prædictam benedictionem faciendam alii Sacerdoti concedatur; quacunque consuetudine etiam immemoraliti, quæ potius corruptela dicenda est, vel privilegio non obstante.

f) Cum

- f) Cum sint, qui matrimonio per procuratores inito rationem Sacramenti deesse putent.
- g) Concil. *Trident. Sess. XXIV. cap. 1. de reform. matrim.* Cod. cit. Pruss. P. II. tit. XI Sect. VI. rubr. *Kirchenbücher.* Aequitatem, & gravem hujus legis implendæ obligationem maxima, quæ ea neglecta in utramque rempublicam redundare possunt, incommoda satis superque demonstrant.

II. Effectus Matrimonii rite contracti alii sunt

- 1) ex parte ipsorum conjugum, nempe
- a) *gratia sacramentalis*, si obex non ponatur: h)
 - b) *vinculum perpetuum*; i)
 - c) *jus mutuum* in corpora ad actus procreandæ proli aptos: k)
 - d) obligatio ad *fidem uni* conjugi servandam: l)
 - e) obligatio ad *individuum vitæ consuetudinem, mutuum adjutorium, ceteraque officia*, quæ a *sine, & essentia* matrimonii determinantur; m).
 - f) *potestas maritalis*: n)
 - g) *communicatio status, ac dignitatis viri*, quam uxor participat: o)
 - h) *jus uxoris alimenta a marito, aut ejus hæredibus perendi*. &c. p).
- b) Ex def. matrim. §. *præced. III. n. I. lit. b*) not. p)
- i) Non quidem *naturæ lege* (Deut. XXIV. 1. seq. Math. XIX. 8. Marc. X. 5.) attamen divina posita Genes. II. 24. Math. V. 32. XIX. 6. 9. Marc. X. 9 n. 12. Luc. XVI. 18. I. Cor. VII. institutum.

k) *Ex fine conjugii naturali.*

l) Ephes. V. Adde: quod fide conjugali neglecta
difficulter scopus matrimonii obtineri possit.

m) Ex eadem Pauli ad Ephes *cit. cap. v. 25, seqq.*

n) Vi cuius maritus 1) societatis domesticæ caput
efficitur: 2) rerum uxoris administrationem
accipit: ac 3) uxor quoad plures actiones ad
mariti voluntatem adstringitur. Conf. Cod.
Pruss. P. II. tit. I. Sect. IV

o) Nisi hæc personalissima sint, vel peculiares loco-
rum consuetudines aut pacta nuptialia obstant,
ut in matrimoniis disparagiis.

p) Conf. *cit. Cod. cit. locus.*

2) *ex parte liberorum*

a) *natales legitimi*, matrimonio etiam diu post
natam prolem inter parentes contracto,
dummodo tempore conceptionis vel nati-
vitatæ ejusdem matrimonium legitimum
inter ipsos esse potuisset: q)

b) *jus alimenta*, ac honestæ & christianæ edu-
cationis subsidia a parentibus exigendi: r)

c) *potestas patria* ex parte viri in liberos. s)

q) Proles durante matrimonio justo tempore proge-
nitæ legitimæ esse, tanta est in omni jure præ-
sumptio, ut ea, etiam si pater matrem prolem
suam esse negaverit, idque vel ad acta vel jure-
jurando confirmaverit, imo etiam si mater adultera
fuerit, aut fama viciniæ concubinam nuntia-
verit, non convellatur, nisi ex absentia vel im-
potentia mariti eum patrem esse non posse de-
monstratur. Conf. cit. cod. cit. loc. tit. II. Sect.

I. Idem de prolibus *justo tempore post dissolu-*
tum matrimonium gentis jura statuunt. Vid.
 ibid. rubr. *Rechtsmäßigkeit der Kinder, welche*
 2) &c. Num vero matrimonium *purative* tantum
validum eundem effectum pariat: vid. apud
 Rigger. cit. loc. P. IV. §. 194 Legitimationis
 per subsequens matrimonium historiam scripsit
 Idem p. 196 seq. ibid.

2) Hac de re plura vid. cit. Cod. cit. P. tit. II. Sect.
 II

3) Quousque potestas hæc patria jure nostro provin-
 ciali pateat, eodem cit. Cod. loco accuratius de-
 finitur.

III. Quoniam Matrimonium quoad ratio-
nes & effectus civiles potestati *politice*, quoad
ecclesiasticos vero *ecclesiasticæ* subjectum est t)
 hinc etiam causarum matrimonialium
 iudicium

a) tum quoad *effectus spirituales*, tum etiam,
 relictæ nunc Ecclesiæ a Principibus impe-
 dimenta *dirimuntia privative* statuendi, aut
 relaxandi facultate, in casu quocunque
 quoad *valorem* ad Judices ecclesiasti-
 cos,

b) et quidem juxta *Tridentinum* ad Episco-
 puni *regulariter* pertinebit, a quo *summariè*
procedendum erit. u)

c) quoad effectus *civiles* vero, aut quæstio-
 nes etiam *nudi facti* a iudicibus quoque *lai-*
cis institui poterit.

t) p. *preced.* HL. n. IV. V.

u) *Tridentin. Sess. XXIV. can. 12. & cap. 20. de re. form.*

IV. Ad *dissolvenda* Matrimonia illegitime *contracta* actio permittitur, quæ accusatio adpellatur, ad *impediendum* vero conjugium *futurum* denuntiatio instituitur: & quidem

1) ad denuntiationem impedimentorum,

a) ut peccati pericula evitentur, admittuntur *omnes*,

b) sufficitque *minus plena* probatio.

2) ad *accusationem* vero

a) si agatur de impedimentis *privatis* & *respectivis*, quæ per renuntiationem *partis læsæ*, & novum consensum sanari queunt *e. g.* quæ ex *errore*, *metu*, *dolo*, aut etiam *impotentia*, qua etiam stante conjuges ut frater, & soror cohabitare permittuntur, *proveniunt*, *soli conjuges* admittuntur: v)

b) si vero impedimenta alia v. g. *consanguinitatis*, *adfinitatis* &c. adpareant, ea matrimonia *quilibet* impugnare poterit; sed merito tamen accusatores *quæstiosi*, aut illi, qui impedimentum jam *ante nuptias* sciverunt, & denuntiare *neglexerunt*, *rejiuntur*. x)

v) Et inter conjuges non nisi pars læsa. Riggér cit. loc. §. 209.

x) *Can. 1. 2. 3. Causs. XXXV. quæst. VI. cap. 3. 6. & fin. qui matrim. accus.* Quales testes in tali causa

caussa admittendi sint, vid. apud Rigger cit. loc. §. 211. Ceterum in defectu plena probationis potius pro valore matrimonii pronuntiandum est, ne, *quod Deus coniunxit, homo separet*; ac universim observanda sunt ea, quæ Benedictus XIV. in constitut. *Dei miseratione* de an. 1741. præscripsit.

V. Dissolutio Matrimonii vivente utroque conjugē facta Divortium dicitur: et


- 1) quoad vinculum ob contrariam legem *divinam positivam* locum non habet, y)
- a) nequidem ob alterutrius conjugis *adulterium*, prout Theologi demonstrant. z)
- b) Attamen matrimonium in *infidelitate contractum*, & *consummatum*, facta alterius conjugis ad fidem christianam conversione per *novas hujus nuptias*, siquidem pars infidelis *fideli* aut *omnino non*, aut *non sine irreparabilis injuria* cohabitare velit, etiam quoad vinculum dissolvi, *communis* hactenus Doctorum erat sententia, publica *lege canonica*, & diuturna *praxi* firmata. a)
- c) Matrimonium vero *ratum nec consummatum* per *solemnem religionis professionem* alterius conjugum valorem suum amittere ex disciplina Ecclesiæ universali in *Tridentino* confirmata certum est. b)

y) Vid. *præced. n. II. not. i)*

z) Contrariam hodie adhuc Græci sententiam defendunt. Imo non deerant etiam inter Catholicos a quibus dubitatum est: *num ob adulterium matrimonii vinculum non dissolveretur*; de qua re

vid. Gratian. *Caus. XXXII. quest. VII.* Sed enim erroneam esse hanc eorum opinionem non immerito declaraverunt *Tridentini* Patres *Sess. XXXIV. can. 7.* his verbis: *Si quis dixerit: Ecclesium errare, cum docuit & docet juxta evangelicam & apostolicam doctrinam propter adulterium alterius conjugum matrimonii vinculum non posse dissolvi -- anathema sit.* Add. cap. 2. de divort.

a) *Benedictus XIV. de Synod. dioces. lib. VI. cap. 4 n. 3. seq. lib. XIII. cap. 21.* qui porro singularem in hanc rem constitutionem: *Apostolici ministerii* an. 1747. edidit.

b) *Concil. Trident. Sess. XXIV. can. 6. Conf. Rig. ger. loc. q. 219. 220.*  *modi*

2) quoad torum et mensam c)

a) divortium perpetuum ob solum fere alterius conjugis adulterium, aut crimen carnis consummatum. d)

b) temporaneum autem ob scævitiā mariti, vel animæ, aut corporis grave periculum, haud aliter evitandum, e)

c) non privata auctoritate, sed judicis sententia decerni potest. f)

e) *Divortium improprie* sic dictum, seu separationem conjugum quoad torum & mensam salvo interrim vinculo conjugii posse ab Ecclesia admitti, docuit expressis verbis Concilium *Trident. cit. loc. can. 8.* anathema dicens iis, qui hoc jus eisdem negaverint.

e) *Adulterium* legitimom esse divortii perpetui causam ex *Math. V 32.* eruitur. Neque ulla hic est inter virum & uxorem differentia, cum christiana religio adulterium in utroque sexu pariratione

ratione condemnet. Sufficere etiam videtur adulterium gravibus & violentis indicijis *presumtum* cujus exemplum tum canónico *cap. 12. de presunt. cap. 27. de testib. can. 4. Causs. XXVII. quest. I.* tum civili jure *L. 8. §. 2, 3 Cod. de repud. occurrunt*. Sed enim ea est hujus delicti conditio, ut separationem, donec pars adulterans poenitentiam egerit, necessariam faciat. *can. 1. 6. Causs. XXII quest. I.* qua peracta tantum abest, ut verita sit reconciliatio *cap. 3. de adult.* ut potius lex charitatis eam non nunquam exigere videatur. *can. 7 & ibid.* Quare eatenus adulterium divortii perpetui causam esse dicimus, quatenus innocens separationem perpetuam exigere quidem possit, non tamen debeat. *Conf. Schenkl §. 663.*

e) Plures divortii *temporanei* causas recenset Rigger *cit. loc. §. 225.* *Conf. etiam Cod. Pruss. cit. loc. tit. I. Sect. VIII.*

f) *Can. 1. Causs. XXXIII. quest. II. Cap. 3. 4. de divort.* Sixtus V. constit. *Ad compescendum* de an. 1586.

VI. Soluta per mortem, aut alio modo (*præced. n. V. lit b.*) matrimonii vinculo ad secundas nuptias transeundi libera cuique facultas est, g) modo

a) *moralis* saltem certitudo de conjuge defuncto habeatur, h)

b) ac quæ *in favorem liberorum* prioris matrimonii, aliave consideratione cauta sunt impleantur, i)

g) Quantum juris romani, & veteris etiam canonici in secundas nuptias fuerit odium, ex Riggero *cit. loc. §. 232. seq.* colligitur. Extinctum est
odium

odium istud doctrina Ecclesiæ Romanæ, quæ Pauli I. ad Corinth. VII. 8. 39. I. ad Tim. V. 14. verba explicans ultiores nuptias nunquam prohibuit. (Vid. decret. Eugenii IV. pro Jacob. in Concil. Florent. Can. n. 13. Causs. XXXI. quæst. I) sed etiam pœnas inter annum luctus nubentium fustulit, (Cap. 4. 5. de secund. nupt.) paucis solummodo antiqui odii vestigiis retentis, (Rigger cit. loc. §. 237.) ac conditionibus quibusdam adjectis, quas indoles conjugii, publicusve ordo dictaverat.

- b) Ne stante adhuc prioris conjugii vinculo novum matrimonium ineatur Cap. 2. 19. de spons. Conf. Cod. Pruss. P. II. tit. I. Sect. I rubr. Von Ehen schon verheirathet gewesener Personen.
- c) Huc ex jure nostro provinciali referuntur, quæ 1) de portionibus hæreditatis, prolibus ex prioris conjugio relictis obvenientis, ante secundas nuptias juste determinandis, aut saltem de consensu judicii pupillaris exhibendo: 2) de temporis spatio, quod inter mortem prioris conjugis et secundas nuptias intercedere debet, cit. loc. Cod. sapienter constituta sunt.

§. VII.

SACRAMENTALIA, LITURGIA.

I. Uti Christus signa quædam externa instruit ad conferendam fidelibus gratiam, ita et Ecclesia ritus quospiam externos adsumit, quorum usu mens nostra admoneatur, ut sese ad Deum elevet, preces fundat, variosque in actus prorumpat, quibus divinæ gratiæ augmentum, opemque promereatur. Ritus hi,

voce

voce a Sacramentis derivata, Sacramentalia dicuntur.

1) Eorum usus

a) quædam ad Sacramentorum præcipue administrationem augustinorem reddendam

— k)

b) alia ad alias fidelium utilitates promovendas adhibentur. l)

k) Hæc *strictè Sacramentalia* vocantur; ac ritus in Sacramentorum administratione adhiberi solitos, nec ad essentiam eorum pertinentes denotant. De *necessitate* eorum quæpiam *præced. §. I. n. III. 2.* dicta sunt; mentio vero plurium *§. II.* ubi de Sacramentis in specie agebatur, facta.

l) Huc referuntur 1) variæ *unctiones* extra quorundam Sacramentorum administrationem in Ecclesia usitatæ. Vid. *Zech de jur. ver. Sect. II. tit. XVII. §. 390.* 2) *benedictiones* aquæ, panis, falis, cereorum. *Idem §. 391. seqq. cit. loc.* 3) *purificatio* mulierum post partum, cujus origo ex V. T. præcepto *Levit. XII.* repetitur. *Idem ibid. §. 398.* 4) *alia*, quæ cum hætenus enarratis vulgari illo versiculo exprimi solent:

Orans, rinctus, edens, confessus, dans, benedicens.

2) Effectus: m)

a) suapte natura nullam divinitus adnexam habent efficiendæ gratiæ virtutem, sed quæcumque obtinent vim, ex solo operantis merito, Ecclesiæque suffragio consequuntur. n)

b) con-

b) contemni tamen — aut, ea præcipue, quæ in solenni Sacramentorum administratione adhibenda præscribuntur, sine peccato a ministris pro libito omitti, aut in novos alios per quemcunque Ecclesiæ Pastorem mutari non possunt. o)

c) Imo fidelibus rite ac sollicitè explicari debent. p)

m) Varios Sacramentalium effectus recenset Idem cit. loc. §. 389. Theologis examinandum relinquens, quæ ratione producantur.

n) A Christo enim, qui solus gratiæ auctor est, instituta non sunt.

o) Concilium Trident. Sess. VII can. 13 de Sacram. in gen. Sunt enim ritus hi 1) antiquitate sua venerandi, 2) significatione graves, 3) maiestate ad exprimendam rerum cultui divino, ac animarum salutis ferventium dignitatem, ac estimationem iisdem conciliandam idonei.

p) Tridentinum Sess. XXIV. cap. 7 de reform. Sess. XXII. cap. 8. de sacrific. Missæ.

II. Liturgia seu officium divinum magis strictè sumtum certam rationem laudandi Deum mente simul & voce, auctoritate Ecclesiæ institutam denorat. q)

r) Dividitur

a) in diurnum, & nocturnum r)

b) publicum, & privatum. s)

q) In sensu latiore sumtum significat complexum omnium precum statarum atque rituum in cultu externo peragendo; & imprimis in celebratione Eucha-

Eucharistiæ receptorum, & in libris liturgicis præscriptorum. Hac ratione pleraque Sacramentalia (*præced. n. I.*) ad officium divinum pertinent.

r) Utrumque vero in *septem* horas nempe: *Matutinum & Laudes*, quibus nocturnum absolvitur: *Primam, Tertiam, Sextam, Nonam, Vesperas, Completorium*, quæ diurnum constituunt. *Diviso* hæc officii divini ex *more antiquissimo*, & a temporibus Apostolorum derivatur. Constat enim ex certissimis sacrae scripturae testimoniis, populum Israeliticum certis diurnis, nocturnisque horis Deum in hymnis & canticis laudasse: Davidem, ut ipse *Psal. CXVIII* fateatur, *sepius* in die laudem dixisse Deo. Exemplum istud strenue prosequuti sunt Apostoli, qui hora *tertia* orantes acceperunt *Spiritum Sanctum*: *Act. II. 15.* e quibus Petrus hora *sexta* in superiore ædium parte orationi vacabat: *ibid. X. 9.* Petrus & Joannes ad horam orationis *nonam* in templum ascendebant: *ibid. III. 1.* Paulus vero & Silas *nocturnas* preces in carcere Deo persolvebant: *ibid. XVI. 25.* Quanto studio primorum seculorum fideles æmulati sint devotionem Apostolorum, pleni sunt Annales ecclesiastici, & vitæ Patrum. Vid. Card. Eona *de divin psalmod. cap. 1.* Inde vero factum fuisse puto, quod viri pii primum, dein vero tota Ecclesia divinum officium in dictas partes diviserit.

s) Illud est, quod publice a tota aliqua communitate: hoc vero, quod, privatim & a singulis recitatur.

a) Obligatio ad officium.

a) *Mimus* recitandi officium præcipue ad clericos pertinet; t)

b) quo-

- b) quorum aliqui ad *publicam* — u)
 c) alii tantum ad *privatam* recitationem obligantur. v)
 d) aut sub peccato, aut sub pœna. x)

†) *Cap. I. § I n. VI. 6 nor. v) ibid §. II. n. 4. lit. a)*
 Sed non ita Clericis proprium est, ut non possint etiam alii ad hoc ministerium deputari. *Cont. can. 20 Dist. XXIII. item Zech cit. loc § 448.*

u) Ex præcepto Ecclesiæ publice recitari debet officium a personis choro deputatis in omnibus ecclesiis cathedralibus, & collegiatis tam regularibus, quam secularibus, imo etiam. si rigorem uris adtendamus, parochialibus, saltem dominicis, & festis diebus, nisi contraria consuetudo a hac obligatione eximat. *Can. fin. Dist. XCII. cap. 1. 9. de celebr. miss. cap. 1. Clement. h. t. Svarez lib. IV. de hor. can. cap. 10 n. 2.*

v) *Privatim* ad horarum recitationem quotidianam obligantur 1) Clerici in sacris constituti, licet sint suspensi, depositi &c 2) Religiosi ad chororum professi vi generalis consuetudinis religionum. 3) Beneficiati, licet tenue solumtaxat habeant beneficium. *Cap. 1. 9. de celebr. miss. cap. 15. de rescript. in 6.*

x) Pro clericis & religiosis, qui nullum habent beneficium, horas canonicas negligentibus, nulla constituta est in iure pœna: peccare tamen eos nullum est dubium. Beneficiati culpabiliter pensum horarum non persolventes tenentur ad restitutionem fructuum pro rata faciendam fabricæ ecclesiæ, cui deserviunt, vel pauperibus etiam ante sententiam declaratoriam iudicis. Sub hac lege comprehenduntur etiam Parochi, & alii Curati ratione fructuum breviario respondentium. Bullæ Leonis X. & Pii V. *Ex proximo.*

3) Forma & ritus officii.

a) Sanctissimus est mos, ut horæ canonicæ ab iis, qui ad publicam earum recitationem obligantur, cum *cantu & psalmodia* in Ecclesia dicantur; y)

b) & quidem servata *forma & ritu novi breviarii romani*; z)

c) *lingua communi pluribus populis.* a)

y) *Morem* divinas laudes non plena solum voce, sed modulato etiam *cantu* persolvendi commendat 1) *recta ratio*, utpote quæ cum tum orantibus, tum audientibus utilissimum esse docet; 2) *antiquissima praxis*, cujus plura vestigia leguntur apud S. Augustinum *epist. 55. alias 119. cap. 18.* apud Baronium *Annal. ad an. 60. num. 24. seq.* 3) *præceptum apostolicum* Ephes. V. 19 4) *Protestantium ipsorum* hæc in re cum Catholicis *consensus*, qui, in Germania præcipue, cantum psalmodiarum & hymnorum vehementer amant, conclusionis Wolffii *J. N. p. I. §. 1247. & Inst. J. N. §. 176.* memores: *ad hymnos componendos & canendos ipsa lege naturali obligamur.* 5) *Concilii Tridentini lex* præcipiens: ut qui in Seminariis oluntur, disciplinam cantus discant. *Seff. XXIII. cap. 18. de reform.*

z) Cujus *reformationem*, qua ob varietatem summo-
pere indigebat, Paulus IV. inceperat; hoc e
vivo sublato Patres *Tridentini* ad se revocarunt;
postea ad Pontificis romani auctoritatem remite-
runt; tandem vero votis Patrum respondens
Pius V. absolvit, & absolutam Clemens
VIII. & Urbanus VIII. recognovit, ut vel ip-
sa inscriptio Breviarii, quo utimur, nos docet.
Ab hac tamen obligatione servandi Breviarii ro-
mani formam excipiuntur, qui ex institutione a
Sede apostolica adprobata, vel consuetudine du-

centos annos superante in ritibus suis diversis sustinentur. Vid. *Confirmat. Breviarii Pii V. Rom. VII. Id. Julii 1568. Conf. Zech cir. loc. s. 451.*

- a) Id est: non vulgari singularum provinciarum, sed communi multarum regionum idiomate, quale in Ecclesia latina *latinum* est. Nam illud nec quidem in Sacrificio Missæ passim concedendum esse decrevit Synodus *Tridemina Sess. XXII. de Miss. Sacrif. cap. 8. & can. 9.* ergo nec in officii divini recitatione admittendum erit. Num enim graviora pro idiomate vernaculo in officii divini recitatione adhibendo pugnant argumenta, quam in Missæ Sacrificio? Nec dicas cum *Quæsnello prop. 86.* damnata in Bulla: *Unigenitus*: 1) usum hunc praxi Apostolorum, & intentioni Dei esse contrarium. Unde enim nostri Psalmos, & alias orationes veritas fuisse ab Apostolis in omnes linguas earum gentium, quibus Evangelium prædicarunt? aut, etiamsi id dæremus, eandem disciplinam mutatis temporum, locorumque circumstantiis retineri debuisse? 2) a ratione eripi simplici populo solatium jungendi vocem suam voci totius Ecclesiæ. Esto id enim! non eripitur eapropter solatium longe dulcius jungendi mentem. *Honeste omnia & secundum ordinem fieri præcipit Apostolus I. Cor. XIV. 40* Non est autem verisimile conjunctis inconditæ multitudinis vocibus incompressis ordinem promoveri. Utrique, solatio nimirum populi & ordini ac decori officii divini consulendum est: consulitur vero efficacius per officii divini aliarumque Ecclesiæ precum versiones in idioma vulgare, quas populus interea tacite legat, ac meditetur, dum personæ ad easdem decantandas obligatæ muneri suo romanæ Ecclesiæ linguis satisfaciunt.

§. VIII.

DIES FESTI, JEJUNI, AC VIGILIARUM,

I. Ut olim in veteri, *b)* ita nunc in lege nova dantur cerri dies ad id destinati, ut homines relicto omni alio non necessario opere bonorum omnium largitori Deo serviant, nomen illius ea, qua par est pietate concelebrent, ac in religionis christianæ officiis per suos Pastores instruantur. *c)* Dies hi *festi, feriati, feriæ* vocantur. *d)*

i) Dividuntur

a) in *dies dominicos, & festa* strictius sumta;

b) *hæc in festa Domini, beatæ Virginis, Sanctorum; f)*

c) *mobilia, & immobilia: g)*

d) *chori & fori: h)*

e) *communis, propria: i)*

f) *ordinaria, extraordinaria. k)*

b) Notissimi sunt ex veteri lege ad recolenda varia generi humano universum, ac Judæis imprimis a Deo collata beneficia ordinati dies 1) *Sabbati* Exod: XX 8. 10 2) *Pascharis* ibid. XII. 3. seq. 3) *Pentecostes* Levit. XXIII 15. seq. Deuteron. XVI 9. 4) *Tabarum* mense septimo die prima Levit XXIII 24 5) *Expiationum* ibid. 27. seq. 6) *Tabernaculorum* ibid. 34. 7) *Dedicationis Altaris* I. Machab. IV. 59. 8) *Soriturum* Esther IX. 21. 22. magna solennitate celebrati, at christianæ Ecclesiæ Præsulibus, utpote lege ceremoniali constituti, non adeo necessarii visi, ut eos, salvo ceterum cultu, ad quem

quem Deo exhibendum naturæ ipsius voce obligamur, aut penitus abrogare, aut retento nomine ad aliorum christiano populo exhibitorum, beneficiorum memoriam celebrandam in alios anni dies transferre non possent.

- d) En festorum dierum scopum! ex quo solo colligitur, quam sapienter instituti sint, quamque insulse sermocineptur, qui nescio quantam superstitionem judaicam in ipsis latere dicunt. Contra hos præclare egit Bellarminus *lib. III. de cultu Sanctorum cap. 10.* Suarez *tom. I. de relig. tract. II. lib. II. de festis. cap. 2.*
- d) Singulos igitur hebdomadæ dies in Calendario ecclesiastico *feriarum nomine distinctos appellari* Ecclesia voluit, quo significaretur quotidie Clericos, abjecta ceterarum rerum cura, uni Deo prorsus vacare debere. Læction. pro festo S. Silvestri ult. Decemb.
- e) *Dies Dominicus* in Sabbati locum institutus per Apostolos ob plurima a Servatore nostro hoc die mysteria patrata (quæ recenset Suarez *cit. loc. cap. 4.*) ac Imperatorum etiam edictis firmatus (Vid. Gothofredus ad Cod. Theodos. *de feriis.*) præcipua solennitate jam Apostolorum ævo celebrabatur. Constat id perspicue 1) ex ipsis Apostolorum actis. Vid. Act. Apost. *XVI. 13. XX. 7. Math. XXVIII. 1. Marc. XVI. 1. seq. Luc. XXIV. 1. Joan. XXI. 19. 26.* 2) ex scriptoribus Ecclesiæ hac in re mirifice consentientibus Vid. Justin. Martyr *apol. 2. circa fin.* Baronius *Annal. eccles. an. 303. n. 46. seq.* 3) ex Plinii elegantissimo de re christiana testimonio in *epist. 97. lib. X. ad Trajanum*, quod ita sonat: *soliti sunt Christiani die ante lucem convenire, carmenque Christo — dicere secum invicem: sequi sacramento non in seculum aliquod obstringere, sed ne furta, ne larroci-*

nia, ne adulteria committerent, ne fidem fallerent, ne depositum adpellari abnegarent: quibus peractis mos eis discedendi fuit, rursusque coeundi ad capiendum cibum promiscuum tamen, & innoxium. Ne vero in hoc cultu Christiani turbarentur, data Ecclesiae pace etiam ad ipsos gentium Praefectos Imperatoris (Constantini) muni & voluntate edictum perlatum est, ut illi perinde Dominicum diem venerarentur. Euseb. de vit. Constant. lib. IV. cap. 23. Quicumque præter diem Dominicum ad conservandam redemptionis aliorumque fidei mysteriorum memoriam, ad B. V: Mariæ, aliorumve Sanctorum Martyrum ac Confessorum virtutes recolendas instituti sunt dies festi, strictiore significatione festa dicuntur, de quibus infra.

f) Sollemnissima festa Domini recenset S. Augustinus epist. 54 55. alias 118. 119. ad Januarium; qualia sunt *nativitatis Domini: circumcissionis: epiphaniæ: paschatis: pentecostes: ascensionis: & alia.* De eorum antiquitate vid. Zech. cit. loc. §. 478. Inter dies honori Divæ Virginis lacratos eminent *annuntiationis & purificationis* festa propterea, quod incarnationis divinæ mysterium propius contingant. Cetera, veluti: *immaculatæ conceptionis: nativitatis: præsentationis, visitationis, & assumptionis* recentioris sunt instituti. Vid. Idem cit. loc. §. 479. — 482. In festis Sanctorum antiquissima procul dubio sunt Divi Stephani *Proto-martyris: SS. Innocentium: SS. Apostolorum:* quibus *anniversarius dies dedicationis ecclesiarum,* alique non pauci ævo præcipue Constantini Imp. accesserunt. Conf. Idem cit. loc. §. 483. seq.

g) *Hæc singulis annis stato die recurrunt: illa redeunt quidem, sed dies variat. Præcipuum inter mobilia festa est Pascha, ex quo reliqua pendent.*

Vid: *instruct.* Breviario adposita *de anno & ejus partibus, tit. de festis mobilibus.*

- b) *Priora solummodo a Clero in Ecclesiis divino officio, & solenniore liturgia: hæc autem etiam a populo solennius celebrantur.*
- i) *Communia, quæ per universam Ecclesiam: propria, quæ in certa diœcesi aut loco obtinent.*
- k) *Illæ quotannis recurrunt: hæc causâ quadam urgente extra ordinem celebrantur.*

2) Institutio, Abrogatio festorum.

- a) *Communia instituit Pontifex: l)*
- b) *propria vero Episcopus, m)*
- c) *utrinque Principum consensu accedente, dum de festis fori agitur. n)*
- d) *Idem Ecclesiæ Præsules festa abrogant. o)*
- l) *Cujus ceu Primatis præcipuum officium est, unitati divini cultus per universam Ecclesiam studere. Conf. Decret. Urbani VIII. Idib. Septemb. 1642. item P. I. cap. I. §. I. n. V. lit. e. not. d.)*
- m) *Cap. fin de feriis. Adde, pleraque Sanctorum festa illis olim tantum Ecclesiis fuisse propria, proin & ab illarum tantum Ecclesiarum Episcopis concessa, apud quas passi vel sepulti erant. Sed enim multiplicaverunt Episcopi festivitates ultra eum numerum, quo eas constringi debere publica civitatum salus, & cultus divini majestas postulabant. Inde vero gravissimæ contra hunc abusum rum Synodorum, rum Scriptorum querelæ; Vid. Rigger cit. loc. P. II. §. 619. seq. Quibus tandem permotus Urbanus VIII de numero festorum saltem figendo serium consilium cepit, canonizationis causas, ac omnia ad cultum*

cultum publicum Beatorum pertinentia Apostolica Sedis auctoritati reservans, ipsumque Episcoporum jus arctioribus, ut decuit, limitibus circumscribens. Ab illo tempore Episcopi incensulto Pontifice festa nova propria ordinare non solent.

2) Principum consensum ad instituenda festa fore accedere debere, vel inde patet, quod 1) nimius eorum numerus facile collisionem officiorum religionis cum officiis civium producere posset; 2) quod festis fore judicia vacare debeant; at num id expediat, ad Principem definire pertineat; 3) quod huic jus cavendi, ne obtentu Religionis damnum Republicae inferatur, competat. *Vid. P. I. cap. II. §. I. n. V. 2)*

•) Ut id sufficienter evincunt exempla Benedicti XIV. Clementis XIV, qui ut cultum divinum augerent, festa minuebant. Vid. Cosmas Schmalzfus *hist. relig. tom. V. Sect. X. §. III. n. 8. seqq.* Ac ipsorum etiam Principum facta, qui cupientes nonnulla festa abrogari, negotii hujus executionem Pontifici Romano, aut Episcopis suarum provinciarum commendabant. *Contr. P. I. cap. II §. II. n. III. not. i)*

3) Ratio celebrandi festa.

- a) Fideles *diebus festis Sacrificium Missae* audire, ac divini verbi *prædicationi interesse* obligantur. *p)*
- b) alia præterea *pietatis opera* exercere — *q)*
- c) ab operibus *profanis* abstinere — *r)*
- d) ac in *dierum selectu Calendarium novum Romanum* sequi debent. *s)*

p) Ex festorum dierum scopo *præced. not. c)* At in qua ecclesia? Absque dubio *ceteris paribus* parochialis

chialis propria cuius alteri præferenda est: 1) enim obligantur oves audire vocem Pastoris sui; 2) Pastores ipsi populum sibi commissum instruere: pro eo diebus Dominicis ac festis Sacrificium Missæ offerre tenentur, *P. I. cap. I. §. IX. n. II.* Quis vero non videt, præsentem in Ecclesia parochiali debere esse oves, ut his officiis utrinque satisfiat.

9) Sane sciendum est (verba sunt Nicolai I. ad consule Bulgav. respons. 10. n.) quoniam idcirco in diebus festis ab opere mundano cessandum est, ut liberius ad Ecclesiam ire, psalmis & hymnis, & canticis spiritualibus insistere, orationi vacare, oblationes offerre, memoriis Sanctorum communicare, ad imitationem eorum adsurgere, eloquiis divinis intendere, elemosynas indigentibus ministrare valeat Christianus — his neglectis, siquis ad ceteras mundi vanitates licitos labores convertit; melius illi fuerat laborare manibus suis, ut haberet unde tribueret necessitatem patientibus. Talis erat primis Christianis usitata dies festos sanctificandi ratio, ut supra præced. not. e) indicavimus. At videamus jam, quam procul recentioris ætatis mores a laudatissimis veterum exemplis recesserint! Depingit eos Simon Cantuariensis Archiepiscopus oratione in Synodo Mangilsfeldensi habita an. 1332. his verbis: In constantia humana, ut plerumque in deteriora labente, quod in Electorum Dei receptum erat honorem, conversum est in blasphemiam, & abominationem: dum videlicet conventicula negotiationis & alia exercitia illicita diebus huiusmodi potissime ingeruntur: quod ad devotionis parabatur compendium; in dissolutionis excitatur cumulum: dum in ipsis festivitatibus taberna potius, quam ecclesia, comestiones & ebrietates uberius abundant, quam lachrymæ, & orationes: lasciviis insistitur, & contumeliis magis, quam oratio contemplationis — nec propter Dei honorem, sicut deceret, sabba.

sabbatizant, sed etiam juxta præmissa Dominum ipsum & sanctam Ecclesiam in diebus hujusmodi per abominaciones pessimas scandalizant, tanquam solennitates ipsæ ad præfanationis & perversionis exercitium gratis fuerant institutæ.

r) Quæ scilicet cum exercitio operum pietatis (*præced. not. q.*) stare nequeunt. Hujus generis sunt 1) opera servilia. Vid. *Zech cit. loc. §. 487. seq.* 2) mercatus & judicia. *cap. omnes. cap. conquestus. de feriis.* 3) omnia, quæ mores corrumpunt, uti choreæ, ludi scenici &c.: Huc pertinet S. Augustini dictum *psalm. 91. n. 2: melius est arare, quam saltare.*

s) *Calendarii Juliani*, quo antiquior utebatur Ecclesia, errores, ac eorum per Gregorium XIII. P. factas emendationes: circa harum acceptationem exortas lites, mediaque ad eas componendas adhibita refert Rigger *cit. loc. §. 623. seqq.* Conf. *Zech cit. loc. tit. XIX. §. 411. seqq.*

II. Ut dies festi religiosius colerentur, fidelesque ad eos se penitius præpararent, invaluerunt in Ecclesia *vigiliæ t)* & *jejunia* ante illos, quæ

1) varia sunt:

a) abstinetur enim vel ab omni cibo & potu; vel a pluribus refectionibus & certo ciborum genere secundum regulas ab Ecclesia præscriptas. Inde vero est jejunium vel *naturale*, vel *ecclesiasticum*.

b) abstinencia a pluribus refectionibus, & certo ciborum genere, est *jejunium ecclesiasticum*

sticum proprie tale; u) si vero pluribus refectionibus permixtis carniū esus solum prohibetur, abstinentia dicitur. v)

c) Illud denuo est *quadragesimale: x) quatuor temporum: y) adventus: z) & quarundam vigiliarum. a)*

e) Ideo sic dicta, quod fideles ante diem quemdam festum celebriorem noctem inter psalmos & hymnos in ecclesia insomnem agerent. Abolitus quidem est mos iste, remansit nihilominus vocis illius usus ad significandum jejunium, quod siue jure siue generali consuetudine pridie festorum solennium servatur.

u) Hoc tria continet; *unicam refectionem, 2) abstinentiam a carnibus, 3) tempus pro unica refectione prae scriptum, (can. 4. Dist. IV & can. 3. Dist. III. de consecr.)* quod olim erat *vespertinum*, seu post occasum solis: postea vero mutatum est adeo, ut hodie fideles hora ordinaria a meridie soleant cibum sumere, & vespere Ecclesiae collatiunculam permittat.

v) Contra *abstinentiam* in sensu *strictiore* adsurgunt non Protestantes solummodo, verum etiam tenerioris, ut ipsi ajunt, stomachi Catholici, cum cibis jejunalibus plurima alia disciplinae ecclesiasticae saluberrima statuta nauseantes. Utrique multas contra eam accusationes congerunt, quibus abrogandam esse penitus, aut si istud obtineri non possit, contemnendam incautis perivadeant. Num vero in probatione accusationum non deficient, videamus: 1) Superstitionem, inquit, olet. At superstitiosum non fuit, vetare protoparentibus in paradyso esum pomi! praeterea non ipsis cibis vim quampiam sanctificandi hominem tribuimus, quamvis ad luxuriantes affectus ejus compescendos selectum alimentum.

mentorum quidpiam conferre posse non sit prorsus incredibile, sed obedientiam abstinentium, quæ melior est sacrificio, laudamus. 2) Temporalis lucri causa; ac ætate præjudiciis obscurata introducta est. Quid vero: si ego de Præfultibus ecclesiasticis, donec aperte mali probentur, æquius sentiens dixerō: quod occasionem parandæ virtutis fidelibus dare voluerint? Pariat ergo Catholicorum abstinentia mercatoribus nonnullis lucrum: quis bonus illud invidet? Ecclesiæ Præfultibus nullum profecto parit. Quod originem abstinentiæ adinet: non ad obscuratam præjudiciis ætatem, quæ enim est hæc? sed potius ad temperata jejunia hebdomadalia referendam esse puto. Nempe antiquissima jam Ecclesia diebus Mercurii & Veneris jejunare consueverat. Vid. Zech cit. loc. p. 459. Ut vero ad Solennitatem diei Dominici celebrandam animi fidelium præpararentur, translatum est feriæ quartæ jejunium per Ecclesias occidentales in Sabbatum. Vid. Alexander Natalis *Dissert. IV. ad secul. II. art. 6. & Concil. Eliberitanæ can. 26.* Cum vero jam ab initio jejunia hæc hebdomadalia minore rigore, ac reliqua, servata fuerint, inde etiam *semijejunia* dicta, facile, tepescente scilicet fidelium pietate, fieri potuit, ut in solam abstinentiam degenerarent. 3) Mutatis alimentorum pretiis observatu fere impossibilis est. Dabo id, si de cibis sermo est, qui volupe sapiant; negabo vero, si de iis agitur, qui hominem nutriant. Bona natura conditi sumus; si eandem non deseruerimus, paucis contenti esse poterimus. 4) In societatibus domesticis disparis cultus plurimas molestias generat. An autem etiam tales, quas ea adhibita prudentia, & constantia, qua in aliis vitæ eventibus uteris, superare non valeas, aut præcavere? Cujus quæso, legis observantia adeo facilis, ut ardui nihil secum ferat? Si igitur capropter abstinentiam

tiam abrogandam esse decernis, videris: qua ratione alia disciplinæ capita ab eodem decreto liberet.

- *) A feria quarta cinerum usque ad pascha exceptis diebus Dominicis. Unde vero hoc dictum sit, an ab horis, an a diebus, vel qua alia ratione: incertum est, Conf. Zech *cit. loc. §. 457.*
- §) Jejunii quatuor temporum hunc esse scopum dicunt: ut nimirum fideles ad preces fundendas disponantur, quibus dignos Ecclesiæ ministros, sibi-que Pastores a Deo exorent. Ordinari enim regulariter Sabbato quatuor temporum Clerici solent. Antiquitas alium habuisse scopum videtur: erat enim jejunium istud jam in usu, antequam introductus fuerit mos, ordinationes iis temporibus celebrandi; ut ex sermonibus S. Leonis P. *de jejun. quat. temp. epist. 6.* Gelasii Pontificis ad Epis. *Lucaniae*, non inepte deduci potest. Conf. Zech *cit. loc. §. 458.*
- 2) In compensationem jejuniorum, quæ per feriarum reductionem (*n. preced. l. 2. not. a.*) cessaverunt.
- 3) In Diœcesi nostra sequentibus vigiliis jejunium istud adnexum est: 1) *vigilia natiuitatis Domini* 2) *Pentecostes*, 3) *assumptionis B. Virginis*, 4) *S. Joannis Baptiste, Wratislaviæ*, & iis in locis, in quibus festum S. Joannis est Patrocinium Ecclesiæ, 5) *SS. Apostolorum Petri & Pauli*, 6) *festiuitatis omnium Sanctorum*, 7) *vigiliis principalis Patroni* cujusvis Ecclesiæ, quibus antehac adnexum erat jejunium, in loco Patrocinii tantum. Breve Clementis XIV. die 24. Jun. 1772. Notandum vero: quod, si festum in cujus vigilia jejunatur, feria secunda celebrari contigerit, sabbato *precedenti* jejunandum sit, *Cap. 2. de Observ. jejun.*

2) Horum

2) Horum origo b)

a) non ex *præcepto* Apostolorum, aut Christi Domini c)

b) sed ex *consuetudine* fidelium, quæ, Ecclesiæ adprobatione accedente, vim legis obtinuit, derivatur. d)

b) Prout nempe hodie ab Ecclesia certis temporibus, certoque modo observantur.

c) Exstant quidem Christi, & Apostolorum jejunantium exempla, quæ imitemur; sed de præcepto eorum ad jejunium obligante non constat. Unde Prudentius Cathemerinon hymn. VIII. ait:

*Lexus ac liber modus abstinenti
Ponitur cunctis; neque nos severus
Terror impellit, sua quemque cogit
Velle potestas.*

d) Can. n. Dist. XII cap. fin. de observ. jejun. Terullian de jejun cap. 2. Origen. homil. X. in Levit Conf. Rigger P. III. §. 838. Nec tamen eapropter jejunia vilipendi possunt. Quamvis enim præcepto Christi aut Apostolorum non inculcentur, commendantur nihilominus eorundem exemplis: non interrupto fidelium omnis ætatis usu: frequentissimis Ecclesiæ legibus: ipsaque sua propria virtute, vitia comprimendi, mentesque ad contemplationem sublimiorum religionis, ac salutis veritatum elevandi. Adde, ea maxime idonea esse media satisfactionis ad delendas peccatorum nostrorum penas præstandæ.

3) Quinam ad jejunandum tenentur?

a) ad jejunium *naturale* obligantur *Eucharistiam* suscepturi. e)

b) ab

- b) ad jejunium *proprie tale ecclesiasticum*, qui compleverunt annum ætatis *vigesimum primum*, nisi aliunde excusentur: f)
- c) ad *abstinentiam* tenentur omnes Christiani *septimum* ætatis annum egressi. g)
- e) Conf. *præced. §. II. n. III. not. a.)* Non enim decet, ut corpus *alatur* prius, quam anima.
- f) Causæ autem a jejunio excusantes sunt, 1) *impotentia*: 2) *labor gravis*: 3) *pietas* respectu illorum, qui opera *miseri cordiæ* exercent, & nequeunt simul cum his operibus jejunare: 4) *dispensatio* ex justa causa. Conf. *Zech cit. loc. §. 405. seq.* Benedicimus XIV. constit. die 30. Maji, & 22 Augusti de an. 1741. 10 Junii 1744. ubi præcipue, quæ in dispensationibus adtendenda sunt, explicat.
- g) Varia tamen circa abstinentiam, præprimis diebus Sabbati servandam, in diversis provinciis est consuetudo. Vid. *Zech cit. loc. §. 462.*

§. IX.

SANCTORUM, RELIQUIARUM, IMAGINUM CULTUS.

I. Sanctos, ac Beatos h) recte coli & invocari gravissimis argumentis probant Theologi dogmatici. i) Hic loci quæritur:

i) qualis hic cultus sit?

- a) Sanctis & Beatis cultus *Dulciæ* exhibetur;
k)
- b) illeque vel *privatus*, vel *publicus*. l)

h) Sancti

- b) *Sancti* dicuntur, qui cum tanta sanctitatis, & miraculorum ex hac vita discesserunt, & ab Ecclesia in canonem Sanctorum relati sunt. *Beati* vero, qui ab Ecclesia numero Beatorum adscripti sunt. Differunt a Sanctis, quod hi ab omnibus, & omni cultus religiosi specie, ac ubique; Beati autem cum restrictione ad certum cultum, aut saltem pro certo loco, aut genere personarum publice coli permittantur.
- 2) Vid. etiam Concil. *Trident. Sess. XXV. decret. de invoc. & venerat. Sanctor.*
- k) Quatenus scilicet cultui *latreutico*, qui soli Deo convenit, opponitur. Cultu hoc Sanctos ut *amicos Dei* veneramus: eorum intercessionem imploramus: Deum auctorem gratiarum iisdem collatarum laudamus, supplicantes ab eo auxilium, quo adjuvi Sanctorum virtutes imitemur. *Conf. Missæ Sanctor. in Missali Rom.*
- l) *Publicus* dicitur, qui auctoritate Ecclesiæ permittitur: *privatus*, qui ex privata fidelium devotione exhibetur.
- 2) Quis cultum Sanctis decernere possit?
- a) Jus istud, olim per *Episcopos* pro suis diocesibus exercitum, m)
- b) nunc Romano Pontifici ita est reservatum, ut nullum pro sancto absque auctoritate Romanæ Ecclesiæ venerari liceat. n)
- m) Van Espen *J. E. U. P. I. tit. XXII. c. 9.*
- n) *Cap. 1. de reliqui: & venerat. Sanctor. Benedictus XIV. in præstantissimo opere de Servor. Dei beatific. & beat. canonizatione lib. I. cap. 10. §. 4.*

§. 4. & seqq. Conf. P. I. cap. I. §. I. n. V. lit. e.
not. d) item Rigger cit. loc. §. 827. seqq.

II. Reliquiarum nomine veniunt corpora Sanctorum, vel partes eorum: item vestes, & alia usu, vel ad tactu Sanctorum sacra-
ta. o)

1) Distinguuntur

a) reliquiae insignes, p)

b) exiguae, q)

o) Veteres distinguebant nonnunquam corpora Sanctorum a reliquiis, ut pluribus testimoniis ostendit Zech cit. loc. Sect. I. tit. V. §. 53

p) Insignis reliquia censetur plerumque quaecunque pars integra corporis, licet alioquin modica; vel grandioris membri pars non modica. Idem ibid. §. eod.

q) Quid exiguae reliquiae nomen denotet, ex praeced. not. intelligitur, Conf. Idem ibid. aut Benedicrus XIV. cit. loc. lib. IV. P. II. cap. 6.

2) Veneratio reliquiarum

a) nihil superstitionis habebit, r)

b) si iustae cautelae observentur, s)

r) Concil. Trident. Sess. XXV. decret. de invocat. venerat. & reliquiis Sanctorum. Bellarminus tom. II. controver. lib. 2. Purissimum ab omni superstitione fuisse apud Christianos primorum seculorum cultum externum, concedunt etiam non rogati eorum plerique, qui reliquiarum venerationem apud Catholicos usitatam petulanter rident. Ad nihil profecto hac in re Catholici agunt, nisi quod ex primorum Christianorum exemplis dico

dicerunt. Maxima etenim apud hos erat reliquiarum veneratio. Testantur id 1) conventus eorum, quos passim in cœmeteriis Martyrum agebant: 2) Gentilium turor, qui Martyrum corpora comburere, cineres dissipare, vel in mare projicere solebant, ne fidelibus venerationi essent: *epist. Ecclesiæ Smyrnenfis* apud Eusebium *Cæsareens. lib. IV. cap. 14.* 3) mos data Ecclesiæ pace reliquias in templa exstructa transferendi: (S. Hieronym. *advers. Vigilant.*) altaria absque Sanctorum reliquiis non consecrandi: (Concil. *Carthaginense* an. 401. *can. 14. Nicæanum* II. *can. 7.*) pluraque alia ab iis relata, qui de sacrarum reliquiarum cultu ab omni superstitione alieno copiosius scribunt.

- 2) Quarum præcipuæ sunt: 1) Non licere reliquias Sanctorum antiquas extra capsam ostendere, aut venales exponere: *Zech cit. loc. §. 56. not. 70.* 2) insignes reliquias non esse in privatis ædibus, nec apud Laicos, sed in Ecclesia collocandas: *Idem § 55.* 3) noviter inventas publice venerationi exponi non debere absque S. Pontificis approbatione (*præced. n. I 2*) & Episcopi recognitione. 4) non esse ferendos eos, qui venerationis causa accedentes variis figmentis & documentis decipiunt. Sed vid. *Tridentinum Sess. XXV. de invoc. & venerat. & reliq. item cap. 1. 2. de reliq. & venerat. Sanctor.*

III. Sapientissima Synodorum contra Iconoclastas celebratarum, ac postremo *Tridentinæ Sess. XXV.* de usu cultuque SS. Imaginum doctrina ad sequentia capita revocatur;

- a) *licitum* esse *imagines venerari*, earumque cultum, si ad normam christianæ doctrinæ exerceatur, ab idolorum adoratione longissime distare; t)

Part II.

R

b) re-

b) resistendum tamen esse *abusibus*, qui aut circa *repræsentationem*, aut circa legitimum imaginum *usum* non raro committuntur. u)

1) Theologorum est, primum istud doctrinæ de imaginibus Sanctorum caput illustrare. Egerunt id inter ceteros innumeros Petavius *Theol. dogmat. rom. II lib. XV. a cap. 6.* Tournellius *prælect. theol. de incarnat. quæst. ult.* adeo feliciter, ut nihil optandum superesse videatur, quam ut pacato tantisper animo legerent argumenta eorum Protestantes. Puderet profecto viros cordatos, verique amantes religionem innocuam abominando idololatriæ probro apud imperitum vulgus diffamare.

2) Ne, quod ad religionem fovendam est institutum, ad superstitionem inducendam valeat. De hisce abusibus fatus egit Zech *cit. loc. cit. VI. §. 75. seqq.* Juvat pauca excerptare: 1) circa *repræsentationem*. Cum *pictura in Ecclesiis* idcirco adhibeatur, docente S. Gregorio M. *lib. VII. epist. III.* ut qui litteras nesciunt, saltem in *pavimentis* videndo legant, quæ legere in *codicibus* non valent, sequitur, quod, ex quibus causis prohibentur nonnulli libri, ex hisdem tolerari non debeant nonnullæ imagines; quales sunt falsum dogma repræsentantes, vel erroris occasionem præbentes; lascivæ, aut sanctitatem domus Dei dedecentes: dissidiorum causam dantes. Exempla ejusmodi imaginum vid. apud Eundem §. 76. *seqq.* & apud Benedictum XIV. *Bullar. rom. I. fol. 566.* 2) Circa *usum* cavendum est: a) ne sacræ imagines ad profanos, profanæ vero ad effectus sacros adhibeantur; b) ne in loco indecenti, & inhoneste exponantur; c) ne devotio & veneratio in ipsa imagine sola hæreat, sed ad *Prototypum* referatur. Concil. Trident. *cit. loc.*

§. X.

LOCA SACRA ET RELIGIOSA.

I. Loca ecclesiastica ea adpellantur, quæ divino cultui, & religionis pietatisque studiis destinata sunt. Dividuntur

- a) in *sacra*, quæ cultui divino consecratione, aut benedictione —
- b) in *religiosa*, quæ absque his quidem, auctoritate tamen Ecclesiæ —
- c) in *pia*, quæ privata solum auctoritate piis usibus dicantur. v)

v) Conf. Zech cit. loc. tit. I §. 2. Sect. I.

II. Inter *locas sacras* eminent Ecclesiæ, seu ædes ad divinum cultum, publicumque liturgiæ exercitium consecratione, aut benedictione initiatæ.

1) Earum origo & nomen.

- a) jam ante Constantinum M. Christianis *publicas* quoque Ecclesias fuisse, priorum seculorum monumentis comprobatur; x)
- b) a quo tempore dein *splendidior* ipsis etiam *forma* accessit; y)
- c) *ritus* vero solenniter *dedicandi* Ecclesias a sec. IV. paullatim increbuit; z)
- d) simulque earum *numerus* adeo auctus est, ut, ne sine Episcopi venia novæ erigerentur, Canone 4. Concilii *chalcedonenjs* cautum fuerit: a)

R 2

e) no.

e) nomine autem olim *vario* compellabantur, nempe: *domus Dei, martyria, oratoria* &c. b)

f) decursu vero temporis distinctio orta est inter Ecclesias *cathedrales, parochiales, regulares, seculares, collegiatas, aliaque oratoria publica* &c. c)

x) Inter monumenta ex sacra scriptura petita principium locum obtinet I. Cor. XI. 20. quem textum non de ipsa societate fidelium, sed de loco, ubi congregati erant, intelligendum esse, aperte satis docet S. Augustinus *quæst. 57. in Levit.* cum S. Basilio *Reg. brev. quæst. 310.* At longe plura ex scriptoribus aliis collegit Bingham. *orig. eccles. lib. VIII. cap. 1.* Corruit ergo eorum opinio, qui ex male intellectis quorundam Patrum locis contrarium adserere ausi sunt. Quod enim religionis christianæ propugnatores negarent se templa habere, id de ethnicorum templis ad sacrificia & cultum falsis diis exhibendum destinatis intelligendum est Bellarm. *lib. III. de cult. Sanctor. cap. 4.* Conf. Zech. *tit. loc. §.*

7) Bingham *loc. cit. cap. 2.* Splendoris istius aucti non una erat causa: 1) enim docuit omnes ipsa ratio, templa utilia esse ac necessaria (Zech. *cit. loc. §. 6.*) inde vero, qua potuerunt, liberalitate & numerum & splendorem eorum augere studebant; 2) efficacissimi hac in re erant Imperatorum christianam religionem amplexum conatus. Hi, ut christianum cultum in maximam Civitatis salutem promoverent, gentilium templa in ecclesias christianas convertabant, frequentibus hunc in finem edictis promulgatis. Quod vero ad ipsam ecclesiarum formam adinet, nec omni tempore, nec in omni loco erat eadem. Juvabit tamen pro intelligendis

gendis diversis canonibus legere, quæ ex probatissimis auctoribus de antiqua ecclesiarum structura retulit Zech *cit. loc. §. 7. seqq.*

2) Zech *cit. loc. tit. III. §. 30.*

a) Add. Justinian. *Novel. 67. Capitul. Reg. Franc. lib. V. c. 382.* At leges hæc ad Oratoria *privata* extendendæ non sunt. Hæc pro sua devotione extruendi facultatem quilibet habet, modo nec Missæ ibi celebrentur, nec Sacramenta administrentur absque auctoritate Episcopi.

b) Græcorum lingua vocabantur *ιερον, ναον, κυριακον* seu *Dominicum*, ex quibus fontibus etiam germanicæ nonnullæ nuncupationes fluxerunt, *Kirch, Dom, Dom-Kirch.*

c) Zech *cit. loc. tit. I. §. 14. seqq.*

2) Earum extructio.

a) non nisi *iusta & gravi ex causa*, modoque *legitimo* i. e. nec cum ipsius religionis, nec aliarum Ecclesiarum præiudicio, & cum Episcopi auctoritate fiat; d)

b) neque etiam, maxime ubi rationes politicæ connexæ sunt, *Principis consensus* est negligendus; e)

c) ad *pacta* quoque, ac *speciales locorum leges* præsertim in Germania nostra ad *Pacem Westphalicam* attendendum est: f)

d) denique Ecclesiis recens erectis *dos congrua*, de *se perpetua*, tum ad ministrorum sustentationem, tum ad cetera ad cultum divinum spectantia adtribuenda est. g)

h) *Iusta & gravis causa* censetur in genere *salus populi* difficultè, absque novæ ecclesiæ extructio;

structione obtinenda. Vid. *cap. 3. de eccles. edific.* item Concil. *Trident. Sess. XXI. cap. 4. de refor.* Difficultatis hujus cognitio, ita, ut ordinaria salutis animarum cura, ad Episcopum pertinet. Inde est, quod ejus consensus ad exstruendas ecclesias parochiales & regulares Religiosorum etiam exemptorum peti debeat. Concil. *Trident. Sess. XXV. cap. 3. de Regular.* Ad erectionem Cathedralis, Collegiatae, omnisque alius, in qua sit dignitas ecclesiastica, Romani etiam Pontificis auctoritatem communiter requirunt. *Zech cit. loc. cit. II. §. 19.*

e) Conf. Cod. cit. Pruss. P. II. tit. XI. Sect. IV. rubr. Von Errichtung neuer Kirchen.

f) Ne forte exstructio ecclesiae novi operis nuntiatione inturbetur; quod non raro levibus, nec in P. W. fundatis ex causis factum experientia testatur. Conf. *Zech cit. loc. cit. §. 21.*

g) Antequam id fiat, Episcopus ecclesiam consecrare jure prohibetur.

3) Earum reparatio.

a) Pro Ecclesiis conservandis olim quarta reddituum ecclesiasticorum pars erat constituta; h)

b) nunc ad eas reficiendas in genere bona fabricae sunt impendenda;

c) si vero, unde Ecclesiae non parochiales instaurari queant, sufficientia bona desint, Episcopus, vocatis, quorum interest, beneficia simplicia in matrices, vel alias vicinas Ecclesias transferre poterit; i)

d) parochiales autem ex fructibus & proventibus quomodocunque ad ipsas pertinentibus

bus reparandæ sunt; his vero non sufficientibus Patroni, aliique fructus ex iisdem percipientes, *decimatores* præprimis ratione *decimarum* saltem *origine ecclesiasticarum*, aut in horum defectu *parochiani*, qui alioquin *operas manuales* præstare tenentur concurrere debebunt; *k)*

e) ubi tamen ad locorum *consuetudines* potissimum respiciendum est. *l)*

b) Cap. I. §. IV. lit. b. not. i) item can. 30. 31. *Caus. XII. quest. II.*

i) Concil. Trident. Sess. XXI. cap. 7. de reform.

k) Idem cod. Conf. Zech cit. loc. §. 24. seqq.

l) Conf. cit. Cod. Pruss. P. II. tit. XI. rubr. Bau, und Besserung der Kirchengebäude; item Sect. X. rubr. Unterhaltung der (Pfarr-) Gebäude.

4) Earum consecratio aut benedictio.
m)

a) *Consecrationis* Minister ex jure ecclesiastico est Episcopus *Dieceleos*, vel alius Episcopus ab illo, aut etiam *Presbyter* a Pontifice delegatus; *n)*

b) *benedictionem*, delegata sibi ab Episcopo potestate, *simplex Presbyter* peragere poterit. *o)*

c) Consecratio recte quidem tempore quovis, decentius tamen *dominici festisque diebus*, præmissio a Consecratore, & iis, quorum res agitur, *jejunio*, ac ritibus in Pontificali romano præscriptis perficitur. *p)*

d) *cujus dedicationis anniversarium, uti & festum Sancti, vel Mysterii, a quo Ecclesiae nomen impositum, quotannis sollemniter agenda sunt.* q)

m) *Benedictio non raro cum consecratione confunditur: revera autem ab ea differt ritu, ministro, effectu &c: vid. Zech cit. loc. tit. III. §. 32. Consecrandas esse ecclesias quam citius fieri poterit, aperte praecipitur cap. fin. de consecr. eccles. Can. II. Dist. I. de consecr.*

n) *Jam apud Ethnicos dedicationes templorum pertinebant ad jus Pontificium vid. Gutherius lib. III. de vet. jur. pontif. cap. II. 12. 13.*

o) *Altaria tam fixa, quam portatilia, calices, patenas, campanas &c. jure communi item solus Episcopus, jure singulari Praelati Pontificalibus ornati pro suis Ecclesiis benedicunt, & consecrant; paramenta vero altaris sacrasque vestes Praelati regulares omnes ex privilegio generali, & ex Episcopi delegatione Decani praesertim rurales benedicere solent.*

p) *In Concilio Casaraugustano III. an. 691. prohibetur canone I: ne consecratio ecclesiae fiat extra dies Dominicas. At huic canonui derogatum est cap. 2. de consecr. eccles. ubi dicitur: in diocesi tua licet tibi ecclesiis dedicationem impendere tam diebus Dominicis, quam privatis.*

q) *Can. 16. Dist. I. de consecr. Conf. Zech cit. loc. §. 34.*

s) *Earum execratio aut pollutio.*

a) *Execrari Ecclesia dicitur, ac iterum consecranda erit, cum major saltem pars parietum corrui, aut crux interior, cui inhære-*

re consecratio creditur, decedit; r) non tamen, si *vel tota* etiam, verum per partes *sensim* minores, fuerit resecta; sicut nec *Altari execrato*, quod *fracto* præcipue reliquiarum sigillo contingit, cum diversa utriusque sit consecratio. s)

b) *Polluitur Ecclesia, & hoc ipso etiam altaria, ac contiguum cæmeterium, non tamen vicissim, gravit r iniqua, & notabili sanguinis, ac lasciva seminis humani effusione itemque sepultura pagani, aut excommunicati. t)*

c) *Reconcilianda est ecclesia consecrata, si polluta sit, u) ab Episcopo, vel etiam Presbytero ab eo ex privilegio Pontificis deleganda per aquam cum vino, cinere, sale ab Episcopo benedictam; v)*

d) *Ecclesia aurem solum benedicta aqua tantum exorcizata per simplicem etiam Presbyterum est lavanda; x)*

e) *neque, nisi publica fuerit pollutio, solennis esse debet necessario Reconciliatio. y)*

r) *Can. 20. 24. Dist. I. de consecr. Alter casus, quo Ecclesia iterum consecranda est, is esse dicitur: si nempe de consecratione prudens dubium oriatur. Can. 18. Dist. I. de consecr.*

s) *Can. 3. Dist. LVIII. Can. 19. 20. 24. Dist. I. de consec. cap. 1. 6. de consecr. eccles.*

t) *Cap. 4. ibid. cap. un. eod. in 6. Can. 27. 28. Dist. I. de consec. cap. 12. de sepult.*

u) *Ut fideles detestationem concipiant sceleris, quo temerarius quispiam sœdavit Ecclesiam quantum in se erat.*

v) *Zech cit. loc. p. 37.*

R 5

e) *Cap.*

x) *Cap. 10. de consecr. eccles.*

y) Plura de reconciliatione vid. apud Van Espen
J. E. U. P. II. Sect. II. tit. I. cap. V.

III. Inter loca *sacra* referuntur etiam Cœmeteria, seu loca sepeliendis Christianorum corporibus Ecclesiæ auctoritate, & benedictione destinata; unde sepultura ecclesiastica descendit, quæ triplici sensu

- a) pro ritu,
- b) pro loco,
- c) pro jure sepeliendi accipitur. z)

z) Conf. Rigger *P. III. §. 434.*

1) Ritus sepeliendi.

- a) Ab ipsis Ecclesiæ incunabulis Christiani suorum corpora certis, statisque ritibus ad sepulturam dare consueverant, ea loca & honeste vestita publice in Ecclesia exponentes, hymnosque decantantes. &c. a)
- b) hodie vero Christianorum *exequiæ* psalmis, precibus, trina thurificatione, & aquæ lustralis aspersione, Missæ celebratione &c: absolvantur; b)
- c) proin qui ab *Ecclesiæ communione* & sacris sunt exclusi, sepulturæ quoque ecclesiasticæ honore privari solent, secundum illud principium: *quibus non communicavimus vivis, nec communicemus defunctis.* c)
- d) Tales sunt, qui aut nunquam in Ecclesiæ communionem recepti, aut ab eadem segregati, aut notorie impenitentes de vita exe-

exeunt, ut non baptizati, d) hæretici, e) excommunicati, f) in torneamentis, g) aut duello, licet pœnitentes, mortui, h) authochiri, i) blasphemæ, usurarii manifesti, k) & raptores, nisi satisfecerint, religiosi proprietarii, l) communionem paschalem negligentes, m) & alii.
n)

a) Meretur enim rationalis animæ domicilium non projici temere sicut brutorum cadavera, præsertim quod fuerit animæ bene ac sancte instrumento suo in certaminibus usæ receptaculum. Origen. lib. VIII. contra Celsum. Similia habet S. Augustinus lib. I. de civit. Dei cap. 13. & lib. de cura pro mortuis.

b) Vid. Rituale diœces. & quæ ad hos ritus illustrandos scripsit Zech cit. loc. Sect. II. tit. XXIII. §. 502. seqq.

c) Et ut ostendatur odium publici sceleris, & incutitur horror peccati reliquis fidelibus.

d) Can. 27. 28. Dist. I. de consecr. Huc pertinent 1) infantes siue baptismo decedentes. Si tamen constat, infantem jam in utero matris fuisse mortuum, sepeliendus est cum matre, si hæc simul moritur: partus enim, antequam edatur, mulieris portio est, vel viscerum. l. 1. §. 1. ff. de inspec. vent. 2) Catechumeni: pro quibus tamen Ecclesia orat, si credentes decesserunt, ut colligitur ex S. Ambrosio de obitu Valentiniani.

e) Cap. 8. cap. 13. §. Credentes de hæret. cap. 2. eod. in 6. Aliud de religionibus in Germania toleratis statuitur in P. IV. art. V. §. 35. Conf. Zech cit. loc. §. 517. not. 90.

f) Can.

- f) *Can. 1. Causf. XXIV. quæst. II. cap. 12. de sepulture.* nisi ante mortem vel absoluti fuerint, (*cap. fin. eod.*) vel signa saltem pœnitentiæ dederint, & absolutionem post mortem ritu ecclesiastico obtinuerint, *cap. 28. de sent. excommunicat.* Id de iis etiam excommunicatis, qui publice nondum denunciati, nec vitandi erant in vita, intelligendum non esse, docet *Z é c h cit. loc. §. 517. n. IX.*
- g) *Cap. 1. de torneament.* Alexander III. noluit dispensare in hac re, etiam ad preces Regum & Principum: ne prava illa consuetudo ex hoc incrementum posset suscipere *Epist. 23. ad Henric. Rhemens: apud Martene collect. veter. Scrip. tom. II. col. 674.*
- b) *Concil. Trident. Sess. XXV. cap. 19 de reform. Benedictus XIV. in Constitut. Detestabilem IV. Idus Novembr. 1752.*
- i) *Can. 12. Causf. XXIII quæst. V.* Excipiuntur vero
 1) qui ex mentis alienatione se interimunt;
 2) qui pereunt, quando ex spe évadendi grave malum se in manifestum mortis periculum conjecerunt;
 3) qui post vulnus sibi infictum pœnitentiam agunt;
 4) quicumque submersi, laqueo suspensi, vel ferro aut veneno interfecisti, nisi certo constet, quod seipsos occiderint. Circa eos, qui huic legi sepulturam neganti subjaceant, pravia quadam rei cognitio ad judices politicos, & medicos ipestabit.
- k) *Cap. 3 de iisur. cap. 2. eod. in 6.*
- l) *Cap. 2. § 4. de stat. monach.*
- m) *Cap. 12. de pœnit. § remiss.* Hæc tamen pœna omistæ communionis paschalis non est semper lata sententiæ, proin nec potest a Parocho propria auctoritate executioni dari. *Van Espen cit. loc. P. II. tit. IV. cap. 3. n. 17.*

n) Vid. Zech *cit. loc.* Ceterum quotiescunque in prædictis casibus dubium occurrit, Ordinarius consulendus est. Si hujus sententia expectari nequeat, favendum est defuncto,

a) Locus sepeliendi.

- a) Sævientibus adhuc persecutionibus Christiani fidelium cadavera in agris, speluncis, cryptis &c. humabant; o)
- b) iis cessantibus, translatis e cryptis in urbes, Martyrum præcipue, corporibus, sepulturam in his, vel saltem prope illas exoptabant fideles, qua ratione *sepulcra urbana* invaluerunt, per Theodosii legem primo quidem reprobata, p) dein per Leonis constitutionem de novo concessa. q)
- c) Loca hæc varias quidem adpellationes habuere, usitatius tamen & olim & hodie *Cæmeteria* audiunt, r) quæ Episcopi auctoritate constituuntur, ab eoque, aut Presbytero delegato *benedicuntur*, s) qui benedicendi ritus perverustus quidem, ejus tamen initium incertum. t)
- o) Et quidem prope *vias publicas*, quales in urbe Romana fuisse *Appiam, Aureliam, Flaminiam, Lavicanam, Latinam, Laurentinam, Ostiensem, Prænestinam, Salariam, & Tiburtinam* ex Kirchmanni *de funerib. Roman. lib. II. cap. 22.* novimus. Moris hujus duplex ratio erat: 1) lex XII. tabularum; *Hominem in urbe non sepelio, neve urito*; cui Christiani, optimi cives, lubentes paruerunt; 2) ut mortalitatis exemplum præberent. *L. 6. Cod. Theodos.* Inde originem sum-

sumserunt inscriptiones: *Siste viator. Sta viator &c.*

p) L. 6. Cod. Theodos. de sepulcris violat. Constitutio- nem hanc Imperator ad Paneratum urbem Cptanæ Præfectum dirigit. Unde concludunt nonnulli: per eam nec in suburbanis ecclesiis prope Constantinopolim, nec in ecclesiis aliarum urbium sepulturas prohiberi.

q) Novell. 53. Huic concessioni edicta Principum hodie non minus, quam eruditorum calones adversari videmus.

r) Sen Dormitoria: voce a græco verbo *χοιμω*, quod dormire significat, desumpta. Recte enim dormientes dicimus, quos certum est resurrecturos: Unde ait S. Hieronymus adversus Vigilantes: *Sancti non appellantur mortui sed dormientes: unde & Lazarus, qui resurrexerat, dormivisse perhibetur, & Apostolus vetat Thessaloniceuses de dormientibus contristari.*

s) Cap. 4. de relig. dom. quia pro parte, aut verius pro porticu, & area ipsius ecclesiæ habentur. Cap. 10. de immunit. eccles. cap. un. ibid. in 6. cap. 7. de consecr. eccles.

t) Ejus sane jam meminit S. Gregorius Thironensis. de glor. confess. cap. 106. De modo, quo *cameteria* 1) pollui possunt, vid. supr. n. II. §. lit. b.) 2) ac polluta reconciliari debent, Zech. cit. loc. Sect. I. tit. III. §. 40.

3) Jus sepeliendi.

- a) Id regulariter ad Parochos spectat, u)
- b) unde hodie per consuetudinem in ea parochia, in qua quis mortuus est, vel Sacramenta percepit, sepelitur, v)
- c) nisi

- c) nisi quis *sepulchrum Majorum* habeat, x) aut aliud sibi elegerit, quod, præter *impuberes, & religiosos* cuiuslibet liberum relinquitur; y) d) electa autem alibi sepultura *Parocho* *jus exequiarum* competit, z) *portio* item *canonica*, vel *quarta funeralis* per locorum consuetudinem determinanda pendenda est; a) *mortuarium* vero nec ubivis solvitur, nec ejusdem ubique generis est. b)

u) *Cap. 2. de sepult. in 6.* Decet enim, ut *Parochus*, qui durante vita curam spiritualement suorum *Parochianorum* gessit, defunctos non deserat, sed locum sepulturæ concedat, & pro iis preces, Missasque offerat. *Cont. Cod. cit. Pruss. P. II. tit. XI. Sect. VI. rubr. Von Begräbnissen.*

v) Excipe 1) *Religiosos*. Sicut enim his *Praelatus* pro *Parocho*, ipsumque *Monasterium* quodam modo pro *parochia* est, ita quoque per ipsum *Superiorem* in *Monasterii* ambitu, vel in *Ecclesia* sepeliri debent. *Cap. fin. de sepult. in 6.* 2) *Canonicos, & Clericos Ecclesiae cathedralis*, qui tametsi forsitan in alia *parochia* habitent, in *Ecclesia cathedrali* sepeliendi sunt. *Card. Tuscus pract. conclus. lit. P. conclus. 99. n. 5.*

x) *Cap. 1. & 3. de sepult.*

y) *Cap. 1. 2. §. 1. de sepult. in 6.* Hac tamen lege: ne profanus locus eligatur. (*cap. 3. de sepult.*) Cui legi non derogat concessio *Bonifacii VIII. cap. 2. §. 1. eod. in 6.* quae permittit sepulturam in loco minus religioso fieri. Per locum enim minus religiosum intelligit *Pontifex* non profanum, sed *Oratorium, Sacellum*, in quo non est religiosorum Fratrum conventus, nec frequenter *Missarum* solennia celebrantur.

Van.

Van Espen *J. E. U. P. II. sect. IV. tit. VII. cap. 3.* Inde vero vi *privilegii* Regularibus concessi in eorum ecclesiis a quolibet sepultura eligi potest (*Clement. Dudum. 2. §. huiusmodi. Extravag. comm: Super cathedram 2 de sepult.*) ipsi tamen sub pena excommunicationis Papæ reservata, ne ipso facto incurrerent neminem ad id inducere audent. *Cap. 1. de sepult. in 6. Clement. 5. §. sane de penis.* Quid jam ante has constitutiones S. Bonaventura in epist. ad quemdam provincialem Ministrum sui Ordinis scripserit: vid. apud Zech *cit. loc. §. 510 not. 58.*

- a) Rigger *cit. loc. §. 444. Zech cit. loc. §. 514.*
- a) Concil. Trident. Sess. XXV. cap. 13. *de reform.*
- b) De mortuario legatur Zech *cit. loc. §. 511.*

IV. Loca sacra & religiosa Immunitate etiam gaudent, cujus prerogativa præcipua in eo consistit, quod malefici illuc confugientes cum publica securitate a capitis saltem, aut mutilationis poena immunes habeantur, & Jus asyli vocatur. c)

1) Origo

- a) haud equidem ab ipsa loci sacri natura derivatur, cum extractio rei ob publicam securitatem necessaria loci sanctitatem per se haud violet; d)
- b) nec, legibus Synagogæ civilibus jam extinctis, N. T. lex quædam, aut Traditio hoc jus ecclesiis addixit; e)
- c) sed ab observantia potius ac Principum pietate, seu species quædam juris ad gratiam descendere videtur. f)

c) De variis *asylorum* generibus vid. Zech. *Dissert. de jur. asyl eccles. cap. 1.*

d) Fas est, salva, quæ templis Deo dicatis debetur, reverentia, sese in illis contra injustum invasorem defendere; ergo et fas erit salutis publicæ causa hostes inde extrahere, atque iusta animadversione coercere. Ex hac argumentatione consequi dicunt, jus asyli ex loci sacri natura non derivari.

e) Nec posset, etiamsi leges illæ Synagogæ civiles Exod. XXI. Numer. XXXV. Deuter. XIX. adhucdum valerent, ex iis divina asyloꝝ, prout ea hic sumimus, institutio recte deduci. Longe enim alia harum civitatum asyli est ratio. Vid. Rigger P. III. §. 862.

f) Propositionem hanc sequentibus verbis illustrat Schenk I. §. 687. ex cit. *dissert.* P. Zech *cap. 1. 2. 3. 4.* „Jus asyli, quod nec Gentiles, Græci & Romani suis templis negabant, quodque locis etiam aliis saepe tributum, sacrosanctis Ecclesiis lege stabiliverunt Imperatores christiani, tum ipsa locorum reverentia moti, tum ad id stimulari Episcoporum intercessionibus. Episcopi enim non raro reis ad Ecclesias confugientibus vitæ gratiam exorabant, tum ut iidem, quum brevis nimis, sera, & mortis metu extorta pœnitentia suspecta videretur, pœnitentia publicæ peragenda spatium haberent; tum etiam: ut a processu in causis criminalibus tunc saepe tumultuarii, vexa liberarentur. Hoc autem privilegium iidem Imperatores variis determinabant modis; illud jam amplificando jam extenuando, jam etiam abrogando. At deinceps jus asyli tum Imperatorum, tum Regum Francorum legibus, Conciliorum decretis, Pontificumque constitutionibus firmatur; pro rerum tamen adjunctis variis modis circumscribitur.

2) Asyli privilegio fruuntur,

- a) *Ecclesiæ* cum ædificio sibi conjuncto, & ad eas pertinente; non tamen *oratoria privata*, aut *ædiculæ* in campis exstructæ: g)
- b) *Monasteria* cum domibus & habitationibus auctoritate ecclesiastica ibi erectis:
- c) *Sacella publica* in ædibus ad caritatis, misericordiae, ac pietatis opera eadem auctoritate destinatis:
- d) *Palatium Episcopi*;
- e) *Cæmeterium* sive *adnexum*, sive *separatum*. h)
- g) *Cap. 9. de immunit. eccles.* Conf. Rigger cit. loc. §. 867.
- h) *Can. 21. Causs. XVII. quæst. IV. can. 36. ibid.* Loca sacra, etiam polluta vel interdicta, hoc privilegium amisisse haud putantur,

9) Asylum se extendit ad omnes confugientes reos sive laicos, sive clericos, etiam interdictos, excommunicatos, irregulares; *nisi lege excipiantur.*

Excipiuntur autem præcipue

- a) *latrones publici, grassatores viarum, agrorum depopulatores*;
- b) *rei assassinii, rei hæresis, & ob eam adculpæ*;
- c) *rei læsæ Majestatis, monetas constantes, adulterantes*;
- d) *deliberate, aut per prodicionem aliquem occidentes*;

e) &

e) & qui ipsi occisione vel mutilatione *Asylum Ecclesiæ*, vel *Cæmeterii* violarunt &c. i)

i) *Zech cit. dissert. cap. 8.*

4) In privilegio hocce *tuendo*, ac *restringendo* duo sunt animadvertenda: nempe

a) ut jus *Asyli*, *Ecclesiis* ob earum *reverentiam*, & *reorum salutem* a Principibus concessum, & ab Ecclesia defensum, sine gravissimis rationibus non aboleatur;

b) si tamen ob rerum adjuncta *grave damnum* exin aut Ecclesiæ, aut Reipublicæ accederet, *restringi* aut si alio modo utriusque bono consuli nequeat, penitus etiam *tolli* possit, præsertim *pœnitentia publica* sublata, & *processu criminali* hodie melius instructo. k)

k) Nec Ecclesiæ, nec Civitati consulunt, qui reorum ex his locis fugam variis artibus juvant.

5) Causæ juris *Asyli* ad forum *utrumque* spectant;

a) ratione *sanctitatis locorum*, & quod Ecclesiæ jus *quæsitum* sit, ad ejusdem Rectores,

b) ratione *boni publici*, eoquod *publicam justitiam* impedire posset, & alias a Principibus sit profectum, jusque *adgratiandi* involvat, ad Rectores Civitatis. l)

l) Quorum plures ita jam easdem foro suo subjiciunt, ac si Ecclesia nullam ad eas simul cognoscendas haberet potestatem.

§. XI.

BONA ECCLESIASTICA, OBLATIONES,
PRIMITIÆ, DECIMÆ.

I. Inter bona, quæ Ecclesiis, earumque Ministris aut pendi olim debuerant, aut adhuc penduntur, occurrunt primo Oblationes, *m)* quarum variæ sunt species; erant nimium

1) In antiqua Ecclesia

- a) oblationes majores, seu *pungua patrimonia*, agrorum pretia, fundi, villæ &c.
- b) hebdomadales, i. e. non solum panis, & vinum, ex quibus & epulum *eucharisticum* conficiebatur, sed & res aliæ, etiam pecuniæ, in Ecclesiæ & pauperum usus impendendæ:
- c) menstruales, quas singulis mensibus pro sua quisque facultate in ærarium Ecclesiæ inferre consueverant;
- d) extraordinariæ, pro singularibus ecclesiarum necessitatibus præter ordinem fieri solitæ. *n)*

m) Oblationum varios *significatus* vid. apud Rigger cit. loc. §. 516. seq.

n) Conf. Thomas sin. *de vet. & nov. discipl. P. III. 1. cap. 1. seq.* Bingham orig. eccles. lib. V. cap. 4.

2) Hodie vero Oblationes aliæ sunt

- a) libera, v. g. quæ sub Missæ sacrificio altari-
bus

bus imponuntur, Missarum stipendia, pecuniarum, quas in truncos ponunt, ovorum &c. o)

b) *necessariæ seu honoraria, quæ post sacras functiones solvuntur, & jura stola, eoquod Sacerdos stola utatur, nuncupantur. p)*

p) Rigger cit. loc.

p) Conf. P- I. cap. I. §. IX. n. IV. lit. d. not. p)

3) de Oblationibus notandum:

a) ad Oblationes mere voluntarias cogi nemo potest:

b) illæ vero ad mentem offerentis adplicandæ:

c) in Ecclesiis parochialibus factæ, nisi consuetudo aliud ferat, Parochis,

d) factæ in Ecclesiis Regularium, Regularibus obveniunt: q)

e) eas, quæ in truncis ponuntur, consuetudo fabricæ addicit:

f) in exigendis vero Oblationibus necessariis omnis avaritia vel inhumanitas absit. r)

q) Arg. can. 13. Caus. X. quæst. I. cap. 1. de statu monach,

r) Non ergo ab animarum Curatoribus arguendi sunt verbo aut facto avaritiæ, aut inhumanitatis ii, qui nihil aut parum offerunt; non majori promittuntur administranda sunt sacramenta illis, a quibus plura offerenda sciuntur. Parit ejusmodi disparitas plura largientibus invidiam, animarum Pastoribus odium, quod frustra saluberrima doctrina in animis populi extinguere, conabuntur.

II. Primi cujusvis anni fructus, primique pecudum fœtus dicuntur Primitiæ, has

- a) Lex antiqua solvi præcepit: s)
- b) Christiani quoque easdem hortantibus Patribus solvere consueverant; t)
- c) hodie vero per non usum vix uspiam vigent.

s) Exod. XXIII. 19. Numer. XVIII. 12. Quantum vero Primitiarum nomine solvendum esset, non est determinatum in Pentateucho, sed arbitrio offerentium ab initio relictum fuisse videtur. Dein Magistrorum auctoritate effectum tradit S. Hieronymus (cap. 1 de decim. primit) ut, qui plurimum — quadragesimam partem daret, qui minimum — sexagesimam.

t) Hodie vi juris ecclesiastici exhibendæ essent Parocho, intra cujus ecclesiæ fines sunt prædia & fundi, ex quibus fructus progerminant. Can. 67. Caus. XVI. quæst. I. can. 1 ibid. quæst. VII. § cap. 1, h. tit.

III. Certa fructuum portio, aut proventus, quotannis ut plurimum illis, qui eam exigendi jus habent (Decimatoribus) solvenda nomine Decimarum venit.

1) Earum origo,

- a) Jam ante legem mosaicam vigeant, quandoque ex voto Deo promissæ, u) quandoque Regibus tributi loco præstitæ; v)
- b) in Republica judæorum Decimas formaliter tales Deus Levitis in sustentationem assignavit; x)

c) in

c) in *L. N.* Christus quidem de Evangelio vivere Apostolis præcepit, unde & congrua sustentatio, seu *Decimæ materialiter sumtæ* Ecclesiæ ministris jure *divino* debentur; y)

d) at *Decimas formaliter* acceptas, seu strictam fructuum, proventuumque *decimam partem* juris *humani* esse ex *N. T.* *silentio, usu* primorum seculorum, & mira, quæ in præstandis decimis obtinet, *varietate* deducitur. z)

u) *Genes. XIV. 8. XXVIII. 22.* Ipsi quoque Ethnici pietatem hanc imitabantur; nam *decima quæque diis suis veteres offerebant.* Festus de *V. S.* voce *decima.*

v) *I. Reg. VIII. 15. 17.*

w) *Numer. XVIII. 23. 26. Exod. XXII. 29. Cap. 1. de decim.* Eoquod ipsis in distributione Chanaan præter urbes 48. quas sparsas per tribus omnes obtinuerant (*Jos: XXI. 39.*) continua terræ portio nulla obtrigit.

y) *Vid. P. I. cap. II §. I. n. VI. lit. b. not. m)* *ibid. §. IV. n. I. lit. a. not. c)*

z) *Vid. Schenkl §. 702. Rigger P. III. §. 463. seqq.*

2) Dividuntur porro Decimæ

a) in *ecclesiasticas*, quæ juxta primævam suam institutionem Ecclesiæ ejusque ministris penduntur:

b) in *minus strictè ecclesiasticas*, seu *laicales secundum quid*, quæ origine quidem ecclesi-

asticæ, sed titulo *spirituali sejuncto* laicis, saltem quoad *dominium utile* sunt permiffæ:

- c) in *laicales simpliciter tales*, quæ instar *tributi* a Dominis secularibus suis subditis imponuntur: a)
- d) in *reales*, quæ ex *agris*, vel *fructibus* animalium (istæ etiam *carnaticæ* dicuntur) — b)
- e) in *personales*, quæ ex *industria personali* solvuntur: c)
- f) in *maiores & minores*, prout ex *majoribus minoribusve* fructibus, — d)
- g) in *veteres & novales*, prout ex prædiis *antiquitus* vel *recens* excultis præstantur. e)

a) Conf. Rigger cit. loc. §: 477.

b) Cap. 20. 23. de decim.

c) Hæ in Germania sunt insolitæ.

d) Cap. 30. de decim.

e) Sed multiplex est prædii novalis acceptio: *latissima*, *lata*, *stricta*, *strictissima* Vid. Rigger cit. loc. §: 479.

3) Jus exigendi Decimas ecclesiasticas

- a) olim *Episcopi*, eas in Ecclesiæ, ministrorumque usum impendentes habuere; f)
- b) modo habent *Parochi*, qui in omnibus suæ parochiæ fundis *jus decimandi* fundarum, & juris *præsumtionem* pro se habent; g)
- c) unde & *novalium* decimæ ad eos pertinere videntur; h)

d) nisi

- d) nisi *consuetudo*, aliave *lex* jus istud alteri, v. c. *Decimatori universali, Domino territoriali, vel ipsi Episcopo* addicat;
- e) *laici* vero *Decimas ecclesiasticas*, utpote quæ officium *spirituale* sequuntur, percipiendi incapaces existunt, nec obtinet apud illos *præscriptio*, nisi tempore *immemoriali* jus istud possederint, ut a titulo *spirituali separatum* præsumi possit. i)
- f) *P. I cap. II §. IV. n. VII. lit. a. not. c.)*
- g) *Can 42 seq. Causs. XVI. quæst. I. Cap. 29. Et 30. de decim. cap. 2 de restit. spol. in 6. Cod. cit. Pruss. P. II. tit. XI. Sect. XI. rubr. Grundsätze.*
- h) *Cit. Cod. cit. loc. rubr. Vom Neulande.* Id vero de *novalibus strictissime sumtis* imprimis intelligendum est. Quoad *novalia late* sic dicta attendendum est: an præter *Parochum* cuidam debeantur *decimæ ex certo genere fructuum*, an ex *certis fundis*? In priori casu mutatio culturæ mutat etiam *Decimatorem*; secus in posteriori. Si tamen per mutationem culturæ nimis gravaretur *Parochus*, compensatio ipsi facienda esset ab eo, qui *decimas ex fundo aliter culto* colligit. *Cap. 9. h. tit. cap. 2. §. 2. eod. in 6.*
- i) *Conf. cit. Cod. cit. loc. rubr. Erwerbung des Zehntrechts.*
- 4) *Decimas solvere debent*
- a) *personales* quidem, omnes, qui *Parochi curæ ac directioni subsunt*; k)
- b) *reales* vero omnes *prædij aut fundi decimabilis possesores*; l)
- c) *adeoque & infideles*, m)

S s

d) imo

d) imo & *clerici* non quidem de ecclesiasticis, sed de *patrimonialibus*, nisi ab *onere lib. ratio* indulta sit. n)

k) Ubi nempe abrogatæ non sunt.

l) Nisi aliquo legitimo titulo exempti sint.

m) In Silesia decimas catholico Parocho non solvunt, qui aliam religionem profitentur, quiescente interim, non vero sublato Parochi jure. *cir. Cod. loc. loc. rubr. Erbscheidung des Zehentrechts.*

n) *Cap. 2. de decim.*

5) Onus decimarum non tam fundo, quam fructibus inhæret, unde

a) agri in anno *plus una vice* frugiferi *sæpius*,

b) *quiescentes* nullas solvunt decimas:

c) Dominus *utilis*, non directus, *conductor* non locator eas solvere debet;

d) nec *novus* possessor prædii, nisi sit successor *universalis*, decimas ab antecessore non solutas præstare tenetur. o)

e) *Rigger cir. loc. §. 501.*

6) Modus solvendi decimas.

a) Jure *communi* curate pars *decima*, & ipsi *fructus* dandi;

b) nec pretium æquivalens invito obstrui potest;

c) decimæ *prædiales* statim, ubi fructus in *manipulos* sunt collecti, —

d) *carna-*

d) *carnaticæ* vero, ubi *fœtus* sine matre vivere valet,

e) *personales* anno quovis exacto solvuntur.

f) porro *decimæ reales & carnaticæ* ex fructibus integris, nulla facta impenfarum & tributorum deductione, —

g) *personales* contra de *lucro* tantum, deductis expensis, præstantur. p)

p) Conf. cit. Cod. cit. loc. rubr. Art der Entrichtung des Großzehnten.

7) Immunitas a solvendis decimis obtinetur

a) *Privilegio*: q)

b) *Consuetudine* legitima r)

c) *Præscriptione*, s) quoad decimas simpliciter laicales *ordinaria*, quoad ecclesiasticas cum titulo 40 annorum, sine titulo vero *immemoriali*, ut supra notatum: t)

d) *Pactis*, quo tamen solus *Decimator paciscens*, non ejus successor, nisi consensus Superioris accesserit, ligatur: u)

e) denique immunitas a solvendis decimis non nisi salva Parochi *congrua* obtineri potest, v)

q) Cujus concedendi facultatem soli Pontifici tribuunt Decretalistsæ cap. 3. § 10 h. tit. cap. 2. de præb. in 6. Conf. Rigger cit. loc. §. 595. seq.

r) Cap. 4. 18. 20. 32. h. tit. Ad quam quidam tempus immemorabile, alii 40 saltem annorum cursum desiderant. Ceterum non extendit se consuetudo ad *novalia*. Quoad reliqua facilius introduci potest, ut non solvantur decimæ ex cer-

to genere fructuum; item ut solvantur in alia quantitate, aut in pecunia, aut alia specie.

1) *Cap. 4. de prescript.*

2) *Arg. cap. 1. de prescript. in 6. Conf. Rigger de loc. §. 508. & Cod. Pruss. cit. loc. rubr. Erbschung des Zehntrechts.*

3) *Cap. 5 & 8. de transact. cap. 3. de decim. cap. ubi de reb. eccles. alien. Quis vero Superior ille? — Summus Pontifex, si pactum sit mere gratuitum; (cap. 3. de transact.) si vero onerosum, solius Episcopi auctoritatem sufficere debent. Cap. 2. de transact.*

4) *P. I. cap. I. §. IX. num. IV. lit. d) ibid. cap. II §. I. n. VI. lit. b. not. m).*

§. XII.

BONORUM ECCLESIASTICORUM ADQUISITIO, ADMINISTRATIO, ALIENATIO.

I. Ecclesiae, Personae, ac Corpora ecclesiastica, nisi singulari fors lege iusta, pacto, vel voto prohibeantur, non acquirere solum bona temporalia, seu veri cives, possunt, ac jure quoque civili & patrio maxime circa hæc adquirenda diriguntur, sed & variis quoad *pias* precipue *donationes* tum *inter vivos*, tum *mortis causa* factas gaudent Privilegiis, x) & quidem

1) *Donationes inter vivos ad causas pias*

a) *acceptionem* haud requirunt, sed sola jam *pollicitatione* subsistunt;

b)

- b) *dominium* rei donatæ per solam donationem *ipso jure* absque traditione ad Ecclesiam transit;
 - c) donatio ad causas *piissimas* v. g. redemptionem captivorum facta, absque *insinuatione* subsistit;
 - d) nimium tamen hunc favorem extendere videntur, qui donationem Ecclesiæ factam ob supervenientes liberos, nisi *usque ad legitimam*, revocari non posse adserunt. y)
 - x) Quæ tamen recentioribus Principum constitutionibus multum restricta sunt. Conf. *Cod. Pruss. P: I. tit. XI. Sect. IX. & tit. XII.*
 - y) Jure romano alias donatio, quatenus *inofficiosa* est, seu liberorum *legitimæ* detrahit, summam 500 solidorum excedit, si judici non *insinuetur*, aut insignis donatarii *ingratitude* interveniat, rescinditur.
- 2) Quod vero ultimas voluntates ad *pias causas* adtinet, z)
- a) *testamenta pia* sine aliis solennitatibus vi juris canonici, & germanici consuetudinarii, dummodo de testatoris voluntate certo constet, valida sunt; a)
 - b) unde duo testes non solennitatis sed probationis causa adesse debent, b) sufficitque, si testamentum *propria* testatoris manu scriptum esse noscatur; eodem modo
 - c) *legata pia* etiam in testamento ob deficientes solennitates *infirmo* contenta præstari debent, nec illis jure communi *falcidia* detrahatur; c)
 - d) hoc

d) hoc ipsum & in *fideicommissis singularibus* valet, *universalia* vero *trebellanica* abnoxia esse videntur; d)

e) omnis tamen gratuita honorum alienatio ab *ingressuro in monasterium*, aut *novitio* ante *duos menses* professioni proximos, quamvis ad causas pias, facta, & juramento etiam vestita, nulla est. e)

2) Leges secundum quas testamenta ex *jure nostro* provinciali confici debent, vid. *cit. Cod. P. I tit. XII. Sect. I*

a) *Cap. 4. ii. de testam.*

b) Id quod ex adducta ibidem ratione ex *Math XVIII. 16.* colligitur.

c) *Quarta* hereditatis totius pars, quam hæres ex lege *falcidia* detrahit legatis, quæ ultra *quadrantem* seu tres hereditatis partes ascendunt, *quarta falcidia*, quarta vero pars, quæ de restituta ex *fideicommissa* hereditate detrahitur, *trebellanica* appellatur.

d) *Boehmer in jure eccles. Protestanz. de testam. §. 25. seq.*

e) *Trident. Sess. XXV. cap. 16. de Regularibus.*

3) Testamento deficiente

a) jure communi in bonis *ecclesiasticis* clerico ea, cui vivens ministraverat, *ecclesia* succedit: f)

b) *Monasterium* omnem *professi*, non vero *novitii*, hereditatem & bona capit, nisi lex singularis obster. g)

f) *Can*

f) Cum discerni inter bona Clericorum sæpe non possit; cum hæredibus *ab intestato* fieri *transactionem*, aut ea per *aversionem* in tres partes in quibusdam Diocesisibus dividi dicunt, quarum una Episcopo, altera *pauperibus*, tertia *hæredibus* assignatur. Quod etiam in Silesia faciendum, tum §. 14. *Sanct. pragmat.* tum aliis Episcoporum constitutionibus præcipitur. Vid. Joan. de Fridenberg *cir. loc. lib. I. cap. X. §. 50.*

g) Conf. P. I cap. II. §. IV. n. II. not. f)

II Administratio bonorum ecclesiasticorum ad quos pertineat, alibi h) declaratum est: porro, quod *parochialium* ecclesiarum bona concernit, dictis administratoribus duo alii *inferiores* curatores e plebe cujusvis parochiæ, non suspectæ fidei, adjungi solent, i) quorum munus est,

- a) *inventarium* summa cura conficere,
- b) *ærarium* seu *armarium* fideliter custodire,
- c) *fundos* & *pecunias* recte collocare, censusque debito tempore exigere,
- d) *negotia* ecclesiæ tum *extra-* tum *intra* *judicium* tueri,
- e) *ædificia* ecclesiastica *sarta tecta* custodire,
- f) *impensarum* calculos subducere, & quot annis suæ administrationis *rationes* reddere,
- g) in *negotiis* vero *maioribus* Superioris consensum exquirere tenentur. k)

h) P. I. cap. II. §. IV. n. VII.

- a) Apud nos Kirchen = Vorsteher, Kirchen = Väter, *Ecclesia vitrici*: alibi locorum Kirchen = Präbste, Pfleger dicti.
- k) Curatores cum ecclesia contrahere, aut bona ejus conducere regulariter prohibentur. Plura de parochialium bonorum administratione, & curatorum officiis, recentioribus legibus apud nos constituta vid. cit. Cod. P. II. tit. XI. Sect. IX.

III. Ad alienationem l) bonorum ecclesiasticorum, ne aut malitia, aut incuria Administratorum passim fiat, quod jam pridem S. Canones, m) Pontificum constitutiones, n) & ipsorum Principum decreta, o) graviter prohibere, requiruntur.

1) Causæ justæ & graves, unde

- a) res sacræ, non nisi ob majorem Ecclesiæ & pauperum necessitatem,
- b) res mobiles, & immobiles magni pretii tantum necessitatis, pietatis, aut evidentis utilitatis causa alienari possunt. p)

l) Per alienationem, in sensu lato significantur adus omnes, per quos ecclesia circa res suas gravamen patitur. Cap. 5. de reb. eccles. alien. Extravag. un. ibid. inter commun.

m) Concil. Antiochen. can. 25. Carthagin. IV. can. 31. Carthagin. V. can. 4.

n) Can. 52. Caus. XII. quæst. II.

o) L. 14. 17. Cod. de SS. eccles. Novel. VII. & CXX. Capitular. lib. I. cap. 29. Cod. Pruss. cit. loc. Sess. IV. rub. Veräußerung.

p) Can. 14. 15. 70. 71. Caus. XII. quæst. II.

2) Solennitates, nempe

a) in ecclesia, ubi adest capitulum, *consensus capituli*, q)

b) *consensus Superioris* ecclesiastici, saltem si de rebus *majoribus* agatur, r)

c) *consensus Domini directi intuitu feudi*, quod ecclesia accepit, adeoque quoad feuda imperii, *Imperatoris*,

d) *consensus aliorum* lege, pacto, vel observantia necessarius requiritur. s)

q) *Can. 52. cit. Causs. & quest.*

r) *Rigger P. III. §. 309. seq.*

s) Ad quarum rerum alienationem solennitates hæc in primis requirantur, vid. apud eund. *Rigger cit. loc. §. 313* Quodsi in casibus ibidem allatis negligentur, alienatio peracta nulla reputatur, (*cap. 12. de reb. eccles. alien.*) & gravissimæ in mala fide alienantes decernuntur pænæ, (*Rigger cit. loc. §. 318.*) ac Ecclesiæ insuper bona sua omni modo legitimo vindicandi potestas conceditur. Idem *ibid. §. 317. Contractus* in alienatione intervenientes, jus naturæ; civile, & germanicum multis exponit, ac cum jure canonico ut plurimum consentit. *Conf. Zech de jnr. xiv. P. poster. Sect. IV.*

CAPUT III.

JUS PRIVATUM CIRCA JUDICIA ECCLESIASTICA,

§ I.

JUDICIORUM ECCLESIASTICORUM GENERALIA.

I. Judicium in genere est adcurata causæ controversæ discussio, & a legitimo giudice facta decisio.

r) Dividitur

- a) in *ecclesiasticum*, & *seculare*. t)
- b) in *criminale*, & *civile*, u)
- c) in *possessorium*, & *petitorium*, v)
- d) in *ordinarium*, & *extraordinarium*, x)

z) Prout nempe coram giudice *ecclesiastico*, aut *laico* agitur: vel causæ *civiles*, aut *ecclesiasticæ* in illo discutiuntur, Schenk. §. 731. Posteriore respectu sumum judicium etiam *spirituale* & *profanum* vocari solet. Zech de jud. eccles. P. I. §. 3.

u) Illud est in quo de *pœna* in delinquentes & facinorosos exercenda, & de satisfactione universitati præstanda — hoc vero: in quo de *aliis rebus*, juribusve & de satisfactione ad privatum interesse agitur.

v) *Primo*,

- e) *Præus*: in quo de possessione — *alterum*: in quo de rei proprietate actio instituitur.
- æ) *Ordinarium*: in quo omnes juris & curiæ solennitates — *extraordinarium* seu *summarium*: in quo omnibus vel plerisque juris solennitatibus omisso, ea solum, quæ natura ipsa iudicii requirit, adhibentur. Quondam omnia iudicia ecclesiastica summaria fuisse erudite ostendit Fleury *Inst. J. E. P. III cap. II. §. 4. seq.* De aliis iudiciorum speciebus olim usitatis legatur Zech *cit. loc. §. 5. seqq.*
- 2) Origo iudiciorum *ecclesiasticorum* a primis Ecclesiæ incunabulis reperti debet, cū in iurisdictione Ecclesiæ *essentiāli* fundata; γ) distingui tamen debent
- a) iudicia jure *primigenio*,
 b) & iudicia jure *adventitio* ad Ecclesiam spectantia. (2)
- γ) Vid. *prolog. cap. I. §. II. n. II. lit. a. not. v)*
- 2) Illa vertantur circa causas *spirituales*; hæc vero circa *temporales* quidem, quæ tamen sive *consuetudine*, sive Principum *privilegio* ad forum ecclesiasticum transiverunt. Cont. *P. I. cap. II. §. V. Zech cit. loc. §. 19, 20. seqq.*
- 3) Partes cujuscunque iudicii sunt
- a) causæ controversæ *cognitio* & *Discussio*,
 b) iudicis *sententia*,
 c) sententiæ demum latæ *executio*. a)
- a) Scopus enim cujusvis iudicii est, ut cuique tribuatur, quod suum est. Ad hunc scopum obtinendum causæ *cognitionem*, *discussionem*, *sententiam*.

ziam, & hujus executionem necessaria esse media,
res ipsa loquitur.

4) Tribunal locus ille vocatur, in quo judi-
cia exercentur; talia *primis* Ecclesiæ seculis
erant

- a) loca synodorum,
- b) domus episcopales. b) Hodie vero sunt
- c) Rota Romana, quæ est summum,
- d) Nunciaturæ apostolicæ,
- e) Consistoria, seu Vicariatus Episcoporum. c)

b) Fleury *cit. loc.*

c) Vid. P. I. cap. I. & quoad Silesiam Joann. de
Friedenberg *cit. loc. cap. X. §. XIX. tom. I.*

II. Judex, seu persona publica potestate
prædita de causis controversis cognoscendi,
casque sua sententia terminandi

3) alius est

- a) ordinarius, qui vi officii,
- b) vel delegatus, qui ex speciali seu Superio-
ris, seu legis concessione jurisdictionem ex-
ercet; d) hicque
- c) alius specialis, si ad aliquas tantum,
- d) vel universalis, si ad omnes causas, & perso-
nas constituitur.

d) Cap. 27. de officio jud. deleg. Conf. Pehem *cit. loc.*
§: 890. seq.

2) Dotes judicis ex ipso fine, veritatis nempe
investigatione, & justitiæ administratione
petiendæ, sunt:

a) ut

- a) ut *scientia* sufficiente ad causæ cognitionem,
 b) atque *incorrupta voluntate* sit ornatus; & ut sit
 c) *competens*, seu auctoritate & jurisdictione in *causam* litigiosam & *reum* præditus. e)
- e) Quis igitur *inhabilis iudex* censendus sit, vid. apud Schenk. l. §. 736. *Suspecti* iudicis cognitionem ac sententiam partes nonnunquam recusare possunt. At quando? qua sub condicione? vid. *ibid.* item cap. 61. de appellat. & apud Pehem l. §. 903. seqq.
- 3) *Competens vero iudex esse poterit*
- a) *ratione domicilii*, vel *quasi-domicilii*, f)
 b) — *contractus*, g)
 c) — *rei sitæ*, h)
 d) — *delicti*, i)
 e) — *privilegii*, k)
 f) — *prorogationis*, l)
 g) — *continentiæ causæ*. m)
- f) Seu *loci*, in quo quis habitat cum animo vel perpetuo, vel ad longum tempus commorandi. Zech cit. loc. §. 82.
- g) Pehem cit. loc. §. 969.
- h) Zech cit. loc. §. 84.
- i) Zech cit. loc. §. 85. Conf. Trident. Sess. XXV. cap. 14. de Regular.
- k) Quod vel *causam*, vel *personam* respicit. Conf. cap. I. §. III. & Zech cit. loc. §. 86. seqq.
- l) Dum partes litigantes *mutuo consensu* & *Superioris permisso* iudici alias incompetenti se subijciunt.
- T 3
- Quod

Quod tamen tunc solum fieri posse docet § 737 *cit. loc.* Schenk 1, quando iudex intuitu causae non plane incapax est, aut partes se se subijcere non prohibentur.

m) Nempe, cum plures causae vel *per se*, vel *per probationem* ita connectuntur, ut separari ab invicem nequeant. Conf. Zech *cit. loc.* §. 100. *seq.* item cap. 12. 18. de foro *comper.* Quousque *per civile nostrum* ab ecclesiastico hac in re differat, ex *universali judiciorum ordine* in terris Prussiae servando (*Allgemeine Gerichtsordnung für die Preussischen Staaten, Berlin 1795.*) P. I. tit. 11. abunde cognosci poterit.

4) Officium Judicis vel est

- a) *generale*, seu obligatio leges ita ad causas controversas applicandi, ut inde justa decisio sequatur;
- b) vel *speciale*, quatenus actu in certa causa exercetur;
- c) *nobile*, si absque actione, sola imploratione vel proprio motu suscipitur, n)
- d) vel *mercenarium*, si actio praecesserit. a)

a) In causis *civilibus privatis*, quae utilitatem partium respiciunt, pro regula tenendum est, quod Iudex praevia solum actione procedere possit, juxta illud vulgatum: *wo kein Kläger, ist auch kein Richter*. Aliud non raro in causis ecclesiasticis obtinere debere, docet Zech *cit. loc.* §. 33.

b) Hoc in casu iudex secundum naturam actionis totum processum dirigere, ac sententiam pronuntiare tenetur; ita tamen, ut supplere quaedam aliquando possit, aliquando etiam debeat. Vid. Pehem

Pehem cit. loc. §. 282. Schenkl cit. loc. §. 739.

5) Potestas Judicis ordinarii in eo versatur, ut possit

- a) in quocunque territorii sui loco *judicia exercere*, & personas pro merito *punire*,
- b) alios, nisi dotibus essentialibus destitutos,
- p) ad causas discutiendas *Judices delegare*,
- q)
- e) & sibi jus *primæ instantiæ vindicare*.

p) Recol. *præced. n. II. 2. lit. a) b) not. e)*

q) *Cap. 7. de offic. ord. in 6.* Causæ tamen *ecclesiasticæ* non rite, nisi *Clericis* committuntur. *Cap. 2. de jud. § cap. 11 de rescript. in 6.*

6) Potestas Judicis delegati æstimatur

- a) ex *natura causæ delegatæ*, &
- b) ex *delegationis formula*, r)
- c) si pluribus *indefinite* causa delegeretur, uno absente, nec jus suum subdelegante, reliquorum processus nullus est; s)
- d) si vero in *solidum*: uno vel pluribus impeditis, aut adesse recusantibus, reliqui *licite* ac *valide* procedunt, nec *subdelegatum* *admittere* tenentur. t)

r) Inde colligitur 1), delegatum non posse procedere ante præsentationem *rescripti delegatorii* sibi factam; (*cap. 12. de appell.*) nec 2) reum ante exhibitum sibi *rescriptum* eidem parere debere; (*cap. 31. de off. jud. deleg*) 3) exacte servandam esse *delegationis formam*, (*cap. 37. ibid*) nec par-

tiam consensu mutandam, nisi restrictio concedat merum favorem partium, qualis esse potest clausula de tempore & loco: 4) delegationes stricti juris esse, salva tamen potestate circa connexa, & accessoria, sine quibus cognitio causae, & executio commissionis fieri non posset; (*cap. 9. ibid.*) 5) delegatum carere regulariter facultate exequendi sententiam suam, aut subdelegandi, nisi delegatio facta sit ad universitatem causarum, vel potestas subdelegandi expresse vel tacite concessa sit, (*cap. 26. de appell.*) vel a Papa delegatus sit; hujus enim amplior quam ceterorum potestas est. Vid. *Pehem cit. loc. §. 393.* Nempe censetur ceu *Judex ordinarius*, imo & *ordinario major* in causa delegata, unde & citare partes; compescere contumaces, *ordinarium* ad executionem latae a se sententiae obligare, ac aliis quoque suam jurisdictionem subdelegare potest.

5) *Cap. 16. 22. de offi. jud. deleg.*

2) *Cap. 13. de rescript. cap. 16. 21. de offi. jud. deleg.* Imo singuli seorsim, non requisitis aliis condelegatis, causam cognoscere, & decidere valent, daturque *praeventioni* locus, ita tamen, ut praeventiente impedito reliqui causam continuare queant, quando nempe delegatio in solidum sub clausula *disjunctiva* facta est, *cap. 8. ibid. in 6.*

7) Expirat vero *Judicis delegati* potestas

- a) morte delegantis re adhuc integra, u)
- b) morte delegati, nisi delegatio intuitu dignitatis facta sit, v)
- c) revocatione mandati, quae tamen deleganti tantum, non subdeleganti libera est, nisi hanc eam sibi specialiter reservarit, x)
- d) causa finita, si delegatio specialis fuit,
- e) elapso

e) *elapso tempore, ad quod restricta erat delegatio. y)*

u) *Cap. 19. 20. 30. de offic. jud. deleg. cap. 6. ibid. in 6. Integra autem res esse definit statim, ac citationum partium a iudice delegato fuerit decreta.*

v) *Cap. 14. de off. jud. deleg.*

w) *Cap. 24. de rescript. cap. 6. 7. 28. de offic. jud. deleg.*

y) *Cap. 4. 24. ibid.*

III. Actor & Reus.

1) *Agere, seu jus suum in iudicio contra alium prosequi possunt*

a) *omnes præter excommunicatos non toleratos, imo & tolerati per exceptionem arcentur, nisi in causa excommunicationis suæ, & adpellationis in eadem: 2)*

b) *etiam minores decimum quartum annum ætatis jam egressi in causis ecclesiasticis: a)*

c) *Prælati, etiam sine consensu Capituli, nisi in causa nimis ardua, magnarum expensarum, & ubi jus singulare id prohibet, b)*

1) *Cap. 5. de except.*

a) *Cap. ult. de jud. in 6. cap. 14 de restit. spo.*

b) *Religiosi sine consensu sui Superioris agere prohibentur, nisi in causa beneficii, cujus habent administrationem, in causis item defendendi monasterii vel Prælati.*

2) Conveniri possunt, c)

a) etiam *excommunicati non tolerati*: d)b) *minores*, qui agere possunt:c) etiam *fæminæ*, quas tamen *jus canonicum* cogi vetat, ut *per se ipsas* in *judicio* compareant. e)e) Regulariter *omnes*, qui non excipiuntur.d) Debent tamen per alium respondere in *judicio*.
Cap. 7. *de jud.*e) Cap. 2. *prin. de jud. in 6.* *Montales* nequidem volentes in persona admittuntur; *ibid. eod.* *Con-
ordo judic. cit. P. I. tit. I.*IV. *Advocati dicuntur*, qui ea, quæ *caussæ disceptationem*, alteriusque partis *defensionem spectant*, exponunt.1) *Dotes & officia eorum*:a) sint viri *jurium periti*, *probi* atque *diligentes*:b) *caussas*, nisi *probabiles*, & *clientibus* primum de *probabilitate ammonitis*, non suscipiant:c) *sincere*, absque *dolo* & *tricus* *clientis causam* *prosequantur*, *ambages* devitent, nec *honorarium* laborem excedens exigant. f)f) *Reformato* in *provinciis nostris* *civilium processuum ordine* in *locum advocatorum*, qui *litigantibus jura* *suggerebant partesque eorum tuebantur*, vulgo sic dicti *justitiæ commissarii* substituti sunt; de quorum *dotibus ac officiis* legatur *cit. ordo judic. P. III. tit. VII.*

2) Ab hoc munere excluduntur

- a) *hæretici, excommunicati saltem non tolerati, infames: g)*
- b) *clerici coram iudice laico, nisi pro se, sua ecclesia, aut persona misera: h)*
- c) *monachi & canonici regulares, nisi speciali Superioris mandato instructi, & pro suo monasterio. i)*
- g) *Cap. 13. §. eredentes: de hæret. cap. 8. de sent. excom: in 6.*
- h) *Cap. ult. de post. Minoris tamen in foro etiam seculari advocati esse permittuntur, dummodo beneficium ecclesiasticum non habeant, & causas criminales contra reum non suscipiant. Cap. 1. §od.*
- i) *Cap. 2 de post. Fratres minores S. Francisci absolute incapaces sunt huius muneris etiam in causa sui ordinis. Clem. 1. de V. S.*

V. Illi, qui negotia aliena Domini mandato administrant, Procuratores vocantur.

- 1) Eorum species variæ sunt, dantur enim
 - a) *generales, qui ad quæcunque,*
 - b) *speciales, qui ad determinata negotia constituuntur:*
 - c) *judiciales, qui in iudicio,*
 - d) *extrajudiciales, qui extra iudicium Domini sui negotia administrant. k)*
 - k) *Cap. 4. de procur. Procurator ab universitate constitutus, Syndici: a Principibus vero — Rationalis Principis nomine vocari solet.*

2) Eorum potestas defumitur

a) ex mandato Domini, observantia, & iusta præscriptione:

b) ex fisco quodam litis dominio, vi cuius lite contestata alium pro se Procuratorem constituere possunt. 1)

d) Si plures procuratores designati sint, idem de iis, quod de pluribus delegatis præced. n. II. 6. diximus, tenendum est.

3) Cessat hæc potestas

a) moriente Domino, lite nondum contestata: m)

b) revocatione Domini expressa vel tacita: n)

c) renuntiatione Procuratoris ex iustis causis facta. o)

m) Clem. ult. de procur.

n) Si nempe vel Dominus ipse negotium agendum reassumat, (cap. 8 de procur. in 6.) vel novum procuratorem constituat. Cap. 3. ibid

o) L. 8. §. ult. & L. 16. ff. de procur. Addunt aliqui: finita instantia: appellationem quippe procurator interponere, non vero prosequi tenetur, nisi forte sit generaliter constitutus ad omnes causas: Cap. 14 de procur.

Eadem ratione jura & obligationes Syndicorum determinantur. Vid. Pechem P. II. §. 230 seq. Demum ab istis muneribus omnes, qui ab officio Advocati, arcentur; at pro se constituere Procuratores omnes possunt, quibus agendi jus est, & excommunicati ad sui defensionem, Conf. Idem §. 222, seq.

§. II.

EA, QUÆ ANTE LITIS CONTESTATIONEM FIUNT.

I. Libellus est imploratio Judicis, qua actio in judicio instituenda proponitur. p)

1) Dividitur

- a) in *solemnem*, quo *scripto*,
- b) *nuncupativum*, quo *viva voce* causa litigiosa exponitur,
- c) *conventionalem*, quo *Aktor Reum* convenit,
- d) *reconventionalem*, quo *Reus Actorem* reconvenit.

p) Seu est imploratio Judicis ad efficiendum, ut ea quæ ex præscripto legum a lædente nobis præstanda sunt, obtinere possimus.

2) Ejus dotes: q)

- a) sit *brevis*, *clarus*, & *certus*;
- b) contineat *nomen Judicis, Actoris, & Rei*;
- c) *causa* petendi *proxima* in actione *reali*, *in personali* *remota* indicetur; r)
- d) *factum* *breviter*, & *perspicue* explicetur;
- e) *petitum* ex *causa* vel *facto* congrue & ex acte formetur; s)
- f) post *litis contestationem* *immutabilis* erit, nisi *reus indemnus* fervetur; t)
- g) *declarationis* tamen usque ad *Judicis sententiam* *capax* est. u)

g) Es.

q) Exprimi his verbis solent :

Quis, quid, coram quo, quo jure petatur, & a quo,

Recte compositus quisque libellus habet.

r) Conf. Pehem cit. loc. §. 974.

s) Ergo naturam Sillogismi imitatur libellus.

t) *Mutatio libelli vel ad essentialia ejus pertinet, vel ad accidentalia. Illa in specie mutatio: hac emendatio dicitur, vel declaratio. Illam non nisi sub conditione indemnitas præstandæ admittendam esse Cap. 15. de jud. cap. 3. de senz. & in jud. in 6. statutum est.*

u) Opusque habet ea vel maxime libellus *vitio plus petitionis laborans*, quando scilicet plus petitur *re, loco, tempore causa*. Olim in plus petentes gravissima pœna statuta fuit (§ 33 *inst. de act.*) mitigata deinceps per Imperatores (*L. 12 cod. de plur. petit. §. 33 inst. de act. L. 1. & 8. ff. de eo, quod certo loco*) quos ferme sequitur Pontifex *cap. iii. de plus petit.* Conf. Schrodt ad tit. *de plus petit. §. 195. seq.*

3) Ejus effectus.

a) Judex sententiam illi conformem ferre tenetur:

b) *Aktor* litem *prosequi* debet, si *Reus* *urgat*:

c) *contra libellantem* probat. v)

v) *L. 13. cod. de non numer. pecun.*

II. Denuntiatio Judicis, ut Reus pro causa expedienda in judicio compareat, citatio audit. x)

1) Dividitur y)

- a) in *realem*, quæ rerum aut personæ apprehensione, vel *verbalem*, quæ scripto vel viva voce peragitur: z) posterior abit
- b) in *privatam*, si per adparitorem vel litteras, & *publicam*, quæ edicto publico, aut per præconem fit:
- c) in *simplicem* & *pæremtoriam*, quatenus dilationem patitur, vel eam sub contumaciæ pœna verat:
- d) in *generalem* & *specialem*, prout ad totam causam, vel certum duntaxat judicii actum se extendit:
- e) in *directam*, quam Judex vi propriæ potestatis exercet, & *subsidiariam*, si citandus ab alio Judice sit requirendus, cujus jurisdictioni subest. a)

x) *Necessitatem* citationis vel hæc una evincit ratio, quod nondum auditum condemnare nefas sit. Clem. 2. de V. S. cap. 8. de major. & obed.

y) Generalissime in citationem *juris* & *hominis*. Illa ab ipsa lege fit, certum terminum præfigente, intra quem actus necessario peragendus est. Clem. 2. de pœn. Quæ sequuntur divisiones, ad citationem *hominis* quam maxime pertinent.

z) Citationi *reali* in causis *civilibus* locus non est, nisi debitor de fuga sit suspectus, aut alias singularis ejus contumacia appareat. L. 10. §. 16. ff. quæ in fraud. cred. Cont. cit. ordo jud. P. I. tit. VII. §. 18.

a) De

- a) De citatione *subsidiaria* legatur cit. *ordo judic. cit. loc. §. 4. seqq.*

2) *Requisita citationis legitimæ:*

- a) contineat nomen *Judicis*, b) *personæ* citandæ, & ejus, a quo citatio fuit impetrata.
 b) *citationis causam:*
 c) *locum judicii honestum simul & tutum:* c)
 d) *diem termini non angustum nimis, nec feriatum.* d)
 e) Ut adpareat citato a *Judice competente* citationem factam esse. In *ordinario* *Judice* sufficit quidem nomen dignitatis & officii exprimere: decretæ autem a *Judice delegato* citationi præterea *rescriptum delegationis* inferendum est. *Cap. 29. de offic. jud. deleg. cap. 2. de dilat.*
 e) *Conf. Zech cit. loc. tit. VIII §. 104.*
 d) *Clem. 1. de jud. cap. fin. de dilat. cap. 4. ut lito non contest. Ordo jud. tit. VIII: §. 1. seqq.*

3) *Insinuatio citationis fieri debet*

- a) *intra citantis territorium:*
 b) *die nulla feria impedito:*
 c) *in Rei faciem*, vel ad ejus *ædes*, si absit:
 d) *edictalis* seu *publica* in tali loco, ubi ad *Rei* *notitiam* venire possit, & tunc primum si alio modo citari nequeat. e)
 e) *Plura de modo insinuationis jure nostro civili præscripto vid. in cit. ord. jud. cit. loc. §. 19 seqq.*

4) *Effectus citationis legitime factæ:*

- a) obligat citatum ad comparendum: f)
 b) *jus*

b) *jus præventionis*, & *litis pendentiam* inducit: g)

c) *transcriptionem* interrumpit:

d) *Judicis delegati jurisdictionem* firmat. h)

f) Si nempe facta sit a *judice competente*. *Incompetenti*, cujus incompetenti notoria est, utpote extra *limites jurisdictionis suæ* *jus dicenti* impune non patitur. At vero si dubia videatur *jurisdictio*, citatus comparere, & incompetentiam tori allegare debet. *Pèhem cit loc. §. 985*

g) *Cap. penult. de for. comper. Clem. 2 ut lit. tend*

h) *Cap. 20 de offic. jud. deleg. Cont. 200 j. n. et, loc. §. 48, seqq.*

Hic quoque memoranda venit *novi operis nuntiatio*, qua quis a novo opere ad fœdus vel priori forma immutanda impeditur, nisi causa prius plene f. erit cognita aut satisfactio præstita: non tamen Principi *jus adiut* in territorio suo diversæ religionis consuetibus ædificandi templa, modo subditi simultaneo eundo haud graventur. vid. *P. I cap. II. §. 11. n. 1. 3. a)*

III. Qui citationi *pereuntioris* resistit, aut *Judicis mandatis* non obtemperat, contumax dicitur. Contumacia vero

1) Dividitur

a) in *dolosam* vel *culpofam*, prout vel dolo vel culpa interveniente committitur:

b) in *veram* vel *præsumtam*, si revera dolus vel culpa intercessit, vel intercessisse tantum præsumitur. i)

Part. II. §. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. i) *Cap. 3.*

i) *Cap. 3. de dolo & contum. cap. 7. de appellas.*

2) *Pœnæ contumacis Rei:*

a) si *ante litis contestationem*; Actori jus tribuitur petendi, ut in bona Rei immittatur, ^{h)} vel *cenſuris* etiam *ecclesiasticis* ad comparandum compellatur: *l)*

b) si *postea*; Actor his ipsis remediis uti, vel suscepta probatione sententiam Judicis expectare poterit. *m)*

k) Vid. Schrodte ad tit. *de eo, qui mittitur in possessionem &c.* §. 272. *seqq.* Hæc tamen immittitio in Camera imperiali abrogata est. *Recess. imper. de an. 1654. §. 36.*

l) *Cap. 1. ut lit. non contest.*

m) *Conf. ordo judic. cit. loc. tit VIII. §. 9. seq.*

3) *Pœnæ contumacis Actoris:*

a) *lite nondum contestata*; ni Reo expensas refundat, & caveat de iudicio fisci, agendi jus amittit; *n)*

b) *postea* vero, Reus exigere potest, ut Actor trina vice citetur, deinde & probationem *negativæ* in se suscipere Reus poterit, iudexque pro eo sententiam ferre, vel eum absolvere, Actoremque ad solvendas expensas condemnare tenebitur. *o)*

n) *Cap. 1. de dol. & contum. in 6.*

o) *Cap. 3. de dol. & contum.* Hæc de contumacia *vera* valent; contumacia enim *presumpta*, si doli & culpæ absentia probetur, nullum inducit præjudicium.

dicium. *Cap. 1. ut lit. non contest. cap. 6. de dol. & contum. cap. 18. de sent. & re jud. De remediis contra sententiam de contumacia latam ex jure nostro civili adhibendis vid. ordo jud. cir. loc. tit XIV. Sect. III.*

IV. Adlegationes rationum, quibus se Reus adversus actionem moram defendit, Exceptiones dicuntur, & dividuntur

- a) in *dilatorias* & *peremptorias*, prout vel judicium, in quo actio proponitur, vel ipsum jus in judicium deductum impugnatur:
- b) *dilatoriæ* rursus vel sunt *fori declinatoriæ*, si ratione fori vel Judicis: aut *dilatoriæ simpliciter*, si litigantium, modi procedendi &c: ratione impugnatur judicium:
- c) *peremptoriæ* item aut *litis ingressum impedi-* entes sunt, aut *strictè sic dictæ*, quatenus *litis* contestationem impediunt, vel secus. p)

p) Tam *dilatoria*, quam *peremptoriæ* exceptiones plurimæ per jus utrumque diffusæ sunt, quas magno numero recitat Schrodt ad tit. *de except. §. 443. seq.* Conf. etiam cit. *ord. jud: tit. IX. §. 2 tit. V. §. 4.* Proponendæ vero sunt ordinariæ *ante litis contestationem*, nisi aut postea natæ vel cognitæ, aut insanabilem processui nullitatem adferre ostendantur: semper item recipitur *exceptio excommunicationis*, & *loci non tuti.* Conf. Pehem cit. loc. *cap. IV. §. 1007. seqq.*

V. Inter exceptiones peremptorias memoranda præcipue *Præscriptio*, quæ est modus jus aut rem acquirendi, vel onus aut obligationem extinguendi per legitimam, tempore a legibus definito continuatam possessionem. q)

1) Ad legitimam præscriptionem requiruntur

- a) *res apta* præscriptioni: r)
- b) *bona fides*, seu conscientia ab injustitiæ peccato libera: s)
- c) *justus titulus*, seu causa, ex qua res habetur; t)
- d) *possessio nec naturaliter*, seu *amissione*, nec *civilitate*, seu *interpellatione extra-judiciali* interrupta: u)
- e) *tempus* legibus definitum. v)

g) Varias præscriptionis species vid apud Schenk §. 751.

v) Res nempe & *in se*, & ab *hac certa persona* debet posse præscribi: præscribere vero possunt omnes, qui *jus in rem* adquirere, vel ab obligatione liberari queunt. Res, quæ sunt *extra commercium*, *juris divini*, *sacra*, *vitiose*, seu vi aut mala fide possessæ, præscriptione adquiri non possunt, sicut nec *limites Diocesium*, & a laicis *jurisdictio ecclesiastica*. Nemo denique ab onere *obediendi canonice visitationis* &c. præscribendo liberatur. Conf. Schenk §. 752, Pe hem §. 833

e) Circa eam *jus canonicum* a civili quoad duo recedit. 1) quod hoc jure sufficiat, bonam fidem ab initio præscriptionis adesse; (L. 48. §. 1 ff. de A. R. D.) illo vero bona fides per integram præscriptionis *tempus* exigatur. Cap. fin. de præscr. 2) quod jure civili præscriptio *longissimi temporis* cum *mala fide* etiam inchoari possit, cum *jus canonicum* quamlibet præscriptionem absque bona fide irritam constituat. Conf. Schenk §. 752, Schol. 2.

1) *Justus titulus* dicitur, qui in se ad transferendum dominium, vel jus habilis est. Estque *coloratus*, si licet occulto laboret vitio, justus tamen creditur: vel *existimatus*, si intervenisse censetur, quamvis non intervenierit: vel *presumptus*, quem jura ob diuturnam possessionem adesse presumunt. Ad prescriptionem *ordinariam* titulum *coloratum* aut *existimatum*: ad *extraordinariam*, ubi ipsum temporis spatium tituli loco est, *presumptum* sufficere docent. Vid. Schenk cit. loc.

2) Interruptio enim *naturalis* totam prescriptioni vim adimit, ita ut recepta possessione de novo inchoari debeat: *civilis* vero eandem ab exitu litis suspendit. Conf. Pehem cit. loc. §. 831.

3) Prescribunt vero leges ratione *mobiliu triennium*; *decennium* ratione *immobiliu* inter *presentes*; inter *absentes vicennium*: contra Ecclesiam *Romanam* annos *centum*, contra *alias* ecclesias annos *quadraginta*, quod tempus etiam ad bona ecclesiarum *mobilia* extendendum videtur, cum jus *canonicum* *generatim* loquatur; *civile* vero ea *expresse* comprehensa velit. Conf. vero *Cod. Pruss. P. I. tit. IX. Sect. IX.*

2) Effectus prescriptionis:

a) Prescribentem in *dominio* rei prescriptae pro *utroque foro* securum reddit, quod ob publicam quietem, certitudinem dominii, & acuendam Dominorum diligentiam potestas publica constituere certe potuit:

b) *Prescriptio immemorialis*, seu cujus initium hominum memoriam excedit, vim *privilegii* habet, & ad eas etiam se res extendit, quae alias prescriptione vel omnino non, vel ex urgentissimis tantum rationibus ad-

quiri possunt, & exclusa generatim præscriptione, hæc exclusa non censetur. x)

- α) De *prescriptionis contrariis*, quæ eam 1) vel initio impediunt, vel 2) ad tēpus suspendunt, vel 3) cœptam interrumpunt. vel demum 4) completam rescindunt, vid: Schenk §. 754.

VI. Litis contestatio est responsio Rei ad Actoris petitionem animo cum Actore litigandi facta. y)

1) Dividitur :

a) in *veram* vel *fictam*, prout vere a Reo fit, vel ob ejus contumaciam lis pro contestata habetur :

b) in *generalem* vel *specialem*, quatenus Reus ab Actore narratis generatim contradicit, vel ad singula singillatim respondet: z)

c) in *puram*, si simpliciter, & *eventualem* si adjecta conditione fit. a)

y) Litis contestatione determinatur, quid controversiæ actorem inter & reum intercedat; non inepte igitur *fundamentum judicii* esse dicitur.

z) *Specialem* equidem jus Germaniæ (*Recess. J. N. de an. 1654. §. 37*), non tamen canonicum requirit *cap. 6. de juram. calum.*

a) Addunt alii, litis contestationem *solemnem*, & *minus solemnem*: *affirmativam* & *negativam*. Vid. Pehem §. 1000. *seqq.*

2) Ejus effectus ex parte Judicis:

a) *Jurisdictionem* ipsius prorogat.

b) nec partes illum nisi ex *caussa nova recusare* possunt. b)

b) Conf

b) Conf. Schrodt ad tit. *de lit. contest.* §. 140. *seq.*

3) Effectus ex parte Actoris:

- a) *mutatio libelli impeditur: c)*
- b) *actio fit perpetua, & ad hæredes transit.*
- c) *Vid. præced. n. I., lit. f. not. e).*

4) Effectus ex parte Rei:

- a) *via Exceptionibus regulariter occluditur:*
- d)
- b) *bonæ fidei possessio interrumpitur:*
- c) *utraq. demum pars ad hanc instantiam prosequendam, & in judicio comparendum obligatur. e)*
- d) *Vid. n. præced. IV. not. p).*
- e) *Ista litis contestatio ita necessaria est, ut antequam saltem eventualis fiat, nec testes recipiantur, nec probatio admittatur, nisi aut causæ natura, ut in matrimonialibus, provisionibus Prælaturarum &c: aut periculum amittendæ probationis aliud exigat. Cap. 5. ut lit. non contest. cap. 4. de confir: util.*

§. III.

EA, QUÆ POST LITIS CONTESTATIONEM FIUNT.

I. Probatio est rei dubiæ & controversæ ostensio Judici legitime facta. f)

U 4 1) Divi-

1) Dividitur

- a) in *summariam* & *ordinariam*; in *priori* *substantia* tantum, quæ natura probationis exigit; in *altera* etiam *solemnitates* a legibus requisitæ servantur: g)
- b) in *plenam* & *minus plenam*, prout argumenta adlata ad veritatem ostendendam sufficiunt, vel non: datur & *semiplena maior*, vel *minor*. h)
- f) Seu est actus, quo facti controversi veritas evincitur: Remedia ad veritatem facti evincendam adhibita, dicuntur *media probandi*, & *legitima* quidem, si rationem naturalem aut legem probant contingant factum adfirmari: *spuria*, si ita comparata non sint. *Cap. 27. de rest. cap. 17. de restit. spol*
- g) *Prior* in *judicio summario* locum habet, tum etiam in *caussis*, quæ *ordinario* *judicio* incidunt, *posterior* in *judicio ordinario* requiritur. *Ulem. 2. de V. S.*
- b) *Cap. 2. de prob.*

2) Probatio fiat in judicio, proin

- a) in *regula lite tantum contestata*, & *ante sententiam*:
- b) *coram iudice causæ*:
- c) *intia tempus a lege vel Iudice præfinitum*. i)
- i) *Adori*, reoque certa temporis intervalla, quibus ad actum judicalem se commodè disponant, indulgentur, *dilationes* dictæ; hæ prout vel lege vel decreto iudicis, vel consensu partium constituantur, *legales*, *judiciales*, *conventionales* appellari solent; atque cum jure canonico non sint certo definitæ, arbitrio iudicis determinandæ relinquuntur. *C. p. 1. seq. de dilat. & cap. 3. 4. de dol. & contum.*

3) Pro-

- 3) Probandum factum dubium; ergo
- a) non quæ juris sunt *communis*, aut *juris præsumptione* munita, sed *jura partium & consuetudines*:
 - b) non *notoria*, vel ab adversario *concessa*, sed ab eo *negata*. k)
 - k) *Ex præced. not. f)*
- 4) Onus probandi incumbit factum adleganti; unde
- a) Actor actionis & replicationis: Reus exceptionis & ampliationis fundamentum probare debet, siue fundamentum hoc in facto affirmativo siue negativo consistat:
 - b) factum neganti ab altero adlarum non incumbit probatio, nisi in negatione adiegatio novi facti virtualiter contineatur. l)
 - l) Vulgares igitur regulæ; actori incumbit probatio; & adfirmanti incumbit probatio non neganti exceptionibus obnoxia sunt. Conf. Pehem § 1064. seqq.
- 5) Finis probationis est, ut fides fiat Judici; quare
- a) directe vel indirecte ad merita causæ pertinere debet:
 - b) quantum causæ ratio finit, clara sit, perspicua & certa:
 - c) Actore plene probante Reus condemnari; eo non probante, Reus absolvi debet. m)

m) Tutius enim est absolvere reum, quam damnare innocentem.

6) Species probationum præcipuæ:

- a) Notorium, sive *facti*, si ita hominum oculis patet, ut nulla tergiversatione celari possit: sive *juris*, si ex jure aut judicio oriatur, solaque adlegatione, non probatione indigeat:
- b) Fama seu communis hominum opinio voce manifestata; hæc per duos saltem testes spectatæ fidei probari debet, qui & rationem hujus communis opinionis reddere debent, & cur ipsi etiam credant esse:
- c) Inspectio ocularis, quæ summum probandi momentum habet, si Judice & partibus præsentibus, ac adhibitis testibus hujus rei peritis, & juramento adstrictis fiat:
- d) Præsumptio est conjectura ex eo deducta, quod fieri *ut plurimum* solet, & loco probationis adlegata; quæ vel *juris* est, vel *hominis*, prout *lege* inducta est, vel *secus*. n)
- n) Præsumptionis vis ex gradu probabilitatis facti æstimanda, ac ordinarie in partem meliorem præsumptio facienda est. Conf. Pehem §. 114. §. 99.

II. Confessio est adseveratio illius, quod adversarius intendit. o)

7) Dividitur

a) in

- a) in *veram*, si *revera verbis* aut *factis* æquivalentibus fiat, & *fictam*, si vel ob *contumaciam* vel *fugam* facta fingatur:
- b) *judiciale* vel *extrajudiciale*:
- c) *puram*, vel si conditio adponatur, *qualificatam*:
- d) *discretam*, si obligatio & ejus causa specifica, & *indiscretam*, si obligatio tantum exprimitur.
- e) Ab aliis declaratio dicitur, qua quis veritatem facti proprii agnoscit.

2) Requisita illius:

- a) sit *libera*, p)
- b) *clara* & *certa*, q)
- c) *judicialis* coram iudice competente fiat. r)

p) Alioquin confessio vi & metu extorta, eo cessante revocari poterit. *Cap. 16. de offic. jud. deleg.*

q) Inde ex defectu *claritatis* id, quod ex actu confessato per consequentiam elicitur, non statim vim confessionis habet. *L. 6. princ. ff. de confess.*; ex defectu *certitudinis* erronea confessio ita nulla est, ut confitens, si in continenti dicat se errasse, errorem probare non teneatur; (*Arg. cap. 7. de test. cog.*) secus est, si errorem ex intervallo adleget. *Cap. ult. de confess.*

r) Unde confessio Clerici coram iudice laico facta dicitur non tenere. *Cap. 4. de jud.*

3) Ejus effectus:

- a) *judicialis* Actorem ab onere probandi liberat: s)

b) in

- b) in civilibus vim rei iudicatæ & sententiæ obtinet: t)
- c) notorium juris inducit, & adpellationem excludit: u)
- d) extrajudicialis in criminalibus plerumque semiplene tantum probat;
- e) in civilibus vero ut plene probeat, seria, ab adversario acceptata, repetita, & a duobus testibus probata sit, oportet. v)
- f) Vim enim plenissimæ probationis habet. Cap. 17. de præscript.
- g) Cap. 2. de confessi. cap. 10. de transact.
- h) Cap. 7. de cohabit. cler. & mulier. cap. 61. de adpell. cap. 3. ibid. in 6.
- i) Arg. cap. 10. de prob. Conf. ordo judic. tit. X. Sect. II.

III. Testes dicuntur personæ in iudicium evocatæ, & idoneæ ad facti veritatem dictis suis evincendam, qui

- 1) sint fide digni, ideoque
 - a) nec scientiæ defectu laborare,
 - b) nec de falso dicendo suspecti esse debent. x)
 - c) Dotes hæ in aliquibus vel plane non, vel non omni ex parte reperiuntur: inde est, quod quidam absolute, alii certo tantum intuitu vel personarum, vel causarum pro non idoneis habeantur. De his infra.

- 2) Legitime evocentur, y) proin
 - a) non ultro se offerant, ni suspecti haberi velint;
 - b) sed partes a Iudice petant, ut testes citentur, eisque articuli probandi exhibeantur;

c) nec testis sic legitime evocatus a testimonio dicendo se subtrahere potest, nisi auctiori aut *secreti*, aut *naturalis necessitudinis* obligatione teneatur. 2)

7) De modo evocandi testes legatur *Pe hem §. 1077. Conf. vero cit. ordo judic: tit. X. Sect. IV. §. 169 seqq.*

2) *Cap. 2. de off. jud. ord. cap. 12. de pœnit. Pe hem §. 1083. seqq. Ordo judic. cit. loc. §. 179. seq.*

3) Rite examinentur.

a) Testes in judicio remotis partibus *secretò* interrogentur ad singulos articulos tum a partibus, tum a iudice propositos;

b) responsa in *scripturam* fideliter reducta testi iterato prælegantur;

c) hocce instrumentum, *rotulum* vocant, partibus publicetur. a)

a) *Conf. ordo judic. cit. loc. §. 188. seqq.*

4) Facta hac publicatione

a) nec *iidem*, nec *alii* testes super *iisdem* articulis, aut his directe *contrariis* admittuntur, b) quamvis mutua impugnatio, & defensio adtestationum locum habere queat. c)

b) *Adtestationes* sic publicatæ in alia instantia fidem faciunt; d)

c) nec contra testium personas *exceptiones* ultra *regulariter* admittuntur. e)

b) *Cap. 17. 18. 25. 29. 48 de test. Clem. 2. ibid. Nisi* justa ratio, aut qualitas causæ, nempe crimina-

lis vel matrimonialis id permittat. *Cap. 26. ibid.*

e) *Cap. 15. de test.*

d) *Cap. fin. de prob. cap. 11. de test.*

e) Nisi pars sibi eas reservarit, aut causa suspitionis primum innouerit, aut pars juramento maline doceat, se ad hanc oppositionem bona fide venire. *Cap. 31. de test. cap. 2. ibid. in 6. Conf. ex do jud. cit. loc. §. 234.*

3) Auctoritas testium.

a) Unus nisi persona publica de actione sui officii testificans, vel nisi de peccato impediendo agatur, plene non probat; e)

b) sed sufficiunt duo sibi consentientes & omni exceptione majores; f)

c) testes singulares sibi contradicentes, nihil; qui sibi adminiculo sunt, semiplene & in civilibus plene saepe probant; g) testis vacillans testimonium nullum est, ni statim errorem revocet; testimonium variantis non quidem mox rejiciendum, sed an fraus nulla subit, examinandum.

e) *Cap. 23. 28 de test.* Plures ab hac regula exceptioes vid: apud Pehem §. 1080.

f) *Cap. 4. 23. 28. de test.* Nisi specialis juris, praesertim canonici, dispositio plures testes delideret, ut in purgatione canonica (*cap. 10. 12. de purg. can.*): in quaestione de impotentia conjugum ad dissolvendum matrimonium, *cap. 5. 6. de frigid.*

g) *Conf. Pehem §. 1082.*

6) A

6) A testimonio dicendo excluduntur h)

- a) *rationis impotes, aut causæ cognitione destituti*
- b) *perjuri, de falso convicti, corrupti, aut facile corrumpendi;*
- c) *infames, hæretici;*
- d) *Judæi pro Judæo contra Christianum, aut inimicus contra inimicum;*
- e) *ardiori nexu cum iis, pro quibus, aut contra quos testentur, conjuncti;*
- f) *Laici contra Clericum in causâ criminis, nisi res notoria sit aut scandalosa, vel alii haberi nequeant;*
- g) *Clerici in causâ sanguinis contra reum;*
- h) *omnes in causâ propria, aut ubi speciale inter testem commodum, aut incommodum redundare possit. i)*

b) Scilicet vel 1) *absolute*, vel 2) *intuitu certarum personarum*, vel 3) *intuitu certarum causarum.*

i) Vid. Pehem §. 1070. Conf. ordo judic. cit. loc. §. 217. seqq.

VI. Instrumenta sunt scripturæ ad fidem de facti veritate faciendam idoneæ.

1) Dividuntur

- a) *in privata, quæ a personis privatis; publica, quæ a persona publica, qua tali sunt confecta; k)*

b) *in*

b) in originalia, seu praesens condita; trans-
fusa, seu collata, quae a originalibus
sunt descripta & collata vocantur, si a
persona publica cum originali collata sint.

k) Cap. 2 de inst. um. Publicis aequi, arantur sic dicta
authentica, seu ea, quae sigillo publico sunt mu-
nita, ex Archivio publico depromta, aut trium
testium adhuc viventium manusque suas agno-
scentium subscriptione firmata; cap. eod. ibid.
aut ordo jud. tit. X. §. 123 seqq.

2) Instrumentorum vis.

a) Publica authentica, & debitis solennitatibus
vidimata plene. l)

b) privata pro scribente per se nihil; contra ip-
sum plene probant. m)

l) Cap. penult & fin. de fid. instrum.

m) Cap. 14 eod. Possunt tamen per accidens etiam
pro scribente probare, nempe 1) si ab adver-
sario sint producta. aut 2) ex antiquitate tem-
poris, vel ex qualitate personarum fidem mere-
antur: vel 3) si eis ex speciali lege vel con-
suetudine vis probandi sit conciliata. Cap. 13 de
prob. cap. 13 de praescript. Conf. ordo judic. ut
loc. §. 158. seqq.

3) Productio instrumentorum.

a) Jure germanico mox cum libello adferri
possunt;

b) quod tamen non nisi post litem contestatam
fieri solet, & jure canonico usque ad litem
decisionem licet; n)

e) &

- c) & primo quidem Copiæ, post etiam ipsa Originalia coram adversario Judici ante causæ decisionem producenda sunt; o)
- d) post decisionem contradicente adversario instrumenta producere haud licet, nisi noviter reperta probentur, p) aut in causis matrimonialibus, & criminalibus;
- e) instrumenta Judici integra, parti adversæ quoad ea tantum, quæ ad litem spectant, exhibenda sunt; q)
- f) sic producta adversarius recognoscere, diffiteri, aut falsa probare tenetur. r)

u) Cap. 9. de fid. instrum.

o) Ordo judic. cit. loc. §. 110. seq.

p) Cap. 8. in fin. de elect. in 6. cap. 4. de excepti.

q) Cap. 5. de fid. instrum. ordo judic. cit. loc. §. 99.

r) Ordo judic. cit. loc. §. 134 seqq. 126.

4) Editio instrumentorum.

- a) Actor Reo, & hic illi edere debet instrumenta communia, petentis propria, & ea, sine quibus veritas haberi nequit.
- b) Actor insuper ea omnia, quæ ad defensionem & exceptionem, reus vero solum, quæ ad replicationem probandam sunt necessaria; s)
- c) Tertium, nisi damnum ei immineat, ad editionem instrumenti cogi posse, jure communi concessum videtur. t)

s) Cap. 1. de prob. Conf. Reiffenstuel ad lit. de fid. instrum. n. 251.

2) *Leges juris nostri civilis, secundum quas editio instrumentorum a tertio peti potest, vid. in ordina-
judic. cit. loc. §. 101. Quid jus canonicum hac de
re doceat, P. Engel ad tit. de fid. instrum. fu-
suis exposuit.*

5) Impugnatio instrumentorum fit

- a) ostensione vitii subpositionis, rasuræ in loco suspecto, sigilli non congrui;
- b) *instrumentis contrariis;*
- c) *testibus inscriptis*, manusque suas neganti-
bus; vel *extraneis* de falsitate instrumenti
testantibus; u)
- d) scripturam vero suam negans ad *diffessionis*
juramentum obligatur. v)

n) *Conf. Pehem cit. loc. §. 1095. seqq.*

v) *Conf. ordo judic. cit. loc. §. 134. seqq.* De auctori-
tate instrumentorum in casu collisionis cum testi-
bus hæc notanda sunt: in probatione 1) facto-
rum & rerum antiquarum; 2) causarum publi-
carum; 3) negotiorum, quæ per instrumenta
expediuntur, aut quorum 4) memoria solidius
per scripturam conservari potest, & solet, præ-
ponderat instrumentorum fides. Schrodte ad
tit. de fid. instrum. §. 379 seq. Idem fere in or-
dine judic: tit. XIII. §. 18. seqq. legitur.

V. Jusjurandum actus est religionis,
quo Deus in testem veritatis, & falsitatis vin-
dicem vocatur. x)

1) Dividitur

- a) in *promissorium*, quod de futuris, & *adser-*
torium, quod de præteritis præstat; y)
- b) in

- b) in *solenne*, & *minus solenne*; z)
- c) in *judiciale*, & *extrajudiciale*;
- d) in *litis decisorium*, quod *litis finiendæ* causæ fit; & *litis æstimatorium*, quo rei litigi-
sæ æstimatio vel ex vero *pretio*, vel ex pec-
culiari in illam *adfectu* adseritur;
- e) *voluntarium*, quod pars parti offert; *necef-
sarium*, quod altera pars aut iudex exigit;
- f) *subpletorium*, quod ad complendam pro-
bationem; *purgatorium*, quod ad eliden-
das præsumptiones præstatur. a)

x) Maximum expediendarum litium remedium esse
dicitur *L. 1. ff. de iurejur.*

y) De juramentis *promissoriis extrajudicialibus* sapien-
ter in *ordine judic*: tit. X. Sect. V. §. 248. statu-
tum est: ut personæ privatæ ea a se invicem non
exigant; abusus vero eorum secundum *Codicis*
universalis P. II. tit. XX. §. 1425-1430. leges pu-
niantur.

z) *Illud* publice ad reliquias Sanctorum, sacra evan-
gelia &c.; *hoc* vero absque speciali solennitate
præstatur.

a) Paulo accuratius juramenti varias species descrip-
sit *Pothem* §. 1099. seqq.

2) Requisite.

a) Dei nomine invocato, *verbis* vim juramen-
ti exprimentibus, *animoque* jurandi prola-
ris fieri debet; nil tamen interest, sive *ore*
sive *scripto*, seu per *alium speciali mandato*
instructum fiat, nisi *expresse* mandatarius
excludatur. b)

X 2 b) Veri-

b) *Veritatem, iudicium, & iustitiam* comites habeat, proin nec *frequenter nimis*, nec *temere*, aut sine necessitate dici vel exigi, nec ab iis admitti, debet, quæ eius vim intelligere, & revereri nesciunt; nec *contra bonos mores* aut *in præjudicium tertii* præstitum vim obligandi habere potest. c)

b) Nec necesse est eandem semper in iurando formam adhibere; sed pro diversa jurantis religione diversa admitti & potest, & debet. Quare alio modo jurat Judæus, alio Græcus, alio Muhametanus, ac Christianus. Vid. *ordo judic. cit. loc. §. 316. seqq.* Memnonitis sufficit verba adhibuisse, quibus eandem, quæ Christianorum juramentis inest, vim tribuunt; *ibid. §. 203. n. 5.*

c) Corollaria ex hac propositione deducenda vid. apud *Pechem cit. loc. §. 602.*

3) Effectus.

a) Actibus *validis* ex eo nova accedit obligatio religionis. d)

b) actus vero in *solum jurantis favorem*, cui is renuntiare censetur, *invalidos*, dummodo *non malos*, confirmat. e)

d) Connescuntur enim per iuramentum cum actu nova & distincta ex perfectionibus divinis desumpta motiva (*vid. des. n. V.*, at connexionem motivorum ejusmodi tanquam momentorum cum actione libera obligationem religionis vocant. Vid. L. Baro de Martini *Posit. d. L. M. cap. II. §. 71*

e) *Pechem cit. loc. §. 606. seqq.*

4) Juramento litis decisorio propria:

a) *Voluntarium*, quod & *extra judicium* locum habet, nititur *sola partium conventionē*, & ab illis, qui & alias de rebus suis transigendi jus habent, *deferri*, pro libera vero partium voluntate *recusari* aut *acceptari* potest:

f)

b) *judiciale deferri* potest saltem *post probationem semiplenam præstitam*, ac *necessario vel acceptandum vel referendum* est; g)

c) *necessarium* a *Judice* illi parti, quæ *semiplene probavit*, *defertur*, quæ si *recuset*, *causâ cecidisse*, si *præstet*, probationes suas *complexæ* censetur. h)

f) *Arg. L. 2. ff. de jurejur.* Semel autem susceptum omnino præstandum absque mora, & in ea quidem forma, quo delatum est, nisi deferens illud remiserit, quo facto habetur pro præstito in causa privati arbitrii. *Conf. ordo judic. tit. X. Sect. V. §. 252. seqq.*

g) *L. 12. cod. de R. c. & jurejur. Conf. ordo judic. §. 286. seqq. cit. loc.*

h) *Cap. 7. & 15. de purgat. can. item ordo judic. tit. XXII. & tit. XIII. §. 11. seqq.*

5) Juramentum calumniæ illud vocant, quo partes se bona fide litigaturas, et ab omni fraude alienas esse adseverant.

a) *Generale*, seu illud, quod post lris contestationem intuitu *totius causæ* præstatur, tam ab *Actore*, quam a *Reo* præstari debet,

& a Judice toto litis pendente tempore exigi potest, *h*)

- b) hoc partes *expresse* sibi *remittere* nequeunt; verosimilius tamen *tacite*, cum plerisque in locis illud omnino cessaverit; *recusans*, tamen pro *confesso* habetur; *i*)
- c) *speciale*, seu id, quod intuitu *certi articuli*, præstatur, *pars a parte* exigere potest, quoties Judex justam fraudis suspicionem fuisse crediderit; *k*)
- d) *recusans* illius actus bono privatur. *l*)

b) Cap. 1. de juram. calum. in 6.

i) Conf. Van Espen P. III. tit. VII. cap. IV.

k) Cap. 2. de juram. calum. in 6.

l) Conf. ordo judic. tit. XXII. §. 37. seqq.

VI. Conclusio causæ ea actio vocatur, qua partes ulterioribus causæ probationibus renuntiant, eamque Judicis decisione submittunt:

- a) *generalis*, quæ *totam causam*; *specialis*, quæ *articulum tantum aliquem* respicit;
- b) *expresa*, si verbis fiat, *tacita* seu *facta*, si partes terminum *peremptorium* elabi sinunt;
- c) *facta conclusione* novæ probationes a partibus haud recipiuntur, *m*) Judicem tamen nil impendit, quo minus ea decernere possit, quæ ad causæ instructionem meliorem pertinere videbit. *n*)

m) Excipiuntur causæ criminales, de peccato impediendo, pupillorum & Ecclesiarum; si nova instrumenta reperiantur, pars adversa contra se constitatur, aut facti evidentia ostendi queat. Conf. Schenkl §. 768. Schol.

n) Ordo judic. tit. XII. §. 6. seqq. Conclusionem sequitur *involutio*. Quid vero hæc sit; aut qua ratione fieri debeat, vid. cit. mox loc. §. 9^a seq.

VII. Sententia est causæ controversæ, riteque disceptatæ a Judice facta decisio:

- a) *definitiva*, quæ causam *principalem*; *interlocutoria*, quæ articulum in causæ decursu *incidentem* definit;
- b) *interlocutoria mixta*; quæ cum causâ principali nexum habet; *simplex*, quæ nullum;
- c) *interlocutoria* vim *definitivæ* habens, si ab ejus decisione decisio *definitivæ* pendeat.

1) Sententia ferri debet

- a) a Judice *competente* o) *debitis solennitatibus* adhibitis p) aut per vota *majora*, si plures sint Judices, *æqualia* enim Reum *absolvunt* q)
- b) sit *juribus receptis conformis*, pro causæ ratione *determinata* & *certa*, nullique *conditioni* adstricta, quæ statim impleri nequeat, aut ulteriore cognitione indigeat. r)

o) Cap. 4. de jud.

p) Vide Pehem cit. loc. §. 1126.

g) si iudices sint *ordinarii*. Si enim *delegati* fuerint, decisio a delegantis pendet ad probationem. Cap. ult. de sent. & re jud.

r) Conf. Pechem cit. loc. §. 115. Ordo judic. tit. XIII. §. 36. seqq.

a) Publicari. debet

- a) ex scripto, partibus ad id citatis, s)
- b) ab ipso *Judice pro tribunali* sedente, nisi Episcopus fuerit, aut alia persona illustris; t)
- c) die non feriato. u)

s) Cap. ult. de sent. & re jud. in 6. Clem. 2. cod.

t) Cap. ult. ibid. in 6.

u) Conf. ordo jud. cit. tit. §. 44. seqq.

3) Effectus sententiæ latæ et rite publicatæ:

- a) nisi partes intra *decem* dierum spatium *appellationem* interponant, vim rei *judicata*, consequitur; v)
- b) *probationem obpositam* & *actionem* *excludit*, nisi in casibus *exceptis*; x) inter partes enim *jus perpetuum* constituit, & pro *veritate* habetur. y)

v) Est vero *res judicata* lis *Judicis* *sententia* ita *decisa*, ut inter partes vim legis obtineat.

x) Videantur apud Schenk §. 769. Schol. 2

y) Hoc tamen ultimum ad forum *externum* solum extendendum videtur; nec enim *jus naturæ*, nec *jus positivum*, aut *boni publici necessitas* exigit, quo minus

minus *malæ fidei Possessor* obligetur ad *restitutionem* post latam sententiam, contra ac in *prescriptione* fit.

§. IV.

EA, QUÆ POST LITIS DECISIONEM FI- UNT.

I. *Executio* ille actus dicitur, quo res iudicata, si parere condemnatus renuit, auctoritate *Judicis* per remedia coactiva in actum deducitur, estque

- a) *principalis*, quam *Judex propria* auctoritate, &)
- b) *subsidiaria*, quam *alius* ad *Judicis* implorationem exercet, cui vel ipse victus, vel ejus bona subsunt; a)
- c) *prior* fieri debet a *Judice ordinario*; delegatus enim, nisi *summi Principis* sit, aut *Pontificis*, aut nisi ei *executio specialiter* demandetur, hac potestate præditus haud censetur; b)
- d) in *caussa reali* statim fit *executio*, c) nisi *restitutio* proberetur *impossibilis*, aut *tertius* se obponat, cui præjudiciosa esse posset;
- e) in *personali quadrimestre* conceditur, hodie vero vix non ubique *Judicis* arbitrio relinquitur. d)
- z) Sive *immediate* ipse, sive *mediate* per *executorem* delegatum peragit: quæ quidem delegandi facultate *judicia superiora* gaudent. *Cap. 5. de sent. et re jud.*

a) Quoniam subsidiarius executor executionem vi requisitionis peragit, fines ejus egredi, & de exceptionibus, quæ ipsi sententiæ opponuntur, cognoscere nequit, quamvis nihil prohibeat, quin judicet de exceptionibus, quibus mandata ei executio impugnatur. *Cap. 28. §. 3. de off. jud. deleg. Conf. ordo judic. tit. XXIV. §. 26. seqq.*

b) *Conf. §. I. n. II. 6. huj. cap.*

c) *Cap. 5. de sent. & re jud. Conf. ordo judic. ibid. §. 2 seq. & ibid. Sect. II.*

d) *Cap. 15. ibid. Ad executionem subsidiariam maxime spectat sic dicta invocatio brachii secularis & imploratio potestatis ecclesiasticæ, dum judex ecclesiasticus a seculari, aut hic ab illo auxilium petit. Conf. Cap. 14. de off. jud. ord. cap. 10. de jud.*

II. Inter impedimenta executionis primo memoranda venit adpellatio, qua judex superior imploratur, ut gravamen ab inferiore illatum tollat. e)

Dividitur

a) in *judicialem*, quæ ob gravamen per *sententiam*,

b) & *extrajudicialem*, quæ ob aliud gravamen a iudice illatum interponitur. f)

3) Adpellare potest quivis gravatus etiam tertius, nisi

a) ob *veram contumaciam* sit condemnatus; g)

b) in

b) in iudicio *sponte confessus*, aut *evidenter convictus*; h)

c) gravamen jam sit *sublatum*;

d) admittitur tamen, si *gravamen præsens* sit, si *future*. i)

e) Nomine *gravaminis* hic loci venit, quidquid ad-
versus *jus alterius* suscipitur.

f) *Cap. 12. de appell. cap. 1. 3. ibid. in 6. Clem. 1. ibid.*

g) *Conf. Schrodt loc. cit. §. 269.*

h) *Cap. 14. 28. 61. de appell.*

i) *Cap. 13 & seq. de appell.*

2) *Adpellatio* admittitur in omnibus
causis, præterquam

a) in causis *possessiois momentaneæ*, aut mo-
ram non ferentibus. k)

b) post *trinam sententiam conformem*, aut si res
sit *evidens*; l)

c) a *sententia interlocutoria*, nisi vim definitivæ
habeat. m)

k) *Conf. Pehem §. 1138. ordo judic. tit. XIV. §. 3.*

l) *Cap. 95. de appell.*

m) *Concil. Trident. Sess. XXIV. cap. 20 de reform.*

3) *Adpellari* quoque potest a quovis Ju-
dice Superiorem habente, nulloque *de non*
adpellando privilegio gaudente

a) ad Superiorem, cui *Judex proxime* sit sub-
jectus; n)

b) in

- b) in causis ecclesiasticis ad Judicem ecclesiasticum,
- c) instantiis et ordine non servatis ad intermedium remittitur. o)
- n) A delegato quoque ad delegantem.
- o) Ne alteri beneficium intermediæ instantiæ intercipiatur,

4) Adpellatio ut effectum sortiatur

- a) rite est interponenda, nempe intra decendium a lata sententia a præsente, a tertio vero vel absente intra decendium a tempore cogniti gravaminis vel sententiæ; & quidem vel illico coram Judice sententiam ferente, vel si ejus copia non sit, coram Notario & Testibus; petendæ insuper intratriginta dies litteræ, (*Apostolos* vocant) quibus Judex inferior de interposita adpellatione testetur; p)
- b) rite est et introducenda et proseguenda; scilicet adpellans intra tempus, vel lege præfixum vel a Judice statuendum, offerat libellum adpellationis et gravaminum, peratque, ut Judex inferior in causa ultra procedere prohibeatur, et Acta primæ instantiæ transmitti cogatur; sua item gravamina iusta et vera esse demonstret. q)
- p) *Cap. 9. de appell. in 6.*
- q) *Conf. ordo jud. ibid. Sect. II. III.*

5) Effectus:

- a) Facta adpellatione sententiæ *executio* in regula suspenditur;
- b) causæ cognitio et decisio ad *superiorem* devolvitur;
- c) rota causæ in *statum pristinum* reducitur;
- d) adpellatio adversus *totam* sententiam *utri-que* parti prodest;
- e) sententia prior vel *confirmatur*, et *temere* adpellans ad *expensas* damnatur;
- f) vel *reformatur*, et *utraque* pars solvit *expensas*, ac Judex, ad quem adpellatum est, *executionem* decernit. r)

r) Schenk l. §. 777. Conf. *orde jud cit. loc. §. 5 seqq.*
 Adpellationem sequi non raro solet in causis civilibus majoris momenti *Revisio*, cujus ab adpellatione discrimen, ac modum vid: in *ord. judic. cit. P. tit. XV.*

III. Querela nullitatis, qua lata sententia ut nulla impugnatur s) Jure nostro civili t)

i) institui potest, si sententia lata sit

- a) *ex falsa causa*; u)
- b) *contra legem*; v)
- c) aut a *Judice jurisdictionem*, vel ejus *exercendæ jus* nondum habente. x)
- d) *actore* aut *reo*, quem sine *Curatore* ad *judicium* admittendum non esse leges statuunt, *admisso*; y)
- e) *Procuratore* (sive *nullo* sive *falso mandato* instructo; z)

f) de:

f) demum si in *contumaciam* lata est contra eum, cui citatio non fuerat infinuata. a)

g) Plurimas nullitates recenset Vantius & alii.

h) Vid. *ordo judic. tit. XVI.*

i) *Ibid. §. 2.*

k) *Ibid. §. 2. n. n.*

l) *Ibid. n. 3.*

m) *Ibid. n. 4.*

n) *Ibid. n. 5.*

o) *Ibid. n. 6.*

2) Effectus:

a) sententiam et processum, quo illa nititur, *nullum reddit*, b)

b) *salvis* tamen illis processibus *actibus*, qui advenientem nullitatis causam *præcesserunt*. c)

b) *Ibid. §. 8.*

c) *Ibid. §. 9. Conf. §. 10.*

IV. Restitutio in integrum beneficium Juris est, vi cujus negotium auctoritate judiciali ob justam causam rescinditur.

1) Restitutio in integrum concedenda

a) tantum *in defectu* alterius remedii *ordinarii*;

b) *majoribus* raro, et non nisi in causa *specialiter* in Jure probata;

c) *facilius minoribus*, Ecclesiis et Corporibus ecclesiasticis;

d) hoc

d) hoc item privilegio una Ecclesia contra aliam uti potest. c)

e) *Ordo judic. cit. tit. §. 12. seqq.*

2) Petenda est

a) a Judice competente illius, contra quem petitur;

b) intra tempus quadriennii factæ, vel in casu ignorantiae cognitæ læsionis. d)

d) Si ex capite minorennitatis petitur restitutio in integrum, intra quadriennium — si vero ex noviter repertis — intra decenniam a die lata sententiæ petendam esse jura nostra statuunt Vid. *ord. judic. cit. loc. §. 13. 19.*

3) Effectus:

a) nomina in priorem statum restituuntur; proin ea pendente nil innovari, nec sententia executioni dari potest;

b) *res cum fructibus*, nisi bona fide consumptis, aut legitime præscriptis, refutis impensis restituenda est. e)

e) Jus civile nostrum minorem restitutioni in integrum effectum tribuit. Vid. *ord. jud. cit. loc. §. 16. 28.*

V. Reconventionem supra §. II. n. I. lit. d. actionem diximus, quam Reus adversus Actorem instituit. f) regulas circa eandem has statuunt:

a) *res*

- a) reconvenire possunt omnes, quibus agendi jus est;
- b) locum habet in omni causa, sive connexa, sive diversa; g)
- c) institui potest coram eodem Iudice sive ordinario, sive delegato, modo causæ reconvenientiæ sit capax; h)
- d) non tamen coram Arbitro, aut in instantia appellationis. i)
- f) Adde: in eodem iudicio, licet respectu actoris incompetente.
- g) Non nullis exceptis; vid. Zech de iud. eccl. tit. XIX. §. 222. ord. iudic. tit. XIX. §. 17
- h) Cujus enim in agendo quis observat arbitrium, eum habere et contra se Iudicem in eodem negotio non dedignetur: Can. 1. Caus. III. quæst. 8.
- i) Primum, ne potestas arbitri ultra compromissum extendatur; alterum, ne actor beneficio primæ instantiæ privetur.

VI. Processus summarius est, in quo omissis solennitatibus substantialia solum iudicii observantur. k)

- 1) Causæ per se summariæ sunt:
 - a) causæ spirituales, ad quas matrimoniales, beneficiales, & causæ decimarum referendæ sunt;
 - b) causæ usurarum;
 - c) causæ Pauperum, Pupillorum et Viduarum;
 - l)
 - k) Quod tum fieri solet, quando causæ sive ex natura sua, sive per accidens moram non patiuntur.
 - h) Clem. 2. de iud.

2) Causæ

2) *Causæ per accidens summariæ sunt*

a) *per Rescriptum Principis;*

b) *per mutuum partium consensum. m)*

m) Recte tamen monetur iudex: ne ita causas hæc summarie pertractet, quin probationes *necessariæ* admittantur.

VII. Processus possessorius, qui inter summarios numeratur, ille est, in quo de possessione adipiscenda, retinenda, vel recuperanda agitur; circa hæc notanda:

a) is, qui in *summarissimo*, seu eo, in quo *novissima* solum possessio examinatur, succubuit, agere potest adhuc de possessorio *ordinario*, seu eo, in quo possessio *antiquior* investigatur;

b) qui *possessorium ordinarium* amisit, de proprietate in *petitorio* agere potest, modo priori *satisfecerit* sententiæ, et *spoliatus* sit *restitutus*; n)

c) licet insuper in eodem iudicio de *præsenti* possessione, et *antiqua* agere, imo & rei possessionem simul et proprietatem prosequi. o)

n) Haud tamen restitutio facienda, si *animæ* vel *corpori* grave imminet periculum, si *spoliatus* rei possidenda sit *incapax*: aut *jus commune* ei resistat, vel *spoliatus* aut *tertius* rei dominium liquido probet. *Cap. 8. de restit. spol. & cap. ult. eod: in 6.*

- o) *Cap. 3. 4. 6. de causj. poss. Clem. in eod.* Melior ex utroque jure est *conditio possidentis*; remedia enim suam possessionem in judicio defendendi ei conceduntur; *propria auctoritate* se in possessione tueri, ereptamque sibi vindicare potest; a *probandi onere liber* existit: & *jus fructus suos faciendi* habet, si *bona fide* *justoque titulo* possideat:

Modum procedendi in Possessorio summarij. fmo exhibet cit. ordo judic. tit. XXXI.

VIII. Conventionalis litis decisio

1) Dividitur

- a) in *gratuitam*, quæ est gratis & deliberato animo facta remissio juris ad evitandum litigium;
b) et *onerofam*, si res dubia dato aliquo, aliquo retento vel promisso deciditur. p)

p) Christianæ legi quam maxime consonum, in antiquioris Ecclesiæ judiciis usitatissimum, ac legibus quoque Principum serio commendatum dirimendæ litis medium! Vid. *Fleury Inst. J. E. P. III. cap. II. §. IV. seq. Ordo judic. tit. XI.*

- 2) Utraque tunc solum valet si nec legi, nec bonis moribus, nec alteri cuiuspiam pactioni obstat, q) proin non valet

- a) in rebus, quæ non sunt *privati arbitrii*, vel ubi *consensus aliorum* requiritur, aut in *damnum tertii* cedere posset;
b) ubi *peccandi* subest periculum;
c) si partes *libere non* consentiant. r)

q) Quodsi

q) Quodsi enim obftet, litigantibus ad transigendum libertas moralis, essentialia ad valorem pacti requisitum, deest.

r) Conf. Zech cit. loc. cit. IX. §. 107 seqq.

3) Effectus:

a) inter partes, non vero alios, jus & obligatio exsurgit;

b) vim rei judicatæ obtinet;

c) exceptionem litis ingressum impediens parit, & actionem causæ transactæ tollit, nisi beneficium restitutionis in integrum agendi jus denuo restituat;

d) sic transacta ex capite quidem doli aut minoremnitatis, non vero erroris, læsionis, novi instrumenti impugnari potest. s)

s) Legantur, quæ de transactionis effectu scripserat Zech cit. loc. cit. §. 112. seqq.

IX. Arbitrium est modus decidendi causas per Arbitros, seu viros bonos t) quibus sive ex dispositione juris, sive a partibus litis decisio defertur. Inde sunt alii

a) Arbitri juris, quibus ex dispositione juris; u)

b) voluntarii, quibus ex compromisso partium causæ decisio committitur: v)

c) eligi possunt omnes, qui jure non prohibentur, etiam feminae, quæ jurisdictione ordinaria gaudent; x)

Y 2 d) eli-

- d) *eligere possunt omnes*, qui liberam rerum administrationem habent, in caulis sui arbitrii; y)
- e) eorum *poteslas ex formula compromissi*, et *caussa est dimetienda*;
- f) vi Juris Canonici, si plures sunt electi, *vo- ta majora concludunt*; si *paria* sint, *Super-arbiter* (Obermann) eligi potest; z)
- g) contra sententiam Arbitrorum, *Laudum* vocant, adpellari nequit, nisi *intra decem dies* sit impugnata; a)
- h) eorum *poteslas expirat morte Arbitrorum*, aut compromittentium, nisi & in hæredes sit compromissum; *lapso tempore, senten- tia pronuntiata, inita transactione, adito Ju- dice, mutua remissione.* b)

r) — — — *Vir bonus est quis?*

Qui consulta patrum, qui leges juraque ser- vat:

Quo multa magnæque secantur iudice lites.
Horat. lib. 1. epist. 16. ad Quintium.

- u) Constitui in pluribus singularibus casibus solent.
Vid. Zech. cit. loc. cit. XL. §. 132.
- v) Discrimen inter eos, & arbitratores statuitur.
Idem ibid. §. 133.
- w) Idem ibid. §. 135.
- y) Idem §. 134.
- z) Constituant enim arbitri *societatem æqualem*, in qua pluralitas votorum decedit. — Quid vero, si ex pluribus arbitris omnes discordent? vid. Zech. ibid. §. 138.

a) Conf.

a) Conf. idem. §. 139.

b) Addunt: si Arbitr *tempore et loco*, ad quem citavit partes, non compareat.

CAPUT IV.

JUS ECCLESIASTICUM CRIMINALE.

§ I.

JUDICIUM CRIMINALE.

I. Primis jam seculis Ecclesia ex ipsa Imperii notione sibi propriam potestatem puniendi legum prævaricatores, seu Jurisdictionem Criminalem exercuit c) ita quidem; ut

a) *crimina quævis majora tum Clericorum tum Laicorum* Episcopus in sua Dicecesi puniret, adhibitis in consilium suæ Ecclesiæ Presbyteris et Diaconis imo convocato quandoque Concilio dicecesano; d)

b) *crimina vero Episcoporum* in Conciliis, provincialibus maxime, examinata et punita sunt, exulante tamen omni strepitu judiciorum *forensium*. e)

c) Vid. Proleg. cap. I. §. II. n. II. not. r. Id ipsum ex Conciliorum mox post datam Ecclesiæ pacem frequentius celebratorum actis manifeste elucet, in quibus fere omnibus severioribus pœnis ecclesiasticis contra fidei, ac morum inimicos animadvertum fuisse legimus.

d) *Fleury Inst. § E. P. III. cap. I et. II.*

e) *Idem ibid. cap. II. §. V. Rigger P. I. §. 134. et P. IV. §. 240.*

II. Hodie vero ad normam Juris *Civilis* hi Processus adornantur f), unde etiam dividuntur:

- a) in *ordinarios*, qui ad præcedentem accusationem;
- b) et *extraordinarios*, qui per viam inquisitionis exercentur. g)

f) *Causas* neglectæ simplicis, et planæ judiciorum formæ, ac introducti *solemnissimi* civilis processus in criminalia quoque judicia ecclesiastica P. I. cap. II. §. V. n. II. not. y) exhibet.

g) *Conf. Cap. præced. §. I. n. I. lit. d)* cum respondente annot.

III. Adcusatio est delatio delicti et personæ delinquentis facta apud Judicem ecclesiasticum publicæ vindictæ et pænæ causa. h)

1) Adcusare prohibentur

- a) *Clerici Laicos* in *Judicio criminali seculari*, quamvis judicem ob suam suorumve injuriam implorare possint, modo non ad *vindictam sanguinis*; i)
- b) *Laici Clericos* adcusatione *solemni*; k)
- c) *excommunicati* excommunicatione *majori*; l)
- e) *inimici, alique*, quibus fides haberi nequit. m)

b) So

k) Solus processus *accusatorius* olim in foris *ecclesiasticis* utilitatus fuit, adeo, ut regulariter sine accusatore non inem condemnandum esse unanimi consensu veteres docuerint: nisi crimen aut *notorium* et cum *scandalo publico* conjunctum (I. Corint. V. & Can. 21. *Causf. II quæst I*) aut spontanea confessione proditum esset. Can. 1. 18. *ibid.*

i) Can. 6. *Causf. II quæst VII. Cap. 2. de homicid. in 6. Conf. Cap. I. §. I. n. IV. 6.*

k) Cap. 14 de test. cap. 10. de accusf. Rationem vid. can. 5 14 *Causf. II. quæst. VII.* Alia fortasse relate ad Episcopos & Presbyteros est: quod pro illis tanta olim circumspectione electis innocentia militaret præsumtio At cum ratio hæc relate ad Clericos inferiorum graduum statutum est de illis in Capitular. Reg. Franc. lib. I capit. 30 VII. 84. Ne vero Pontificum constitutiones his directe oppositæ videantur: de *solemni* solummodo accusatione eas intelligi debere nunc jam passim docent.

l) Can. 1. seq. *Causf. III. quæst. IV. Conf. cap III. §. I. n. III. lit. a)*

m) Arg. cap. 3 & 21. de accusf. Conf. Riegger P. IV. §. 263.

2) Adcusationis modus: n)

a) Adcusator sit *præsens*, & ad *talionis* pœnam scripto se obliget;

b) *vulgo Procurator* non admittitur. o)

n) Qualis *antiquitus* fuerit, vid apud Fleury cit. loc. cap. XV. §. I. II.

- o) Ita fere jure romano cautum est, ex quo Isidorus ac postea Gratianus *Con. 1. 3. 4. Cass. II. quæst VIII.* hauserat; *formamque libelli* accusatori *cit. loc. ad fin.* proposuerat. Posteros Pontifices confirmaverunt hanc accusationis formam, tanquam sacris & vetustis canonibus adprobatam vid. *cap. 18. 24. de accus.*

3) Adcusationis effectus:

- a) *Adcusatus* pendente adcusatione ab officiis publicis acquisitis et acquirendis *suspenditur*;
 b) Adcusatorem *recriminare* nequit p)
 p) Hi effectus spectant ad *accusatum*. Quod adinet *accusantem*, graves admodum in eum constitutas legimus pœnas si *vitium* vel *calumnie*, vel *prævaricationis*, vel *tergiversationis* in accusatione commiserit. Riegger *cit. loc. §. 264. seq.*

IV. Denuntiatio est revelatio criminis occulti facta superiori

1) Dividitur

- a) in *evangelicam*, quæ fit ad superiorem ceu Patrem, ut reus emendetur; q)
 b) *judicialem*, quæ fit ad superiorem ceu Judicem, ut damnum *privatum* reparetur, aut reus puniatur. r)
 q) Est hæc legi evangelicæ apud Math. XVIII. 15. conformis; unde recte *evangelica*, vel etiam *charitativa* officio charitatis hominis christiani dignum

na non inepte appellatur. Fieri debet *præmissa fraternæ correctione et secreto*:

- 1) Fieri potest vel ab iis, qui ex officio ad denunciandum tenentur, vel etiam a quocunque alio privato, cum nemini veritum sit conferre, quantum potest, ut ad conservandam salutem et tranquillitatem publicam, lenioribus mediis nihil proficientibus, crimen plectatur, ac in posterum impediatur. Facienda tamen esse videatur
- 1) *prævia denuntiatione evangelica.* 2) *apud Judicem competentem.*

2) Effectus

- a) utrique *communis* est: quod probandi obligationem non pariat; 1)
- b) *proprius evangelicæ*: quod judicalem excludat, si paterne monitus se emendaverit; 2)
- c) *judiciali*, quod viam sternat ad inquisitionem ex officio a Judice instituendam. 3)
- 1) Ne vero hæc ab onere probandi liberatio calumniatoribus faveat, præscripta sunt nonnulla a Superiore et denuntiante observanda, antequam hic denuntiet, ille vero denuntiationem acceptet. Vid. Zech *de judic. eccl. Sect. II. tit. II. §. 27.*
- 2) Id obtinet potissimum in causis ecclesiasticis *Regulæ Prælato* denuntiatorum. Idem *ibid. §. 26.*
- 3) Ne, puniendo absque diligente inquisitione denuntiatum, puniat innocentem,

V. Inquisitio est actus, quo Judex, an, et a quo commissum sit crimen, ex officio inquirat.

r) Dividitur

- a) in *generalem*, si *generatim* in delictum, & ejus auctorem,
- b) et *specialem*, si in *certam* personam, an criminis rea sit, inquiritur. v)

v) Est præterea alia inquisitio, *generalissimam* vocant, a superioribus ecclesiasticis certis temporibus ex Concilii *Trident*: decreto *Seff: VII. cap. 8. XXI cap. 8. de reform.*, absque ullius delicti vestigiis instituenda. De hac utpote inter Episcoporum officio pertinente actum est *P. I. cap. I. §. V. n. IV. lit. c)* et in Concil. *Trid. Seff. XXIV cap. 3 de de reform.* Hic loci de *general*, ac *speciali* sermo fit. Utraque *processus* est 1) *recentior* ab Innocentio III qui ejus fundamenta *cap. 14: de accusat*: jecit, introductus; 2) *subsidiarius*, tum demum adhibendus, si accusator de rat, et tamen clamore publico quis adeo inflamatus, ut diutius sine scandalo dissimulari non posset, nec sine periculo tolerari; 3) *Extraordinarius* ut nec pœna ordinaria affici posset ejusmodi judicio condemnatus; 4) *irregularis*, per me licet, quod nemo sine accusatore ante hæc tempora condemnari potuerit (*præced. n. III not. h)* et *cap. un. ut eccles. benef: sine diminut.*) At num propterea, si abusus aliunde *27. §. qq. de accusat.* reprobatos deinas, etiam *re-jiciendus*? Qui id volunt, edisserant, quæso, quæ ratione alia in tanta malitiosorum copia, acculantium vero raritate vitiorum licentiæ freno imponenda, aut bonorum virorum famam, quam obscuri calumniatoris furor dilacerat, a suspi-

a suspicione labis vindicandam esse censeant?
 Convenientissimum huic scopo medium visa est
 Innocentio III in causa Archiepiscopi *Bizun-*
tini cap. 14 eod. inquisitio, quam nec *civiles leges*
 suis in causis adhibere dedignantur.

2) Requisita:

- a) ad *generalem* sufficit, ut delictum sit patratum, aut rumor de eo commisso volitet, vel saltem iusta adsit de eo patrato suspicandi ratio; x)
- b) ad *specialem* requiritur, ut et de *corpore delicti* constet, et persona, in quam inquiritur, merito de commisso scelere suspecta, aut alias infamis sit. y)
- α) Si nimirum inquitur in *actorem* delicti — v. g: quisnam commissæ simoniæ reus sit? — Paulo aliter se habet res, si generatim in *delictum* e. g. an non Titius commiserit aliqua crimina? fiat inquisitio. Tum enim prærequiri *infamiam* vel *gravia indicia*, ex eo concludunt, quod sine iis personæ inquisitæ fama injuste læderetur. Vid. Pichler *J. C. lib. V. tit. I. §. IV. n. 29.*
- γ) Conf. Idem *ibid. n. 30. 31.* aut Zech *cit. loc. cit. IV. §. 60. seq.*

3) Modus procedendi, si ex prævia informatione sufficientia contra Reum indicia habeantur:

- a) pro ratione *criminis* et *personæ custodiæ* vel *carceri* traditur; 2)
- b) sequitur *constitutum* a) formantur *articuli*, ad quos respondere cogitur, *testesque* audiuntur; b)
- c) Conceditur *defensio*, c) et si ea omnem suspicionem abolere non potuit, *purgatio canonica*; d)
- d) quæ locum non habet, si absoluta defensione *indicia delicti illicæsa* maneant; e)
- e) Sed tunc gravatus, nec confiteri volens aliquando *torturæ* subjicitur. f)
- f) demum *sententia* ferrur g) qua accusatus vel absolvitur, vel ad luendas pœnas damnatur. h)

2) Ne fuga iudicium eludat. Sed vid. quæ in Concil. Trident. sess. XXV. cap. 6. de reform. & cap. 15. de sent. excomm. in 6. circa incarcerationem Clericorum notantur.

a) Seu *examen inquisiti*. Hujus examinis, & Constituti formulas exhibet Pellegrini in *Praxi Vicar. P. IV. Sect. XI.*

b) De *donibus testium* in iudiciis adhibendorum actum est cap. præced. §. III n. III. Singularia quæpiam circa eos in processu inquisitionis observanda vid. apud Zech cit. loc. §. 67. seqq.

c) Ad quam, ne mediis ad eam necessariis reus destituatur, edenda ei sunt *Acta & Protocolla*, atque Ad.

Advocati, quorum opera uti possit, admittendi.
 Conf. Zee h cit: loc. §. 72. seq:

- d) Seu *juramentum purgatorium* (Cap. praeced §. III. n. V. i. lit f) quo infamatus in causa propria, quasi iudex constituitur. Ne vero juramentum istud perjurii & fraudi tam facile locum faciat, praestandum erat olim ad *Sanctorum reliquias*, ut ipsi Martyres veritatis testes, aut perjurii vindices essent Unde passim *justum can. 1. Causf. XXXIII quaest. I. cap. 5 de frig. verum, rectum cap. 1. ibid. & divinum iudicium, can. 15. Causf. II. quaest. V. vocatur. Nunc vero cautum est: 1) ut praestetur talis Evangelii (Can. 17. Causf. II. quaest. V. Cap. 5. de purg. can. 2) ut purgandus testes adferat, qui suis juramentis purgationem compleant, quique eapropter *sacramentales, compurgatores* &c. vocantur, & sicut ipse purgandus de veritate: ita hi, quod credant eum verum jurasse (Cap. 13. eod.) jurare debent. Cap. 5. eod. De reliquis Compurgatorum, hodie rarissime adhiberi solitorum, doribus vid. cap. 7. 10. eod. de purg. can. Conf. Riegger P. IV. §. 277.*

Ab hac purgatione canonica, legibus nempe ecclesiasticis introducta, differt toto caelo ea, quam *vulgarem* dicunt, cujusque *varias species* ignorantia & gentium barbaries peperit. Quo pertinet 1) *iudicium aquae calidae can. 15 Causf. II. quaest. V. 2) Ferri candentis* Concil. *Triburiense can. 13. Rhemens can. 11. 3) aqua frigida* (Wasserprobe Wasserurtheil) quo virtute exorcismorum jubetur aqua innocentem submergere, nocenti vero resistere. Perperam Eugenio II istud tribui Natal. Alexander hist. eccl. sec. IX. X. Tom. IV. fol. 187. & Böhmer J. E. P. ad tit. de purg. vulg. §. 12. demonstrarunt. 4) *purgatio per duellum*, vid. Zeeh de jud. Sect. I. tit. XXVI. §. 309 seq. & II. Feud.

II. Fend. 27. 39. §. 2. V. 2. 5) per crucem (Ärenzprobe), *cujus frequentissima in Capitularibus fit mentio. Vid. Riegger cit. loc. §. 274. schol. 7) cruentationis, sillicidii* (Wahrrecht,) *quam sec. XVII. adhuc obtinuisse narrat Strykius,*

Hujusmodi purgationes vulgares *judicia Dei, aut ordalia* (Urtbeile) etiam dictas, nunquam probaverunt Pontifices, sed eorum potius vigilantia factum est, ut eliminata fuerint pedetentim hæc monstra. *Can. 7; 20. Caus. II. quæst. V. Cap. 9. de cler. vel monach. cap. 1. 2. 3. de purg. vulg. cap. 8. de purg. can. cap. 10. de excess. prælat.* Et rectissime quidem! nam nemo non videt, ex ordaliis expectatum fuisse effectum, ad detegendam veritatem, legibus naturæ phylicis repugnantem; id vero Deum tentare est.

e) *Zech de jud. eccl. Sect II. tit. VII §. 78.*

f) *Tortura usus olim frequentissimus nunc jam in omnibus fere judiciis abrogatus est. Agnovērunt enim legislatores, 1) quod illa sit medium ad detegendam veritatem ineptum; cum plerique patientia sive duritia tormentorum ita tormenta contemnunt, ut exprimi eis veritas nullo modo possit: alii tanta sunt impatientia, ut quodvis mentiri, quam pati tormenta velint. L. 1. §. 23. ff. de quæstion. 2) quod ideo facile contingere possit, ut innocens condemnatur. Justus Oldenkopp plura injuste tortorum refert nomina in observat. criminal. append. 3) quod sit prorsus fini processus criminalis contraria, qui in eo consistit, ut veritas criminis detegatur, ne quis ob delictum incertum puniatur. At istud per torturam non obtinetur. Cum enim, quæritur, ait S. Augustinus de Civit. Dei lib. 19. cap. 6. utrum sit nocens, cruciatur, & innocens fuit pro incerto*

incerto scelere certissimas pœnas, non quia illud commississe deregitur, sed quia non commississe nescitur, ac per hoc ignorantia iudicis plerumque est calamitas innocentis. 4) quodque nulla indicia sint ad torturam sufficientia; proinde se nullam excusationem habituros, si iudicibus, quondam neque de indiciis ut Zech cit. loc. §. 82. ostendit, multum sollicitis non adimerent libertatem decernendi tormenta quæ ex gravissima Ciceronis in Orat. pro P. Sylla n. 77. sententia gubernat dolor, moderatur natura cuiusque tum animi tum corporis, regit quasitor, flectit libido, corrumpit spes, infirmitas metus, ut in tot rerum angustiis nihil veritati loci relinquatur. Quapropter interdixerunt eam plerique Principes adeo, ut unicum superesse solummodo casum censeant Doctores, in quo fini processus criminalis non repugnat, ac moderate adhiberi potest. Casus is est: si convictus socios criminis & complices manifestare recusat, crimen vero ex natura sua est ejusmodi, ut sine sociis perpetrari non potuerit; aut si quis circumstantias varias iudici scitu necessarias de crimine jam convictus fateri renuat. Tum enim per suam contumaciam et inobedientiam novum committit delictum, ob quod utique, quoniam certum est, puniri seu torqueri potest. Conf. vero Zech cit. loc. §. 86. seq.

2) Quo modo? vid. Zech cit. loc. Sect. II. tit. VIII. §. 88.

h) In sententia condemnatoria ratio habenda est eorum quæ pœnas mitigant vel aggravant. Conf. Riegger cit. loc. §. 278.

§. II.

POENÆ ECCLESIASTICÆ.

I. Pœna est malum alicui ob ejus demeritum morale ab alio inflictum. i)

r) Dividitur

- a) ratione *boni*, quod aufertur, in *spiritualem*, quæ bonum spirituale adimit; et in *temporalem*, quæ temporali bono privat; k)
- b) ratione *scopi* in *medicinalem*, quæ ad delinquentem corrigendum; et *exemplarem*, quæ ad alios a violatione legis absterrendos infligitur. l)
- c) ratione *extensionis*, in eam, quæ omnibus fidelibus *communis*; et quæ solis *Clericis* *propria* est; m) utraque denuo
- d) ratione *originis* in eam, quæ *a jure* seu per statutum in omnes legis prævaricatores: et in illam, quæ *ab homine* per singularem sententiam in certam personam discernitur; n) prior iterum
- e) ratione *actuum præmittendorum* in pœnam, quæ *lata*, et quæ *ferendæ sententiæ* dicitur, prout nempe sententia condemnans vel non, vel adhuc requiritur. o)

i) Ad illustrandam *definitionem pœnæ* notetur 1) malum id esse, quod nos imperfectiores reddit. Cum igitur ablatione boni, quod aut actu possidemus, aut petendi jus habemus, imperfectiores reddamur, sequitur: ablationem boni recte malum dici, & pœnas potissimum in ablatione cujuscumque boni consistere: 2) non nisi malum

malum ob demeritum *morale* inflicturn pœnam vocari; quæ enim mala nulla posita actione injusta sustinemus, hæc *infausti casus* seu *infortunii* nomine veniunt; 3) scopum pœnæ esse, aut *emendationem* delinquentis, aut *exemplum*, quo alii ad abstinendum a transgressione legis moveantur; 4) a pœnis multum differre *pœnitentias*, Fleury *Inst. J. E. P. II. cap. IV. § 5*; 5) hic de pœnis, quæ in *foro ecclesiastico* obtinent, sermonem esse.

k) *Temporales* pœnas potestas civilis; *Spirituales* vero *ecclesiastica* decernit. Vid. *proleg. Cap. I. § II. n. IV. lit. a*) not. g) Nihil tamen impedit, quo minus Ecclesiæ Superioribus etiam pœnas quâpiam *temporales* dictandi jus *accidentaliter* conveniat. Conf. *P. I. cap. I. §. V. n. IV. lit. d*) not. b) *ibid. §. VI. n. I.*

l) Wolff *Inst. J. N. et G. P. I. cap. III. §. 93.* Utramque hanc pœnam, si spiritualis sit (*præced. lit. a*) non nulli *cenfuram* vocant. Vid. *Pehem cit. loc. § 1212.* Alii vero nomen istud soli *medicinali* tribuunt, discernentes a censuris pœnas ecclesiasticas *strictæ sic dictas* seu *vindicativas*, quæ directe ad delinquentis punitionem, et vindictam, ut ajunt, infliguntur. Sed enim alienum mihi videtur a mansueto Ecclesiæ Christi spiritu decretum, quo directe, ac primario delinquentis punitionem, et vindictam velit, nec tute adfirmari potest, dictasse unquam Ecclesiam pœnas mere vindicativas, seu tales, quibus aut corrigere delinquentem, aut abstergere alios ab imitatione vestigiorum ejus primario non intendisset. Quare præplacet mihi eorum philosophandi ratio, qui missa ea differentia, quam acuta scholasticorum natio censuras inter et reliquas ecclesiasticas *strictæ sic sumptas* pœnas deprehendisse autumabat. 1) num pœnæ ecclesiasticæ vindicativæ dentur? dubitant; 2) omnes spirituales pœnas ecclesiasticas *cenfuras* adpellari posse docent exemplo veterum,

rum, qui pœnæ et censuræ nominibus promiscue uti sunt *Can. 18. Causs XI quæst III*; ac 3) solis pœnis ecclesiasticis temporibus (*not. præced.*) nomen censuræ ecclesiasticæ denegant.

- m) Ad priorem classem pertinet *excommunicatio interdictum, irregularitas ex delicto*; ad posteriorem: *suspensio, depositio, degradatio*.
 - n) Pœna seu censura *ab homine* lata reservata est communiter auctori suo, vel ejus superiori, aut successori. Quæ *a jure* est, et nemini expresse reservata, absolvi potest ab Episcopo pro foro externo, et a proprio Parocho in foro conscientiæ.
 - o) Dum contrarium sit fragili hominum conditioni in se ipsum pœnas exequi, hæc statuuntur regulæ: circa pœnas, ubi de *jure quæsito* agitur, sententia saltem *declarans* requiritur, nisi in casibus expresse decretis; ubi vero de *jure quærendo*: pœnæ latæ sententiæ ante omnem sententiam obligant; in casibus, ubi sententia *condemnante* opus est, a die sententiæ latæ; ubi *declarante*, a commissi criminis tempore pœnæ sortiuntur effectum. Schenk cit loc. §. 794 Schol. 2.
- 2) Potestas censuras, seu pœnas ecclesiasticas ferendi Ecclesiæ a Christo concessa p) exerceri potest per illos Superiores,
- a) qui *Jurisdictione sacra*,
 - b) *in foro externo*,
 - c) et nullo modo impedita pollent. q)
- p) Vid. *proleg. cap I. §. II. n. II not. r)*
- q) Riegger P. IV §. 567. Inde vero consequitur, jus irrogandi censuras competere 1) Summo

mo Pontifici per *universam Ecclesiam*, sed tamen intra genuinos limites Primatus; *vid. P. I. cap. I. n. IV. lit. b) not. o)*: 2) Episcopis in suis *diœcesibus*, licet consecrati nondum sint, sed tantum *confirmati*; *ibid. §. V. n. IV. lit. d) not. b)* et *P. II. cap. I. §. V. n. II. 9 lit. b; not. u)*. 3) Jure *extraordinario* Prælati regularibus in suos subditos regulares, *Cap. 10 de maj et obed* omnibusque, qui exercent *jurisdictionem quasi episcopalem* uti capitulum sede vacante: 4) aliis etiam non Presbyteris ex privilegio, consuetudine, et præscriptione, *Cap. 3 de offic. jud. ord. S. Thomas in IV. Dist. 18. quæst. II. art. 2*: 5) excludi tamen *fœminas*, quamvis in dignitate constitutas, *Cap. 10 de pœnit. et remiss.* non obstante *cap. 12 de maj et obed. vid. P. I. hem. cit. loc. §. 1214 schol*: 6) censuram latam in non *subditum* nullam et irritam esse, quod tamen fallit in censuris episcopalibus intuitu *Regularium exemptorum*: *Concil. Trid. Sess. XXV. cap. 12. de Regular.*

3) Causa ferendæ censuræ est

a) culpa *gravis*, saltem ad *graviorem* censuram, *r)*

b) *externa* tantum, et cum *contumacia* conjuncta. *s)*

r) Necessè enim est servare proportionem inter pœnam, et culpam. Quam vero culpam vocamus hic loci *gravem*? Eam, ni fallor, quæ dum peccatum mortale involvit, scandalum simul generat. *Suarez de censur. disp. IV. sect. IV. n. 3.*

s) Primum ideo: quod, nisi *externa* sit ad forum *externum*, in quo censura feruntur, (*præcd. n. 2. lit. b.*) non pertineat. Alterum vero: quod prudentis sit Pædagogi, non afficere pœnis, quos

quos mansuetis monitionibus corrigere valet; cauti medici, non imperare sectionem membri, quod emplastris sanari potest; ac inprimis quod **Christus Matth. 18.** doceat: non nili in contumaces ecclesiasticis poenis animadvertendum esse. Cont. etiam Concil. *Trident. Sess. XXV. cap. 3 de reform.* Ex hactenus n. 2) ac 3) dictis facile colliges, quid de *caussis* a censura *excusantibus*, de *forma* ferendi censuras, de *jure* ab iisdem *absolvendi* statui debeat. Conf. Schenkl §. 796. et Riegger §. 625. *seqq.*

II. Præcipua inter Censuras omnibus fidelibus communes est Excommunicatio (*præced. n. I. 1. lit. c. not. m*) seu exclusio a communione ecclesiastica, et jurium inde pendentium denegatio.

1) Dividitur

- a) in *majorem*, quæ omnibus,
- b) et *minorem*, quæ aliquibus tantum bonis ecclesiasticis privat. t)

2) Hæc *excommunicationis divisionem* a veteribus didicimus, quibus hæ quoque duæ ejus species celeberrimæ erant: nempe *minor* seu *medicinalis*, quæ etiam voce *excommunicationis* simpliciter posita atque prolata passim denotabatur (*can. ult. Caus. III. quæst. IV. can. 41. 108 Caus. XI. quæst. III*) et in exclusionem hominum a communione publici cultus divini consistebat. Ejus gradus erant quatuor; vel enim 1) a sola Eucharistiæ participatione, vel 2) a precibus quoque fidelium, imo et 3) catechumenorum, vel denique 4) ab omni ecclesiæ ingressu peccatores secundum pœnitentiæ publicæ gradus (*vid. præced. cap. II. §. II. n. IV. 2. not. q.*) exclude.

cludebantur. *Major* in antiquis canonibus *omnimoda separatio, anathema, excommunicatio mortalis* nuncupata (S. Chrysost *hom. XV. in epist. ad Rom.*) qua homines de ecclesia penitus expulsi tanquam ethnici et publicani habebantur. Illi locus erat ob crimina penitentia publica luenda, cum qua semper erat conjuncta: ad hanc vero processum est tum demum, quando contumax peccator nullo alio remedio absque fidelium detrimento in sinu ecclesiae retineri potuit. Vid. S. Augustinus *lib. post collat. contr. Donatist.* Recentiores non nulli post Gregorii IX. declarationem *cap. penult. de sent. excomm.* alium hisce nominibus significatum tribuere, et per *excommunicationem sine addito* non solum *minorem*, quæ a perceptione Sacramentorum, sed etiam *majorem non solennem*, quæ a communione fidelium separat; per *anathema* vero *majorem solennem*, a *majori simplici* in eo tantum diversam, quod hæc absque solennibus, illa autem adhibitis quibusdam ceremoniis pronuntietur, intelligere cœperunt. Hac ratione *triplex* excommunicationis *species* nata, et quia, ubicunque in antiquis canonibus, et Patrum regulis vox *excommunicatio* occurrat, eam pro *majori* et *mortali* acceperunt, cum tamen Patres plerumque *minorem* intelligerent: numerus quoque excommunicationem *majorum* multum auctus est. Cæterum consentiunt recentiores cum veteribus: excommunicationem, *majorem maximam* esse, quæ in Ecclesia datur *penam*; quod vel ex ipsa ejus notione manifestum redditur. Conf. *Can. 17. Caus. XXIV. quest. III.*

2) Requisita ad Excommunicationem *majorem* infligendam:

Z 3

a) de-

- a) delictum grave, u) publicum, v) certum, x) et cum vera contumacia conjunctum: y)
- b) trina admonitio canonica, z) vel saltem bi-na publica: a)
- c) summa cautela, præcipue circa multitudinem b) et delicta summorum Principum, ne tale fulmen in eos evibratum in majus ipsius Ecclesiæ malum cedat. c)

n) *Can. 41. Causs. XI. quæst. III: et præced. n. 1. 3. lit. a not. r)* collat. cum *can. 17. Causs. XXIV quæst. III.* Addo, quod reſtitiſſime a Concilio Tridentino observatum est: excommunicationem, si temere aut levibus ex rebus incutitur, magis contemni, quam formidari, et perniciem potius parere, quam salutem; *Seſſ. XXV, cap. 3. de reform.*

v) *Can. 19. Causs. II. quæst. I. Cap. 48. de sent. excom.* Id ipsum ex præcedentibus sequenti ratione ostendi solet: Excommunicatio major maxima est in Ecclesia pœna (*præced. not. r. ad fin.*) ergo ad eam ferendam delictum grave requiritur (*præced. n. 1. 3. lit. a*) At, nisi publicum sit, scandalum haud generat, proin nec omni ex parte grave dici (*ibid. not. r)* nec pœna adeo magna et publica corrigi debet. Quid, quod ob delictum occultum neque ad pœnitentiam publicam quispiam severissima etiam in Ecclesia disciplina vigente cogeretur? Ex his tamen nolim inferas: nullam aliam censuram in delicta occulta constitui posse.

x) *Seu legitime probatum.* Quo enim major est pœna, eo gravior causa criminalis, eo accuratior ejus tractatio requiritur. Perentorius est in hanc rem S. Augustini textus: *Nos vero quæquam a communione prohibere non possumus, quævis hæc prohibitio nondum mortalis sit, sed medicinalis, nisi aut sponte confes-*
sum,

*sum, aut in aliquo sive seculari, sive ecclesiastico
judicio nominatum, atque convictum* Lib. I. Ho-
mil. ult.

- 1) Vid. *præced. n. 13. lit. b. not. 5*). Huc S. Augusti-
ni verbalib. post collat. contra Donatist. inprimis
spectant: Neque a populo Dei separamus (quod ex-
communicatione majore secundum *præced. not. 2*)
dicta efficitur) quos vel degradando vel excommu-
nicando (excommunicatione nempe minore vid.
cit. mox locus) ad humiliorem penitentiae locum
vedigimus.
- 2) Ea intervalla temporis complectens, ut de ve-
ra contumacia prudenter dubitari nequeat.
Hanc regulam præscripsit Christus Math.
18: reverenter probavit antiquissima Ecclesiæ
doctrina. Can. Apost. 73. Can. 5. Caus. XVI.
quæst. VII. omni religione impleverunt Concilia,
Ephésinum contra Nestorium; Chalcedonense
contra Dioscorum: ut videre est apud Har-
duinum Tom. I. col. 1442 Tom. II. col. 346. ac
pœnis etiam in transgressores ejusdem dictatis
observari præceperunt novissimarum Ecclesiæ
legum Auctores, cap. 48. de sens. excom. cap. 3. 5.
eod. in 6.
- a) Concil. Trident. Sess. XXV. cap. 3. de reform.
- b) Summa circumspectione opus esse, quotiescunque
de excommunicatione in multitudinem ferenda
agitur, magno verborum pondere, et argumen-
torum adparatu demonstravit S. Augusti-
nus lib. III. contr. epist. Parmen. cap. II.
Contendit inter cætera: quod eo in casu consi-
lia separationis et inania sint, et perniciosa —
quia plus perturbant infirmos bonos, quam corri-
gunt animos malos. — — — Quare addit:
cum execrabile crimen plurimos occupavit, ni-

hil aliud bonis restat, quam dolor et gemitus.
Conf. Zech *cit. loc.* §. 19.

- e) Uti teste *historia*, optima in ejusmodi rebus *magistra*, non nunquam cesserat. Nolim tamen hæc quæ de sola convenientia dicta sunt, ad jus ipsum extendas. Conf. P I cap. 2. §. I n. I. lit. a not.
y) Corollaria ex hactenus enumeratis excommunicationis *majoris* requisitis vid. apud Riegger *cit. loc.* §. 575.

3) Forma. d)

- a) Excommunicatio *scripto* proferatur, quod ejus *causam* exprimat:
b) ejus exemplum seu *copia* tradatur *excommunicato*, si exigat: e)
c) ad vicinos *Parochos* et *Presbyteros*, imo et *Episcopos* mittatur f)

d) Scilicet omni excommunicationi *communis*.

- e) Cap. 1. de sent. excommun: in 6. Ubi porro præscribitur: 1) traditionem *intra mensem* fieri; 2) super requisitione vero debere confici *instrumentum*, vel litteras *testimoniales* sigillo *authentico* consignatas.

- f) *Ne quis per ignorantiam ulterius illi communique.*
Pontifical. Roman. tit. Ordo excommunicandi, et absolvendi Hoc semper in Ecclesia usitatum fuisse, ex Concillii *Toletani I. can. 2.* et *Nicani can. 5* clarum fit. De *formulis et ritibus anathematis* vid. idem *Pontificale roman. cit. loc.* Conf. Riegger *cit. loc.* §. 583.

4) Effectus Excommunicationis *majoris*:

- a) alii sunt *ecclesiastici*, qui in *sacrorum* *privatone* continentur: g)

b) alii

b) alii *civiles*, cum excommunicato *communio* etiam *forensis* ac *civilis* prohibetur. h)

g) Quo spectant 1) *suffragia* Ecclesiæ, 2) facultas sacramenta tum suscipiendi, tum administrandi, 3) potestas divina celebrandi, frequentandi, adipiscendi beneficia ecclesiastica, jurisdictionem ecclesiasticam exercendi, 4) *sepultura ecclesiastica*, &c: Effectus hos Christus ipse insinuaverat, dicens: *Si Ecclesiam non audierit, sit tibi sicut Ethnicus et Publicanus.* Math. XVIII. 17.

h) Ad *communione forensem* pertinet inprimis facultas *judicem, actorem, vel testem* agendi in iudicio; ad *civilem* conversatio *vulgaris* cum excommunicatis, a qua abstinendum esse 1) ratio suadet, 2) Apostoli I. Cor. V. 4. Rom. XVI. 17. Thess. III. 14. II. Joan. V. 10. n. verbis monent, exemplis docent apud Irenæum lib. III. cap. 3. Eusebium lib. III. 3. 3) ipsa tandem Ecclesia, non nullos casus excipiens, severis legibus præcipit. Cap. 15. de sent. excommuni. Omnes hi excommunicationis *majoris* effectus exprimiuntur vulgato illo versiculo:

es, orare, vale, communio, mensa negatur.

5) Causæ Excommunicationis *minoris*:

a) *Communicatio cum excommunicato vitando*, absque legitima causa, i)

b) aut cum *injusto et notorio Clerici percussore*. x).

i) Quis vero est *excommunicatus vitandus*? quis *toleratus*? In celebri Extravaganii Martini V. incipien. Ad evitanda, edita in Concilio Constantiensi, evitandi decernuntur, (verba sunt

Benedicti XIV. de *Synod. dioces. lib. XII. cap. V. n. IV*). *solum excommunicari*, publice et nominatim denunciati. Qui unque igitur absque *legitima causa* cum ejusmodi excommunicato communicat, *minorem* excommunicationem incurrit, nisi aut in eodem crimine, ob quod alter excommunicatus est, aut Clericus cum excommunicato a Romano Pontifice in officiis divinis *sciens et sponte* communicaverit. *Cap. 18. 29. de sent. excommun.* Legitimas causas ab hac pœna excusantes vide apud Schenkl § 797. continentur nōto versu:

Utile, lex, humile, et res ignorata, necesse.

- k) Etiam publici et notorii Clericorum percussores inter excommunicatos *vitandos* numerantur, quavis publice et nominatim, ut tales, non denuntiantur; (*cit. Constit. Ad evitanda*;) ergo, qui eum illis communicat absque legitima causa excommunicationi *minori* subicitur; *not. preced. i*) Conf. *preced. cap. I. §. III. n. II.*

6) Ejus effectus: l)

- a) jure *percipiendi Sacramenta*,
b) et *electionis passivæ* ad dignitates et beneficia ecclesiastica privat. m)

l) Quales fuerint olim; *preced. not. r*) dictum est.

m) *Preced. cap. I. §. V. n. II. §. lit. e*).

III Altera omnibus fidelibus *communis* pœna est Interdictum seu censura, qua usus quarumdam rerum sacrarum fidelibus communis, quatenus talis est, prohibetur. n)

1) Ejus

i) Ejus species:

- a) *personale*, si immediate in Ecclesiæ membra; o) *locale*, si in certum aliquem Ecclesiæ tractum dirigitur; p)
- b) *generale personale*, quod in personam moralem, seu communitatem; q) *generale locale*, quod in locum plura particularia complectentem fertur; r)
- c) *speciale*, quod aliquas tantum personas determinatas, aut unam duntaxat ecclesiam adficit. v)
- u) Singula definitionis verba ponderando facile discrimen *interdicti* ab *excommunicatione*, *suspensione*, *cessatione a divinis* invenies. Vid. Riegger *cir. loco §. 556.*
- e) Vocari quoque solet *ambulatorium*, eo quod personas sequatur, iisdemque certum quemdam usum verum divinarum, in quocunque loco fuerint, interdicat. *Cap. 16 de sent. excomm: in 6.*
- f) Interdicendo: ne ibi divina officia fiant juxta modum a canonibus præscriptum; ideo hoc casu personæ possunt in alio loco sacris adsistere. Ex hac duplici interdicti specie oritur, quod *mixtum* adpellant, quodque æque directe et personas et locum respicit.
- g) *Cap. 16. cir. loc.*
- r) *Cap. 10. 17. eod.*
- s) *Cap. 17. eod.*

2) Ejus

2) Ejus effectus t)

- a) prohibet quorundam *Sacrorum administrationem*: u)
- b) — *publicam divinorum celebrationem*, et *ingressum ecclesiae*, nisi in *festis praecipuis*: v)
- c) — *sepulturam ecclesiasticam*. x)

z) Olim et numero et duratione maximi. Nempe in omnibus ecclesiis interdicto subjectis omnia plane divina cessare jubebantur, populusque usu divinorum officiorum, et Sacramentorum, et instructionum privebatur. Quia vero ex *derictione hujusmodi statutorum excrescit indevotio populi, pullulant hereses, & infinita pericula animarum insurgunt, ac ecclesis sine culpa earum debita obsequia subrahuntur*. (Cap. 24. de sent. excomm. in 6) ut ipsa experientia docuit; (vid. exemplum de quodam in Marchia loco a Glossographo ad cit. cap. allatum.) igitur varii Pontifices rigorem istum temperarunt.

u) Ita tamen, ut posito licet *generali interdicto* 1) *baptismus* parvulorum, et *poenitentiae* morientium possint celebrari *cap. 11. de spons. et sacrum viaticum* morientibus subministrari *cap. 24 de sent. excomm. in 6*. Sani quoque ad poenitentiam admitti *cap. 24 eod*) 2) Verbum Dei praedicari et parvulis Sacramentum Confirmationis dari permissum sit *Cap. 43. de sent. excomm. et cap. 19. eod in 6*.

v) Bonifacii VIII. in *cap. 24. de sent. excomm. in 6*. hac de re Constitutio ita sonat: *Singulis diebus in ecclesiis et — monasteriis Missae celebrentur, et alia dicantur divina officia sicut prius: submissa tamen voce, & januis clausis, excommunicatis et interdictis exclusis, & campanis etiam non pulsatis — In festivitatibus vero Natalis Domini,*

ni, Paschæ, ac Pentecostes, et Assumptionis Virginis gloriosæ campanæ pulsantur, et januis apertis alta voce divina officia celebrentur, excommunicatis prorsus exclusis sed interdictis admissis. Idem privilegium habetur in festo Corporis Christi, et per totam octavam ex concessione Martini V. Ineffabile et Eugenii IV. Excellentissimum.

*) Zech §. 126.

3) Causæ ferendi Interdicti:

- a) locale non nisi ob causam generalem ex delicto publico,
- b) personale generale ob culpam a maiore communitalis parte admissam,
- c) personale speciale ob culpam gravem etiam specialem decernitur. y)
- y) Ceterum valent etiam de Interdicto, quæ supra n. I 3. de causa ferendæ censuræ; et n. II 2. de requisitis ad excommunicationem maiorem infligendam dicta sunt.

IV. Tertia pœna ecclesiastica omnibus fidelibus communis est irregularitas ex delicto. z)

1) Ejus effectus:

- a) directe privat susceptione ordinum:
- b) aut susceptorum usu. a)
- z) Irregularitatem ex delicto censuram seu pœnam ecclesiasticam non esse, sed impedimentum tantum canonicum Theologi & Canonistæ scholastici passim pronuntiant. Sed enim si pœnæ ecclesiasticæ notionem (præced. n. I. not. i) adcuratius

ratius spectemus: deprehendemus omnes ejus *essenciales characteres* irregularitati quoque ex delicto convenire, proin posse eam, et *impedimentum*, et *pœnam* vocari,

- a) Cum jure suscipiendi ordines *laici*: susceptorum, vero usu *Clerici* privari possint; sequitur: *irregularitatem ex delicto* esse pœnam fidelibus *communem*.

2) Differt igitur

- a) ab *excommunicatione* et *interdicto*:
 b) quia *excommunicatio* impedit functiones ordinum, quatenus sunt *communicatio* quædam fidelium;
 c) *interdictum* vero, quatenus sunt *usus sacrorum*. b)

- b) Ob qualia, et quæ in specie delicta pœnam hanc quis incurrere possit: dictum est *præced. cap. I. §. I. n. III.*

V. Ad pœnas *Clericis proprias* pertinet primo: *Suspensio*, quæ est censura qua *Clericus* ab exercitio functionum ecclesiasticarum impeditur. c)

1) Dividitur.

- a) in illam *ab officio*, quæ exercitio jurisdictionis,
 b) — *ab ordine*, quæ exercitio ordinis,
 c) — *a beneficio*, quæ fructibus beneficii privat:
 d) in *totalem*, quæ se ad omnes hos actus, —

etiam

d) in

d) in *partialem*, quæ ad aliquos tantum se extendit. d)

c) Aut, si alia placent verba: *qua clerico potestatis ecclesiasticæ quam habet ratione officii aut beneficii, exercitium interdicitur*. Ejus a pœnis omnibus fidelibus *communibus* discrimen vid. apud Riegger §. 605. et 610.

d) Addunt non nulli *suspensionem localem*, si in certo loco functiones suas obire clericus prohibeatur: et *personalem*, si in omnibus locis.

2) Regulæ circa hanc pœnam:

a) in *dubio*, an sit *ab officio et beneficio*, *stricte* est interpretanda; e)

b) ferri non potest, nisi ob delictum *grave personæ*, si *personalis*; vel *communitatis*, si *generalis* fuerit; f)

c) cum *suspensio palam denunciato* in actibus ipsi prohibitis *communicare* haud licet. g)

e) Seu ita statuendum est: quod, qui *ab officio* suspensus pronuntiatur, a *beneficio* quoque suspensus censi non debeat; nisi dicatur *expresse: ab officio et beneficio*. Sunt tamen, quibus non absque gravibus argumentis contrarium præplacet.

f) Vid. *supr. n. 1. 3.*

g) Suspensioni non absimilis est illa Clericorum pœna, quæ sub nomine *communis peregrinae* in antiquis canonibus occurrit. Concil. *Regens. can. 3. Agathens. can. 2. 5. Illerdens. can. 15* Hac *adventarum* intuitu non erat genus pœnæ, sed præcautio, ne forte in communionem reciperentur heretici, schismatici, aut alii scelesti. Inde olim Clerici absque *litteris commendatitiis*, quas hodie

hodie *formatas* dicimus, ad extraneam ecclesiam venientes, benigne quidem excipiebantur. sacerdotum tamen communio iisdem denegabatur, usquedum ejusmodi litteræ ab ecclesia, unde venerant, possent procurari. Istius prudentis disciplinæ vestigia hæc adhuc apud nos supersunt, quod vetitum sit ecclesiarum Præpositis, admittere ad celebrandum missæ sacrificium peregrinos Clericos *formatas* non exhibentes. Non raro eodem modo cum Clericis in sua ipsorum ecclesia agebatur. Etiam hi, ac si peregrini forent, sui ordinis exercitio carere aliquando debebant tamdiu, donec per conoignam pœnitentiam officium et stationem possent recuperare; id sane pœna erat titulo *reductionis clericorum ad communionem peregrinam* olim celeberrima.

VI. Depositio, æque pœna Clericis *propria*, est remotio perpetua Clerici vel ab ordine *h*), vel a jurisdictione *i*) vel a beneficio *k*) salvo manente statu et dignitate clericali *l*).

- a) antiquus est hujus pœnæ usus: *m*)
- b) in modo *totalem*, modo *partialem* divisio: *n*)
- c) magnum, si effectum spectes, ejus a *suspensione discrimen*. *o*)

h) Cap. 4. de judic.

i) Cap. 4. de Cler. excomm ministr.

k) Cap. 13. de vit. & honest. cleric.

l) Arg. cap. 10. de judic.

m) Occurrunt ejus exempla in Concil. Ancyran. can. 1. Nicen. Can. 8.

n) Tor-

n) *Totalis* est, si ab *omnibus* in definitione nominatis juribus removet; *partialis*, si ab *uno* tantum, *alterove*. Ad ultimam speciem pertinet inprimis, *privatio beneficii*, quæ ultra privationem possessi ad idem et alia beneficia obtinenda inhabilitatem inducit.

o) Nam et natura sua *perpetua* est, et sine remissionis spe infertur, atque officio et beneficio ita privat, ut sine nova collatione et titulo nullus pateat reditus; quod tamen neque tunc contingit, etsi suspensio a beneficio sit perpetua, adeoque cum ejus amissione ipso jure conjuncta. Relaxata enim suspensione beneficium sine nova collatione retinetur. Wiestner *ad tit. de pen. art. V.*

VII. Degradatio est pœna ecclesiastica, qua Clericus non tantum beneficio, et exercitio ordinum, p) sed ipso etiam statu et dignitate clericali privatur. q)

a) Hac opus est, quoties Clericum tanti criminis reum esse constat, ut pœnam *mortis*, aut *mutilationis* membrorum mereatur, r).

b) Est vel *verbalis*, vel *realis*. s)

c) Ejus *decernendæ*, et *peragendæ* non eadem fuit semper in Ecclesia forma. t)

p) *Can. 33. Dist. IV. de consecr.*

q) *Cap. 10. de judic.* Ex hac definitione sequitur 1) effectu suo differre *degradationem* a *depositione*. Hæc enim non privat statu et dignitate, proin nec *privilegio fori*, aliisque privilegiis clericalibus; privat vero illa. 2) Idem esse *degradationem* nobis, quod antiquis fuit *reductio ad communiam*.

unionem laicam, non raro excommunicationis ecclesiasticae clericalis nomine compellata. Balzani: in *can. 16. Concil. Nicæn.* Zonar. in *can. eund. Can. Apost. 42. 55. 56. 3)* Hanc pœnam esse relate ad Clericos post excommunicationem majorem gravissimam.

- 2) Hanc pœnam enim exequi debet iudex secularis (*cap. præced. l. §. I. n. IV. 6 lit. a not. p.*) a cuius jurisdictione Clericus privilegio fori (*eod. cap. §. III. n. V*) exemptus est; quare antequam tradatur, dignitate clericali spoliari debet.
- 3) Prior est ipsa sententia promulgata: quod Clericus degradari debeat; altera vero est ipsius sententiæ executio.
- 4) Antiquitas degradationis causa, utpote gravissima (*præced. not. q. 3.*) in Synodo Episcoporum tractari solebat. *Can. 7. Caus. XV. quæst. VIII.* Cum vero id in singulorum causis difficultatibus non careret, cautum est postea, secundum statuta veterum Conciliorum, ut si quis Episcopus, quod non oportet, in reatum aliquem incurrerit, et fuerit nimia necessitas, non posse plurimos congregare, ne in crimine remaneat, a XII. episcopis audiatur, et Presbyter a VI episcopis cum proprio suo episcopo audiatur, et Diaconus a tribus. *Can. 4. Caus. XV. quæst. VII.* Atque hæc iudicii solennitatem non obstante *can. 61. Caus. XI. quæst. III.* in prima etiam instantia necessariam esse communis Canonistarum opinio tradidit, sed simul ad solennem degradationem restrinxit. Verum et hac ratione difficulter ad degradationem deveniri poterat; inde crimina plura enormia non satis vindicari conquesti sunt Germani in suis gravaminibus gravam 21. Quare statuit Tridentinum, ut Episcopus ad degradationem procedere possit adhibitis, loco Episcoporum, Abbatibus usu mitræ et baculi gaudentibus, aut aliis personis in dignitate ecclesiastica constitutis, et juris scientia com-

mandatis (Sess. XIII. cap. 4. *de reform.*) quas non solum adistere debere ceremoniæ degradationis, sed et causæ ipsius cognitioni, colligit Van Espen P III tit. XI. cap. I. §. 55. Hæc degradationis *decernendæ forma* adhucdum obtinet. Quod ad executionem ejusdem adinet, olim sicut excommunicatio absque certa formula peracta est. Verum adjunctæ sunt ei postea ad terrorem incutiendum lugubres ceremoniæ, quas Bonifacius VIII. cap. 2. *de pæn. in* 6. refert. Abstrahuntur inter eas insignia sacri ordinis degradando, atque unum quidem ex aliis: tondetur caput, et raduntur digiti sacro oleo inuncti; traditur demum curiæ sæculari: quamquam et tum Ecclesiæ mansuetudinis suæ memor pro eo adhuc intercedat. Cap. 27. *de V. S. cap. 2. de homicid. in 6 Pontifical roman. tit. degradationis forma.* Quodsi iudex sæcularis hac intercessione, aliisve causis permotus degradationi sibi tradito gratiam faciat, aut depositio non subsequuta traditione facta sit (cap. 6 *de pæn.*) tum canones jubent. ut in *distincto claustrro, vel monachorum, vel canonicorum regularium, si fieri potest, recludantur depositi* cap. 6. §. 7. *de homicid.* idque vel ad certum tempus, vel in perpetuum. can. 7. *Dist. 50. ut ibi peccata luceant, et ulterius non committant.* Can. 7. *Dist. 81.* Id *detrusionem in monasterium* vocant; quam ob varias difficultates omnino a foro recessisse testantur auctores; vid. Zech *cit. loc. Sect. II. tit. X. §. 130.* Solent tamen hodie adhuc Episcopi Clericis suis injungere, ut se ad tempus in monasterium, aut seminarium clericorum retrahant, ibique certa pœnitentiæ exercitia in peccatorum expiationem; et vitæ emendationem subeant.

Hactenus enumeratis pœnis ecclesiasticis addere solent non nulli *multam pecuniariam, pœnam curceris, verberum, et relegationis.* Sed

enim cum jus eas infligendi ex natura spiritualis imperii ecclesiastici solide deduci vix possit; passimque ab Episcopis sola Principum indulgentia exercitum sit, sufficiet notasse: eas ubi adhuc obtinent, minus ex sacris canonibus, quam ex civilibus legibus determinari debere.

§. III.

DELICTA ECCLESIASTICA. u)

I. Inter delicta ecclesiastica hæc primo loco recensenda veniunt, quæ fidei repugnant. Quo pertinet

r) Apostasia a fide: v)

- a) est vero hæc transitus ad religionem a christiana alienam, aut aliam falsam;
- b) grande delictum, iisdemque, quibus hæresis, pænis subjiendum. x)

u) *Delictum seu crimen ecclesiasticum* est actio hominis christiani libera externa legibus ecclesiasticis contraria, atque hoc ipso salutem Ecclesiæ violans. Arcrior igitur est *delicti*, quam *peccati* notio. Delicta non uno eodemque modo distribuunt. Vid. Riegger P. IV. § 281. Nos de ecclesiasticis solummodo acturi exponemus 1) ea, quæ fidei repugnant: 2) quæ cultui divino adversantur. 3) quibus proximus læditur: 4) crimina carnis: 5) delicta Clericorum propria; indicaturi quoque pænas iis statutas, et quidem potissimum eas, quæ ex propria Ecclesiæ potestate fluunt, viresque suas etiamnum exserunt, non adeo facile mutationibus obnoxia, quas ad hunc usque diem patiuntur pænæ
tempo.

temporales (praced. §. II. n. I. lit. a. not. k) item n. VII. not. i. ad fin.) aut ob arctissimam religionis cum salute civitatis nexum a Principibus ipsis vi *juris advocatiæ* (P. I. cap. II. §. I. n. VI. 2. lit. b. c. not. o) in subsidium disciplinæ ecclesiasticæ olim latæ; aut eorum indulgentia a Superioribus quidem ecclesiasticis, at non nisi *jure accidentali* dictatæ.

v) Alias apostasiæ species jus canonicum addidit, scilicet: *apostasiam obedientiæ*, et *irregularitatis seu a statu clericali*, de quibus infra, ubi de delictis Clericorum propriis agetur, sermo recurret.

x) Cap. 13. de hæret. in 6. Conf. L. 4. Cod. de apostat.

2) Hæresis: y)

a) dividitur in *internam* et *externam*; *formalem* et *materiale*. z)

b) Contra *formalem externam* gravissimæ olim *utroque jure* statutæ erant pænæ; a)

c) recentiore ætate *pleræque civiles* abrogatæ sunt, præprimis in *Germania*; b)

d) quod tamen de pœnis ex *jure canonico* dicendum non est. c)

y) Quæ in sensu theologico est *pertinax defensio dogmatis Ecclesiæ universalis* *judicio condemnati-symbolique fidei catholicæ contrarii* Can. 26. 27. Caus. XXIV. quæst. III. Ex hac definitione deducunt 1) hæreticos dici non posse *infideles*, sed eos tantum, qui baptizati sunt: cap. 13. de hæret. in 6. nec 2) illos, qui in *adiaphoribus*, et *disciplinariis* aliter quam bene multi Theologi et Canonistæ sentiunt; sed qui a *catholicæ religionis dogmate* *deviare contendunt*: L. 13. cod. de pagan. L. 2. §. 1. cod. de hæret. 3) imo nec dissidentes circa *dogmaticam* quæstionem, nisi

ut dogmatica ab Ecclesia ad credendum fuerit proposita: 4) nec eos denique, qui sententiam suam, quamvis falsam et perversam nulla pertinaci animositate defendunt (Can. 29. Caus. XXIV. quest. III sed qui correpti resistunt contumaciter, suaque pestifera, et mortifera dogmata emendare nolunt. Can. 31. *ibid.*

2) *Interna* est, quæ mente retinetur; *externa*, quæ indicibus externis manifestatur; *formalis*, si error est voluntarius et pertinax; *materialis*, si nec voluntarius nec pertinax. *Interna* peccati quidem, at non delicti; *materialis* neutrius notionem involvit. vid. *præced. not. u*).

a) P. I. cap. II. §. II. *not. y*). At cur utroque? Quod nimirum utriusque societatis salutem hæresis violet. Conf. *not. u*) *ibid.*

b) Vi Pacis Westphal. art. V. §. 1. 34 35. § 9; integris tamen manentibus non nullis saltem quosdam eos, qui, cum sunt christiani, dissentiunt tamen a fidei formula publice in Germania approbata vel tolerata, idque mente constantissima, *heretici* propterea in sensu civili dicti. Conf. *Recess Imp. Spirens de an. 1529 §. 6. Wormat. de an. 1535 §. 13 Augustan. de an. 1551. §. 87.*

c) Quæ sunt sequentes: 1) *excommunicatio* major ipso jure lata, cap. 7. 8 9 13. *prin. 15. de heret. cap. 49. de sent. excomm.*; et Papæ reservata. Gregorius XIII. *Constit. Officii nostri de an. 1576*: qua etiam eorum *receptatores, fautores, defensores*, cap. 13. § 5 *de heret.*; horumque omnium corpora sepelientes afficiuntur, cap. 2. *prin. de heres. in 6*: 2) *irregularitas* ad ordines suscipiendos, vel in susceptis sine dispensatione ministrandum, etsi ab hæresi sint absoluti, cap. 2 §. 2 *ibid.*: 3) *incapacitas* ad dignitates, beneficia, et officia ecclesiastica, cap. 2 15. *ibid.*: 4) *privatio beneficiorum*, et officiorum

rum ante lapsum in hæresim legitime obtentorum, cap. 9. de hæret. cap. 12. ibid. in 6: Conf. Reservatum ecclesiasticum proleg cap. 2. §. III. n. II. 1 lit. f: 5) sepultura ecclesiastica. Cap. 2. de hæret. in 6.

3) Schisma: d)

- a) quod est vel *particulare*, vel *universale*; vel *purum*, vel cum hæresi *mixtum*. e)
- b) *Mixtum* pœnis hæreseos castigatur. f)
- c) si vero *purum* sit, *excommunicatione* majore Papæ reservata, et privatione *beneficii* ac *sacræ jurisdictionis* perstringitur; g)
- d) a *schismatico ordinati* ab *ordinum exercitio* perpetuo suspenduntur. h)

d) Græcum nomen est, et generatim *scissuram* sonat, can. 34. Caus. XXIV. quæst. I; definitur vero: *dissolutio unitatis Ecclesiæ*. Eo gravius crimen existimandum est. quo sanctior christianis omnibus esse debet unitatis regula, quam qui violant *Corpus Christi Dei nostri*, hoc est, *sanctam Ecclesiam lacerare*, can. 43. Caus. XXIII. quæst. V. *dilaniare*, can. 29. ibid. *magnum et gloriosum Corpus Christi conscindere, et dividere et quantum in ipsis est, interficere* dicuntur. S. Irenæus lib. IV. advers. hæres. cap. 62.

- e) *Particulare* est, quod per solutionem unionis in ecclesia *particulari* contingit. I. Cor. I. 10. seq. *Universale* (de quo hic præcipue agitur) cujus rei existunt illi, qui ab unitate Ecclesiæ catholice recedentes totale discidium faciunt. *Purum*, si servata fide per spiritum contumaciæ et rebellionis negando debitam ecclesiasticæ auctoritati obedientiam unitas scinditur. *Mixtum*, si hæresis aut antecedit, aut sequatur. Inde ad-

paret I schismatis *particularis*, reos esse 1) qui religiosos conventus ad cultum Dei publicum penitus negligunt. Concil. *Sardicens. can. 11. Trullan. can. 86.* aut oppositas congregationes instruunt Concil. *Gangrens: can. 4. 18.* 2) qui sprete auctoritate Episcopi vel Antiepiscopi contra eum constituunt; vel communioni ejus et gubernationi se se subtrahunt, vel etiam publica ipsius ecclesiæ decreta despiciunt. S. Cyprian. *epist. 44. 55. 69.* 3) qui *justas* ecclesiæ suæ censuras continent; aut restitutionem sui in quacunque alia ecclesia moluntur, quive eam concedunt, priusquam ecclesiæ suæ fecerint satis. *Can. Apost. 12. 31.* S. Epiphanius *hæres. 42. II.* *Universale* schisma illos facere, qui 1) universales Ecclesiæ consuetudines, ad unitatis conservationem pertinentes non recipiant, aut generalium Conciliorum decretis se subijcere nolunt. S. Augustin. *epist. 118. ad Jan. epist. 86. ad Casulan. Can. Apost. 65.* 2) qui communioni plurimarum aut fere omnium ecclesiarum renuntiant, quod Optatus Milevitan. *lib. II. contr. Parmen.* Donatistis objicit: 3) qui Romani Pontificis Primatum, et annexam cum eo ex Christi *institutione* potestatem contemnunt. III. Schisma posse quidem esse si ne hæresi, quod schismaticos non fides diversa faciat, sed communionis disrupta societas S. Augustin. *lib. un. quæst. XVII. in Math. quæst. XI. §. 2* ordinarie tamen hæresin conjunctam habere, aut in eam degenerare; nullum enim schisma non aliquam tibi *constringit hæresin*, ut recte ab Ecclesia recessisse videatur. S. Hieron. apud Gratian. *can. 26. Caus. XXIV. quæst. III.* Alia corollaria vid. apud Rigger *cit. loc. §. 336. seq.*

f) Harum aliquas *præced. n. 2. lit. b. c.* indicavimus.

g) Conf. Riegger §. 38.

h) Hoc

h) Hoc sensu intelligenda sunt *cap. 1. et 2. de Schismat.* ubi ordinationes schismaticorum *nulla et irrita* esse dicuntur.

4) Fidelium cum infidelibus communio: i)

a) Hujus delicti reos se faciunt, qui *periculosa*, et religioni christianæ *noxia fœdera* cum infidelibus pangunt; k)

b) eos utpote christiani nominis hostes armis aut mercibus juvant; l)

c) aut in præjudicium Christianorum *justo liberalius* tolerant. m)

i) *Infideles* dicuntur, qui alienam plane a religione christiana fidem profitentur. Tria sunt eorum genera: *Ethnici, Saraceni, Judæi*; qui omnes per baptismum Ecclesiam christianam non ingressi nec legibus ecclesiasticis humanis subjiciuntur; inde peccare quidem possunt: at infidelitate sua delictum ecclesiasticum committere nequeunt. Quare ipsa potius *periculosa, et religioni christiana noxia fidelium cum infidelibus communio* delictis ecclesiasticis adnumeranda est. *Can. 12. 13. 14. Causs. XXVIII. quæst. I. cap. 5. 8. de judæ.*

k) Conf. Grotius *de Jor. B. et P. lib. II. cap. 15. § 8. seqq.*

l) *Cap. 6 et 17. de judæ. cap. 1. ibid. Extravag. comm.*

m) Ad quid igitur obligatum censes Principem, qui *infideles* nactus est subditos? Num ut, quos tolerare non debet, ex terris suis migrare in alienas jubeat? aut vi ad amplectenda christiana sacra cogat? aut demum liberos eorum per baptismum in Ecclesiam invitis parentibus introducat? Quod ad postremum: liberi infidelium

rationis expertes parentibus utrisque insciliis vel invitis per baptismum in Ecclesiam introducendi non sunt, quia nec sine injuria a parentibus abstrahuntur, nec sine evidenti perversionis periculo iis relinquuntur. Conf. *Can. 3. Dist. XLV. cap. 3. de baptis.* Quod ad alterum: omnium minime id ratio, scriptura, aut Ecclesiae leges exigunt. Assensus intellectus, ait ratio, non vi extorquetur, sed argumentis et veritate obtinetur: vis hypocrisis, non religionem generat. Fides, addit sacra scriptura, donum Dei est; *eius enim vult Deus, miseretur, et quem vult, indurat.* Rom. IX. 18. Ergo non vi, concludunt canones, *sed liberi arbitrii facultate, ut convertantur, suadendi sunt, non potius impellendi.* Can. 5. Dist. XLV. Quippe Christi fidem habere non creditur, qui ad christianum baptismum non spontaneus, sed invitus cogitur pervenire, Cap. 9. de judae: Vid. P. I. cap. II. §. II. n. I. lit. f) not. y) Superest igitur primum: scilicet, ut, si salva religione vera possit, justos praescribendo limites, de quibus *ibid. n. II.* actum, toleret; si non possit, transplanter. *ibid. n. I. lit. f not. y)* Tolerantiae, praesertim judaeorum, graves satis patrocinantur rationes. Vid. Riegger *cit. loc. §. 285.*

II. Ad alteram classem delictorum, quæ cultui divino adversantur, pertinet

1) Blasphemia:

- a) quæ est dictum vel factum in contemptum Dei seu immediate, seu mediate n) admissum; o)
- b) alia verbalis, realis alia; dein simplex et hæretica; atrox, non atrox. p)

c) Hæ-

- c) *Hæretica* ad crimen hæreseos referenda est;
 q) reliquarum pœna canonica antiqua in laicis est excommunicatio, in Clericis depositio;
 r) nova vero, pœnitentia publica et sollemnis per septem dies dominicos peragenda. s) *z*
 d) His pœnæ quoque temporales Principum legibus additæ sunt. t)
- n) Ducto scilicet argumento, aut per interpositam personam: veluti Virginem Deiparam, aut alios Sanctos. Sicut enim Deus in Sanctis suis laudatur, in quantum laudantur opera, quæ in Sanctis suis efficit, ita et blasphemia quæ fit in Sanctos ex consequenti in Deum redundat. S. Thomas 2. 2. q. 13. Art. 1.
- o) *Speciales*, quibus blasphemia committitur, modos indicat Rigger cit. loc. §. 384.
- p) *Verbalis*, quæ verbis; *realis*, quæ factis admittitur. Exempla vid. apud Zech de jud. eccl. Sect. II. tit. XX. §. 240. *Hæretica* blasphemix rei sunt, qui dogmata defendunt ad detrahendum de excellentiis, proprietatibus, et actionibus divinæ naturæ comparata. Ita Arianis et Nestorianis blasphemia imputatur, eo quod Divinitatem Servatoris nostri, et incarnationem divinæ naturæ negaverint. L. 6. 8. cod. Teodos. de hæret. Non atrox quædam blasphemia dicitur; non ideo, quod non omnis blasphemia delictum atrox sit, sed quia gradus atrocitatis dantur.
- q) De qua vid. præced. n. I. 2.
- r) Can. 10, Causs. XXII. quest. I.
- s) Cap. 2. de maled.
- t) Si enim contra homines facta blasphemix impunita non relinquuntur, multo magis, qui ipsum Deum blasphemant, digni sunt supplicia sustinere. No. vell.

vell. 77. cap. I. Conf. Cod. Pruss. P. II. tit. XX.
Sect. 6. Cetera de crimine blasphemiae videantur
apud Doctores iuris *criminalis*.

2) Perjurium et Pejeratio: u)

- a) Qui gravissimo hoc crimine se maculant, hos *Jus canonicum* in foro *pœnitentia*li quadraginta dierum jejunio in pane et aqua puniendos esse statuit; v)
- b) in foro *externo eodem jure* Clericus deponendus est ab ordine et beneficio; x) *Episcopus* vero gravius, quam alii puniendus; y)
- c) omnis perjurus infamia notatur, z) et a testimonio dicendo penitus repellitur; a)
- d) qui alios ad perjuriam sollicitavit, aut permovit, usque ad exitum vitæ communione privatur; b)
- e) quodsi autem *occultum* sit *perjurium*, peracta pœnitentia, in jam susceptis vel suscipiendis ordinibus nemo impeditur. c)

u) *Perjurium* est violatio juramenti præstiti: *Pejeratio*, quando quis verum se dicere jurat, dum sciens falsum dicit. Utrumque crimen *species blasphemiae* est, nec Civitati minus, quam Ecclesiae perniciosum. Unde vero mortalium ad illud tanta audacia? Judice S. Augustino: ex nimia juramentorum frequentia. Ita enim ille *epist. 157*. scribit: *Jurationem cave, quantum potes; melius quippe nec verum juratur, quia jurandi consuetudine in perjurium saepe caditur, et semper perjurio propinquatur.*

v) *Can. 18. Causs. VI. quest. I.*

x) *Can. 12. Dist. LXXXI.*

y) *Cap.*

g) *Cap. 12. de jur. civ.*

2) *Cap. 9. Caus. III. quæst. V. Can. 17. Caus. VI. quæst. I.*

a) *Cap. 34 de Test.*

b) *Can. 7. Caus. XXII. quæst. IV.*

c) *Cap. ult. de temp. ord. Pœnæ ex jure civili nostro in perjuros statuta vid. cit. Cod. P. II. tit. XX. Sect. 15. rubr. C. 1.)* Meineid und Lügen vor Gericht.

g) *Magia; d) cujus præcipua genera sunt*

a) *Divinatio seu Mantia*, qua denotantur omnes operationes ac viæ *revelandi secreta*, et prænuntiandi futura, quæ ex nullis naturæ legibus sciri possunt; e)

b) *Magia stricte sic dicta*, quæ significabat *artem* noxiarum operationum, et *mala* quæcunque *inferendi* deorum inferorum auxilio; f)

c) *Incantatio*, quæ in *peritia* et potestate per certa verba, signa, aliave *faciendi* aliquid *boni* ponebatur; g)

d) *Præstigium*, quo *vim* potestatemque *miracula efficiendi* contineri existimarunt; h)

e) *Vana et superstitiosa observatio dierum et casuum fortuitorum*, et *fausta* inde vel *infausta* præsagiendi, ac ominandi consuetudo; i)

d) *Magia ex ethnica theologia principii primum conflata* (Riegger cit. loc. §. 588. seqq.), ac inter christianos etiam, *deceptorum studiis*, quibus nulla ætas caruit (Idem §. 395. Schol.),
cultu

culta denotabat ad seculum usque XIII *artem et scientiam demones colendi, evocandi, et ad quaecunque flectendi*. Idem § 390. Posteris aliam magiæ formam dare, eamque ex aliis longe principis explicare placuit. Nempe gentiles illi sub nomine *dæmonis*, cujus ope uterentur, modo ipsum *Deum summum*, modo Deos *intermedios*, modo *animas defunctorum* intelligebant. Christiani recentiores *angelum* illum ab initio bonum, beatumque, deinde ob superbiam peccatum ad æterna supplicia condemnatum Math. XXV. 41. II Petr. II. 4. substituerunt, firmiter persuasi, 1) miserimam hanc creaturam prorsus insigni rerum omnium scientia et potestate præditam esse; 2) posse eam ab hominibus evocari; dein 3) pactum vel *expressum* vel *tacitum*, et familiare commercium cum ea celebrari; tum demum 4) hominem paciscentem *magum sagamve* constitui, diabolumque obligari, ut ad nutum hominis non modo in corporali specie vel bestię, vel hominis, vel monstri compareat, sed etiam solo vocis imperio nescio quæ exequatur. Riegger cit. loc. §. 391. 41. Inde vero nova magiæ definitio originem traxit, quod sit *crimen*, quo quis pacto *expresso*, vel *tacito* cum diabolo interveniente ejus *auxilium et commercium sibi stipulatur*, adeo infallibili cum effectu, ut quidquid a dæmonibus sibi ex pacto implicito vel explicito concurrentibus expostulaverit, accipiat, nisi quoties ordinatione divina prohibiti præstare nequeant, quod petitur. Novissimum istud magiæ systema quantos progressus fecerit, scripta Doctorum, quales ævum illud tulerat, rerum judicatarum documenta, rogiq; usque ad seculum XVI. accensi abunde testantur. Sed enim sunt ætate nostra non pauci, qui, ut ipsi ajunt, expensis adcuratius sapientiorum inter ethnicos, dein SS. etiam Patrum, Conciliorum, ac Legislatorum que-

quoque civilium de magia antiquiore judiciis: examinatis tandem diligentius recentioris magiæ principijs, non solum de ejus *existentia* dubitant, sed et ipsius *possibilitatem* ita inficiantur, ut eam *frequenter saltem* a Deo permitti haud posse tum ex ipso divinæ *benevolentia* conceptu, tum ex aliis rationibus gravissimis probent. Hos inter palmam ceteris præripuerunt Franc. Constantin. a Cauz in opere: *De cultribus magicis, eorumque perpetuo ad Ecclesiam, et Rempublicam habitu.* Viennæ 1768 prima vice edito, denuoque auctius et emendatius an. 1771. in 4. recuso: larvatus Ardoïno Ubidente Dell' Osa in suo *Welthetrügenden Nichts.* P. Fridericus Spee Soc. Jesu in libello: *Theologi Romani cautio criminalis de processibus contra sagas.* De Riegger P. IV. § 388. — 436. Istorum opinione vix ulla datur *magia*, ut ajunt, *effectrix*: bene vero dantur homines, qui eam dari credunt; quique, cum per Dei providentiam propositum suum inclarecendi, ditescendi, libidinem explendi, et vindictam privatam exercendi se obtinere non posse videant; aut pessimis impostoribus, qui magicas artes se noscere jactant, fidem tribuunt, aut ipsi diaboli vires et auxilium implorant, et conatu serio quidem, attamen *irrito* commercia et pacta cum eo inire adtentant. Hoc sensu existere *magiam*, eamque *accessum mentis ad Satanam cum conatu, et fiducia aliquid ab eo obtinendi* definiri posse, ultro concedunt. Nec, si recte video, hac definiendi ratione *gravitati* criminis magiæ quidquam detrahitur. Manet imo, hoc licet sensu sumta, turpissimorum scelerum aut mater aut filia, apertæ blasphemiae socia, dignaque profecto, quæ severis pœnis plectatur. Ast non diffiteor dari Viros alios et eruditione sacra et pietate colendos, quibus doctrina hæc recentiorum

non omni ex parte probatur; quique aut suam sententiam modeste suspendunt, ut *Zechius cit. loc. §. 249.* aut neutri systemati penitus adhærendum, imo id provide vitandum esse suadent, scilicet: ne vel nimis virtuti diaboli et arti magicæ tribuatur, vel ne quicunque effectus naturæ leges excedentes illusioni et imaginationi adscribantur. Horum argumenta proponemus in prælectionibus. Conf. *Riegger §. 622.*

- e) *Can. 1. 14. Caus. XXVI. quæst. III.* Species ejus sunt 1) *Astrologia judiciaria* seu *ars apotelesmatica*, quam qui professi sunt, communiter *mathematici*, nonnunquam *genethliaci* vocabantur. *Can. 6. §. 3. Caus. XXVI. quæst. II. Can. 1. ibid. quæst. III.* Ecclesia rem istam, tanquam *idololatram*, et *blasphemiam* damnavit. *Concil. Toletan. I. reg. fid. contra Priscill: S. Leo. epist. 91. cap. 11. ad Turib* 2) *Augurium*, quo *haruspicium*, *aruspicina*, *chiromantia*, *physiognomia*, *noiomantia* (*Can. 8. Caus. XXVI. quæst. II* et *necromantia* pertinet, Posteriores dicunt esse artem evocandi vel resuscitandi Deos manes, qui ad interrogata respondeant, aut in umbris et imaginibus occulta revelent. *Cap. 2. de sortileg.* Has superstitiones Ecclesia exclusionem a communione plectendas censuit; *Can. 9. Caus. XXVI. quæst. V. cum certum sit ex idololatriâ hujusmodi oppropria pullulare. Can. 9 §. 1. Caus. XXVI. quæst. II. 3) Divinatio per sortes* seu *sortilegium*, cum actus quidam ponitur, ut ex eventu illius fortuito et casuali futura cognoscantur; *Can. 1 Caus. XXVI. quæst. III et IV. ex antiqui (Jud. VII. 18. I. Reg. XIV. 38. seq.) et novi fœderis (Act. Apost. I. 26.) sortibus*, aut ex speciali lege, vel Dei inspiratione adhibitis prognatum, ast superstitionose deinceps ad quoscunque futuros eventus prænoscentes adplicatum, quos

ausus SS Patres nil aliud, quam divinationes et maleficia esse decreverunt. *Can. 7. Causs. XXVI. quest. V. cap. 1. de sortileg.* Huc spectant *sortes Sanctorum* seu *sacræ* in eo repositæ, ut ex arrepto sacrorum bibliorum loco, qui primus oculis subicitur, futura divinentur, quibus insignem diu religionem Semichristiani adhibuerunt, excommunicationis licet pœna ab hoc ethnicæ superstitionis exemplo prohibiti. *Can. un. Causs. XXVI. quest. I. can. 6. ibid. quest. V.*

f) *Can. 14. §. 1. Causs. XXVII. quest. III.* Qui se ei dederant *venefici*, et *malefici* vocabantur. *Novell. CXV. cap. 3. §. 4. cap. 4 §. 2.* Huc præter alia ægri animi phantasmata referuntur 1) *Philtra*, et *pharmaca* L. 4 de *malef.* 2) falsitates *tempestariorum* *Can. 16. Causs. XXVI. quest. VII.* 3) *Maleficia*, quæ conjuges in usu matrimonii impediuntur, et impotentia afficiantur. *Can. 4. Causs. XXXIII. quest. I.* His in, tñs crimen idololatriæ, homicidii, et falsi Ecclesia objecit. *Concil. Laudun. can. 6 Trullan. can. 61 Can. 16. Causs. XXVI. quest. VII. Can. 5. ibid. quest. V.*

g) Cujus classis sunt 1) stultæ artes *thesauros effodiendi*, et *investigandi* L. un. cod. de *thesaur.* 2) *Carmina* et *characteres magici*, atque *exorcismi*: 3) *Phylacteria* seu *servatoria*: 4) *ligatura*, et *amuleta*. *Can. 6. §. 1. can. 7. Causs. XXVI. quest. II.* His ludibriis, ut speciem haberent pietatis, nomina Christi, Angelorum, verba sacræ scripturæ addere solebant. S. Augustin. *tract. VII in Joan.* Ecclesia in eos, qui incantatores observaverint, aut phylacteriis usi fuerint, anathema pronuntavit. *Can. 15. ibid. quest. VII. can. 4. ibid. quest. V. can. 1. ibid.*

Sed ais: ipsam Ecclesiam exorcismis, amuletis, reliquiis, signis, et imaginibus non cecurere, quibus ad sanationem tam hominum-

quam jumentorum, aut frugum conservatio-
nem uti videatur. Habet utique, sed non invo-
cationibus angelicis facit aliquid, nec incantatio-
nibus, nec reliqua prava curiositate, sed mundo,
et pure, et manifeste orationes dirigens ad Domi-
num, qui omnia facit, et nomen Domini nostri
Jesu Christi invocans, virtutes secundum utilita-
tem hominum, sed non ad seductionem perficit S.
Bernardus lib. II. cap. 57. Eos, qui aliter utun-
tur sacris remediis, a mente Ecclesie alienos es-
se constat. Vid. S. Chrysostom. *serm.*
XLIII in Math.

- b) Sceleris hujus ut plurimum rei erant hæresiae, ut novis opinionibus suis fidem conciliarent, magi quoque omnes gentilium, ut sensuum ludificatione homines deciperent. II. Tim. III & Exod. VII. 11. His adtentatis lex ecclesiastica excommunicationis censuram irrogavit. *Caus. XXVI. quæst. V.* Non minori autem sacrilegio se polluant, qui hujusmodi impostoribus credunt, et ita divinæ Majestatis potentiam creaturis temerarie adtribuunt. *Can. 5. ibid.*
- i) Cujus exempla quotidiana recensent S. Augustinus ap. Gratian *can. 6. ibid. quæst. II. can. 17. ibid. quæst. VII.* et S. Chrysostomus *homil. XXI. ad popul. antiochen.* Sed omnis hæc observatio paganismi est. *Can. 13. Caus. XXVI. quæst. VII.* et qui talibus persursionibus se dederunt, juxta effatum Apostoli *infirmi adhuc in fide sunt*, et vix ulla religione utuntur. Galat. IV. add. *Can. 14. 16. 17. Caus. et quæst. cit.*

Leges antiquas Germanorum contra hæc magiæ genera recensuit Riegger *cit. loc. §. 406.* Juris nostri Regii decreta legi possunt in *cit. Cod. Pruss. P. II tit. XX. Sect. VI. rubr. Mißbrauch der Religion zu Gaukeleyen. ibid. sect.*

secc. XV. rubr. II. B. 3 Goldmacher, und Wahrsager.

4) Sacrilegium: k)

- a) sumtum in sensu *stricto* denotat *furtum rei sacræ*; l)
- b) in sensu *latiore*, *quancunque religionis et sacrorum violationem*; m)
- c) in sensu *latissimo*, omnia illa *facta*, quibus *personæ, res, et loca consecratione vel benedictione adfecta*, et generatim *speciali sanctione* adversus injurias hominum munita violantur. n)
- d) *Pæna sacrilegii pro modo admissi sceleris* multiplex et *varia* est. o)

k) Ab eo, qui *sacra legie*, seu aufert, et furatur sic dictum.

l) Ejusmodi scilicet rei, quæ *immediate* ad cultum Dei destinata est Conf. *præced. cap. II. §. I. not. e*). Ergo hoc crimen committitur, si aufertur res sacra ex loco, etiam *non sacro*, et multo magis ex loco *sacro*, eoque *publico*, vel *privato*. Can. Apost. 71 72. Can. 21. *Causs. XVII. quæst. IV.* Furti istius *impietas* in relatione ad cultum Dei externum, qui sine adparatu rerum plurium decenter peragi nequit, maxime conspicitur.

m) Ita acceptum *generis* rationem habet, et omnia adversus Deum crimina, præcipue vero 1) injurias Sacerdotibus in ecclesia rem divinam facientibus, vel ipsi cultui vel loco illatas, 2) Sacrorum turbationes, 3) Sacramentorum profanationes, 4) indiscretum sacræ potestatis con-

temtum, et abusum, aliaque tanquam species suas comprehendit. Vid. Riegger § 437.

n) Qui jam ex hoc capite *Sacrilegi* dicuntur: vid. apud Eundem § 438. seq.

o) Vid. can. 21. 22. 24. 28. Causs. XVII. quest. IV. item cap. 2. de rapt. Conf. cit. Cod. Prüss; cit. loc. Secr. VI. rubr. Störung des öffentlichen Gottesdienstes; item Secr. XIV rubr. I. Diebstahl mit erschwerenden Umständen.

5) Simonia: p)

a) *dividitur* in plures species. q)

b) *requisita* ad eam constituendam sunt res spiritualis vel ei adnexa; r) *pretium* seu munus:

s) *pactum*; t)

c) *malitia* ejus *gravis*: u) *pænæ* variæ: v) in pluribus simoniæ casibus *ipso facto*, in aliis *accedente* judicis *sententia* incurrendæ; x)

d) *dispensatio* prioribus undecim seculis vix ulla, y) nunc circa simoniam *juris humani*, et *utriusque* ejusdem *juris pænæ* non nisi ex gravissimis causis concedenda. z)

p) Vitium heu! frequentissimum, a Simone Maggo ita dictum, qui potestatem dona Spiritus S. conferendi ab Apostolis emere volebat (Act. apost. VIII 14. seqq.) ut ex venditione signorum, quæ per eundem fierent multiplicatam pecuniam lucraretur. Cur & Caus. I quest. III. Denotat ergo omnem actum, quo quis sibi spirituale pro temporali, aut vicissim comparare nititur; vel etiam: quo spiritualia pro spiritualibus contra grave Ecclesiæ præceptum dantur, aut accipiuntur.

1) Ac quidem 1) in simoniam *juris divini*, et *humani*; illa prioris definitionis (*præced. not. p*) membro: hæc vero altero describi solet. *Istius exempli* vid. apud Riegger § 366. et in Concilii *Trident. Sess. V cap. 1. XXIII cap. 18. XXV. cap. 7 de reform. illius* vero occurrent *infra.* 2) *Prior* distribuitur iterum in *mentalem* seu *inchoatam*; cum datur vel accipitur aliquod temporale, intentione efficaci animo retenta, recipiendi, vel reddendi spirituale: et *externam* seu *completam*, quæ scilicet in pactum transit. 3) *Hujus* demum tres species faciunt, *conventionalem* si traditio ex *neutra* adhuc parte secuta est; *realem*, ubi traditio *utrinque* facta: *mixtam*, si ex *una* tantum parte traditio accessit. Præter has species datur adhuc 4) *aliæ*, quam *confidentialem* vocant, et quæ committitur, dum quis alteri procurat beneficium eo pacto expresso vel tacito, ut idem vel aliud beneficium procuranti vel tertio resignetur, aut pensio solvatur. Riegger § 376.

2) Vid. *def. præced. not. p*) Sed operæ pretium est, singula pl. r. us verbis proponere. Requiritur 1) *res spiritualis*, quæ generatim ea pertinent, quæ aliquo modo sunt *supernaturalia* vel ad Dei cultum, et animarum salutem *immediate* ordinata e. g. *Sacramenta jurisdictio sacra, verbi divini prædicatio, professio religiosa* etc. vel 2. *spirituali adnexa*, quo *beneficia ecclesiastica* res quæcunque *consecratione* vel *benedictione adfectæ*, officia ad rerum ecclesiæ *temporalium administrati- onem, defensionem, vel custodiam* instituta, et plura alia referuntur. Quare *ratione spiritualium rerum* simoniæ pravitatis rei sunt 1) qui Sacramentorum administrationem emunt, vendunt *Cap. 15 Caus. I. quæst. III. can. 99. seq. Caus. I. quæst. I. cap. 9. 14. de simon.* 2) qui sacros ordines pro pecuniis dant et accipiunt. *Can.*

apost. 28. Concil Trident. Sess. XXI. cap. 1. de reform. 3) qui prædicatione verbi divini lucrum quarunt Math. X. 8. I. Petr. V. 2. 4) qui pro benedictione quacunque, (cap. 9. 29. 43 de simon.) pro consecratione ecclesiarum et altarium, (Can. 106. Caus. I. quæst. I. can. 15. Caus. I. quæst. III. cap. 19. de præscript.) pro sepultura ecclesiastica (cap. 41 de simon.) turpem mercedem requirunt. 5) qui quoscunque actus ordinis (cap. 9. 21. ibid.) et jurisdictionis spiritualis (Can. 124. Caus. I. quæst. I. cap. 21. de simon. Trident. Sess. XXIV cap. 5 de reform. matrim. Sess. XXV. cap. 18. de reform.) venales exponunt: 6) non solum, qui ista pro pretio administrant, sed et, qui licentiam dispensandi et administrandi numinis sibi comparant, vel aliis concedunt. Can. 105 Caus. I. quæst. I. Trident. Sess. V. cap. 2. de reform. 7) qui potestate ecclesiastica præditi ejus exercitium vicariis pro certa mercede elocant, vel censum annuum pro concessione illius sibi reservant Cap. 12. ne prælat. vices suas sub ann. cens conced. 8) qui pro ingressu religionis sive ad novitiatum sive ad professionem aliquid dant, aut accipiunt, (Can. 3. Caus. I. quæst. II. cap. 8. 19 25 de simon.) aut sub quocunque demum, etiam paupertatis, titulo a Candidatis exigunt et sibi stipulantur. Cap. 40. de Simon. Cap. 1 de instit. cap. un. §. 4 de stat. regular. in 6. Concil. Trident. Sess. XXV. cap. 3. de Regular. Argumenta contraria, quibus has simoniæ species excusare volunt, vid. apud Riegger §. 347 seq. item §. 364. Schol. Porro ratione rerum spiritualibus adnexarum simoniæ rei fiunt 1) qui parochiarum et ecclesiarum regimen majorem censum annuum licitantibus offerunt: cap. 3 ne prælat. vic. suas sub ann. cens. 2) Episcopi, qui monasteriis olim possessionem ecclesiarum et reddituum beneficalium, a laicis oblatam, ea lege concesserunt, ut vicario deinceps quocunque mortuo

mortuo certa pecuniæ quantitas ipsis persolvatur, *cap. 41. de simon.* qui abusus *Redemptio altarium* olim dicebatur, et in *can. 4. Caus. I. quæst. III.* proscriptus est; add. *cap. 1. de usur. 3)* qui pretium rerum consecratione vel benedictione adfectarum (ipsas enim quoad materiam emi vendique posse, dubio caret. *L. 21. eod. de sacros. Eccles. Authent. Præterea ibid.*) intuitu consecrationis aut benedictionis augent 4) qui promittunt, aut dant pecuniam electoribus, ut hunc vel illum eligant. *cap. 27. de simon. 5)* qui ut eligeretur, cum electoribus collocutus, eosque deprecatus cum illis jurans pactus est. *cap. 26. de elect. 6)* qui confirmationem electionis ad removendum injustum licet obicem pretio adquirunt: *cap. 33. de simon. 7)* qui ad beneficium obtinendum promittunt se beneficii jura remissuros iis, quorum ope egent, ut illud obtineant. *cap. 31. de præscript. 8)* qui per munera amicitiam et favorem aut ipsius Patroni, vel Collatoris, aut ejus, qui apud alterutrum multum pollet, aucupantur, ut inde beneficium reportent. *Can. 3. Caus. I. quæst. V. 9)* qui præbendæ suæ cedunt, et juri renuntiant, ut ex hoc certam pecuniæ summam consequantur. *cap. 5. de rer. permutat. 10)* Patroni, qui a præsentatis novos vel majores census stipulantur, vel patronis offerunt. *cap. 15. de cens. cap. 6. de pact.* Multique alii: vid. Riegger § 353. seqq. Ajunt quidem beneficiorum nundinatores, se non ministerium ecclesiasticum, sed *jus percipiendi proventus* temporales pretio æstimare; nec se rem temporalem tanquam pretium, sed dumtaxat per modum motivi, ut sibi conferatur beneficium, dare. Verum hi attendant ad illud Paschalis Papæ: *Quisquis horum alterum vendit, sine quo nec alterum provenit, neutrum invenditum derelinquit. Can. 7. Caus. I. quæst. III.* Et quid interest, num per modum pretii aut motivi ali-

quid

quid detur, si utroque modo non *merito* sed *pretio* beneficium conceditur? Conf. proposit ab Innocentio XI. damnat. *Theor. XIV. XLVI.*

s) Quod non in sola pecunia sed in re qualibet pretio haberi solita consistit, et antiquissima divisione jam a S. Hieronymo *Can. 6. Caus. VIII. quest. I.* et distincte magis ab Urbano II. *Can. 2. Caus. I. quest. III.* in *munus a manu*, ab obsequio, et a *lingua* distinguitur. *Munus a manu* est pecunia in sensu *juridico* accepta *can. 6. ibid.* Nec quantitas ejus modica crimen simoniae extinguit, *cap. 20. de sim.* nisi persona dantis et accipientis qualitas et donationis tempus mitiorem interpretationem suggerant *Cap. 18. eod.* *Munus ab obsequio* est servitus ind. bte imp. nsa. Hinc simoniam committit, qui obsequium quodcumque gratis exhibet collatori vel patrono ea conditione vel expressa vel tacita, ut sibi data occasione de beneficio provideat. *Munus a lingua* est *favor*, qui succedit in locum pretii. Quae de causa simoniaci dicuntur, qui ad preces, laudes alterius eo animo beneficia conferunt, sive ut ejus gratiam seu favorem ad propriam utilitatem obtineant, sive ne recusantes illius gratiam perdant. Conf. Riegger § 369. seqq.

z) Seu quævis *conventio*, cujuscunque nominis, utrinque obligationem inducens. Neque refert, sive conventio illa sit *expressa*, sive *tacita*; sive *vera*, sive *ficta*; (Vid. Riegger §. 372. *Schol.*) et ficta enim eadem passim consecraria habet, quæ veram comitari videmus; hinc jure, ut ista, modo *dantem*, modo *accipientem* simoniacum facit. Idem §. 373.

n) Nam 1) *spiritualia* vix majore ignominia, quæ utique in illorum auctorem Deum redundat, obui possunt, quam si rebus profanis et pecunia parabilibus equiparantur. *Can. 9. Caus. I. quest.*

quæst. III. cap. 5. 6. §. 13. de maj. et obed. Quis
 demum veneretur, quod venditur? aut quis non vi-
 le putet, quod emitur? S. Gregorius Lib. VII.
 epist. 114. 2) Voluit divina bonitas, ut æque
 inopi ac potenti in promptu essent remedia om-
 nia salutem suam operandi, et vel ideo Aposto-
 lis inculcavit: *gratis accepistis, gratis dabitur*
 Math X 5. Quanta ergo sit illorum imma-
 nitas, qui religionem *quæstui habent*. I. ad Ti-
 moth VI 5. et plus offerre tibus, indignis sæ-
 pius, divina mysteria dispensant, atque ita ali-
 unde miseris rerum divinarum usum pretiosum
 faciunt? *Can. 100 101. Caus. I. quæst. I.* Hæc de
 simonia, quæ ratione rerum spiritualium com-
 mittitur, (vid præced not r.) imprimis valent.
 Quod si ad longe frequentiore simoniæ speci-
 em, quæ ratione rerum spiritualibus adnexarum,
 ac præcipue in beneficiorum collatione (ibidem)
 intervenire potest, respiciamus, quis non videt,
 quanta præterea inde malorum copia pullulet?
 Inde contingit 1) ut qui sacros ordines adpetunt,
 non vitam corrigere, non mores componere stude-
 ant, sed divitias, quibus honor sacer emitur, sa-
 tagant congregare. S. Gregorius Lib VII. In-
 dict. II. epist. 115. 2) ut divitiarum congregan-
 darum studio toti quanti immersi clerici, nihil
 jam christianæ proles gratuitam instructionem,
 nihil pauperum miseras levandi media, nihil
 scientias sacratiores, nihil fidelium suorum in
 virtute christiana profectum: plurimum vero
 agrorum cultum, accidentia stolæ, potentiori-
 bus placendi artes, reddituum ecclesiasticorum
 augmentum curent. Hæc vero perversitas, ubi
 in Ecclesia invaluit, omnis prope ecclesiastica dis-
 ciplina collapsa est. Concil. Bituric. Tit. XI. l.
 can. I. Quare nemo jam mirabitur, cur inter
 crimina graviora simonia reputetur. Cap. 16 §. 2.
 de purg. can., et pestis sui magnitudine alios mor-
 bos vincere cap. 6 de simon. imo cetera crimina ad

ejus comparationem quasi pro nihilo reputari, *Can. 27. Caus. I. quest. VII cap. 32. §. 1. de simon. dicantur: cur detestabile scelus simoniace pravitas tam divinarum legum, quam sacrorum canonum auctoritas abhorreat, atque damnet cap. 8. de simon. Extravag. comm: cur in ipso o. tu suo zelo apostolicæ ultionis percussa et damnata est, Act. Apost. VIII 20. cur demum piaculare Can. 5. Caus. I. quest. I. execrabile flagitium can 7. ibid. lepra spiritualis can. 14. ibid. capitale crimen. cap. 11. ibid. hæresis et thesaurus criminum can. 16. ibid. aliisque probrosis nominibus ad gravitatem delicti significandam passim compelletur.*

- o) Nempe 1) qui *simoniace ordinatur*, tam ab ordinibus aliis suscipiendis, quam a suscepto um exercitio: *ordinans* autem a collatione ordinum quorumcunque, et omnium Pontificalium executione suspenditur. *Cap. 37 45. de simon cap. 2. ibid. Extravag. comm. 2) Provisio ad beneficia ecclesiastica et dignitates, simoniace facta, est ipso jure nulla, consequenter omnes fructus percepti, ante omnem judicis sententiam restituendi sunt. Extravag. 2. cit. porro inducit inhabilitatem ad idem beneficium de novo obtinendum. cap. 12. 59. de elect. cap. 27 de simon. Huc pertinet e cit. Cod. Pruss P. II. tit. XI. sect. VI. lex: Wer rechtlich über führt wird, daß er sich durch Bestechungen, oder andre unerlaubte Wege, in ein geistliches Amt einzuschleichen gesucht habe, wird eines solchen Amtes auf immer unfähig. 3) Simoniace professus in arctius monasterium detrudendus est: cap. 19. 25 de Simon. Prælatus vero regularis de simonia condemnatus deponendus. Cap. 30 ibid. His præ is omnis simonia completa seu externa (præed not. q.) etiam mere conventionalis subieitur. P. e. hem. §. 1296. Schol. Mitius de simonia mentali statuendum est. Idem §. 1287.*

æ) Præ-

w) Pœnæ circa ordines, beneficiorum collationes, et ingressum religionis a canonibus statuta, et ordinariæ incurruntur ipso facto: in reliquis simoniæ casibus sententiam iudicis accedere debere docent. Riegger §. 377.

y) Quod eo magis adhuc de simonia iuris divini, (præced. not. g) in qua nemo hominum dispensare potest, dicendum est.

z) Nempe non nisi ex gravissima necessitate, vel utilitate Urbanus II. in Syno¹. Roman. de an. 1099. ap. Gratian. can. 1. Caus. I. quest. V. can. 2. 3. ibid. At a quo petenda est hæc dispensatio? responsio vid. apud Riegger §. 383. Schol. conf. vero Pehem §. 1297. Schol.

III. Delictorum, quibus proximus læditur, notatu digniores species sunt

1) Homicidium: a) ad hoc referuntur

a) Parricidium, b) Infanticidium; c)

b) Procuratio abortus; d)

c) Expositio infantum; e)

d) Torneamenta f)

e) Duellum. g)

a) Seu factum legibus interdictum, quo homini vita adimitur. Aliud est dolosum, culposum aliud; vid. Riegger § 441. seqq.. Quodcumque sit, nempe sive dolo sive culpa admissum, legibus naturalibus, quinto Decalogi præcepto, salutem Ecclesiæ, ac Civitatis repugnat. Rectissime ergo in illud non solum ecclesiasticis, sed etiam quam maxime civilibus pœnis animadvertitur. Ecclesiasticarum mentio facta est cap. præced. l. n. III. §. Civiles vero ex jure nostro pro diversitate circumstantiarum decernendæ vid. in cit. Cod.

Cod. P. II. tit. XX Sect. XI. rubr. Todschiag
Mord. et seqq

- b) *Species homicidii, quod in ascendentes vel descendentes committitur.* Ex jure canonico variis pœnitentis muletur *can. 19. Dist. de pœnit. can. 15. Caus. XXIII. quæst. II.* ex jure nostro civili latius patet ac severioribus etiam pœnis plectitur. cit Cod. cit. loc. rubr. Verwandten- und Aelternmord.
- c) *Seu cædes liberorum, etiam ex damnato coitu, recens natorum.* Jure canonico mater infanticida, omnibus modis inducenda, ut perpetuæ pœnitentiæ causa monasterium intret, absolute tamen cogenda non est. *Can. 1. 2. de his, qui fil. occid. Jus civile antiquum* pœnam parricidii infanticidio indixit. *L. 9. pr. de Leg. Pomp. Constantinus M. in Leg. un. de his, qui parent. vel liber. occider.* Quid vero recentius nostrum statuatur, vid. cit Cod. cit loc. rubr. Kinder-Mord. Parentibus, apud quos infantes adhuc tenelli in suo lecto collocati reperiuntur mortui, pœnitentia trium annorum imponenda est, quorum unum in pane et aqua peragant. *Can. 2. Caus. II. quæst. V. cap. 3. de his, qui fil. occid. cap. 7. de pœnit.* Conf. cit. Cod. cit. loc. rubr. Vorbeugungsmittel. 9) Gegen Säuglinge.
- d) Hæc, si fœtus animatus sit, irregularitate, inhabilitate ad officia et beneficia, ipsaque excommunicatione punitur; clericus vero dignitate exui, et seculari Judici tradi jubetur. Si vero fœtus sit, ut ajunt, *nondum formatus*, sola excommunicatio, eaque Pontifici reservata locum habet. *Sixtus V. Const. 87. Effrœnatam Gregorius XIV. Const. 8.* Sedes apostolica. Posterius valet quoque de procuratione sterilitatis. Conf. cit. Cod. cit. loc. rubr. Abtreibung der Leibesfrucht.

e) Acqui-

e) Aequiparatur homicidio, (*preced. not. a*) si cum vite infantis periculo conjungitur. *Tam enim nefarium est exp. nere, quam necave.* S. Lacrantius *Lib VI inst. divin. CXX. n. 24* Conf. cit. Cod. cit. loc. rubr. Rindermotd.

f) Concilia et Pontifices dementiam hanc sub pœna privationis sepulturæ ecclesiasticæ. *cap. 12 de Torneam.* prohibuerunt. Quod ipsum Pius V. ad Taurorum agitationes, *Dæmonum illa, et non hominum spectacula a pietate et charitate christiana aliena extendit.*

g) Duellum pugnam inter duos ex condicto et armis susceptam d. not. t. Erat olim aliud judiciale, quod auctoritate judicis actor alia probatione destitutus offerebat, et oblatum reus suscipere cogebatur §. *preced. l. n. V. 3 not. d.*) Riegger § 454 Nunc solum extrajudiciale superest, quod jam in publicum, et privatum dividunt. Utrumque quam alienum sit ab omni jure et recta ratione, quam indignum hominibus non est curnuncdemonstretur. Vid. Ant. Michael. Zeplichal *Inst. Jur. nat. et gent. §. 227 seqq.* Pœnæ sunt infamia, denegatio asyli, respectu occisi privatio sepulturæ ecclesiasticæ, omnium concurrentium excommunicatio; clericus insuper ab officio suspendendus, beneficio privandus, et deponendus est. *Concil. Trident. Sess. XXV. cap. 19 de reform. Benedictus XIV. in Constit. Detestabilem. de an. 1752* Conf. cit. Cod. cit. loc. sect. X. rubr. Bon Duellen überhaupt. *seqq.*

2) Crimen Falsi, seu stellionatus: h) huic adjunguntur

a) injuria. *seqq.*
b) calumniæ. h)

b) Stellio.

h) *Stellionatus seu dolosa veritatis immutatio alteri damnosa* tribus generalioribus modis committitur; 1) *sermone* per mendacium: quod, quamvis nunquam mentiri liceat, (vid. *Can. 8. 14 15. 16. 17 Caus. XXII. quest. II.*) censuris tamen ecclesiasticis non adeo severe adiciebatur. *Can. 1. 4. 18. ibid.* 2) *scripto* e. g. falsatione litterarum, documentorum; cui crimini severiores pœnæ dictantur *can. 3. Dist. 19. cap. 2. 7. de Rescript. cap. 4. §. 1. ibid.* item cit. *Cod. cit. loc. sect. XV. rubr. B. Verfälschungen* 1) Urkunden. 3) *facto* per eos, qui pondera, aut publice probatas vini, frumenti, aut cujuslibet rei mensuras corrumpunt. *cap. 2. de emr. et vend.* qui sigilla et insignia aliorum usurpant et corrumpunt, *cap. 3. de crim. fals.* qui monetas vel quoad formam, materiam, aut pondus adulterant. His excommunicatio Papæ reservata indicitur. *cap. un. ibid. Extravag. Joann. XXII. Conf. cit. Cod. cit. loc. rubr. C. —* 4) *Mißbrauch fremden Namens und Wappens. D. — Betrug des Publici.* 1) *Verfälschung von Waaren. Maas, und Gewicht.*

i) *Seu lesio dolosa existimationis bonæ alterius.* Est vel *verbalis* vel *realis*: dein *simplex* vel *atrox* potestque tam *facto* quam *omissione* eorum, quæ fieri oporteret, committi *cap. 15. de excess. pralat.* Cum bona fama pari passu cum vita ambulare dicatur, diligentissime provident leges, ut homines non solum ab homicidiis, sed et ab injuriis tutos præsent. Dispositiones juris *canonici* vid. ap. Riegger §. 461. seq. *civilis* vero cit. *Cod. cit. loc. Sect. X.*

k) *Eaque vera*, si quis innocenti dolo malo falsa crimina intendit: aut *præsumpta*, si quis defecerit in delati criminis probatione. *Pœnæ ecclesiasticæ* contra calumniatores vid. apud Riegger §.

264. *civiles vero cit. Cod: cit. loc. rubr. C* ---
Falsche Anschuldigung und Anklage.

3) Furtum: 1) huc pertinent

- a) *Rapina*, seu ablatio per vim personæ illa-
ram; m)
- b) *Peculatus*; n)
- c) *Plagium*; o)
- d) *Abigeatus*; p)
- e) *Incendium*. q)

l) *Furtum ablatio rei alienæ est invito prudenter Do-
mino. Pena ejus jure canonico infamia est. Can.
17. Causs. VI. quest. I. et per sequelam irregula-
ritas. Clericus de furto magno convictus depo-
ni jubetur ab ordine et officio. Can. 12 Dist. 31.
et si corrigi nequeat, etiam excommunicari.
Cap. 10. de jud. Conf. cit Cod. cit. loc. sect. XIV.*

m) *Raptores de rapinis viventes (cap. 1. de rapt.) qui-
ve in specie fideles christianos justa de caussa
navigantes, aut naufragos (cap. 3. ibid.) aut lo-
ca sacra visitantes (can. 23. Causs. XXXIV. quest.
III) rebus suis spoliunt, ab Episcopo loci, in
quo delinquant, excommunicandi sunt, (can. 4.
causs. VI. quest. III.) et si renuant satisfacere,
sepultura ecclesiastica privandi: Clerici hoc de-
lictum committentes, officio, beneficioque exu-
endi. Cap. 2. de rapt. Conf. cit. Cod. ibid. rubr.
II. — Raub.*

n) *Qui, si in res ecclesiæ grassetur, in sacrilegium
abit; de quo supra actum. Can. 2. Causs.
XXIII. quest IV.*

o) *Seu dolosa hominis liberi vel servi alieni asportatio
aut suppressio; ejus si quis convictus fuerit,
morte moriatur, (cap. 1. de furo) non quod Ec-
clesia hanc pœnam statuatur, sed quod a judice
secu-*

seculari infligendam esse judicet. Conf. cit. Cod. *ibid.* sect. XIII. rubr. Menschenraub.

- p) Quem quantitas a furto discernit; nam qui unum suum surripuerit, ut fur coercetur, qui gregem, ut abigeus. Can. 191 Dist. 1. de pœnit.
- q) Hodie dolosus incendiarius ab Episcopo excommunicandus est, a solo Papa absolvendus, si damno prius resarcito juret, se non ulterius ignem suppositurum. cap. 19 de sent. excom. Si mortuus fuerit impœnitens, ecclesiastica sepultura carebit. Cap. 5. de raptor Conf. cit. Cod. *ibid.* sect. XVII. rubr. Vorsätzliche Brandstiftung.
- 4) Usura: seu *lucrum ultra sortem solo mutui titulo acceptum*, r) huic
- a) ipsum Jus naturæ contradicit, quod dati et accepti æqualitatem exigit,
- b) et lex divina positiva refragatur. s)
- c) Inde mirum non est, graves in eam dictas fuisse pœnas; t)
- d) a quibus tamen *contractus fœnebres* eximuntur, u)
- e) si quidem per eos lex *charitatis* non negligatur. v)
- r) Alia aliis *usura* definitio præplacet; ajunt nempe: *usuram rem esse, quam creditor a debitore pro usu sortis et quantitatis non quidem ex mutuo, quod gratuitum esse debet, sed ex contractu oneroso, qui mutuo adjicitur, et fœnus vocatur, exigit.* Inde concludunt 1) quod, si ut ejusmodi contractus nec officiis erga alios perfectis, nec imperfectis repugnat, ita quoque omnes usuræ indistinctim prohiberi haud possint; 2) et si quando

quando Patres, Pontifices, Concilia omnes usuras indiscriminatim damnare videantur, id de usuris solummodo *immoderatis* ac *illegitimis* intelligi, et explicari debeat. Nemo non videt, concedi ejusmodi conclusiones ut genuinas possent, quin nostræ ab his diversæ, et ex diversa usuræ definitione promanantes quidpiam de logica sua veritate amittant.

5) Exod. XXII. 25. Deuter. XXIII. 19. 20. Levit. XXV. 36. Ezech. XVIII. 5. Luc. VI. 35.

6) Quæ in Decretal. Gregor. et in 6. tit. de usur legantur.

7) Quibus nempe sibi creditor ob *lucrum cessans*, *damnum emergens*, et *periculum sortis amittenda* pro concessio pecuniæ usu moderatum pretium a debitore stipulatur. Ratio eadem est, quam adversarii *præced. not. r. conclus. 1.)* produxerunt.

8) Lex nempe ea, quæ pauperibus gratuito mutuum dare jubet, et ne ab aliis fœnus aut *illegitimum*, aut *modo inhumano* exigatur, prohibet. Fœnus vero *illegitimum* illud nobis est: quod *mensuram* legi us *præscriptam* excedit. Mensura hæc non ubique locorum, nec pro omnibus creditorum classibus eadem est. Vid. Pehem §. 131. Quantam Legislatores nostri præscripserint: quasve in ejus transgressores pœnas decreverint, in cit. Cod. P. I. tit. XI. sect. VII. rubr. *Ucher* videri potest.

IV. Quartam classem delictorum constituunt

1) Crimina carnis; inter quæ occurrit

a) *fornicatio: x)*

Part II.

C c

b) *stu-*

- b) stuprum: y)
- c) concubinator: z)
- d) adulterium: a)
- e) incestus: b)
- f) sacrilegium: c)
- g) sodomitia: d)

x) In iure canonico denotat fornicatio *concubitus naturalis solui cum soluta meretrice*: (Gratiani. post can. 2. Caus. XXXVI. quest. I) cuius nempe publice venalis est turpido. Can. 16. Dist. 34. Huius flagitii reus septem annorum poenitentia olim injuncta fuit. S. Basiliius Can. 59.

y) Id generatim sumtum ex ejusdem Gratiani sententia concubitus est inter solum et solutam extraneam virginem, vel viduam honeste viventem: in specie vero eundem concubitus mediis libertatem famina adimentibus obrentum denotat. Jus canonicum de priore legem mosaicam (Exod. XXII. 16.) repetens constituit: ut stuprator, quam stupravit, uxorem habeat, (cap. 2. de adult.) aut si per extremam contumaciam ad hoc adigi nequeat, in subsidium corporaliter castigatus, excommunicatusque in monasterium detrudatur. Cap. 2. ibid. At aliter jam jus nostrum civile de stupratoribus in genere, et in specie si dolus aut violentia accesserit, disposuit cit. Cod. P. II. tit. XX. sect. XII. rubr. *Verführung, Nothzucht.*

z) Sapius iteratus concubitus inter personas matrimonio ecclesiastico sibi non conjunctas, cohabitantes Concubinator dicitur; estque alius temporarius seu dividuus, alius perpetuus seu individuus. Hic obtinet, si 1) pars utraque soluta sit; 2) fides (mutua, et clandestina.

tine sibi data, accedat, quod nec alteri se
 jungere; nec a procreatione sobolis ve-
 lint abhorrere; 3) propositum tandem us-
 que ad mortem in ea vitæ conjunctione ma-
 nendi adveniat: ille vero, ubi unum alte-
 rumve horum trium defuerit. Concubinatus
perpetuus a matrimonio *clandestino* haud dif-
 fert: iisdem ergo, quibus matrimonia clan-
 destina, sanctionibus et pœnis ecclesiasticis
 subiacet. Concil. *Trident. Sess. XXIV. cap. 1. de reform. marrim.* Concubinatus vero *tem-
 porarius*, quia nec clandestini matrimonii na-
 turam imitatur, sed potius aut fornicatio-
 nem, (*præced. not. x.*) aut stuprum, (*præced.
 not. y.*) aut adulterium iteratum involvit, et
 divortiorum licentiæ summopere favet, quæ
 omnia legi divinæ aperte adversantur, dig-
 nus excommunicationis censura iudicatus est.
 Concil. *Trident. Sess. XXV. cap. 14. de re-
 form.*

a) Quod nobis est concubitus inter personas non
 conjuges, quarum saltem alterutra est matri-
 monio juncta: unde adulterii simplicis et du-
 plicati divisio descendit. Hujus criminis reis
 antiqui canones quindecim aut triginta anno-
 rum pœnitentiam imponunt S. Basilius
can. 7 §8. Clericis vero adulteris nec in fi-
 ne tribuendam esse communionem statuunt.
 Concil. *Illiberit. can. 18.* Pro foro externo ad-
 ulteri laici excommunicantur. *cap. 6 de adult.*
 Clerici depositione ab officio, incarceratione,
 infamia plectuntur, et inter laicos agere pœ-
 nitentiam coguntur. *Can. 10. seq. Dist. 81.*
Conf. cit. Cod. ibid. rubr. Ehebruch.

b) Incestus est concubitus inter personas ob consan-
 guinitatem vel affinitatem veram et carnalem
 jungi vetitas. Gratian. *post can. 2. Caus.
 XXXVI. quest. 1.* Incestuosi excommuni-
 cantur,

cantur, (*can. 9. Caus. XXXV. quæst. III.*) Clerici insuper deponuntur, et decem annorum pœnitentiæ subjiçiantur, si (*can. 5. Dist. 82.*) qua peracta ab Episcopo restitui possunt. *Cap. 4. de Judic. Conf. cit. Cod. cit. loc. rubr. Blutschande.*

c) *Conf. præced. n. II. 4.* Hoc loco denotat concubitum religiosi professi, vel Clerici in sacris constituti cum femina soluta: aut monialis per castitatis votum Deo consecrata cum masculino soluto. Jure canonico sacrilegus corruptor, si laicus est, excommunicatur: si clericus, deponitur, et ad pœnitentiã perpetuo agendam ad monasteriũ condemnatur: ipse vero monialis corrupta in ætius monasterium pariter detruditur. *Can. 6. 28. Caus. XXVII. quæst. I.*

a) Quæ est omnis libidinis extinctio, alia viã, quam qua natura monstrat, facta. Has libidinum furias exercentibus nec in fine dandam communionem *Veteres* decreverunt. Concil. *Illiberit. can. 71.* Hodierni canones laicos his spurcitiis inquinatos excommunicationi subdunt, et a cetero fidelium penitus excludunt: *cap. 4. de excess. prælat.* Clericos autem degradatos, curiæ seculari puniendos tradi jubent. *Leo X. Const. Supernæ. Pius V. Const. Cum primum. et Const. Horrendum.* *Conf. cit. Cod. ibid. rubr. Unnatürliche Sünden.*

2) Quæ ad carnis delicta viam et occasionem præbent. Sunt vero

a) *Lenocinium: e)*

b) *Raptus. f)*

e) Per

e) Per istud intelligimus omne factum, quo quis prostitutionem alienæ pudicitie adjuvat. Leges ecclesiasticæ fere in nullum crimen severius animadvertabant, quam in hoc, et omnium iudicio recte quidem. Igitur qui, quæve fidelis lenocinium exercuerit, eo quod alienum vendiderit corpus vel potius suum, placuit, eos nec in fine accipere communionem. Concil. Illiberit. can. 12. 70. Dignæ lectu sunt leges civiles adversus lenones in Cod. cit. *ibid.* rubr. Gemeine Hurerey promulgata.

f) *Raptus*, de quo *preced. cap. II. §. IV. n. III. 4.* inter impedimenta matrimonii mentio facta est, differt a *raptu* inter crimina carnis numerando in eo, quod ille animo *matrimonium ineundi*: hic vero intentione *libidinem explendi* fiat. Sileo pœnas ab antiquis canonicis in raptos statutas, (de quibus Riegger §. 59.) quod pleræque in desuetudinem abierint. Novissime quid Concilium *Tridentinum* et jura nostra civilia circa raptos decreverint, ex illius *Sess. XXIV. cap. 6. de re-form. matrim.* et horum cit. Cod. cit. *loc. Sect. XIII. rubr.* Entführung videri potest.

V. Claudunt criminum agmen delicta Clericis propria, quo inter cetera

- a) sollicitatio ad turpia in sacramentali confessione; g)
- b) apostasia tum irregularitatis tum obedientiæ; h)
- c) furtiva ordinum susceptio: i)
- d) promotio per saltum: k)
- e) exercitium ordinum tum suspensorum, tum non susceptorum pertinent. l)

g) Hac execrabile magis crimen concipi vix potest. Quare ut illud Pontifices impendant, caverunt: ut omnes locorum Ordinarii, alique, ad quos pertinet, contra omnes et singulos sacerdotes quomodolibet exemptos, qui inhonesta et turpia in actu sacramentalis confessionis, sive antea, sive post immediate, sive inter se, sive cum aliis perpetranda sollicitant, tanquam de heresi valde suspectos procedant, et precedente degradatione, secularis iudicis arbitrio puniendos, curiæ tradant; utque eodem modo procedatur contra confessarios, qui suos pœnitentes, quos noverint ab aliis fuisse sollicitatos de obligatione gravissima denunciandi sollicitantes admonere negligunt. Gregorius XV. *Const. Universi*. Benedictus XIV. *Constit: Sacramentum pœnitentiæ. de an. 1741. etc.* Exstat præterea S. Inquisit. de an. 1745. 5. Aug. decretum saltem semel in anno Religiosis prælegendum, vi cuius sollicitantes Confessarii etiam inhabilitatem perpetuam ad Sacrificii Missæ celebrationem incurrunt. Dicatur hic loci de *absolutione complicitis* sane inter delicta Clericis propria computanda.

h) Illa est *transitus Clerici post susceptos SS. Ordines a statu clericali ad laicalem*: hæc vero *derelictio ordinis religiosi post professionem absque animo redeundi*. Illam adtentantes censuris hodie ecclesiasticis ad habitum resumendum compellendi, (*cap. 3. de apostas.*) et si post trinam monitionem Episcopi se non emendaverint, privilegio fori et canonis privandi sunt. *Can. 23 Causs. XXVII. quæst. IV. cap. 25 de sent. excomm.* Hujus autem reus monachus religionis suæ desertor amittit omnia privilegia ordinis sui, (*Concil. Trident. Sess. XXV. cap. 19. de regular.*) incurrit suspensionem

nem ordinum in religione susceptorum, et sub gravi custodia coerceri permittitur, *cap. 5. de apost.* Postremo tamen effectui jura civilia nostra et consuetudines non favent.

2) Quinam illius rei sint, quasve pœnas incurrent, vid. apud Riegger §. 535. Conf. *præced. cap. I. §. I. n. III. 2.)*


k) Vid. Idem §. 536.

l) Idem §. 537. 538. Benedictus XIV. *Constit. Sacerdos.* Conf. *præced. cap. I. cit. loc. n. 3.)*

NON

NON NULLA ERRATA CORRIGENDA.

P. I.	pag.	lin.	lege.
	14	— 34	<i>cap.</i> <i>can.</i>
	16	— 13	<i>cap.</i> <i>can.</i>
	16	— 14	<i>dist. 28.</i> <i>dist. 38.</i>
	16	— 14	<i>C. 21.</i> <i>C. 2. de ref.</i>
	16	— 15	<i>ead. Sess. C. 8. 16.</i> <i>deleatur.</i>
	16	— 15	<i>C. 1.</i> <i>C. 1. 2. de ref.</i>
	21	— 9	<i>litterariae</i> <i>litteraria</i>
	61	— 7	<i>refractorios</i> <i>refractorios.</i>
	72	— 20	<i>Imperatorum</i> <i>Imperatorem.</i>
	75	— 24	<i>consistorialis</i> <i>consistoriales.</i>
	82	— 28	<i>Papalam</i> <i>Papalem.</i>
	91	— 25	<i>XXXXVII.</i> <i>CXXXVII.</i>
	92	— 18	<i>abusum</i> <i>abusuum.</i>
	99	— 7	<i>not. 2.</i> <i>not. b.</i>
	183	— 1	<i>&</i> <i>ut.</i>
	192	— 16	<i>Domino</i> <i>Dominio.</i>
	192	— 27	<i>Dominum</i> <i>Dominium.</i>
	196	— 24	<i>veteri</i> <i>veteri.</i>



45.

28416/28272

Biblioteka Jagiellońska



stdr0024438

